

*L. 8. 24 M. Tullii Ciceronis*

ORATIONUM  
SELECTARUM

L I B E R,

~~Z. 13, 14 Z. 15 57~~

Editus in usum Scholarum  
Hollandiæ & West-Frisiæ:

EX DECRETO.

*Illustriss. D. D. Ordinum ejusdem Provincie.*



L O N D I N I,


Impressus R. Chiswell, A. & J. Church-  
hill, S. Smith, B. Walford, M. Wor-  
ren, & G. Conyers. 1790.

ORATIONUM

SELECTARUM

B. E. R.

LIBRARY OF THE  
UNIVERSITY OF CAMBRIDGE



C



---

---

A D  
LECTOREM.

**I**N hac nova orationum Ciceronis  
seleccione, qua Mandato illu-  
striss. D. D. Ordinum facta  
est, idem praestitimus, Benevole  
Lector, quod in Epistolis; nempe, ut,  
perlustratis diligenter omnibus, eas  
excerperemus, quarum lectio juventuti  
plurimum esset profutura, sive ob For-  
mularum elegantiam, sive ob rerum  
sententiarumque momenta, sive deni-  
que ob oratorii artificii applicationem.  
Quum vero eos, qui in epistolis su-  
pradiſtis initiati sunt, in eloquentiae  
patris Orationibus plane perpetuoque  
esse hospites, inconueniens sit: ideo  
harum usus ut cum illarum conjunge-  
retur in ditionis hujus scholis, merito  
fuit consultum.

## ADVERTISEMENT.

**N**Omenclatura trilinguis Anglo-Latino- Græca : Or a short Vocabulary, English, Latin, and Greek, containing Nouns Substantive, and Adjective with their Gender and Declension, Verbs with their several Conjugations, with the quantities of all doubtful Syllables : To which is added a Collection of witty Proverbs and Examples of the five declensions of Nouns, and for declining Greek Nouns. The Fourth Edition carefully Revised and Corrected. And contains many hundred words more than any other Book of that kind. Recommended by several Eminent Schoolmasters in London and the Country. Sold by G. Conyers, at the Ring in Little-Brittain.

## ORATIO I.

Quæ est pro

*Aulo Licinio Archia Poeta.*

### Argumentum.

Syllanus & Carbo legem tulerant, ut ii Cives Romani haberentur, qui adscripti essent fœderatis civitatibus & domicilium in Italia, tum cum lex ferebatur, habuissent, ac intra 60 dies apud Prætores professi essent. Hac lege adductus Gracchus quidam, Archiam Poetam in iudicio accusavit, quod in urbe se pro Cive gereret, cum non esset Civis. Negavit enim Archiam adscriptum esse fœderatis civitatibus, & tempore legis latæ a Syllano & Carbone in Italia domicilium habuisse, ac apud Prætores professum esse. Cicero cum unice diligeret Poetam, hac Oratione ipsum in magna frequentia & concursu hominum literatorum, defendit. Ac primum comprobat Archiam legitimum civem esse, cum Heracles & aliis civitatibus adscriptus sit, & tum, cum lex ferebatur, domicilium in Italia habuerit, ac denique apud Prætores professus sit. Deinde, cum causa per se tenuis sit, digreditur in locum communem de studiis literarum, ac in laudationem Archiæ: quibus persuadet iudicibus, Archiam, etiamsi non esset civis, cum sit tamen propter eruditionem & merita erga populum Romanum, in urbem adsciscendum esse. Et quia in publico iudicio novum & ineptum

batur. laudare studia literarum, ac personam, excusat se Cicero in exordio, quod novum dicendi genus in forum adferat, alienum à consuetudine judiciorum. Genus orationis judiciale est: Status verò conjecturalis, an Archias sit civis. Hoc confirmat a testibus, & objecta dissolvit.

**S**iquid est in me ingenii, judices, quod sentio quàm sit exiguum; aut si qua exercitatio dicendi, in qua me non inficior mediocriter esse versatum; aut si hujusce rei ratio aliqua ab optimarum artium studiis & disciplina profecta, à qua ego nullum confiteor ætatis meæ tempus abhorruisse; earum rerum omnium vel imprimis hic A. Licinius fructum à me repetere prope suo jure debet: Nam quoad longissime potest mens meæ respicere spacium præteriti temporis, & pueritiæ memoriæ recordari ultimam, inde usque repetens, hunc video mihi principem & ad suscipiendam & ad ingrediendam rationem horum studiorum extitisse. Quod si hæc vox, hujus hortatu præceptis que conformata, nonnullis aliquando salutis fuit: à quo id accepimus quo cæteris opitulari & alios servare possemus, huic profectò ipsi, quantum est situm in nobis, & opem & salutem ferre debemus. Ac ne quis à nobis hoc ita dici fortè miretur, quod alia quædam in hoc facultas sit ingenii, neque hæc dicendi ratio aut disciplina: nonne nos quidem huic cuncti studio penitus unquam dediti fuimus. Etenim omnes artes, quæ ad humanitatem pertinent, habent quoddam commune vinculum; & quasi cognatione quadam inter se continentur. Sed nè cui vestrum mirum esse videatur, me in quæstione legitima, & in judi-

iudicio publico, cum res agatur apud prætorem  
 populi Romani lectissimum virum, & apud seve-  
 rissimos iudices, tanto conventu hominum, ac  
 frequentia, hoc uti genere dicendi, quod non  
 5 modo à consuetudine iudiciorum, verum etiam à  
 forensi sermone abhorreat: quæso à vobis, ut in  
 hac causa mihi detis hanc veniam accommoda-  
 tam huic reo, vobis, quemadmodum spero, non  
 molestat, ut me pro summo poeta, atque eru-  
 10 ditissimo homine dicentem, hoc concursu ho-  
 minum literatissimorum, hac vestra humanitate,  
 hoc denique Prætoris exercentis iudicium, pa-  
 tiamini de studiis humanitatis ac literarum paulò  
 loqui liberius: & in ejusmodi persona, quæ  
 15 propter otium ac studium minimè in iudiciis pe-  
 riculisque tractata est, uti propè novo quodam  
 & multato genere dicendi. Quod si mihi à vo-  
 bis tribui concedique sentiant, perficiam professò,  
 ut hunc A. Licinium non modò non legeran-  
 20 dum, cum sit civis, à numero civium; verum  
 etiam, si non esset, putetis adsciscendum fuisse.  
 Nam, ut primùm ex pueris excessit Archias, at-  
 que ab iis artibus, quibus ætas puerilis ad huma-  
 nitatem informari solet, se ad scribendi studium  
 25 contulit. Primùm Antiochiæ (nam ibi natus est,  
 loco nobili & celebri quondam urbe, & copiosâ,  
 atque eruditissimis hominibus, liberalissimisque  
 studiis affluenti) celeriter antecessere omnibus  
 ingenii gloriâ contigit. Post in cæteris Asiæ par-  
 30 tibus, cunctâque Græciâ, sic ejus adventus cele-  
 brabatur, ut famam ingenii, expectatio hominis,  
 expectationem ipsius adventus, admiratiôque,  
 superaret. Erat Italia tunc plena Græcarum  
 artium, ac disciplinarum; studiaque hæc & in  
 35 Latio vehementius tum colebantur, quàm nunc  
 illidem in oppidis; & hic Romæ propter tran-  
 A 4 quilitatem

quillitatem reipubl. non negligebantur. Itaque  
 hunc, & Tereantini, & Rhegini, & Neapolitani  
 civitate cæterisque præmiis donârunt; & omnes,  
 qui aliquid de ingeniis poterant judicare, cogni-  
 tione atque hospitio dignum existimârunt. Hac  
 tantâ celebritate famæ, cum esset jam absentibus  
 notus, Romam venit, Mario consule & Catulo.  
 Nactus est primùm consules eos, quorum alter res  
 ad scribendum maximas, alter cum res gestas,  
 tum etiam studium atque aures adhibere posset. 10  
 Statim Luculli, cum prætextatus etiam tum Ar-  
 chias esset, eum domum suam receperunt. Sed  
 enim hoc non solum ingenii, ac literarum, verum  
 etiam naturæ, atque virtutis fuit, ut domus quæ  
 hujus adolescentiæ prima fuerit, eadem esset sa- 15  
 miliariissima senectuti. Erat temporibus illis ju-  
 cundus Q. Metello illi Numidico & ejus Pio filio:  
 audiebatur à M. Æmilio; vivebat cum Q. Ca-  
 tulo, & patre, & filio: à L. Crasso colebatur.  
 Lucullos verò, & Drusum & Octavios, & Cato- 20  
 nem, & totam Hortensiorum domum devinctam  
 consuetudine cum teneret, afficiebatur summo  
 honore, quod cum non solum colebant, qui ali-  
 quid percipere aut audire studebant, verum et-  
 tiam, siqui fortè simulabant. Interim satis longo 25  
 intervallo, cum esset cum L. Lucullo in Ciliciam  
 profectus, & cum ex ea Provincia cum eodem  
 Lucullo decederet, venit Heracleam. Quæ cum  
 esset civitas æquissimo jure, ac scedere, ascribi se  
 in eam civitatem voluit: idque cum ipse per se 30  
 dignus putaretur; tum auctoritate & gratiâ Lu-  
 culli ab Heracliensibus impetravit. Data est ci-  
 vitas Syllani lege & Carbonis, *Si qui fœderatis*  
*civitatibus a scripti fuissent, si tum, cum lex fere-*  
*batur, in Italia domicilium habuissent; & si sex-* 35  
*aginta diebus apud Prætorem essent professi.* Cum  
 hic

hic domicilium Romæ multos jam annos haberet ;  
 professus est apud Prætorem Q. Metellum familia-  
 rissimum suum. Si nihil aliud, nisi de civitate ac  
 lege, dicimus, nihil dico amplius : causa dicta  
 5 est. Quid enim horum infirmari, Gracche, po-  
 test ? Heracleæne esse eum ascriptum negabis ?  
 adest vir summa auctoritate, & religione, & fide,  
 L. Lucullus, qui se non opinari, sed scire ; non  
 audisse, sed vidisse ; non interfuisse, sed egisse  
 10 dicit. Adsunt Heraclienses legati, nobilissimi  
 homines, qui hujus judicii causâ, cum mandatis,  
 & cum publico testimonio venerunt ; qui hunc  
 adscriptum Heracliensem dicunt. Hic tu tabulas  
 desideras Heracliensium publicas, quas Italico  
 15 bello, incenso tabulario, interiisse scimus omnes.  
 Est ridiculum, ad ea quæ habemus, nihil dicere :  
 querere quæ habere non possumus : & de ho-  
 minum memoria tacere, literarum memoriam  
 flagitare : & cum habeas amplissimi viri religio-  
 20 nem, integerrimi municipii jusjurandum, fidem-  
 que, ea, quæ depravari nullo modo possunt, re-  
 pudare ; tabulas, quas idem dicis solere cor-  
 rumpi, desiderare. An domicilium Romæ non  
 habuit is, qui, tot annis ante civitatem datam,  
 25 sedem omnium rerum ac fortunarum suarum  
 Romæ collocavit ? At non est professus ? immò  
 verò iis tabulis professus, quæ solæ ex illa pro-  
 fessione, collegioque Prætorum, obtinent pub-  
 licarum tabularum auctoritatem. Nam cum  
 30 Appii tabulæ negligentius asservatæ dicerentur,  
 Gabinii, quamdiu incolumis fuit levitas, post  
 damnationem calamitas, omnem tabularum fidem  
 resignasset, Metellus homo sanctissimus, mo-  
 destissimusque omnium, tanta diligentia fuit, ut  
 35 ad L. Lentulum prætorem, & ad judices venerit,  
 & unius nominis liturâ se commotum esse dixerit.



His igitur tabulis nullam lituram in nomen A. Licinli videtis. Quæ cum ita sint, quid est quod de ejus civitate dubitetis? præsertim cum alijs quoque in civitatibus fuerit adscriptus. Etenim cum mediocribus multis, & aut nullâ, aut humili aliquâ arte præditis gratuito civitatem in Græcia homines impertiebantur; Rheginos, credo, aut Locrenses, aut Neapolitanos, aut Tarentinos, quod scenicis artificibus largiri solebant, id huic summâ ingenii prædito gloriâ noluisse; quid? cum ceteri non modo post civitatem datam, sed etiam post legem Papiam, aliquo modo in eorum municipiorum tabulas irrepserint; hic qui nec utitur quidem illis, in quibus est scriptus, quod semper se Heraclientem esse voluit, rejicitur? Census nostros requiris scilicet. Est enim obscurum proximis censoribus, hunc cum clarissimo imperatore L. Lucullo apud exercitum fuisse: superioribus, cum eodem quaestore fuisse in Asia: primis Julio & Crasso, nullam populi partem esse censam. Sed quoniam census non jus civitatis confirmat, ac tantummodo indicat, eum, qui sit census, ita se jam tum gessisse pro cive: iis temporibus, quæ tu criminaris, nè ipsius quidem judicio, in eum civium Rom. jure esse versatum: & testamentum sæpe fecit nostris legibus, & adiit hæreditates civium Rom. & in beneficiis ad ærarium delatus est à L. Lucullo Prætorè & Consule. Quære argumenta si qua potes: nunquam enim hic neque suo, neque amicorum judicio revincetur. Quæres à nobis, Gracche, cur tantopere hoc homine delectemur; quia suppeditat nobis, ubi & animus ex hoc forensi strepitu reficiatur, & aures convitio defessæ conquiescant. *An tu existimas, aut suppetere nobis posse, quod quotidie dicamus in tanta*  
*varie-*

varietate rerum, nisi animos nostros doctrinâ exco-  
 lamus; aut ferre animos tantam posse consensionem,  
 nisi eos doctrinâ eadem relaxemus? Ego verò fa-  
 teor, me his studiis esse deditum: ceteros pu-  
 5 deat, si qui ita se literis abdiderunt, ut nihil  
 possint ex his neque ad communem asferre fru-  
 ctum, neque in aspectum lucemque proferre. Me  
 autem quid pudeat? quis tot annos ita vixi, iudi-  
 ces, ut ab illis nullo me unquam tempore, aut  
 10 commodum, aut otium meum abstraxerit; aut  
 voluptas avocârit, aut denique somnus retardârit.  
 Quare quis tandem me reprehendat, aut quis  
 mihi jure succenseat, si quantum ceteris ad suas  
 res obeundas, quantum ad festos dies ludorum ce-  
 15 lebrandos, quantum ad alias voluptates, & ad  
 ipsam requiem animi & corporis conceditur tem-  
 poris, quantum alii tribuunt intempestivis con-  
 vivis, quantum denique alex, quantum pilæ;  
 tantum mihi egomet ad hæc studia recolenda  
 20 sumpsero? Atque hoc adedò mihi contedendum  
 est magis: quod ex his studiis hæc quoque crescit  
 oratio & facultas: quæ quantacunque in me est  
 nunquam amicorum periculis defuit. Quæ si cui  
 levior videtur; illa quidem certè, quæ summa  
 25 sunt, ex quo fonte hauriam, sentio. Nam nisi  
 multorum præceptis multisque literis mihi ab  
 adolescentia suavissem, nihil esse in vita magno-  
 pere expetendum, nisi laudem atque honesta-  
 tem; in ea autem prosequenda omnes cruciatus  
 30 corporis, omnia pericula mortis atque exilii,  
 parvi esse ducenda: nunquam me pro salute ve-  
 stra in tot & tantas dimicationes, atque in hos  
 profligatorum hominum quotidianos impetus ob-  
 jecissem. Sed pleni omnes sunt libri, plenæ sa-  
 35 pientum voces, plena exemplorum vetustas;  
 quæ jacerent in tenebris omnia, nisi literarum  
 lumen

lumen accederet. Quam multas nobis imagines, non solum ad intueudum, verum etiam ad imitandum, fortissimorum virorum expressas, scriptores, & Græci, & Latini reliquerunt; quas ego mihi semper in administranda repub. proponens, animum & mentem meam ipsa cogitatione hominum excellentium conformabam. Quæret quispiam: Quid? illi ipsi summi viri, quorum virtutes literis proditæ sunt istane doctrinæ, quem tu laudibus effers, eruditi fuerunt; Difficile est hoc de omnibus confirmare; sed tamen est certum, quid respondeam. Ego multos homines excellenti animo ac virtute fuisse, & sine doctrina, naturæ ipsius habitu prope divino, per seipsos, & moderatos, & graves extitisse fateor: etiam illud adjungo, sæpius ad laudem atque virtutem, naturam sine doctrina, quam sine natura valuisse doctrinam. Atque idem ego contendendo, cum ad naturam eximiam atque illustrem accesserit ratio quædam confirmatioque doctrinæ; tum illud nescio quid præclarum ac singulare solere existere: ex hoc esse hunc numero, quem patres nostri viderunt, divinum hominem Africanum; ex hoc C. Lælium, L. Furium, modestissimos homines, & continentissimos: ex hoc fortissimum virum, & illis temporibus doctissimum, M. Catonem illum senem: qui profecto, si nihil ad percipiendam colendamque virtutem literis adjuvarentur, nunquam se ad earum studium contulissent. Quod si non hic tantus fructus ostenderetur, & si ex his studiis delectatio sola peteretur: tamen, ut opinor, hanc animi remissionem humanissimam ac liberalissimam judicaretis. Nam ceteræ neque temporum sunt, neque ætatum omnium, neque locorum. *Hæc studia adolescentiam alunt, senectutem oblectant.*

oblectant, secundas res ornant, adversis perfugium  
ac solatium præbent; delectant domi, non impedi-  
unt foris: pernoctant nobiscum, peregrinantur, ru-  
sticantur. Quod si ipsi hæc neque attingere, ne-  
que sensu nostro gustare possemus; tamen ea mi-  
rari deberemus, etiam cum in aliis videremus.  
Quis nostrum tam animo agresti ac duro fuit, ut  
Roscii morte nuper non commoveretur; qui cum  
esset senex motuus, tamen propter excellentem  
artem, ac venustatem, videbatur omnino mori  
non debuisse. Ergo ille corporis motu tantum  
amorem sibi conciliarat à nobis omnibus: nos  
animorum incredibiles motus celeritatemque in-  
geniorum negligemus; Quoties ego hunc Ar-  
chiam vidi, iudices (utar enim vestram benigni-  
tatem: quoniam me in hoc novo genere dicendi  
tam diligenter attenditis) quoties ego hunc vidi,  
cum literam scripsisset nullam, magnum numerum  
optimorum versuum de his ipsis rebus, quæ tum  
agerentur, dicere ex tempore; quoties revoca-  
tum eandem rem dicere commutatis verbis atque  
sententiis; quæ vero accuratè cogitatæque scrip-  
sisset, ea sic vidi probari, ut ad veterum scrip-  
torum laudem pervenirent. Hunc ego non dili-  
gam? non admirer? non omni oratione defen-  
dendum putem? Atqui sic à summis hominibus  
eruditissimisque accepimus, ceterarum rerum  
studia, & doctrina & præceptis, & arte constare;  
poetam natura ipsa valere, & mentis viribus  
excitari, & quasi divino quodam spiritu afflari.  
Quare suo jure noster ille Ennius sanctos appel-  
lat poetas, quod quasi deorum aliquo dono at-  
que munere commendati nobis esse videantur.  
Sit igitur, iudices, sanctum apud vos humanis-  
simos homines hoc poetæ nomen, quod nulla un-  
quam barbaria violavit. Saxa & solitudines voce  
responde-

respondent, bestix saepe immanes cantu fleantur atque consistunt : nos instituti rebus optimis non poetarum voce moveamur ? Homerum Colophonii civem esse dicunt suum, Chii suum vendicant, Salaminii repetunt, Smyrnaei verò suum esse confirmant : itaque etiam delubrum ejus in oppido dedicaverunt : permulti alii praeterea pugnant inter se, atque contendunt. Ergo illi alienum, quia poeta fuit, post mortem etiam expetunt : nos hunc vivum, qui & voluntate & legibus noster est, repudiabimus ? praesertim, cum omne olim studium, atque omne ingenium contulerit Archias ad pop. Rom. gloriam laudemque celebrandam. Nam & Cimbricas res adolescens attigit, & ipsi illi C. Mario, qui durior ad haec studia videbatur, jucundus fuit. *Neque enim quisquam est tam aversus à musis, qui non mandari versibus aeternum suorum laborum facile praconium patitur.* Themistoclem illum, summum Athenis virum, dixisse aiunt, cum ex eo quaereretur, quod acroama, aut cujus vocem lubentissimè audiret ? Ejus, à quo sua virtus optimè predicaretur. Itaque ille Marius item eximie L. Plotium dilexit ; cujus ingenio putabat ea, quae gesserat, posse celebrari. Mithridaticum verò bellum magnum, atque difficile, & in multa varietate terrarum marique versatum, totum ab hoc expressum est : qui libri non modo L. Lucullum, fortissimum & clarissimum virum, verum etiam populi Rom. nomen illustrant. Populus enim Rom. aperuit, Lucullo imperante, Pontum & regibus quondam opibus, & ipsa naturae regionis vallatum : populi Rom. exercitus, eodem duce, non maximam manu innumerales Armeniorum copias fudit : populi Romani laus est, urbem amicissimam Cyzicenorum, ejusdem consilio, ex omni impetu regio, ac toti-

us belli ore ac faucibus ereptam esse, atque conservatam : nostra semper feretur, & prædicabitur, L. Lucullo dimicante, cum interfectis ducibus depressa hostium classis, & incredibilis apud Tenedum pugna illa navalis : nostra sunt trophæa, nostra monumenta, nostri triumphus. Quare, quorum ingeniis hæc feruntur, ab iis populi Romani fama celebratur. Charus fuit Africano superiori noster Ennius. Itaque etiam in sepulchro  
10 Scipionum putatur is esse constitutus e marmore. At iis laudibus certè non solum ipsi qui laudantur ; sed etiam populi Rom. nomen ornatur. In Cælum hujus proavus Cato tollitur : magnus honos populi Rom. rebus adjungitur : omnes denique illi Maximi Marcelli Fulvii, non sine communi omnium nostrum laude decorantur. Ergo illum, qui hæc fecerat, Rudium hominem majores nostri in civitatem receperunt : nos hunc Heracliensem, multis civitatibus expetitur, in hac  
20 autem legibus constitutum, de nostra civitate ejiciemus ? Nam si quis minorem gloriæ fructum putat ex Græcis versibus percipi, quàm ex Latinis, vehementer errat : propterea quòd Græca leguntur in omnibus ferè gentibus ; Latina suis  
25 finibus, exiguis sanè continentur. Quare, si res hæc quas gessimus, orbis terrarum regionibus definiuntur ; cupere debemus, quò minus manuum nostrarum tela pervenerint, eodem gloriæ famamque penetrare : quod cum ipsis populis, de  
30 quorum rebus scribitur, hæc ampla sunt : tum iis certè, qui de vita, gloriæ causâ dimicant, hoc maximum, & periculorum incitamentum est, & laborum. Quàm multos scriptores rerum suarum magnus ille Alexander secum habuisse dicitur ?  
35 Atque is tamen, cum in Sigæo ad Achillis tumulo adstitisset, O fortunate, inquit, adolescens, qui



qui tuæ virtutis Homerum præconem inveneris!  
 & vere. Nam nisi Ilias extitisset illa; idem tu-  
 mulus, qui corpus ejus contexerat, nomen etiam  
 obruisset. Quid noster hic Magnus, qui cum vir-  
 tute fortunam adæquavit? nonne Theophanem;  
 Mytilenæum scriptorem rerum suarum, in con-  
 cione militum civitate donavit, & nostri illi for-  
 tes viri, sed rustici, ac milites, dulcedine qua-  
 dam gloriæ commoti, quasi participes ejusdem  
 laudis, magno illud clamore approbaverunt? ita-  
 que, credo, si civis Romanus Archias legibus non  
 esset; ut ab aliquo imperatore civitate donare-  
 tur, perficere non potuit. Sylla cum Hispanos  
 & Gallos donaret, credo, hunc petentem repu-  
 diasset. Quem nos in concione vidimus, cum  
 ei libellum malus poeta de populo subjecisset,  
 quod epigramma in eum fecisset tantummodo  
 alternis versibus longiusculis, statim ex iis rebus,  
 quas tunc vendebat, jubere ei præmium tribui,  
 sub ea conditione nè quid postea scriberet. Qui  
 sedulitatem mali poetæ duxerit aliquo tamen  
 præmio dignam, hujus ingenium, & virtutem in  
 scribendo, & copiam non expetisset? Quid à  
 Metello pio, familiarissimo suo, qui civitate mul-  
 tos donavit, neque per se, neque per Lucullos  
 impetravisset? qui præsertim usque eo de suis  
 rebus scribi cuperet, ut etiam Cordubæ natis  
 poetis pingue quiddam sonantibus, atque pere-  
 grinum, tamen aures suas dederet. Neque enim est  
 hoc dissimulandum, quod obscurari non potest,  
 sed præ nobis ferendum: *trahimur omnes laudis  
 studio, & optimus quisque maxime gloriæ ducitur.*  
 Ipsi illi Philosophi, etiam in illis libellis, quos  
 de contemnenda gloria scribunt nomen suum in-  
 scribunt: in eo ipso, in quo prædicationem no-  
 bilitatemque dispiciunt, prædicari se ac nomi-  
 nari



PRO ARCHIA POETA.

nari volunt. Decimus quidem Brutus, su-  
 ille vir, & imperator, Attii amicissimi sui  
 minibus templorum ac monumentorum aditus ex-  
 ornavit suorum. Jam vero ille, qui cum Aeto-  
 5 lis Ennio comite, bellavit Fulvius, non dubitavit  
 Martis manubias musis consecrare. Quare, in  
 qua urbe imperatores prope armati poetarum  
 nomen & musarum delubra coluerunt, in ea non  
 debent togati iudices à musarum honore & à  
 10 poetarum salute abhorrere. Atque ut id liben-  
 tius faciatis, jam me vobis, iudices, indicabo, &  
 de meo quodam amore gloriæ, nimis acri fortas-  
 se, veruntamen honesto, vobis confitebor. Nam  
 quas res nos in consulatu nostro vobiscum simul  
 15 pro salute hujus urbis atque imperii, & pro vi-  
 ta civium, proque universa rep. gessimus, atti-  
 git hic versibus, atque inchoavit. Quibus audi-  
 tis, quod mihi magna res & jucunda visa est,  
 hunc ad perficiendum hortatus sum. Nullam  
 20 enim virtus aliam mercedem laborum periculo-  
 rumque desiderat, præter hanc laudis & gloriæ:  
 quæ quidem detracta, iudices, quid est quod in  
 hoc tam exiguo vitæ curriculo, & tam brevi,  
 tantis nos in laboribus exerceamus? certè si ni-  
 hil animus præsentiret in posterum, & si quibus  
 25 regionibus vitæ spacium circumscriptum est, eis-  
 dem omnes cogitationes terminaret suas, nec  
 tantis se laboribus frangeret, neque tot curis,  
 vigiliisque angeretur, nec toties de vita ipsa di-  
 30 micaret. Nunc insidet quædam in optimo quo-  
 que virtus, quæ noctes & dies animum gloriæ  
 35 stimulis concitat, atque admonet, non cum vitæ  
 tempore esse dimittendam commemorationem nomi-  
 nis nostri; sed cum omni posteritate adæquandam.  
 An verò tam parvi animi vileamur esse omnes,  
 qui in repub. atque in his vitæ periculis labori-  
 busque

busque versamur, ut cum usque ad extremum  
 spacium, nullum tranquillum atque otiosum spi-  
 ritum duxerimus, nobiscum simul moritura om-  
 nia arbitremur? An cum statuas & imagines  
 non animorum simulacra, sed corporum, studio  
 se multi summi homines reliquerunt: consili-  
 orum relinquere, ac virtutum nostrarum effigi-  
 em nonne multò malle debemus, summis ingeniis  
 expressam, & politam? Ego verò omnia, quæ  
 gerebam, jam tum in gerendo spargere me ac 10  
 disseminare arbitrabar in orbis terræ memoriā  
 sempiternam. Hæc verò sive à meo sensu post  
 mortem absiurura sunt, sive ut sapientissimi ho-  
 mines putaverunt, ad aliquam animi mei par-  
 tem pertinebunt, nunc quidem certè cogitati- 15  
 one quadam spèque delector. Quare conserva-  
 te iudices, hominem pudore eo, quem amico-  
 rum studiis videris comprobari, tum dignitate,  
 tum etiam venustate; ingenio autem tanto, quan-  
 tum id convenit existimari, quod summorum 20  
 hominum ingeniis expetitur esse videatis; cau-  
 sa vero ejusmodi, quæ beneficio legis, auctori-  
 tate municipii, testimonio Luculli, tabulis Me-  
 telli comprobetur. Quæ cum ita sint, petimus  
 à vobis, iudices, si qua non modò humana, ve- 25  
 rum etiam divina in tantis negotiis commenda-  
 tio debet esse; ut eum, qui vos, qui vestros  
 imperatores, qui populi Romani res gestas sem-  
 per ornavit, qui etiam his recentibus nostris  
 vestrisque domesticis periculis æternum se t. sti- 30  
 monium laudum daturum esse profitetur; quique  
 est eo numero, qui semper apud omnes sancti  
 sunt habiti atque dicti: sic in vestram accipiatis  
 fidem, ut humanitate vestrâ levatus potius, quàm  
 acerbitate violatus esse videatur: Quæ de causa, 35  
 pro mea consuetudine, breviter simpliciterque  
 dixi,

dixi, iudices, ea confido probata esse omnibus: quæ non fori, neque judiciali consuetudine, & de hominis ingenio, & communiter de ipsius studio locutus sum, ea, iudices, à vobis spero esse in bonam partem accepta: ab eo, qui iudicium exercet, certò scio.

## ORATIO II.

Quæ est pro

M. MARCELLO.

Ant. Luschii Argumentum.

M. Marcellus civis Romanus, amplissimus atque clarissimus in dissensione civili fuit cum Pompeio, quemadmodum & Cicero cum multis aliis Senatoribus, civibusque Rom. Confecto autem bello, Cæsar victor multos ex inimicis suis, fautoribusque Pompeii, in patriam restituit, & ad pristinam dignitatem, inter quos Ciceronem: & postmodum deprecante senatu, populoque Rom. restituit & Marcellum, & ad patriam & ad pristinam dignitatem: non obstante quòd Marcellus Cæsarem offendisset, & quòd Cæsar adhuc suspicari se diceret de voluntate Marcelli: tamen illa sua notissima benignitate suæ private voluntati, publicam anteposuit voluntatem, unde hanc Cicero orationem agit ad Cæsarem, quæ ipsum de sua illa humanitate divino propere commendat: ostendens eum esse per suam clementiam

*mentiam in restitutione Marcelli summam, atque immortalem gloriam consecutum. Deinde ostendit multis rationibus non debere Cæsarem de aliquo suspicari, & tamen eum rogat, ut pro salute publica vitam suam custodiat, sine qua nec possit dignitas reipub. nec restitui, nec servari.*

**D** iurni silentii, P. C. quo eram his temporibus usus, non timore aliquo, sed 10  
 partim dolore, partim veretundiâ, finem hodiernus dies attulit: idemque initium, quæ vellem, quæque sentirem, meo pristino more dicendi. Tantam enim mansuetudinem, tam inusitatam inauditamque clementiam, tantum in 15  
 summa potestate rerum omnium modum, tam denique incredibilem sapientiam, ac penè divinam, tacitus nullo modo præterire possum. M. enim Marcello vobis P. C. reique pub. reddito non solum illius, sed meam etiam vocem, 20  
 & auctoritatem, & vobis & reipub. conservatam ac restitutam puto. Dolebam enim, P. C. ac vehementer angebar, cum viderem virum talem, qui in eadem causâ in qua ego, fuisset, non in eadem esse fortunâ: nec mihi persuadere poteram, nec fas esse ducebam, versari me in vestro 25  
 veteri curriculo, illo æmulo atque imitatore studiorum ac laborum meorum quasi quodam socio à me & comite distracto. Ergo & mihi & meæ pristinæ vitæ consuetudinem, G. Cæsar, inter- 30  
 clusam aperuisti; & his omnibus, ad bene de omni repub. sperandum, quasi signum aliquod sustulisti. Intellectum est enim mihi quidem in multis, & maxime in meipso, sed paulò antè omnibus, cum M. Marcellum Senatui populoque 35  
 Rom. & reipub. concessisti, commemoratis præsertim

fertim offensionibus, te auctoritatem hujus ordinis, dignitatemque reipub. tuis vel doloribus vel suspicionibus anteferre. Ille quidem fructum omnibus anteaetæ vitæ hodierno die maximum cepit, cum summo consensu Senatûs, tum præterea judicio tuo gravissimo & maximo. Ex quo profectò intelligis, quanta in dato beneficio sit laus, cum in accepto tanta sit gloria. Est vere fortunatus ille, cujus ex salute non minor penè ad omnes, quàm ad illum ventura sit, lætitia pervenerit. Quod ei quidem meritò, atque optimo jure contigit. Quis enim est illo aut nobilitate, aut probitate, aut optimarum artium studio, aut innocentia, aut ullo genere laudis præstantior? Nullius tantum est flumen ingenii, nulla dicendi, aut scribendi, tanta vis, tantæque copia, quæ non dicam exornare, sed enarrare, C. Cæsar, res tuas gestas possit: tamen hoc affirmo, & hoc pace dicam tuâ; nullam in his esse laudem ampliorem, quàm eam, quàm hodierno die consecutus es. Soleo sæpe ante oculos ponere, idque libenter crebris usurpare sermonibus, omnes nostrorum imperatorum, omnes exterarum gentium, potentissimorumque populorum, omnes clarissimorum regum res gestas, cum tuis nec contentionum magnitudine, nec numero præliorum, nec varietate regionum, nec celeritate conficiendi, nec dissimilitudine bellorum posse conferri: nec verò disjunctissimas terras citiùs cujusquam passibus potuisse peragrari, quàm tuis non dicam cursibus, sed victoriis illustratæ sunt. Quæ quidem ego nisi ita magna esse fatear, ut ea vix cujusquam mens aut cogitatio capere possit, amens sim: sed rationes sunt alia majora. Nam bellicas laudes solen quidam extenuare verbis, easque detrudere ducibus

ducibus, communicare cum militibus, nè propriæ  
 sint imperatorum, & certè in armis, militum vir-  
 tus, locorum opportunitas, auxilia sociorum, classes  
 commeatus, multùm juvant; maximam verò  
 partem quasi suo jure Fortuna sibi vindicat, &  
 quidquid est prosperè gestum, id pene omne  
 ducit suum. At verò hujus gloriæ, C. Cæsar,  
 quam es paulò ante adeptus, socium habes ne-  
 minem: totum hoc, quantumcumque est, quod  
 certè maximum est, totum est, inquam, tuum. Nihil. 10  
 tibi ex istâ laude centurio, nihil præfectus, nihil  
 cohors, nihil turma decerpit. Quinetiam illa  
 ipsa rerum humanarum domina fortuna in istius  
 se societatem gloriæ non offert: tibi cedit, tuam  
 esse totam & propriam fatetur. Nunquam enim 15  
 temeritas cum sapientia commiscetur; nec ad  
 consilium casus admittitur. Domisti gentes  
 immanitate barbaras, multitudine innumerabiles,  
 locis infinitas, omni copiarum genere abundan-  
 tes: sed tamen ea vicisti, quæ & naturam, & 20  
 conditionem, ut vinci possent, habebant. Nulla  
 est enim tanta vis, tanta copia, quæ non ferro ac  
 viribus debilitari frangique possit. Verùm ani-  
 mum vincere, iracundiam cohibere, victoriam  
 temperare, adversarium nobilitate, ingenio, vir- 25  
 tute præstantem non modò extollere jacentem,  
 sed etiam amplificare ejus pristinam dignitatem;  
 hæc qui faciat, non ego eum cum summis viris  
 comparo, sed simillimum deo judico. Itaque, C.  
 Cæsar, bellicæ tuæ laudes celebrabuntur illæ 30  
 quidem non solum nostris, sed penè omnium  
 gentium literis atque linguis, neque ulla unquam  
 ætas de tuis laudibus conticescet. Sed tamen e-  
 jusmodi res, nescio quomodo, etiam, dum au-  
 diuntur, aut dum leguntur, obstrepi clamore 35  
 militum videntur, & tubarum sono. At verò,  
 cum



cum aliquid clementer, mansuete, iuste, moderate, sapienter factum, in iracundia præsertim, quæ est inimica consilio, & in victoria, quæ naturâ insolens & superba est, aut audimus, aut legimus: quò studio incendimur, non modò in gestis rebus, sed etiam in fictis? ut eos sæpe, quos nunquam vidimus, diligamus. Te verò, quæ præsentem intuemur, cujus mentem, sensusque, & os cernimus, ut, quidquid belli fortuna reliquum  
 10 reip. fecerit, id esse salvum velis, quibus laudibus efferemus? quibus studiis prosequemur? quâ benevolentia complectemur? parietes, medicus fidius, C. Cæsar, ut mihi videtur, hujus curiæ tibi gratias agere gestiunt, quòd brevi tempore  
 15 futura sit illa auctoritas in his majorum suorum, & suis sedibus. Equidem, cum C. Marcelli, viri optimi & commemorabili pietate ac virtute præditi, lachrymas modò vobiscum viderem, omnium Marcellorum meum pectus memoria effodit:  
 20 quibus tu etiam mortuis, M. Marcello conservato, dignitatem suam reddidisti, nobilissimamque familiam, jam ad paucos redactam, penè ab interitu vindicasti. Hunc tu igitur diem tuis maximis & innumerabilibus gratulationibus jure  
 25 antepones. Hæc enim res unius est propria Cæsaris: cæteræ, duce te, gestæ, magnæ illæ quidem, sed tamen multo magnoque comitatu. Hujus autem rei tu idem es & dux, & còmes, quæ quidem tanta est, ut trophæis monumentisque tuis  
 30 non ulla unquam allatura sit finem ætas. Nihil enim est opère aut manu factum, quod aliquando non conficiat & consumat vetustas. At verò hæc tua justitia & lenitas animi florescet quotidie magis, ita, ut quantum operibus tuis diuturnitas  
 35 detrahet, tantum afferat laudibus. Et cæteros quidem omnes victores bellorum civilium jam antè



antè æquitate & misericordiâ viceras, hodierno  
vero die teipsum vicisti. Vereor, ut hoc, quod  
dicam, non perinde intelligi auditu possit, atque  
ego ipse cogitans sentio. Ipsam victoriam vi-  
cisse videris, cum ea ipsa, quæ illa erat adepta, 5  
victis remisisti. Nam cum ipsius victoriæ condi-  
tione jure omnes victi occidissemus, clementiæ  
tuæ judicio conservati sumus. Rectè igitur unus  
in victus es, à quo etiam ipsius victoriæ conditio  
visque devicta est. Atque hoc C. Cæsaris judi- 10  
cium, P. C. quàm latè pateat, attendite. Omnes  
enim qui ad illa arma fato sumus nescio quo  
reipub. misero funestoque compulsi, etsi aliqua  
culpa tenemur erroris humani, à scelere certe  
liberati sumus. Nam cum M. Marcellum, de- 15  
precantibus vobis, reipub. conservavit : memet  
mihi, & item reip. nullo deprecante, reliquos  
amplissimos viros & sibi ipsis, & patriæ reddi-  
dit : quorum & frequentiam & dignitatem hoc  
ipso in confesso vedetis. Non ille hostes induxit 20  
in curiam, sed judicavit, à plerisque ignoratione  
potius & falso atque inani metu, quàm cupiditate  
aut crudelitate civile bellum esse susceptum.  
Quo quidem in bello semper de pace agendum  
audiendumque esse putavi ; semperque dolui, 25  
non modo pacem, sed orationem etiam civium  
pacem efflagitantium repudiari. Neque enim  
ego illa, nec ulla unquam secutus sum arma ci-  
vilia, semperque mea consilia pacis, & togæ socia  
non belli atque armorum fuerunt. Hominem sum 30  
secutus privato officio, non publico : tantumque  
apud me grati animi fidelis memoria valuit, ut  
nullo non modo cupiditate, sed ne spe quidem,  
prudens, & sciens tanquam ad interitum ruerem  
voluntarium. Quod quidem meum consilium 35  
minimè obscurum fuit. Nam & hoc ordine, in-  
tegrâ

tegrare, multa de pace dixi, & in ipso bello eadem etiam cum capitis mei periculo sensi. Ex quo nemo erit tam injustus rerum aestimator, qui dubitet, quæ Cæsaris voluntas de bello fuerit :  
5 cum pacis auctores conservandos statim censuerit ; cæteris fuerit iratior. Atque id minus mirum videretur fortasse tum, cum esset incertus exitus, & anceps fortuna belli. Qui verò victor, pacis auctores diligit, is profecto declarat se ma-  
10 luisse non dimicare quàm vincere. Atque hujus quidem rei M. Marcello sum testis. Nostri enim sensus, ut in pace semper, sic tum etiam in bello congruebant. Quoties ego cum, & quanto cum dolore vidi, cum insolentiam certorum ho-  
15 minum, tum etiam ipsius victoriæ ferocitatem extimescentem ? quo gratior tua liberalitas, C. Cæsar, nobis, qui illa vidimus, debet esse, non enim jam causæ sunt inter se, sed victoriæ comparandæ. Vidimus tuam victoriam præliorum  
20 exitu terminatam : gladium vaginâ vacuum in urbe non vidimus. Quos amisimus cives, eos Martis vis perculit, non ira victoriæ : ut dubitare debeat nemo, quin multos, si fieri posset, C. Cæsar ab inferis excitaret ; quoniam, ex ea-  
25 dem acie conservat, quos potest. Alterius verò partis nihil ampliùs dicam quàm id, quod omnes verebatur, nimis iracundam futuram fuisse victoriam. Quidem enim non modò armatis, sed interdum etiam otiosis minabantur : nec, quid  
30 quisque sensisset, sed, ubi fuisset, cogitandum esse dicebant : ut mihi quidem videantur dii immortales, etiamsi pœnas à populo Romano ob aliquod delictum expetiverint, qui civile bellum tantum & tam luctuosum excitaverunt ; vel  
35 placati jam, vel etiam satiati, aliquando omnem spem salutis ad clementiam victoris, & sapientiam contulisse,  
B. contulisse,

contulisse. Quare gaude tuo isto tam excellenti bono, & fruerè cùm fortunâ & gloriâ, tum etiam naturâ & moribus tuis : ex quo quidam maximus est fructus jucunditasque sapienti. cætera cùm tua recordabere, etsi per sepe virtuti, tamen ple-  
rumque felicitati tuæ congratulabere : de nobis, quos in republ. tecum simul salvos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis : quæ non modò  
summa bona, sed nimirum audebo vel sola dicere; tantus est enim splendor in laude vera, tanta in magnitudine animi & consilii dignitas, ut hæc à virtute donata, cætera à fortuna commodata esse videantur. Noli igitur in conser-  
vanda bonis viris defatigari, non cupiditate præsertim aut pravitate aliquâ lapsis, sed opinione officii, stulta fortasse, certè non improbâ, & specie quadam reipub. non enim tua ulla culpa est, si te aliqui timuerunt : contraque summa  
hæc quòd plerique minime timendum fuisse senserunt.

Nunc verò venio ad gravissimam querelam & atrocissimam s. spicionem tuam : quæ non tibi ipsi magis, quàm cùm omnibus civibus, tum  
maximè nobis qui à te conservati sumus, providenda est, quam, etsi spero esse falsam, nunquam tamen verbis extenuabo. tua enim cautio, nostra cautio est : ut si in alterutro peccandum sit, malim videri nimis timidus, quàm pa-  
rum prudens. Sed quisnam est iste tam dicens, qui scilicet tibi insidiaretur ? de tuine ? tametsi qui magis sunt tui, quàm quibus tu salutem insperantibus reddidisti ? an ex eo numero, qui unâ tecum fuerunt ? non est credibilis tantus  
in ullo furor, ut, quo duce omnia summa sit adeptus,

adeptus, hujus vitam non anteponat suæ. At, si  
tui nihil cogitant sceleris, cavendum est, nè quid  
inimici tui? omnes enim, qui fuerunt, aut suâ  
pertinaciâ vitam amiserunt, aut tuâ misericordiâ  
3 retinuerunt: ut aut nulli supersint de inimicis,  
aut qui supersuerant, amicissimi sint. Sed tamen,  
cùm in animis hominum tantæ latebræ sint, &  
tanti recessus, augeamus sanè suspicionem tuam.  
simul enim augebimus & diligentiam. Nam quis  
10 est omnium tam ignarus rerum, tam rudis in  
repub. tam nihil unquam nec de suâ, nec de  
communi salute cogitans, qui non intelligat tuâ  
salute contineri suam? & ex unius tui, vitam pen-  
dere omnium? Equidem de te dies, noctesque,  
15 ut debeo, cogitans, casus duntaxat humanos, &  
incertos eventus valetudinis, & naturæ commu-  
nis fragilitatem extimesco: doleoque, cùm res-  
pub. immortalis esse debeat, eam in unius mor-  
talis anima consistere. si vero ad humanos ca-  
20 sus, incertosque eventus valetudinis, sceleris e-  
tiam accedat insidiarumque consensio: quem  
deum, etiamsi cupiat, opitulari posse reipub.  
credamus? Omnia sunt excitanda tibi, C. Cæsar,  
uni quæ jacere sentis belli ipsius impetu, quo  
25 necesse fuit, perculsa, atque prostrata: consti-  
tuenda judicia, revocanda fides, comprimendæ  
libidines, propaganda soboles: Omnia, quæ di-  
lapsa jam fluxerunt, severis legibus vincienda  
sunt. Non fuit recusandum in tanto civili bello,  
30 tantoque animorum ardore, & armorum, quin  
quassata resp. quicunque belli eventus fuisset,  
multa perderet & ornamenta dignitatis, & præsi-  
dia stabilitatis suæ: multaque uterque Dux  
armatus faceret, quæ idem togatus fieri prohibu-  
35 isset. quæ quidem nunc tibi omnia belli vul-  
nera curanda sunt: quibus præter te mederi

nemo potest. Itaque illam tuam præclarissimam  
& sapientissimam vocem invitus audiui; satis te  
dñi vel *naturæ* vixisse, vel *gloriæ*: satis, si ita  
vis, *naturæ* fortasse: addo etiam, si placet, glo-  
riz: at, quod maximum est, patriæ certè parum. 5  
Quare omitte, quæso, istam doctorum hominum  
in contemnenda morte prudentiam. Noli nostro  
periculo sapiens esse. Sæpè enim venit ad aures  
meas, te idem istud nimis crebrò dicere, satis te  
tibi vixisse, credo; sed tum id audirem, si tibi 10  
soli viveres, aut si tibi etiam soli natus esses:  
nunc, cum omnium salutem civium, cunctamque  
remp. res tuæ gestæ complexæ sint, *tantum abes*  
*à perfectione maximorum operum, ut fundamenta,*  
*quæ cogitas, nondum jeceris.* Hic tu modum tuæ 15  
vitæ non salute reipub. sed æquitate animi defi-  
nies? quid, si istud nè gloriæ quidem tuæ satis  
est? cujus te esse avidissimum, quamvis sis sa-  
piens, non negabis. Parùmne igitur, inquires,  
gloriam magnam relinquemus? immo verò aliis, 20  
quamvis multis satis, tibi uni parùm. Quid-  
quid enim est, quamvis amplum sit, id certè  
parum est tum, cum est aliquid amplius. Quod si  
rerum tuarum immortalium, C. Caesar, hic ex-  
itus futurus fuit, ut, devictis adversariis, rem- 25  
pub. in eo statu relinqueres, in quo nunc est: vi-  
de, quæso, ne tua divina virtus admirationis plus  
sit habitura, quam gloriæ. Siquidem gloria, est  
illustris ac pervagata multorum & magnorum vel  
in suos cives, vel in patriam, vel in omne genus 30  
hominum fama meritorum. Hæc igitur tibi re-  
liqua pars est: hic restat actus: in hoc elabo-  
randum est, ut rep. constituas, eaque tu in  
primis composita, summâ tranquillitate & otio  
persuare: tum te, si voles, cum & Patriæ, quod 35  
debes, solveris, & naturam ipsam expleveris sa-  
tietate

tietate vivendi, fatis diu vixisse dicito. Quid est enim omnino hoc ipsum diu, in quo est aliquid extremum? quod cum venerit, omnis voluptas præterita pro nihilo est, quia postea nulla futura sit? Quanquam iste tuus animus nunquam his angustis, quas natura nobis ad vivendum dedit, contentus fuit, semperque immortalitatis amore flagravit. Nec verò hæc tua vita dicenda est, quæ corpore & spiritu continetur: Illa, inquam, illa vita est tua, Cæsar, quæ vigebit, memoriâ seculorum omnium, quam posteritas alet, quam ipsa æternitas semper intuebitur. Huic tu inservias, huic te ostentes oportet: quæ quidem, quæ miretur, jam pridem multa habet: nunc etiam quæ laudet, expectat. Obstupescunt posteritæ certè imperia, provincias, Rhenum, Oceanum, Nilum, pugnas innumerabiles, incredibiles victorias, monumenta, munera, triumphos audientes & legentes tuos. Sed, nisi hæc urbs stabilita tuis consiliis & institutis erit, vagabitur modò nomen tuum longè atque latè: sedem quidem stabilem & domicilium certum non habebit. Erit inter eos etiam qui nascentur, sicut inter nos fuit, magna dissensio; cùm alii laudibus ad cælum res tuas gestas efferent: alii fortasse aliquid requirent, idque vel maximum, nisi belli civilis incendium salute patriæ restinxis: ut illud fati fuisse videatur, hoc consilii. Servi igitur iis etiam iudicibus, qui multis post seculis de te iudicabunt, & quidem haud scio, an incorruptius quàm nos. Nam & sine amore & sine cupiditate, & rursus sine odio, & sine invidia iudicabunt. Id autem, etiamsi tunc ad te, ut quidem falsò putant, non pertinebit; nunc certè pertinet, te esse talem, ut tuas laudes obscuratura nulla unquam sit oblivio. Diversæ volunta-



tes civium fuerunt, distractæque sententiæ. non enim consiliis solum, & studiis, sed armis etiam, & castris diffidebamus. Erat autem obscuritas quædam, erat certamen inter clarissimos duces; multi dubitabant quid optimum esset: multi, quid sibi expediret: multi, quid deceret: nonnulli etiam, quid liceret. Perfuncta resp. est hoc misero fatalique bello: vicit is, qui non fortunâ inflammaret odium suum, sed bonitate leniret. neque omnes, quibus iratus esset, eosdem etiam exilio aut morte dignos judicaret. arma ab aliis posita, ab aliis erepta sunt. Ingratus est, injustusque civis, qui armorum periculo liberatus, animum tamen retinet armatum: ut etiam ille sit melior, qui in acie cecidit, quàm qui in causa animam profudit. quæ enim pertinacia est quibusdam, eadem aliis constantia videri potest. Sed quia jam omnis fracta dissensio est armis, & extincta æquitate victoris: restat, omnes unum velint, qui modò habent aliquid ut non solum sapientiæ, sed etiam sanitatis: nisi te, C. Cæsar, salvo, & in ista sententia, qua cum antea, tum hodie vel maximè usus es, manente, salvi esse non possumus. Quare omnes te, qui hæc salva esse volumus, & hortamur, & obsecramus, ut vitæ, ut salutis tuæ consulas: omnesque tibi, (ut pro aliis etiam loquar, quod de me ipse sentio) quoniam subesse aliquid putas quod cavendum sit, non modò excubias, & custodias, sed etiam laterum nostrorum oppositus & corporum pollicemur. Sed, ut unde est orla, in eodem terminetur oratio mea, maximas tibi omnes gratias agimus, C. Cæsar, majores etiam habemus. Nam omnes idem sentiunt, quod ex omnium precibus & lachrymis sentire potuisti. Sed, quia non est astantibus omnibus necesse dicere,



cere, à me certe dici volunt, cui necesse est quodammodo, & quod volunt, & quod M. Marcello, à te huic ordini populoq; Rom. & reip. reddito, præque id à me fieri debere intelligo. nam  
 5 lætari omnes non ut de unius solum, sed ut de communi omnium salute, sentio. Quod autem, summæ benevolentix est, quæ meâ erga illum omnibus semper nota fuit, ut vix C. Marcello optimo & amantissimo fratri, præter eum qui  
 10 dem cederem nemini; cum id sollicitudine, cura, labore tamdiu præstiterim, quamdiu est de illius salute dubitatum: certè hoc tempore magnis curis, molestiis, doloribus liberatus præstare debeo. Itaque, C. Cæsar, sic tibi gratias ego,  
 15 ut omnibus me rebus à te non conservato solum, sed etiam ornato, tamen ad tua innumerabilia in me unum merita, quod fieri jam posse non arbitrabar, maximus hoc tuo facto cumulus accesserit.

### ORATIO III.

*Quæ est pro*

### Q. LIGARIO.

*Argumentum:*

30 Quintus Ligarius civis Romanus, cum C. Confidio consule profectus est legatus in Africam, ante belli civilis principium. Deinde provincia decedente C. Confidio, Ligarius, præfectus provinciae, mansit in Africa: postea cum bellum ex-

arsisset inter Cæsarem & Pompeium. Ligarius, nullo negotio se implicari passus est, ut dicit Cicero; nam P. Accius Varus, qui Prætor Africam obtinuerat, Uticam venit & arripuit imperium ad clamorem multitudinis imperita, ad eum facto concursu: & Ligarius adventu suo quievit, sed necessitate mansit in Africa, quæ provincia contra Cæsarem tenebatur: ad quam provinciam bello ardente, L. Tubero, cum iusto imperio sibi à senatu & sorte, ut moris erat, dato venisset, eam intrare non potuit, prohibente Ligario, ut assererat ipse Tubero, unde ad Pompeium ivit in Macedoniam, & apud eum de injuria questus est, ut dicit Cicero, & cum eo fuit in bello civili: quo bello finito, Cæsar victor Tuberoni & multis aliis patriam restituit: sed Ligarius exulabat, domi manentibus duobus fratribus Ligarii, qui cum Cæsare semper fuerant; & cum Q. Tubero filius L. Tuberonis Ligarium apud Cæsarem accusavisset, quod contra Cæsarem fuisset in Africa, quodque ipsum eum patre suo provinciâ prohibuisset: Ligarium Cicero hac insigni oratione defendit, & pro ipso gratiam Cæsaris nititur impetrare.

29.  
**N**OVUM crimen, C. Cæsar, & ante hunc diem inauditum propinquus meus ad te Q. Tubero detulit, Q. Ligarium in Africa fuisse: idque C. Pansa, præstanti vir ingenio, fretus fortasse eâ familiaritate, quæ est ei tecum, ausus est confiteri. itaque, quod me vertam, nescio; paratus enim veneram, cum tu id neque per te scires, neque audire aliunde potuisses, ut ignoratione tuâ ad hominis miseri salutem abuterer. Sed quoniam diligentia inimici investigatum est, quod latebat, confitendum est, ut opinor:

opinor: præsertim cum meus necessarius C. Pansa  
 fecerit ut id jam integrum non esset: omniâque  
 controversiâ omnis oratio ad misericordiam tuam  
 conferenda est, qua plurimi sunt conservati, cum  
 5 à te non liberationem culpæ, sed errati  
 veniam impetravissent. Habes igitur, Tubero,  
 quod est accusatori maximè optandum, confi-  
 tentem reum: sed tamen ita confitentem, se in  
 ea parte fuisse, quâ te, Tubero, quâ virum omni  
 10 laude dignum, patrem tuum. Itaque prius de  
 vestro delicto confiteamini necesse est, quam Li-  
 garii ullam culpam reprehendatis. Q. igitur Li-  
 garius, cum esset adhuc nulla belli suspicio,  
 legatus in Africam cum proconsule C. Consi-  
 15 dio profectus est, qua in legatione & civibus, &  
 sociis ita se probavit, ut decedens Considius  
 provinciâ, satisfacere hominibus non posset, si  
 quenquam alium provinciæ præfecisset. Itaque  
 Q. Ligarius, cum diu recusans nihil profecisset,  
 20 provinciam accepit invitus: cui sic præfuit in pa-  
 ce, ut & civibus & sociis gratissima esset ejus  
 integritas, & fides. Bellum subito exarsit: quod  
 qui erant in Africa, ante audierunt geri quàm  
 parari: quo audito, partim cupiditate inconsi-  
 25 deratâ, partim cæco quodam timore, primò  
 salutis post etiam studii sui, quærebant a-  
 liquem ducem. Tum Ligarius domum spectans,  
 & ad suos redire cupiens, nullo se implicari ne-  
 gotio passus est. Interim, P. Accius Varus, qui  
 30 prætor Africam obtinuerat, Uticam venit. Ad  
 eum statim concursus est, atque ille non me-  
 diocri cupiditate arripuit imperium: si illud im-  
 perium esse potuit, quod ad privatum, clamore  
 multitudinis imperitæ, nullo publico confi-  
 35 lio deferebatur. Itaque Ligarius, qui omne tale  
 negotium cuperet effugere, paulum adventu

Vari conquievit. Adhuc, C. Cæsar, Q. Ligarius omni culpa vacat: domo est egressus non modò nullum ad bellum, sed nè ad minimam quidem suspicionem belli: legatus in pace profectus, in provincia pacatissima ità se gessit, ut ei pacem esse expediret. Profectio certè animum tuum non debet offendere. num igitur remansio? multo minù: nam profectio voluntatem habuit non turpem, remansio etiam necessitatem honestam. Ergò hæc duo tempora 10 carent crimine: unum, cum est legatus profectus; alterum cum efflagitatus à provincia, præpositus Africæ est. Tertium est tempus, quo post adventum Vari in Africa restitit. quod si est criminofum, necessitatis crimen est, non voluntatis. An ille, si potuisset illinc ullo modo evadere, Uticæ potius quàm Romæ; cum P. Accio quam cum concordissimis fratribus? cum alienis esse, quàm cum suis maluisset? cum ipsa legatio plena desiderii ac solitudinis fuisset, propter incredibilem quendam fratrum amorem, hic æquo animo esse potuit, belli dissidio distraetus à fratribus? Nullum igitur habes, Cæsar, adhuc in Q. L. signum alienæ à te voluntatis. cuius ego causam, animadvertè, quaeso, quâ fide defendam, 25 cum prodo meam. O clementiam admirabilem, atque omni laude, prædicatione, literis monumentisque decorandam! M. Cicero apud te defendit, alium in ea voluntate non fuisse, in qua seipsum confitetur fuisse; nec tuas tacitas 30 cogitationes extimescit; ne quid tibi de alio audienti de seipso occurrat, reformidat. Vide, quàm non reformidem: vide quanta lux liberalitatis & sapientiæ tuæ mihi apud te dicenti oboritur: quantum potero voce contendam, ut hoc 35 populus Rom. exaudiat. Suscepto bello, Cæsar, gesto etiam

etiam ex magna parte, nullâ vi coactus, iudicio  
 meo ac voluntate ad ea arma profectus sum, quæ  
 erant sumpta contra te. Apud quem igitur hoc  
 dico? nempe apud eum, qui, cum hoc sciret,  
 5 tamen me, antequam vidit, reipublicæ reddidit:  
 qui ad me ex Ægypto literas misit, ut essem  
 idem, qui fuissẽ: qui cum ipse Imperator in  
 toto imperio populi Romani unus esset, esse me  
 alterum passus est: à quo hoc ipso C. Pansa mihi  
 10 nuncium perferente, concessos fasces laureatos te-  
 nui, quoad tenendos putavi: qui mihi tum de-  
 nique se salutem putavit reddere, si eam nullis  
 spoliata ornamentis redderet.

Vide quæso, Tubero, ut qui de meo facto non  
 15 dubitem dicere, de Ligarii non audeam confi-  
 teri. Atque hæc propterea de me dixi, ut  
 mihi Tubero, cum de se eadem dicerem ig-  
 nosceret. cujus ego industriæ gloriæque faveo,  
 vel propter propinquam cognationem, vel quòd  
 20 ejus ingenio studiisque delector, vel quòd lau-  
 dem adolescentis propinqui existimo etiam ad  
 meum aliquem fructum redundare. Sed hoc  
 quæro: quis putet esse crimen, fuisse in Africa  
 Ligarium? nempe is, qui & ipse in eadem A-  
 frica esse voluit, & prohibitum se à Ligario que-  
 25 ritur, & certè contra ipsum Cæsarem est con-  
 gressus armatus. Quid enim, Tubero, tuus ille  
 districtus in acie pharsalica gladius agebat? cu-  
 jus latus ille mucro petebat? qui sensus erat ar-  
 morum tuorum? quæ tua mens? oculi? ma-  
 30 nus? ardor animi? quid cupiebas? quid opta-  
 bas? Nimis urgeo: commoveri videtur adole-  
 scens. ad me revertar. iisdem in armis fui.  
 quid autem aliud egimus, Tubero, nisi ut, quod  
 hic potest, nos possemus? Quorum igitur im-  
 35 punitas, Cæsar, tuæ clementiæ laus est, eorum  
 ipsorum

ipsorum ad crudelitatem te acuet oratio : At-  
 que in hac causa non nihil ecquidem, Tubero,  
 etiam tuam, sed multo magis patris tui pruden-  
 tiam desidero : quod homo cum ingenio, tum  
 etiam doctrinâ excellens, genus hoc causæ quod  
 esset, non viderit. Nam si vidisset, quovis pro-  
 fectò, quam isto modo à te agi maluisset. Argu-  
 is fatentem : non est satis : accusas eum qui cau-  
 sam habet, aut ut ego dico, meliorem, quàm tu,  
 aut, ut tu vis, parem. Hæc non modò mirabi-  
 lia sunt, sed prodigiis similia, quæ dicam. Non  
 habet eam vim ista accusatio, ut Q. Ligarius con-  
 demnetur, sed ut necetur. Hoc egit civis Ro-  
 manus ante te nemo. Externi isti sunt mores : us-  
 que ad sanguinem incitare solent odium aut le-  
 vium Græcorum, aut immanium Barbarorum.  
 Nam quid aliud agis ? ut Romæ ne sit ? ut do-  
 mo careat ? nè cum optimis fratribus, nè cum  
 hoc T. Brocho avunculo suo, nè cum ejus filio  
 consobрино suo, nè nobiscum vivat ? nè sit in  
 patria ? num est ? num potest magis carere his  
 omnibus, quàm caret ? Italiâ prohibetur, exu-  
 lat. Non tu ergò hunc patriâ privare, quâ ca-  
 ret, sed vitâ, vis. At istud nè apud eum qui-  
 dem dictatorem, qui omnes, quos oderat, mor-  
 te multabat, quisquam egit isto modo. Ipse ju-  
 bebat occidi, nullo postulante : præmiis etiam  
 invitabat. Quæ tamen crudelitas ab hoc eodem  
 aliquot annis post, quem tu nunc crudelem esse  
 vis, vindicata est. Ego verò istud non postu-  
 lo, inquires. Ità mehercule existimo, Tubero.  
 Novi enim te novi patrem tuum, novi domum,  
 noménque vestrum : studia denique generis ac  
 familiæ vestræ, virtutis, humanitatis, doctrinæ  
 plurimarum artium atque optimarum, nota sunt  
 mihi omnia. Itaque certò scio, Vos non petere  
 sangui-



sanguinem: sed parum attenditis. Res enim  
eo spectat, ut eâ poenâ in qua adhuc Q. Ligari-  
us sit, non videamini esse contenti. Quæ est  
igitur alia, præter mortem? si enim in exilio  
5 est, sicuti est, quid amplius postulatis? an nè  
ignoscatur? hoc verò multò acerbius, multò-  
que est gravius. Quod nos domi petimus pre-  
cibus & lachrymis, prostrati ad pedes, non tam  
nostræ causæ fidentes, quàm hujus humanitati:  
10 id nè impetremus, pugnabis? & in nostrum fle-  
tum irrumpes? & nos jacentes ad pedes suppli-  
cum voce prohibebis? Si, cum hoc domi face-  
remus, quod & fecimus, & ut spero, non fru-  
strâ fecimus, tu derepente irrupisses, & clama-  
15 re coepisses, C. Cæsar, cave credas, cave ignos-  
cas, cave te fratrum pro fratris salute obse-  
crantium misereat: nonne omnem humanita-  
tem exuisses? quanto hoc durius, quod nos do-  
mi petimus, id à te in foro oppugnari? & in  
20 tali miseria multorum, perfugium misericordiæ  
tollere? Dicam planè, C. Cæsar, quod sentio:  
si in hac tanta tua fortuna lenitas tanta non  
esset, quantum tu per te, per te, inquam, ob-  
tines (intelligo quid loquar) acerbissimo luctu  
25 redundaret ista victoria: quam multi enim es-  
sent de victoribus, qui te crudelem esse vellent,  
cùm etiam de victis reperiantur quàm multi,  
qui, cùm à te nemini ignosci vellent, impe-  
dirent clementiam tuam, cùm etiam ii, quibus  
30 ipse ignovisti, nolint te in alios esse misericor-  
dem? Quòd si probare Cæsari possemus, in A-  
frica Ligarium omnino non fuisse: si honesto,  
& misericordi mendacio, salutis civis calamitosi  
consultum esse vellemus; tamen hominis non es-  
35 set in tanto discrimine & periculo civis refel-  
lere & còarguere nostrum mendacium: & si ef-  
set

set alicujus, ejus certè non esset, qui in eadem  
causa & fortuna fuisset. Sed tamen aliud est  
errare Cæsarem nolle, aliud nolle misereri. tum  
diceres, Cave, Cæsar, credas : fuit in Africa Li-  
garius : tulit arma contra te. nunc quid dicis? 5  
Cave ignoscas. Hæc nec hominis, nec ad ho-  
minem vox est : quâ qui apud te, C. Cæsar, u-  
tetur, suam citius abjiciet humanitatem, quàm  
extorquebit tuam. Ac primus aditus, & postu-  
latio Tiberonis hæc, ut opinor, fuit, velle se 10  
de Q. Ligarii scelere dicere. non dubito, quin  
admiratus sis, vel quod de nullo alio quisquam,  
vel quod is, qui in eadem causa fuisset, vel  
quidnam novi facinoris adferret. Scelus tu il-  
lud vocas, Tubero? cur? isto enim nomine illa 15  
adhuc causa caruit : alii errorem appellant, alii  
timorem : qui durius, spem, cupiditatem, odi-  
um, pertinaciam : qui gravissimè, temeritatem :  
scelus, præter te, adhuc nemo. Ac mihi qui-  
dem, si proprium & verum nomen nostri ma- 20  
li quærat, fatalis quædam calamitas incidisse  
videtur, & improvidas hominum mentes occu-  
pavisse : ut nemo mirari debeat humana consi-  
lia divinâ necessitate esse superata. Liceat esse  
miseros, quanquam, hoc victore, esse non pos- 25  
sumus. Sed non loquor de nobis : de illis lo-  
quor. qui occiderunt. fuerint cupidi, fuerint  
irati, fuerint pertinaces : sceleris verò crimine  
furoris, parricidii, liceat Cn. Pompeio mortuo,  
liceat multis aliis carere. Quando hoc quis- 30  
quam ex te, Cæsar, audivit? aut tua quid ali-  
ud arma voluerint, nisi à te contumeliam pro-  
pulsare? quid egit tuus ille invictus exercitus,  
nisi ut suum jus tueretur, & dignitatem tuam?  
quid? tu, cum pacem esse cupiebas, idne age- 35  
bas, ut tibi cum sceleratis, an ut cum bonis ci-  
vibus

vibus conveniret? Mihi verò, Cæsar, tua in me maxima merita, tanta certe non viderentur, si me ut sceleratum à te conservatum putarem. Quomodo autem tu de rep. bene meritis esses, si tot sceleratos incolumi dignitate esse voluisses? Secessionem tu illam existimavisti, Cæsar, initio non bellum, non hostile odium, sed civile dissidium: utrisque cupientibus rempubl. salvam, sed partim consiliis, partim studiis à communi utilitate aberrantibus. Principum dignitas erit penè par, non par fortasse eorum, qui sequebantur: causa tum dubia, quod erat aliquid in utraque parte, quod probari posset: nunc melior certe ea judicanda est, quam etiam dii adjuverint. Cognitâ verò clementiâ tuâ! quis non eam victoriam præbet, in qua occiderit nemo nisi armatus? Sed, ut omittam communem causam, veniamus ad nostram. Utrum tandem existimas facilius fuisse, Tubero, Ligarium ex Africa exire, an vos in Africam non venire? Poteramûsne, inquires, cum senatus censuisset? Si me consulis, nullo modo. ~~Idem~~ tamen Ligarium senatus idem legaverat. Atque ille eo tempore paruit, cum parere senatui necesse erat: vos tunc parvistis; cum paruit nemo, qui noluit. Reprehendo igitur? minime verò, neque enim licuit aliter vestro generi, nomini, familiæ, disciplinæ. Sed hoc non concedo, ut, quibus rebus gloriemini in vobis, easdèm in aliis reprehendatis. Tuberonis fors conjecta est ex S. C. cum ipse non adesset, morbo etiam impediretur: statuerat se excusare. Hæc ego novi propter communes necessitudines, quæ mihi sunt cum L. Tuberone: domi unâ eruditi, militiæ contubernales, post affines, in omni denique vita familiares. magnum etiam vinculum, quod iisdem

dem semper studiis usi sumus. Scio igitur Tuberonem domi manere voluisse. Sed ita quidam agebant, ita reip. sanctissimum nomen opponebant, ut, etiam si aliter sentiret, verborum tamen ipsorum pondus sustinere non posset. Cessit auctoritati amplissimi viri, vel potius paruit: una est profectus cum iis, quorum erat una causa: tardius iter fecit: Itaque in Africam venit jam occupatam. Hinc in Ligarium crimen oritur, vel ira potius: nam, si crimen est prohibere illum voluisse, non minus magnum est, vos Africam, omnium provinciarum arcem, natam ad bellum contra hanc urbem gerendum, obtinere voluisse, quam aliquem se imperatorem esse maluisse. Atque is tamen aliquis, Ligarius non fuit. Varus imperium se habere dicebat: fasces certè habebat. Sed quoquo modo sese illud habet, hæc querela vestra, Tubero, quid valet? recepti in provinciam non sumus. Quid si essetis? Cæsarine eam tradituri fuissetis, an contra eam retenturi? Vide quid licentiz, Cæsari, nobis tua liberalitas det vel potius audaciz. Si responderit Tubero, Africam, quo senatus eum forsque miserat, tibi patrem suum traditurum fuisse: non dubitabo apud ipsum te, cujus id eum facere interfuit, gravissimis verbis ejus consilium reprehendere. non enim, si tibi ea res grata fuisset, esset etiam probata. Sed jam hoc totum omitto, non tam ut ne offendam tuas patientissimas aures; quam ne Tubero, quod nunquam cogitavit, facturum fuisse videatur. Veniebatis igitur in Africam Provinciam, unam ex omnibus huic victoriæ maximè infestam, in qua erat rex potentissimus, inimicus huic causæ, aliena voluntas, conventus firmi atque magni. Quæro, quid facturi fuissetis?

setis : quanquam quid facturi fueritis, non dubitem, cum videam quid feceritis. Prohibiti estis in provincia vestra pedem ponere : & prohibiti, ut perhibetis, summa cum injuria. Quomodo id tulistis ? acceptæ injuriæ querelam ad quem detulistis ? nempe ad eum, cujus auctoritatem secuti, in societatem belli veneratis ? quod si Cæsaris causâ in provinciam veniebatis, ad eum profecto exclusi provinciâ venissetis. Venistis ad Pompeium : Quæ est ergo, apud Cæsarem querela, cum eum accusetis, à quo queramini vos prohibitos contra Cæsarem bellum gerere ? Atque in hoc quidem vel cum mendacio, si vultis, gloriari per me licet, vos provinciam fuisse Cæsari tradituros, etiam si à Varo & quibusdam aliis prohibiti essetis. Ego autem confitebor culpam esse Ligarii, qui vos tantæ laudis occasione privaverit. Sed vide quæso, C. Cæsar, constantiam ornatissimi viri L. Tiberonis : quam ego, quamvis ipse probarem, ut probo, tamen non commemorarem, nisi à te cognovissem in primis eam virtutem solere laudari. Quæ fuit igitur unquam in ullo homine tantæ constantiæ ? constantiam dico ? nescio an meliùs patientiam possem dicere. Quotus enim istud quisque fecisset, ut à quibus partibus in dissensione civili non esset receptus, essetque etiam cum crudelitate ejectus, ad eas ipsas rediret ? magni cujusdam animi, atque ejus viri est, quem de suscepta causa, propositaque sententia, nulla contumelia, nulla vis, nullum periculum posset depellere. Ut enim cætera paria Tiberoni cum Varo fuissent, honos, nobilitas, splendor, ingenium, quæ nequaquam fuerunt : hoc certè præcipuum Tiberonis fuit, quod iusto cum imperio ex S. C. in provinciam suam venerat. Hinc pro-

prohibitus non ad Cæsarem, ne iratus? non domum, ne iners? non aliquam in regionem, ne condemnare causam illam, quam secutus esset, videretur: in Macedoniam, in Cn. Pompeii castra venit, in eam ipsam causam, à qua erat rejectus cum injuria. Quid? cum ista res nihil commovisset ejus animum, ad quem veneratis, languidiore, credo, studio in causa fuistis. Tantummodo in præfidiis eratis; animi vero à causa abhorrebant: an, ut sit in civilibus bellis, nec in vobis magis, quàm in reliquis, omnes vincendi studio tenebamur? pacis equidem semper auctor fui, sed tum ferò: erat enim amentis, cum aciem videres, pacem cogitare. Omnes, inquam, vincere volebamus: tu certè præcipue, qui in eum locum venisses, ubi tibi esset pereundum, nisi vicisses: quanquam, ut nunc se res habet, non dubito, quin hanc salutem anteponas illi victorix. Hæc ego non dicerem, Tubero, si aut vos constantix vestræ, aut Cæsarem beneficii sui pœniteret. Nunc quero, utrùm vestras injurias, an reip. persequamini? si reipub. quid de vestra in ea causa perseverantia respondebitis? Si vestras; videte ne erretis, qui Cæsarem vestris inimicis iratum fore putetis, cum ignoverit suis. Itaque num tibi videor, Cæsar, in causa Ligarii occupatus esse? Num de ejus facto dicere? quicquid dixi, ad unam summam referri volo, vel humanitatis, vel clementix, vel misericordix tuæ. Causas, Cæsar, egi multas, & quidem tecum: dum te in foro tenuit ratio bonorum tuorum: certe nunquam hoc modo, Ignoscite, judices, erravit, lapsus est, non putavit, si unquam posthac ad parentem sic agi solet. Ad judices, Non fecit, non cogitavit, falsi testes, fictum crimen. Dic te, Cæsar, de facto Ligarii judicem esse: quibus in



in prædiis fuerit, quære. Taceo : ne hæc quidem colligo, quæ fortasse valerent etiam apud judicem : legatus ante bellum profectus, relictus in pace, bello oppressus, in eo non acerbus. Tum  
 5 etiam fuit totus animo & studio tuus. Ad judicem sic agi solet, sed ego ad parentem loquor. Erravi, temerè feci, poenitet. Ad clementiam tuam confugio, delicti veniam peto, ut ignoscas oro : si nemo impetravit, arroganter : si plurimi, tu idem  
 10 fer opem, qui spem dedisti. An sperandi Ligario causa non sit, cum mihi apud te sit locus etiam pro altero deprecandi ? Quamquam neque in hac oratione spes est posita causæ, nec in eorum studiis, qui à te pro Ligario petunt, tui necessa-  
 15 rii. Vidi enim, & cognovi, quid maxime spectares, cum pro alicujus salute multi laborarent : causas apud te rogantium gratiores esse, quam preces : neque spectare, quam tuus esset necessarius is, qui te oraret, sed quam illius, pro quo  
 20 laboraret. Itaque tribuis tu quidem tuis ita multa, ut mihi beatiore illi esse videantur interdum, qui tuâ liberalitate fruuntur, quam tu ipse, qui illis tam multa concedis. Sed video tamen apud te causas, ut dixi, Rogantium valere plus, quam  
 25 preces : ab iisque te moveri, maxime, quorum iustissimum dolorem videas in petendo. In Q. Ligario conservando, multis tu quidem gratum facies necessariis tuis : sed hoc quæso considera, quod soles : possum fortissimos viros Sabinos,  
 30 tibi probatissimos, totumque agrum Sabinum, florem Italiæ, robur reipubl. proponere. nôsti optimè homines. Animadvertite horum omnium moestitiam & dolorem. hujus T. Brocchi, de quo non dubito quid existimes, lachrymas squaloremque  
 35 ipsius & filii vides. Quid de fratribus dicam ? noli, Cæsar, putare de unius capite nos agere.

Aut

Aut tres tibi Ligarii in civitate retinendi sunt, aut  
tres ex civitate exterminandi. Quodvis exilium  
his est optatius, quàm patria, quàm domus,  
quàm dii penates, uno illo exulante. Si fraternè,  
si piè, si cum colore faciunt, moveant te horum  
lachrymæ, moveat pietas, moveat germanitas :  
valéat tua vox illa, quæ vicit : te enim dicere  
audiebamus, Nos omnes adversarios putare, nisi  
qui nobiscum essent : te omnes, qui contra te  
non essent, tuos. Videsne igitur hunc splendo- 10  
rem, omnem hanc Brochorum domum, hunc L.  
Martium, C. Cæsetium, L. Corfidium, hosce  
omnes equites Rom. qui adsunt veste mutatâ, non  
solum notos tibi, verum etiam probatos viros  
qui tecum fuerunt ? Atque his maxime irasce- 15  
batur, & hos requirebamus, & his nonnulli  
etiam minabantur. Conserva igitur tuis suos, ut  
quemadmodum cætera quæ dicta sunt à te, sic  
hoc verissimum reperiatur. Quod si penitus per-  
spicere posses concordiam Ligariorum, omnes 20  
fratres tecum judicares fuisse. An potest quis-  
quam dubitare quin, si Q. Ligarius in Italia esse  
potuisset, in eadem sententia futurus fuerit, in  
qua fratres fuerunt ? quis est, qui horum con-  
sensum conspirantem, & penè conflatum, in hac 25  
prope æqualitate fraterna non noverit ? qui hoc  
non sentiat, quidvis prius futurum fuisse, quàm  
ut hi fratres diversas sententias fortunâsque se-  
querentur ? Voluntate igitur omnes tecum fue-  
runt : tempestate abreptus est unus : qui, si con- 30  
filio id fecisset, esset eorum similis, quos tu tamen  
salvos esse voluisti. Sed ierit ad bellum : dissen-  
serit non à te solum, verum etiam à fratribus : hi  
te orant tui. Equidem, cum tuis omnibus nego-  
tiis interesset, memoriâ teneo, qualis tum T. Li- 35  
garius quæstor urbanus fuerit erga te & dignitatem  
tuam.

tuam. sed parum est, me hoc meminisse : spero  
etiam te, qui oblivisci nihil soles, nisi injurias,  
quoniam hoc est animi, quoniam etiam ingenii  
tui, te aliquid de hujus quaestoris officio cogitan-  
tem, etiam de aliis quibusdam quaestoribus re-  
miniscentem recordari. Hic igitur T. Ligarius,  
qui tum nihil egit aliud ( neque enim hæc divi-  
nabat ) nisi, ut tu eum tui studiosum & bonum  
virum judicares, nunc à te supplex fratris salu-  
tem petit : quam hujus admonitus officio cum  
utrisque his dederis, tres fratres optimos, & in-  
tegrerrimos, non solum sibi ipsos, neque his tot  
ac talibus viris, neque nobis necessariis suis, sed  
etiam reipublicæ condonaveris. Fac igitur,  
quod de homine nobilissimo & clarissimo M.  
Marcello restituto fecisti nuper in cūria, nunc  
quidem in foro de optimis & huic omni fre-  
quentiæ probatissimis fratribus ; ut concessisti  
illum senatui, sic da hunc populo, cujus volun-  
tatem clarissimam semper habuisti, & si ille di-  
es tibi gloriosissimus, populo Romano gratissimus  
fuit, noli, obsecro, dubitare, C. Cæsar, simi-  
lem illi gloriæ laudem quàm sæpissimè querere.  
Nihil est enim tam populare, quàm bonitas :  
nulla de virtutibus tuis plurimis nec gratior,  
nec admirabilior misericordiâ est. Homines e-  
nim ad deos nullâ re propius accedunt, quàm  
salutem hominibus dando. nihil habet nec  
fortuna tua majus, quàm ut possis ; nec natura  
tua melius, quàm ut velis conservare quamplu-  
rimos. Longiorem orationem causa forsitan  
postulat, tua certè natura brevior. Quare,  
cum utilius esse arbitrer, te ipsum, quàm me,  
aut quemquam, loqui tecum, finem jam faciam :  
tantum te ipsum admonebo, si illi absenti sa-  
lutem dederis, præsentibus his omnibus te da-  
turum.

ORATIO

## O R A T I O IV.

Quæ est pro

## R E G E D E I O T A R O .

Argumentum.

Deiotarus rex amicissimus populo Roman. bello civili cum Pompeio fuit, & post pugnam Pharsalicam se contulit domum, atque deinde C. Cæsarem bella gerentem subsidiis adjuvat. Quare ab ipso Cæsare relictus rex fuit in regno suo aliquantulum ab eo, quia sibi Pompeium in amicitia prætulisset, rerum suarum parte multatus. Is Deiotarus post per Philippum medicum, servum suum (quem Romam cum legatis suis miserat) accusatus est apud Cæsarem, quia cum ipse Cæsar diversaretur in hospitio apud Deiotarum in castello Luceio, cum rex interficere per insidias voluerit, collocatis primum armatis in loco ubi erat regia dona daturus Cæsari. Deinde in balneo compositis insidiatoribus, cum Cæsar ire percuravisset, dicitur ab accusatore non voluntate Deiotari, sed suâ fortunâ esse servatus, etiam accusatus Deiotarus ab eodem, quod fuisset semper adversus Cæsarem animo impio atque alieno, quodque exercitum contra ipsum comparavisset, quodque nuncios ad Cælium quendam inimicum Cæsaris destinare voluisset, quodque equites non bonos Cæsari misisset, & in his servum

vum quendam iudicatum : quodque bello Africano audiens Domitium periisse naufragio, Cæsarem obsideri, versum Græcum dixisset diræ, atque suspectæ sententiæ, quodque præ lætitia vino obrutus in convivio saltavisset : quodque Blesamius Legatus & amicus regius, regi scripsisset probra de Cæsare. Has accusationes Philippus ille servus & medicus intendit contra Deiotarum, Dominum suum, ut dicit hic Cicero, corruptus & subornatus à Castore quodam adolescente, Deiotari ex filia nepote, & avo suo inimicissimo. Contra quas accusationes inductas, Cicero coram Cæsare hanc orationem habuit.

---

**C**um in omnibus causis gravioribus, C. Cæsar, initio dicendi commoveri solemus vehementius, quam videtur vel usus, vel ætas mea postulare : tum in hac causa ita me multa perturbant, ut, quantum mea fides studii mihi adferat ad salutem regis Deiotari defendendam, tantum facultatis timor detrahat. Primum dico pro capite, fortunisque regis : quod  
 10 ipsum, etsi non iniquum est, in tuo duntaxat periculo : tamen est ita inusitatum, regem capitis reum esse, ut ante hoc tempus non sit auditum. Deinde eum regem, quem ornare antea cuncto cum senatu solebamus pro perpétuis ejus  
 15 in nostram remp. meritis, nunc contra atrocissimum crimen cogor defendere. Accedit, ut accusatorum alterius crudelitate alterius indignitate perturber. Crudelis Castor, ne dicam scelertum, & impium, qui nepos avum in discrimen ca-  
 20 pitis adduxerit, adolescentiæque suæ terrorem intulerit ei, cuius ienectutem tueri, & tegere debebat :  
 com-

commendationemque ineuntis ætatis ab impietate  
& scelere duxerit: avi servum, corruptum præ-  
miis, ad accusandum dominum impulerit, & ad  
legatorum pedibus abduxerit. Fugitivi autem  
dominum accusantis, & dominum absentem, &  
dominum amicissimum nostræ reip. cum os vide-  
bam cum verba audiebam, non tam afflictam  
regiam conditionem dolebam, quam de fortunis  
communibus extimescebam. Nam, cum more  
majorum, de servo in dominum ne tormentis qui- 10  
dem quæri liceat, in qua quæstione dolor veram  
vocem elicere possit etiam ab invito; exortus est  
servus, qui, quem in eculeo appellare non posset,  
eum accuset solutus. Perturbat me C. Cæsar  
etiam illud interdum: quod tamen cum te pe- 15  
nitens recognovi, timere desino: re enim iniquum  
est, sed tuâ sapientiâ sit æquissimum. Nam dicere  
apud eum de facinore, contra cuius vitam con-  
siliium facinoris inesse arguare, si per seipsum con-  
sideres, grave est. Nemo enim ferè est qui 20  
sui periculi iudex, non sibi se æquorem, quam  
reo præbeat. Sed tua, C. Cæsar, præstans singu-  
larisque natura hunc mihi metum minuit. Non  
enim tam timeo, quid tu de rege Delotaro,  
quam intelligo quid de te cæteros velis iudicare. 25  
Moveor etiam loci ipsius insolentiâ, quod tan-  
tam causam, quanta nulla unquam in disceptatione  
versata est, dico intra domesticos parietes, dico  
extra conventum, & eam frequentiam, in qua  
oratorum studia niti solent. In tuis oculis, in 30  
tuo ore, vultuque acquiesco: te unum intueor;  
ad te unum omnis mea spectat oratio: quæ mi-  
hi ad spem obtinendæ veritatis gravissima sunt,  
ad motum animi, & ad omnem impetum dicendi,  
contentionemque leviora. Hanc enim, C. Cæsar, 35  
causam si in foro dicerem, eodem audiente &  
disceptante



disceptante te, quantam mihi alacritatem populi  
Romani concurlus adterret? quis enim civis ei  
regi non taveret, cujus omnem ætatem in populi  
Romani bellis consumptam esse meminisset?  
5 spectarem curiam, intuerer forum, cælum  
denique testarer ipsum. sic cum & deorum im-  
mortalium, & populi Romani, & senatûs bene-  
ficia in regem Deiotarum recorderer, nullo modo  
mihi deesse posset oratio. Quæ quoniam an-  
10 gustiora parietes faciunt, actioque causæ maximè  
debilitatur loco: tuum est, Cæsar, qui pro  
multis sæpe dixisti, quid nunc mihi animi sit ad te  
ipsum referre: quo facilius tum æquitas tua, tum  
audiendi diligentia minuât hanc perturbatio-  
15 nem meam. Sed antequam de accusatione ipsa  
dico, de accusatorum spe pauca dicam: qui cum  
videantur neque ingenio, neque usu, atque ex-  
ercitatione rerum valere; tamen ad hanc causam  
non sine aliqua spe & cogitatione venerunt. Ira-  
20 tum te regi Deiotaro fuisse non erant nescii: af-  
fectum illum quibusdam incommodis & detri-  
mentis propter offensionem animi tui memine-  
rant: teque cum huic iratum, tum sibi amicum  
cognoverant: cumque apud ipsum de tuo pe-  
25 riculo dicerent, fore putabant, ut in exulcerato  
animo facilè fictum crimen insideret. Quam-  
obrem hoc nos primùm metu, C. Cæsar, per  
fidem, & constantiam, & clementiam tuam li-  
bera; nè relidere in te ullam partem iracundiæ  
30 suspicemur. Per dexteram te istam oro, quam  
regi Deiotaro hospes hospiti porrexisti: istam,  
inquam, dexteram, non tam in bellis, neque in  
præliis quàm in promissis, & fide firmiorem. Tu  
illius comam inire, tu vetus hospitium reno-  
35 vare voluisti: te ejus dii penates receperunt: te  
amicum, & placatum Deiotari regis arx socique  
viderunt.

viderunt. Cùm facile exorari, Cæsar, tum semel  
 exorari soles. nemo unquam te placavit inimi-  
 cus, qui ullas reseclisse in te similitatis reliquias  
 senserit. Quanquam cui sunt inaudite cum  
 Deiotaro querelæ tuæ? nunquam tu illum accu-  
 savisti, ut hostem, sed ut amici officio parùm  
 functum, quòd propensior in Cn. Pompeii ami-  
 citiam fuisset, quàm in tuam: cui tamen ipsi  
 regi veniam te daturum fuisse dicebas, si, cum  
 auxilia Pompeio, vel si etiam filium misisset, ipse  
 tamen excusatione ætatis usus esset. Itaque, cum  
 maximis eum rebus liberares, perparvam amici-  
 tiæ culpam relinquebas. Itaque non solum in  
 eum non animadvertisti, sed omni metu libera-  
 visti, hospitem agnovisti, regem reliquisti. neque  
 enim ille odio tui progressus, sed errore com-  
 muni lapsus est. Is Rex, quem Senatus hoc  
 nomine sæpe honorificentissimis decretis appel-  
 lavisset, quique illum ordinem ab adolescentia  
 gravissimum sanctissimùmque duxisset, iisdem  
 rebus est perturbatus, homo longinquus, & ali-  
 enigena, quibus nos in media republica nati sem-  
 pèrque versati. Cùm audisset, senatûs consentientis  
 auctoritate arma sumpta, consulibus, prætoribus,  
 tribunis plebis, novis imperatoribus republi-  
 cam defendendam datam; movebatur animo, &  
 vir huic imperio amicissimus de salute populi  
 Romani extimescebat, in qua etiam suam inclu-  
 sam esse videbat: summo tamen timore quiescen-  
 dum sibi esse arbitrabatur. Maximè verò per-  
 turbatus est, ut audivit Consules ex Italia pro-  
 fugisse: omnisque consulares, ( sic enim nun-  
 ciabatur ) cunctum senatum, totam Italiam esse  
 effusam. talibus enim nunciis & rumoribus pa-  
 tebat ad Orientem via, nec ulli veri subsequen-  
 tur: nihil ille de conditionibus tuis, nihil de  
 studio

studio concordiz, & pacis, nihil de conspiratione audiebat certorum hominum contra dignitatem tuam. quæ cum ita essent, tamen ulque eò se tenuit, quoad à Cn. Pompeio ad eum  
5 legati, literæque venerunt. Ignosce, ignosce, Cæsar, si ejus viri auctoritati rex Deiotarus cessit, quem nos omnes secuti sumus: in quem cum dii atque homines omnia ornamenta congestissent, tum tu ipse plurima, & maxima. Neque  
10 enim si tuæ res gestæ cæterorum laudibus obscuritatem attulerunt, idcirco Cn. Pompeii memoriam amisimus. Quantum nomen ejus fuerit; quantæ opes, quanta in omni genere bellorum gloria, quanti honores populi Romani, quanti  
15 senatus, quanti tui, quis ignorat? tanto ille superiores vicerat gloriâ, quanto tu omnibus præstitisti. Itaque Cn. Pompeii bella, victorias, triumphos, consulatus, admirantes numerabamus: tuos enumerare non possumus. Ad eum  
20 igitur rex Deiotarus venit hoc misero fatalique bello, quem ante justis hostilibusque bellis adjuverat, quocum erat non hospitio solum, verum etiam familiaritate conjunctus: & venit vel rogatus ut amicus, vel accersitus ut socius, vel  
25 evocatus ut is qui senatui parere didicisset: postremò venit ut ad fugientem, non ut ad insequentem, id est, ad periculi, non ad victoriæ societatem. Itaque, Pharsalico prælio facto, à Pompeio discessit: spem infinitam persequi noluit: vel officio, si quid debuerat; vel errori, si  
30 quid nescierat, satistractum esse duxit: domum se contulit: teque Alexandrinum bellum gerente, utilitatibus tuis paruit. ille exercitum Cn. Domitii amplissimi viri suis testis & copiis sustentavit: ille Ephesum ad eum, quem tu ex tuis fidelissimum, & probatissimum, omnibus delegisti,  
C 2 pecuniam

pecuniam misit : ille iterum, ille tertio auctio-  
 nibus factis pecuniam dedit, quâ ad bellum  
 uteris : ille corpus suum periculo objecit, te-  
 cumque in acie contra Pharnacem fuit, tuumque  
 hostem esse duxit suum. Quæ quidem à te in  
 eam partem accepta sunt, C. Cæsar, ut eum am-  
 plissimo regis honore & nomine affeceris. Is  
 igitur non modò à te periculo liberatus, sed etiam  
 honore amplissimo ornatus, arguitur domi te suæ  
 interficere voluisse. quod tu, nisi eum furiosissi-  
 mum judicas, suspicari profecto non potes. At  
 enim omittam, cujus tanti sceleris fuerit in con-  
 spectu deorum Penatium necare hospitem : cujus  
 tantæ importunitatis, omnium gentium, atque  
 omnis memoriæ clarissimum lumen extinguere :  
 cujus tantæ ferocitatis, victorem orbis terrarum  
 non extimescere : cujus tam inhumani & ingrati  
 animi, à quo rex appellatus esset, in eum, tyrannum  
 inveniri : ut hæc omittam, cujus tanti fur-  
 roris fuit, omnes reges, quorum multi erant fini-  
 timi, omnes liberos populos, omnes socios, om-  
 nes provincias, omnia denique omnium arma  
 contra se unum excitare ? quoniam ille modo  
 cum regno, cum domo, cum conjuge, cum cari-  
 ssimo filio distractus esset, tanto scelere non  
 modò perfectò, sed etiam cogitato ? At, credo,  
 hæc homo inconsultus & temerarius non videbat.  
 Quis consideratior illo ? quis testior ? quis pru-  
 dentior ? quanquam hoc loco Deiotarum non  
 tam ingenio, & prudentiâ, quàm fide, & religi-  
 one vitæ, defendendum puto. Nota tibi est,  
 C. Cæsar, hominis probitas, noti mores, nota  
 constantia. Cui porrò, qui modo populi Romani  
 nomen audivit, Deiotari probitas, integritas,  
 gravitas, virtus, fides non sit audita ? Quod igitur  
 facinus nec in hominem imprudentem cade-  
 re posset,

posset, propter metum præsentis exitii, nec in facinorosum, nisi esset idem amentissimus, id vos & à viro optimo, & ab homine minimè stulto cogitatum esse confingitis. At quàm non modo  
non credibiliter, sed ne suspiciose quidem! cùm, inquit, in castellum Luceium venisses, & domum regis, hospitis tui, divertisses, locus erat quidam, in quo erant ea composita, quibus rex te munere constituerat: huc te à balneo prius quàm  
10 accumberes, ducere volebat, ibi enim erant armati, qui te interficerent, in eo ipso loco collocati. En crimen, en causa, cur regem fugitivus, dominum servus accuset. Ego mehercule, C. Cæsar, initio, cùm est ad me ista causa delata,  
13 Philippum medicum, servum regium, qui cum legatis missus esset, ab ipso adolescente esse corruptum, hac suspicione sum perculsus: medicum indicem subornabit: finget videlicet aliquod crimen veneni. etsi à veritate longè, tamen  
20 à consuetudine criminandi non multùm res abhorrebat. Quid ait medicus? nihil de veneno, at id fieri potuit: primò occultius in potione vel in cibo: deinde etiam impuniùs fit, quod, cùm est factum, negari potest. si palam te  
25 interemisset, omnium in se gentium non solum odia, sed etiam arma convertisset: si veneno, Jovis illius quidem hospitalis numen nunquam celare potuisset, homines verò fortasse celavisset. Quod igitur & occultius conari, & efficere cau-  
30 tius potuit; id tibi, & medico callido, & servo, ut putabat, fideli non credidit: de armis, de ferro, de insidiis celare te noluit? At quàm festivè crimen contextitur? Tua te, inquit, eadem, quæ semper, fortuna servavit. negavisti tum  
35 te inspicere velle. quid postea? an Deiotarus, re illo tempore non perfectâ, continuò dimisit

exercitum? nullis erat alius infidiandi locus? At eodem te, cum cœnavisses, rediturum dixerat: Itaque fecisti. Horam unam aut duas eodem loco armatos, ut collocati fuerant, retinere magnum fuit? cùm in convivio comiter & jucundè fuisses, tum illuc ivisti, ut dixerat. Quo in loco Deiotarum talem erga te cognovisti, qualis rex Attalus in P. Africanum fuit: cui magnificentissima dona, ut scriptum legimus, usque ad Numantiam misit ex Asia: quæ Africanus, in- 10 spectante exercitu, accepit. Quod cùm præsens Deiotarus regio, & animo & more fecisset, tu in cubiculum discessisti. Obsecro, C. Cæsar, repete temporis illius memoriam: pone illum ante oculos diem, vultus hominum te intuentium atque admirantium recordare. Num quæ trepidatio? num qui tumultus? num quid? nisi moderatè, nisi quietè, nisi ex hominis gravissimi & sanctissimi disciplina? Quid igitur causæ excogitari potest, cur te lautum voluerit, cœnatum noluerit, 20 occidere? in posterum, inquit, diem distulit, ut cùm in castellum Luceium ventum esset, ibi cogitata perficeret. Non video causam loci mutandi, sed tamen acta res criminosa est. Cùm, inquit, vomere post cœnam velle te dixisset, 25 in balneum te ducere cœperunt: ibi enim erant insidie, at te eadem tua fortuna servavit. In cubiculum te ire malle dixisti. Dii te perdant, fugitive? ita non modò nequam, & improbus, sed & fatuus, & amens es. Quid? ille signa ænea 30 in insidiis posuerat, quæ è balneo in cubiculum transferri non possent? Habes crimina insidiarum: nihil enim dixit amplius. Horum, inquit, etiam conscius. Quid tum? ita demens ille erat, ut eum, quem conscium tanti sceleris habebat, à 35 se dimitteret? Romam etiam mitteret, ubi & inimi-



inimicissimum sciret esse nepotem suum, & C. Cæsarem, cui fecisset insidias; præsertim cum is unus esset, qui posset de absente se vindicare; & fratres meos, inquit, quod erant conscii, in vincula coniecit. Cum igitur eos vinciret, quos secum habebat, te solutum Romam mittebat, qui eadem scires, quæ illos scire dicis? Reliqua pars accusationis duplex fuit: una, regem semper in speculis fuisse, cum à te animo esset alieno: altera, exercitum eum contra te magnum comparasse. De exercitu dicam breviter, ut cætera. Nunquam eas copias Rex Deiotarus habuit, quibus inferre bellum populo Rom. posset; sed quibus fines suos ab excursionibus hostium & latrociniiis tueretur; & imperatoribus nostris auxilia mitteret. Atque antea quidem majores copias alere poterat; nunc exiguas vix tueri potest. At misit ad Cælium nescio quem: sed eos, quos misit, quod ire noluerunt, in vincula coniecit.

Non quæro quàm verisimile sit, aut non habuisse regem quos mitteret: aut eos, quos misisset, non paruisse: aut, qui dicto audientes in tanta re non fuissent, eos vinctos potiùs, quàm necatos fuisse. Sed tamen, cum ad Cælium mittebat, utrùm causam illam victam esse nesciebat, an Cælium istum magnum hominem putabat? quem præfecto is, qui optimè nostros homines novit, vel quia non nosset, vel quia nosset, contemneret. Addidit etiam illud, equites, non optimos misisse tibi. Veteres, credo, Cæsar. Nihil ad tuum equitatum: sed misit ex iis, quos habuit, electos. Ait nescio quem ex eo numero servum judicatum. Non arbitror: non audivi, sed in eo etiam si accidisset, culpam regis nullam fuisse arbitrarer. Alieno autem à te animo fuit: quomodo? speravit, credo, difficiles tibi Alexandriæ fore exitus,

exitus, propter regionis naturam, & fluminis.  
 At eo ipso tempore pecuniam dedit, exercitum  
 aluit: quem Africæ præfeceras, ei nulla in re de-  
 fuit: tibi victori non solum ad hospitium, sed  
 ad periculum etiam atque ad aciem præstò fuit. 5  
 Secutum est bellum Africanum: graves de te  
 rumores sparsi: qui etiam furiosum illum Cæ-  
 lium excitaverunt. Quo tum erga te rex animo  
 fuit, qui auctionatus sit, seseque & filium suum  
 expoliare maluerit, quàm tibi pecuniam non sub- 10  
 ministrare? At eo, inquit, tempore ipso Niceam  
 Ephesumque mittebat, qui rumores Africanos  
 exciperent, & celeriter ad se referrent. Itaque,  
 cum esset ei nunciatum, Domitium naufragio  
 periisse, te in castello circumfideri: de Domitio 15  
 dixit versum Græcum eadem sententiâ, quâ etiam  
 nos habemus Latinum, *Pereant amici, dum unâ*  
*inimici intercitant.* quod ille, si esset tibi ini-  
 micissimus nunquam dixisset. Ipse enim man-  
 suetus; versus immanis. Qui autem Domitio po- 20  
 terat esse amicus, qui tibi esset inimicus?  
 tibi porro inimicus cur esset, à quo cum vel  
 interfici belli lege potuisset, regem & se, & fili-  
 um suum constitutos esse meminisset? Quid de-  
 inde? furcifer quò progreditur? ait hâc lætitiâ 25  
 Deiotarum elatum, vino se obruisse, in convi-  
 vioque nudum saltavisse. Quæ crux huic fugi-  
 tivo potest satis supplicii adferre? Deiotarum  
 saltantem quisquam, aut ebrium vidit unquam?  
 omnes sunt in illo regis virtutes; quod te, Cæ- 30  
 sar, ignorare non arbitror: sed præcipuè sin-  
 gularis & admiranda frugalitas. etsi hoc verbo  
 scio laudari reges non solere. Frugi hominem  
 dici non multum habet laudis in rege: fortem,  
 justum, severum, gravem, magnanimum, lar- 35  
 gum, beneficum, liberalem, hæ sunt regis lau-  
 des:

des: illa privata est. Ut volet quisque, accipiat: ego tamen frugalitatem, id est, modestiam, & temperantiam, virtutem esse maximam judico. Hæc in illo est ab ineunte ætate, tum à cuncta  
 5 Asia, tum à magistratibus legatisque nostris, tum ab equitibus Roman. qui in Asia negotiati sunt, perspecta, & cognita. Multis ille quidem gradibus officiorum erga rempublicam nostram ad hoc regium nomen ascendit: sed tamen quid-  
 10 quid à bellis populi Rom. vacabat, cum hominibus nostris consuetudines, amicitias, res, rationesque jungebat: ut non solum tetrarcha nobilis, sed optimus paterfamilias, & diligentissimus agricola, & pecuarius haberetur. Qui igitur ado-  
 15 lescens nondum tantâ gloriâ præditus, nihil unquam nisi severissimè & gravissimè fecerit, is eâ existimatione, eaque ætate saltavit. Imitari potius, Castor, avi tui mores disciplinamque debebas, quàm optimo & clarissimo viro fugitivi  
 20 ore maledicere. Quod si saltatorem avum habuisses, neque eum virum, unde pudoris pudicitieque exempla peterentur: tamen hoc maledictum minimè in illam ætatem conveniret: quibus ille studiis ab ineunte ætate se imbuerat, non sal-  
 25 tandi, sed bene ut armis optimè ut equis uteretur: ea tamen illum cuncta jam ætate exacta defecerant. Itaque Deiotarum cum plures in equum sustulissent, quod hæere in eo senex posset, admirari solebamus. Hic verò adolescens, qui  
 30 meus in Cilicia miles, in Græcia commilito fuit, cum in illo nostro exercitu equitaret cum suis delectis equitibus, quos unâ cum eo ad Pompei-um pater miserat, quos concursus facere solebat? quàm se jactare? quàm se ostentare? quàm ne-  
 35 mini in illa causa, studio, & cupiditate concedere? Cum verò, exercitu amisso, ego, qui  
 C 5                      pacis

pacis auctor semper fui, post \* Pharsalicum au-  
 tem praelium suasor fuisset armorum non de-  
 ponendorum, sed abjiciendorum, hunc ad meam  
 auctoritatem non potui adducere, quod & ipse  
 ardebat studio ipsius belli, & patri satisfaciendum  
 esse arbitrabatur. Felix ista domus, quæ non  
 impunitatem solum adeptæ sit, sed \* habet etiam  
 accusandi licentiam \*. Calamitosus Deiotarus,  
 qui & ab eo, qui in iisdem castris fuerit, non modò  
 apud te, sed etiam à suis accusetur. Vos vestra  
 secundâ fortunâ, Cæsar, non potestis sine pro-  
 pinquorum calamitate esse contenti. Sint sanè  
 inimicitie, quæ esse non debebant. Rex enim  
 Deiotarus vestram familiam abjectam & obscu-  
 ram è tenebris in lucem vocavit. Quis tuum  
 patrem antea, qui esset, quam cujus gener esset,  
 audivit? Sed, quamvis, ingratis & impiè neces-  
 situdinis nomen repudiaretis, tamen inimicitias,  
 hominum more gerere poteratis, non ficto cri-  
 mine insectari, non expetere vitam, non capitis  
 accessere. Esto: concedatur hæc quoque acer-  
 bitatis & odii magnitudo. Adeone, ut etiam om-  
 nia vitæ, salutisque communis, atque etiam hu-  
 manitatis jura violentur? servum sollicitare verbis,  
 spe, promissisque corrumpere: abducere domo,  
 contra dominum armare: hoc est, non uni pro-  
 pinquo, sed omnibus familiis bellum nefarium  
 indicere. nam ista corruptela servi, si non modò  
 impunita fuerit, sed etiam à tanta auctoritate ap-  
 probata; nulli parietes nostrum salutem, nullæ  
 leges, nulla jura custodient. Ubi enim id, quod  
 intus est, atque nostrum, impunè, evolare potest,  
 contraque nos pugnare: fit in dominatu servitus,  
 in servitute dominatus. O tempora! ô mores!  
 Cn. Domitius ille, quem nos pueri consulem, cen-  
 sorem, pontificem maximum vidimus, cum  
 tribu

tribunis plebis, M. Scaurum, principem civi-  
 tis, in iudicium populi vocavisset, Scaurique ser-  
 vus ad eum clam domum venisset, & crimina in  
 dominum delaturum se esse dixisset: compre-  
 5 hendi hominem iussit, ad Scaurumque deduci.  
 Vide, quid intersit; (etsi iniquè Castorem cum  
 Domitio comparo :) sed tamen ille inimico ser-  
 vum remisit: tu ab avo abduxisti: ille incor-  
 ruptum audire noluit, tu corrupisti: ille adju-  
 10 torem servum contra dominum repudiavit, tu  
 etiam accusatorem adhibuisti. At semel iste  
 est corruptus à vobis? nonne cum esset pro-  
 ductus testis, & cum tecum fuisset, refugit ad  
 legatos? nonne, etiam ad hunc Cn. Domitium ve-  
 15 nit? nonne, audiente hoc Ser. Sulpitio clarissi-  
 mo viro, qui tum casu apud Domitium coenabat,  
 & hoc T. Torquato, optimo adolescente, se à te  
 corruptum, tuis promissis in fraudem impulsum  
 esse confessus est? quæ est ista tam impudens,  
 20 tam crudelis, tam immoderata inhumanitas?  
 idcirco in hanc urbem venisti, ut hujus urbis  
 jura & exempla corrumperes, domesticaque tuâ  
 inhumanitate nostræ civitatis humanitatem in-  
 quinares? At quàm acutè collecta erimina?  
 25 Blefanius, inquit, (ejus enim nomine, optimi  
 hominis, nec tibi ignoti, maledicebat tibi) ad  
 regem scribere solebat, te invidiosè tyrannum  
 existimari: statuâ inter reges positâ animos ho-  
 minum vehementer offensos: plaudi tibi non  
 30 solere. Nonne intelligis, Cæsar, ex urbanis ma-  
 levolorum sermunculis hæc ab istis esse collecta?  
 Blefanius tyrannum Cæsarem scriberet? multo-  
 rum enim civium capita viderat: multos jussu  
 Cæsaris vexatos, verberatos, necatos: multas  
 35 afflictas & eversas domos: armatis militibus re-  
 fertum forum: quæ semper in civili victoria  
 sensi-

sensimus, ea, te victore, non vidimus: solus,  
 inquam, es, C. Cæsar, cujus in victoria ceciderit  
 nemo, nisi armatus: & quem nos liberi in sum-  
 ma reipublicæ libertate nati, non modo, non ty-  
 rannum, sed etiam clementissimum in victoria vi- 5  
 demus ducem: is Blesamio, qui vivit in regno,  
 tyrannus videri potest? Nam de statua quis que-  
 ritur, unâ præsertim, cum tam multas videat?  
 valdè enim invidendum est ejus statux, cujus  
 trophæis non invidemus. Nam si locus adfert 10  
 invidiam, nullus locus est, ad stat am quidem,  
 rostris clarior. De plausu autem quid responde-  
 am? qui nec desideratus unquam à te est, &  
 nonnunquam obstupefactis hominibus ipsâ ad-  
 miratione compressus est: & fortasse eâ præter- 15  
 missus quia nihil vulgare te dignum videri po-  
 test. Nihil à me arbitror prætermisum, sed ali-  
 quid ad extremam causæ partem reservatum. Id  
 autem aliquid est, te ut planè Deiotaro reconc-  
 iliet oratio mea. Non enim jam metuo, ne tu 20  
 illi succenseas: illud vereor, nè tibi illum suc-  
 censere aliquid suspicere: quod abest longissi-  
 me, mihi crede, Cæsar. quod enim retineat  
 per te, meminit, non quid amiserit: neque se à te  
 multatum arbitratur: sed, cum existimaret mul- 25  
 tis tibi multa esse tribuenda, quo minus à se,  
 qui in altera parte fuisset, ea sumeres, non recu-  
 savit. Etenim, si Antiochus magnus ille Rex  
 Asiæ, cum, posteaquam à Scipione devictus, Tau-  
 ro tenus regnare jussus esset, omnemque hanc 30  
 Asiam, quæ est nunc nostra provincia, amisisset:  
 dicere est solitus, benignè sibi à populo Roma-  
 no esse factum, quod nimis magnâ procuratione  
 liberatus, modicis regni terminis uteretur; po-  
 test multo facilius se Deiotarus consolari. Ille 35  
 enim furoris multum sustinuerat, hic erroris.  
 Omnia



Omnia tu Deiotaro, Cæsar, tribuisti, cum & ipsi  
& filio, nomen regium concessisti. Hoc nomine  
reſento, atque conſervato, nullum beneficium  
populi Rom. nullum iudicium de ſe ſenatus im-  
5 minutum putat : magno animo & erecto eſt, nec  
unquam ſuccumbet inimicis, nè fortunæ quidem.  
Multa ſe arbitratur & peperiſſe antea factis, &  
habere in animo, atque virtute ; quæ nullo modo  
poſſit amittere. quæ enim fortuna, aut quis  
10 caſus, aut quæ tanta poſſit injuria omnium im-  
peratorum de Deiotaro decreta delere ? ab om-  
nibus enim his ornatus eſt, qui, poſtquam in caſtris  
eſſe potuit per ætatem, in Aſia, Cappadocia,  
Ponto, Cilicia, Syria, bella gesserunt, Senatus  
15 verò iudicia de illo tam multa, tamque honori-  
fica, quæ publicis populi Romani literis monu-  
mentisque conſignata ſunt, quæ unquam vetuſtas  
obruet, aut quæ tanta delebit oblivio ? Quid de  
virtute ejus dicam ? quid de magnitudine animi,  
20 gravitate, conſtantiâ ? quæ omnes docti atque  
ſapientes ſumma ; quidam etiam ſola bona eſſe  
dixerunt : hiſque non modò ad bona, ſed etiam  
ad beatè vivendum contentam virtutem eſſe.  
Hæc ille reputans, & dies, & noctes cogitans,  
25 non modò tibi non ſuccenſet, (eſſet enim non  
ſolùm ingratus, ſed etiam amens) verùm om-  
nem tranquillitatem & quietem ſeneſcutis ac-  
ceptam reſert clementiæ tuæ. Quo quidem  
animo cum antea fuit, tum non dubito, quin  
30 tuis literis, quarum exemplum legi, quas ad eum  
Tarracone huic Bleſamio dediſti, ſe magis eti-  
am erexerit, ab omnique ſollicitudine abſtraxe-  
rit. Jubes enim eum bene ſperare, & bono eſſe  
animo : quod ſcio te non fruſtrà ſcribere ſolere :  
35 memini enim iſſidem ferè verbis ad me te ſcribe-  
re, meque tuis literis bene ſperare non fruſtrà  
eſſe

esse iustum. Laboro eequidem regis Deiotari  
 causâ, quocum mihi amicitiam respubl. concili-  
 avit, hospitium voluntas utriusque conjunxit,  
 familiaritatem consuetudo attulit; summam verò  
 necessitudinem magna ejus officia in me & in ex-  
 ercitu meum effecerunt: sed cum de illo la-  
 boro, tum de multis amplissimis viris, quibus  
 semel esse ignotum à te oportet, ne benefici-  
 um tuum in dubium vocari, nec hærere in ani-  
 mis hominum sollicitudinem sempiternam; nec 10  
 accidere, ut quisquam te timere incipiat eorum,  
 qui semel à te sint liberati timore. Non de-  
 beo, C. Cæsar, quod fieri solet in tantis pericu-  
 lis, tentare, quonam modo dicendo misericor-  
 diam tuam commovere possim. nihil opus est. 15  
 occurrere ipsa solet supplicibus, & calamitosis,  
 nullius oratione evocara. Propono tibi duos re-  
 ges; & id animo contemplare, quod oculis non  
 potes: dabis profectò misericordiae, quod ira-  
 cundiae negavisti. Multa sunt tuæ clementiæ 20  
 monumenta: sed maxime eorum incolumitates,  
 quibus salutem dedisti. Quæ si in privatis glo-  
 riosa sunt, multò magis commemorabuntur in  
 regibus. semper regium nomen in hac civitate  
 sanctum fuit: sociorum verò regum, & ami- 25  
 corum, sanctissimum. Quod nomen hi reges ne  
 amitterent, te victore, timuerunt: retentum  
 verò, & à te confirmatum, posteris etiam suis  
 tradituros esse confido. Corpora verò sua, pro  
 salute regum suorum, hi legati tibi regii tradunt, 30  
 Hieras, & Blesamius, & Antigonus, tibi nobisque  
 omnibus jamdiu noti, eadèmq; fide & virtute  
 præditus Dorylaus, qui nuper cum Hiera legatus  
 est ad te missus: tum regum amicissimi, tum  
 tibi etiam, ut spero, probati. Exquire de Blesa- 35  
 mio, nunquid ad regem contra dignitatem tuam  
 scrip-

scripserit. Mieras quidam causam omnem susci-  
 pit, & criminibus illis pro rege se supponit reum :  
 memoriam tuam implorat, quâ vales plurimum :  
 negat unquam se à te in Deiotari tetrarchia pedem  
 5 discessisse : in primis finibus tibi se præsto fuisse  
 dicit, usque ad ultimos prosecutum : cum à  
 balneo exisses, tecum se fuisse : cum illa mune-  
 ra inspexisses cœnatus : cum in cubiculo recu-  
 buisses : eandemque assiduitatem tibi se præbuisse  
 10 postridie. Quamobrem, si quid eorum, quæ  
 objecta sunt, cogitatum sit : non recusat, quin id  
 facinus suum iudices. Quocirca; C. Cæsar, velim  
 existimes, hodierno die sententiam tuam, aut  
 cum summo dedecore miserrimam pestem im-  
 15 portaturam esse rigibus, aut incolumem famam  
 cum salute : quorum alterum optare, illorum  
 crudelitatis est ; alterum conservare, clementiæ  
 tux.

20

## ORATIO V.

25

*Quæ est prima in*

## L. CATILINAM.

30

*Argumentum super quatuor Catilinariis.*

Lucius Catilina, teste Sallustio Crispo, qui conjura-  
 rationem hujusmodi scripsit, nobili genere natus  
 35 fuit, magnâ vi animi & corporis, sed ingenio  
 malo pravoque. Huic ab adolescentia bella in-  
 testina,

restina, rapina, caedes, discordia civilis, grata  
 fuere; ibique juveniutem exercuit. Corpus pa-  
 tiens inedia, algoris, vigilia fuit, supra quam  
 credibile est. Animus audax, subdolan, varius,  
 cuiuslibet rei simulator, ac dissimulator, alieni ape-  
 tens, sui profusus, ardens cupiditatibus, satis  
 eloquentia, sapientia parum; vastus animus, im-  
 moderata vel incredibilia, & nimis alta semper  
 cupiebat. Hunc post dominationem L. Syllae  
 libido maxima invaserat R. P. capienda: neque  
 id quibus modis assequeretur, dum sibi regnum  
 pararet, quicquam pensi habebat. Agitabatur  
 magis atque magis animus, indiesque ferox anopia  
 familiaris rei, scelerum conscientia. Qua utraque  
 his artibus auxerat, quas supra memoravi. In-  
 citabant eum praeterea corrupti mores civitatis,  
 quos pessimi ac diversa mala inter se luxuria  
 atque avaritia vexabant. Corrupta namque in  
 civitate ratus est, id quod facillimum factu erat,  
 omnium flagitiosorum atque facinorosorum circum  
 se tanquam stipatorum catervas habere. His  
 amicis sociisque confisus, opprimenda reip. consi-  
 lium cepit: ad hoc quietis rebus ipsi consula-  
 rum petenti magna spes fuit. Sed pecuniarum  
 reperundarum probatus reus, conjuravit de arri-  
 piendo dominium. Quod Fulvia nobilis mulier  
 insolentia Q. Curii consocii cognitum propalavit.  
 Quo accensis patrum studiis M. Tullius, Cn. An-  
 tonius Coss. declarantur. At Tullius, cui urbs  
 evenerat, ad evitandum illius dolos & astutias,  
 & perquirendum illius consilia vigilavit. Tan-  
 dem manifestam re apud P. C. publico in Senatu  
 Catilinam praesentem invehit, monetque, ut ex  
 prima invectione liquet, urbe discedat. Inde  
 per secundam invectionem milites seu Quirites  
 in Catilinam hortatur: monetque si qui sunt

conjuracionis complices, abeant. Ad Quirites  
 item per terram. Qualiter conpirationem nove-  
 rit, manifestat; rogaturque grates agant diis, &  
 indies perpetuò celebretur. Demum, per quar-  
 tam, Senatum consulit, quid de complicitibus  
 captis agendum. Sunt itaque hæc quatuor in-  
 vectiva in genere demonstrativò, in quantum  
 Catilinam vituperat. Sunt etiam in genere de-  
 liberativo, in quantum consulit. Constitutio  
 videtur generaliter conjecturalis. Dispositio verò  
 est non ab artis institutione profecta, sed ad  
 casum temporis, oratoris iudicio accommo-  
 data.

¶

**Q**uousque tandem abutere, Catilina, pa-  
 tientia nostra? quamdiu nos etiam furor iste  
 tuus eludet? quem ad finem sese effr-  
 15 nata actabit audacia? nihilne te nocturnum  
 præsidium Palatii, nihil urbis vigilæ, nihil timor  
 populi, nihil consensus bonorum omnium, nihil  
 hic munitissimus habendi senatûs locus, nihil  
 horum ora vultusque moverunt? patere tua  
 25 consilia non sentis? constrictam jam omnium  
 horum conscientia teneri conjurationem tuam  
 non vides? quid proxima, quid superiore nocte  
 egeris, ubi fueris, quos convocaveris, quid con-  
 siliî ceperis, quem nostrum ignorare arbitraris?  
 30 O tempora, o mores! Senatus hæc intelligit,  
 Consul videt: hic tamen vivit; vivit? imò verò  
 etiam in Senatum venit: sit publici consiliî parti-  
 ceps: notat & designat oculis ad eadem unum-  
 quemque nostrum. Nos autem viri fortes satis-  
 35 facere reipubl. videmur, si istius furorem ac tela  
 vitemus. Ad mortem te, Catilina, duci, iussu  
 Consul is, jam pridem oportebat: in te conferri  
 perem

pestem istam, quam tu in nos omnes jamdiu  
 machinaris. An verò vir amplissimus, P. Scipio,  
 pontifex maximus, Tiberium Gracchum, medio-  
 criter labefactantem statum reipublicæ, privatus  
 interfecit: Catilinam verò orbem terræ cæde  
 atque incendiis vastare cupientem nos consules,  
 perferemus? nam illa nimis antiqua prætereo,  
 quòd Q. Servilius Ahala Sp. Melium novis rebus  
 studentem manu suâ occidit. Fuit, fuit ista  
 quondam in hac repub. virtus, ut viri fortes  
 acrioribus suppliciis civem perniciosum, quàm  
 acerbissimum hostem coacerent. Habemus enim  
 senatusconsultum in te, Catilina, vehemens, &  
 grave: non deest reipub. consilium, neque aucto-  
 ritas hujus ordinis: nos, nos, dico aperte, Con-  
 sules desumus. Decrevit quondam Senatus, ut  
 L. Opimius Cos. videret, nè quid respub. de-  
 trimenti caperet. Nox nulla intercessit: inter-  
 factus est propter quasdam sektionum suspiciones  
 C. Gracchus, clarissimo patre natus, avis, majo-  
 ribus: occisus est cum liberis M. Fulvius consul-  
 laris. Simili senatusconsulto, C. Mario & L. Va-  
 lerio Coss. permessa est respub. numquam diem  
 postea L. Saturninum tribunum plebis, & C. Ser-  
 vilium mors à reipubl. poena remorata est? At  
 nos vigesimum jam diem patimur hebecere aci-  
 on horum auctoritatis: habemus enim hujus-  
 modi senatusconsultum, veruntamen inclusum in  
 tabulis, tanquam gladium in vagina reconditum;  
 quo ex senatusconsulto confestim interfectum te  
 esse, Catilina, convenit. Vivis, & vivis, non  
 ad deponendam, sed ad confirmandam audaci-  
 am. Cupio, P. C. me esse clementem, cupio  
 in tantis reipub. periculis non dissolutum videri:  
 sed jam meipsum inertie nequitieque condemno.  
 Castra sunt in Italia contra reipub. in Etruriz  
 faucibus



faucibus colloata : crescit in dies singulos hosti-  
 um numerus : eorum autem imperatorem castro-  
 rum, ducemque hostium, intra moenia, atque  
 adeò in senatu videmus, intestinam aliquam  
 5 quotidie perniciem reipub. molientem. Si te  
 jam, Catilina, comprehendi, si interfici jussero;  
 credo, erit verendum mihi, nè non hoc potius  
 omnes boni seriùs à me, quàm quisquam cru-  
 deliùs factum esse dicat. Verùm ego hoc, quod  
 10 jampridem factum esse oportuit, certà de causà  
 nondum adducor ut faciam : tum denique inter-  
 ficiam te, cùm jam nemo tam improbus, tam  
 perditus, tam tui similis inveniri poterit, qui id  
 non jure factum esse fateatur. Quamdiu quisquam  
 15 erit qui te defendere audeat, vives ; & vives ità  
 ut nunc vivis, multis meis & firmis prædiis  
 obsessus, ne commovere te contra republ.  
 possis : multorum te etiam oculi & aures non  
 sentientem, sicut adhuc fecerunt, speculabuntur,  
 20 atque custodient. Etenim quid est, Catilina,  
 quod jam ampliùs expectes, si neque nox tene-  
 bris obscurare cœtus nefarios, nec privata do-  
 mus parietibus continere vocem conjurationis tuæ  
 potest ? si illustrantur, si erumpunt omnia ?  
 25 Muta jam istam mentem : mihi crede : oblivisce-  
 re exdis, atque incendiorum. Teneris undique:  
 luce sunt clariora nobis tua consilia omnia : quæ  
 etiam mecum licet recognoscas. Meministine  
 me ante diem xii. Kalend. Novemb. dicere in  
 30 senatu, certo die fore in armis, qui dies futu-  
 rus esset ante diem viii. Kal. Novemb. C. Man-  
 lium audaciz satellitem atque administrum tuum ?  
 num me sese illis, Catilina, non modò res tanta,  
 tam atrox, tam incredibilis ; verùm, id quod  
 35 multò magis est admirandam, dies ? Dixi ego  
 idem in senatu, eadem te optimatum contu-  
 lisse

lisse ante diem v. Kal. Novemb. Tum cum multi  
 principes civitatis Roman. non tam sui conservan-  
 di, quam tuorum consiliorum reprimendorum  
 causâ profugerunt. num inficiari potes, te illo  
 ipso die meis præsidis, meâ diligentia circum-  
 clusum, commovere te contra rempub. non po-  
 tuisse? cum tu discessu ceterorum, nostrâ ta-  
 men, qui remansissemus. cæde contentum te  
 esse dicebas? Quid? cum tute Præneste Kalen. 10  
 ipsis Novembris occupaturum nocturno impetu  
 esse consideres, sensistine, illam coloniam meo  
 jussu, meis præsidis, custodiis, vigiliisque esse  
 munitam? nihil agis, nihil moliris, nihil cogi-  
 tas, quod ego non modò audiam, sed etiam 15  
 videam, planèque sentiam. Recognosce tandem  
 mecum illam superiorem noctem: jam intel-  
 liges, multò me vigilare acrius ad salutem, quàm  
 te ad perniciem reipub. Dico te priori nocte  
 venisse inter falcarios (non agam obscure) in M. 20  
 Leccæ domum: convenisse eodem complures  
 ejusdem amentis scelerisque socios. num ne-  
 gare audes? quid taces? convincam, si negas.  
 video enim esse hic in senatu quosdam, qui tecum  
 unâ fuere. O dii immortales, ubinam gentium 25  
 sumus? quam rempub. habemus? in qua urbe  
 vivimus? hæc, hic sunt in nostro numero. P. C.  
 in hoc orbis terræ sanctissimo gravissimoque con-  
 silio, qui de meo, nostrumque omnium interitu,  
 qui de hujus urbis, atque adeo orbis terrarum exi- 30  
 tio cogitent. Hosce ego video, Consul, & de  
 republica sententiam rogo: & quos ferro truci-  
 dari oportebat, eos nondum voce vulnere. Fu-  
 isti igitur apud Leccam eâ nocte, Catilina: di-  
 stribuisti partes Italix: statuisti quo quemque 35  
 proficisci placeret: delegisti quos Romæ relin-  
 queres, quos tecum educeres: descripsisti urbis  
 partes

partes ad incendia : confirmâsti te ipsum jam  
esse exiturum : dixisti paululum tibi esse etiam  
tum moræ, quod ego viverem. Reperti sunt  
duo equites Romani, qui te istâ curâ liberarent,  
3 & s. se illâ ipsâ nocte paulo ante lucem me in  
meo lectulo interfecturos pollicerentur. Hæc  
ego omnia, vix dum etiam coetu vestro dimisso,  
comperi : domum meam majoribus præsidiiis  
munivi, atque firmavi : exclusi eos, quos tu  
10 manè ad me salutatum miseras, cum illi ipsi ve-  
nissent ; quos ego jam multis viris ad me ven-  
turos id temporis esse prædixeram. Quæ cum  
ita sint, Catilina, perge quo cœpisti : egredere  
aliquando ex urbe : patent portæ, proficiscere :  
15 nimum diu te imperatorem illa tua Manliana  
castra desiderant. educ tecum etiam omnes tuos,  
si minùs, quàm plurimos : purga urbem : magno  
me metu liberabis, dummodo inter me atque te  
murus inter sit : nobiscum versari jam diutius non  
20 potes : non feram, non patiar, non sinam. Mag-  
na diis immortalibus habenda est gratia, atque  
huic ipsi Jovi Statori, antiquissimo custodi hujus  
urbis, quod hanc tam tetram, tam horribilem,  
tàmque infestam reipublicæ pestem toties jam  
25 effugimus. non est sæpius in uno homine salus  
summa periclitanda reipublicæ. Quamdiu mihi  
Consuli designato, Catilina insidiatus es, non pub-  
lico me præsidio, sed privatâ diligentia defendi.  
cùm proximis comitiis consularibus me Consulem  
30 in campo, & competitores tuos interficere volu-  
isti, compressi tuos nefarios conatus amicorum  
præsidio & copiis, nullo tumultu publicè con-  
citato : denique quotiescunque me petisti, per  
me tibi obstiti : quanquam videbam, perniciem  
35 meam cum magna calamitate reipubl. esse con-  
junctam. Nunc jam apertè rempub. universam  
petis,

petis, templa deorum immortalium, tecta urbis,  
 vitam omnium civium, Italiam denique totam  
 ad exitium & vastitatem vocas. Quare, quo-  
 niam id, quod primum atque hujus imperii  
 disciplinaeque majorum proprium est, facere non  
 audeo: faciam id, quod est ad severitatem le-  
 nius, ad communem salutem utilius. Nam si te  
 interfici jussero, residebit in republica reliqua  
 conjuratorum manus: sin (quod te jamdudum  
 hortor) exieris; exhaurietur ex urbe tuorum  
 comitum magna & perniciofa sentina reipublicæ.  
 Quid est, Catilina? num dubitas id, me impe-  
 rante, facere, quod jam tuâ sponte faciebas?  
 exire ex urbe Consul hostem jubet, interrogas  
 me, num in exilium? non jubeo: sed, si me  
 consulis, suadeo. Quid enim, Catilina, est, quod  
 te tam in hac urbe delectare possit; in qua ne-  
 mo est extra istam conjunctionem perditorum  
 hominum, qui te non metuat, nemo qui te non  
 oderit? Quæ nota domesticæ turpitudinis non  
 iniusta vitæ tuæ est? quod privatarum rerum  
 dedecus non hæret infamæ? quæ libido ab oculis,  
 quod facinus à manibus unquam tuis, quod fla-  
 gitium à toto corpore abfuit? cui tu adolescen-  
 tulo, quem corruptelarum illecebris irrecesses,  
 non aut ad audaciam ferrum, aut ad libidinem  
 facem prætulisti? Quid verò? nuper, cum morte  
 superioris uxoris, novis nuptiis domum vacuam  
 fecisses, nonne etiam alio incredibili scelere hoc  
 scelus cumulasti? quod ego præmitto, & fa-  
 cile patior sileri, ne in hac civitate tanti facino-  
 ris immanitas aut extitisse, aut non vindicata esse  
 videatur. Præmitto ruinas fortunarum tuarum;  
 quas omnes impendere tibi proximis idibus sen-  
 ties, ad illa venio, quæ non ad privatam igno-  
 miniam vitiorum tuorum, non ad domesticam  
 tuam

tuam difficultatem ac turpitudinem, sed ad sum-  
 mam reipublicæ, atque ad omnium nostrum  
 vitam salutemque pertinent. Potestne tibi hu-  
 jus vitæ hæc lux, Catilina, aut hujus cœli spiri-  
 tus esse jucundus? cum scias horum esse nemi-  
 nem, qui nesciat te pridie Calend. Januar. Lepi-  
 do & Tullo Coss. stetit in comitio cum telo?  
 manum, Consulum & principum civitatis inter-  
 ficiendorum causâ, paravisse? scelus, ac furor  
 tuo, non mentem aliquam, aut timorem tuum,  
 sed fortunam reipubl. obstitisse? Ac jam illa  
 omitto: neque enim sunt aut obscura, aut non  
 multo post commissa, quoties tu me designa-  
 tum, quoties me consulem interficere conatus es!  
 quot ego tuas petitiones ita conjectas, ut vitari  
 posse non viderentur, parvâ quadam declina-  
 tione, & ut aiunt, corpore effugi? nihil agis,  
 nihil assequeris, nihil moliris, quod mihi latere  
 valeat in tempore: neque tamen conari ac velle  
 desistis. Quoties jam, quoties jam tibi extorta  
 est sica ista de manibus? quoties verò excidit  
 casu aliquo, & elapsa est? tamen eâ carere diu-  
 tius non potes: quæ quidem quibus abs te initia-  
 ta sacris ac devota sit nescio, quod eam necesse  
 putas Consulibus incorpore defigere. Nunc verò,  
 quæ tua est ista vita: sic enim jam tecum loquar,  
 non ut odio permotus esse videar, quo debeo;  
 sed ut misericordiâ, quæ tibi nulli debetur. Ve-  
 nisti paulò antè in Senatum: quis te ex hac  
 tanta frequentia, ex tot tuis amicis ac necessa-  
 riis salutavit? si hoc post hominum memoriam,  
 contigit nemini, vocis expectas contumeliam,  
 cum sis gravissimo judicio taciturnitatis oppres-  
 sus? quid, quod adventu tuo ista subsellia vacua  
 facta sunt? quid, quod omnes Consulares, qui  
 tibi per sæpe ad eandem constituti fuerunt, simu-  
 latque

latque assedisti, partem istam subselliorum mandam atque inanem reliquerunt? Quo tandem animo hoc tibi ferendum putas? servi, mehercle, mei, si me isto pacto metuerent, ut te metuunt omnes cives tui, domum meam relinquendam putarem: tu tibi urbem non arbitraris? & si me meis civibus injuria suspectum tam graviter, atque offensum viderem; carere me aspectu civium, quam infestis oculis omnium conspici mallet: tu cum conscientia scelerum tuorum agnoscas odium omnium justum & jam tibi diu debitum, dubitas, quorum mentes sensusque vulneras, eorum aspectum praesentiamque vitare? si te parentes timerent atque odissent tui, neque eos ullâ ratione placare posses; ut opinor, ab eorum oculis aliquò confiteres: nunc te patria, quae communis est omnium nostrum parens, odit ac metuit; & jamdiu te nihil judicat, nisi de parricidio suo, cogitare. Hujus tu neque auctoritatem verebere, neque judicium sequere, neque vim pertimesces? quae tecum, Catilina, sic agit, & quodammodo tacita loquitur: Nullum jam tot annos facinus extitit, nisi per te: nullum flagitium sine te: tibi uni multorum civium necesse, tibi vexatio, direptioque sociorum impunita fuit ac libera: tu non solum ad negligendas leges & quaestiones, verum etiam ad evertendas perfringendasque valuisti. Superiora illa, quanquam ferenda non fuerunt; tamen, ut potui, tuli: nunc verò, me totum esse in metu propter te unum; quidquid increpuerit, Catilinam timeri: nullam videri contra me consilium iniiri posse, quod à tuo scelere abhorreat: non est ferendum. Quamobrem discede, atque hunc mihi tinorem eripe: si verus, ne opprimiar;



fin falsus, ut tandem aliquando timere desinam.  
 Hæc si tecum, ut dixi, patria loquatur, nonne  
 impetrare debeat, etiamsi vim adhibere non  
 possit? Quid: quod tu te ipse in custodiam  
 5 dedisti? quid: quod, vitandæ suspicionis causa,  
 apud M. Lepidum te habitare velle dixisti? à  
 quo non receptus, etiam ad me venire ausus es,  
 atque ut domi meæ te asservarem rogasti. Cum  
 à me quoque id responsum tulisses, me nullo  
 10 modo posse iisdem parietibus tutò esse tecum,  
 qui magno in periculo essem, quod iisdem mœ-  
 nibus contineremur; ad Q. Metellum prætorem  
 venisti, à quo repudiatus, ad sodalem tuum,  
 virum optimum M. Marcellum, demigrasti:  
 15 quem tu videlicet & ad custodiendum te dili-  
 gentissimum, & ad suspicandum sagacissimum, &  
 ad vindicandum fortissimum fore putasti: sed  
 quam longè videtur à carcere atque à vinculis  
 abesse debere, qui seipsum jam dignum custodiâ  
 20 iudicaverit? Quæ cum ita sint, Catilina, dubitas,  
 si hic emori æquo animo non potes, abire in  
 aliquas terras, & vitam istam, multis suppliciis  
 justis debitisque ereptam, fugæ solitudinique  
 25 mandare? Refer, inquis, ad Senatum. Id enim  
 postulas: & si hic ordo sibi placere decreverit,  
 te ire in exilium, obtemperaturum te esse dicis.  
 Non referam id quod abhorret à meis moribus;  
 & tamen faciam, ut intelligas quid hi de te sen-  
 tiant. Egrederere ex urbe, Catilina: libera rem-  
 30 publicam metu: in exilium, si hanc vocem ex-  
 spectas, proficiscere. Quid est, Catilina? ecquid  
 attendis, ecquid animadvertis horum silentium?  
 patiuntur: tacent. Quid expectas auctorita-  
 tem loquentium, quorum voluntatem tacitorum  
 35 perspicis? At si hoc idem huic adolescenci  
 optimo, P. Sextio; si fortissimo viro, M. Marcello

dixissem : jam mihi Consuli hoc ipso in templo jure optimo senatus vim, & manus intulisset. de te autem, Catilina, cum quiescunt, probant : cum patiuntur, decernunt : cum tacent, clamant. neque hi solum, quorum tibi auctoritas est videlicet chara, vita vilissima : sed etiam illi equites Romani, honestissimi atque optimi viri, ceterique fortissimi cives, qui circumstant Senatum : quorum tu & frequentiam videre, & studia perspicere, & voces paulò ante exaudire potuisti. quorum ego vix abs te jamdiu manus ac tela contineo ; eosdem faciliè adducam, ut te hæc quæ jampridem vastare studes, relinquentem, usque ad portas prosequantur. Quanquam quid loquor ? te ut ulla res frangat ? tu ut unquam te corrigas ? tu ut ullam fugam meditere ? tu ullum ut exilium cogites ? utinam tibi istam mentem dii immortales darent ! tametsi video, si mea voce perterritus ire in exilium animum induxeris, quanta tempestas invidiæ nobis, si minùs in præsens tempus, recenti memoria scelerum tuorum, ac in posteritatem, impendeat. Sed est mihi tanti, dummodo ista tua privata sit calamitas, & à reipubl. periculis sejungatur. Sed ut vitiis tuis commoveare, ut legum pœnas pertimescas, ut temporibus reipubl. concedas, non est postulandum. Neque enim, Catilina, is es, ut te aut pudor à turpitudine, aut metus à periculo, aut ratio à furore revocarit. Quamobrem, ut sæpe jam dixi, proficiscere. Ac si mihi inimico, ut prædicas, tu constare vis invidiam, recta perge in exilium : vix feram sermones hominum, si id feceris : vix molem istius invidiæ, si in exilium jeris jussu consulis, sustinebo. Sin autem servire meæ laudi & gloriæ mavis, egredere cum importuna sceleratorum manu :

manu : confer te ad Manlium, concita perditos  
 cives, secerne te à bonis, infer patriæ bellum :  
 exsulta impio latrocinio, ut à me non ejectus ad  
 alienos, sed invitatus ad tuos, visse videaris.  
 5 Quamquam quid ego te invitem, à quo jam sci-  
 am esse præmissos, qui tibi ad Forum Aurelium  
 præstolarentur armati ? sciam pactam & consti-  
 tutam esse cum Manlio diem ? à quo etiam Aquila  
 illam argenteam quam tibi ac tuis omni-  
 10 bus perniciosam esse confido, & funestam futu-  
 ram, cui domi tuæ sacrarium scelerum tuorum  
 constitutum fuit, sciam esse præmissam ? tu ut  
 illà diutiùs carere possis, quam venerari, ad cæ-  
 dem proficiscens, solebas ? à cujus altaribus sæpe  
 15 istam dextram impiam ad necem civium transtu-  
 listi ? Ibis tandem aliquando, quò te jampridem  
 tua ista cupiditas effrænata ac furiosa rapiebât.  
 Neque enim tibi hæc res affert dolorem, sed  
 quandam incredibilem voluptatem. Ad hanc  
 20 te amentiam natura peperit, voluntas exercuit,  
 fortuna servavit. Nunquam tu non modò oti-  
 um, sed ne bellum quidem, nisi nefarium concu-  
 pisti. Nactus es ex perditis, atque ab omni  
 non modò fortuna, verùm etiam spe derelictis  
 25 conflata improborum manum. Hic tu quâ  
 latitia perfruere ? quibus gaudiis exsultabis ?  
 quanta in voluptate bacchabere ? cùm in tanto  
 numero tuorum neque audies virum bonum  
 quenquam, neque videbis ? Ad hujus vitæ stu-  
 30 dium meditati illi sunt, qui feruntur, labores  
 tui : jacere humi non modò ad obsidendum  
 stuprum, verùm etiam ad facinus obeundum :  
 vigilare non solùm ad insidiandum somno ma-  
 ritorum, verùm etiam bonis occisorum. Habes  
 35 ubi ostentes illam præclaram tuam patientiam  
 famis, frigoris, inopiæ rerum omnium, quibus

te brevi tempore confectum esse senties. Tantum  
 profeci tum, cum te à consulatu repuli, ut exul  
 potius tentare, quàm consul vexare rempubl.  
 posses; atque ut id quod esset à te sceleratè  
 lulceptum, latrocinium potius, quàm bellum  
 nominaretur. Nunc ut à me P. C. quandam  
 prope justam patriæ querimoniam detester ac  
 deprecèr; percipite, quæso, diligenter quæ di-  
 cam, & ea penitus animis vestris mentibûsque  
 mandate. Etenim si mecum patria, quæ mihi  
 vitâ meâ multò est carior; si cuncta Italia, si  
 omnis respublica loquatur: M. Tulli, quid agis?  
 tunc eum, quem esse hostem comperisti, quem  
 ducem belli futurum vides, quem expectari  
 imperatorem in castris hostium sentis, auctorem  
 sceleris, principem conjurationis, evocatorem  
 servorum & civium perditorum, exire patieris,  
 ut abs te non emissus ex urbe, sed immissus in  
 urbem esse videatur? nòne hunc in vincula  
 duci, non ad mortem rapi, non summo supplicio  
 mactari imperabis? Quid tandem impedit te?  
 mósne majorum? at persæpe etiam privati in  
 hac repub. perniciosos cives morte multârunt. An  
 leges, quæ de civium Romanorum supplicio roga-  
 tæ sunt? At nunquam in hac urbe ii, qui à re-  
 publica defecerunt, civium jura tenuerunt. An  
 invidiam posteritatis times? præclaram verò  
 populo Romano refers gratiam, qui te homi-  
 nem per te cognitum, nullâ commendatione  
 majorum, tam maturè ad summum imperium  
 per omnes honorum gradus extulit; si propter  
 invidiam aut alicujus periculi metum, salutem  
 civium tuorum negligis. Sed si quis est invidiæ  
 metus, num est vehementiùs severitatis, ac for-  
 titudinis invidia, quàm inertix ac nequitix per-  
 timescenda? An cum bello vastabitur Italia,  
 vexa-

vexabuntur urbes, tecta ardebunt, tum te non existimas invidiæ incendio conflagraturum? His ergò sanctissimis reipublicæ vocibus, & eorum hominum qui idem sentiunt, mentibus, pauca respondebo. Ego, si hoc optimum factu iudicarem, P. C. Catilinam morte multari, unius usuram horæ gladiatori isti ad vivendum non dedissem. Etenim si summi viri, & clarissimi eives, Saturnini, & Gracchorum, & Flacci, & superiorum complurium sanguine non modò se non contaminârunt, sed etiam honestârunt: certè verendum mihi non erat, ne quid, hoc parricidâ civium interfecto, invidiæ mihi in posteritatem redundaret. Quod si ea mihi maxime impenderet; tamen hoc animo semper fui, ut invidiam virtute partam, gloriam, non invidiam putarem. Quanquam nonnulli sunt in hoc ordine, qui aut ea, quæ imminet, non videant; aut ea quæ vident, dissimulant: qui spem Catilinæ mollibus sententiis aluerunt, conjunctionemque nascentem non credendo corroboraverunt: quorum auctoritatem secuti multi, non solum improbi, verum etiam imperiti, si in hunc animadvertissem, crudeliter & regiè factum esse dicerent. Nunc intelligo, si ista, quò intendit, in Manliana castra pervenerit, neminem tam stultum fore, qui non videat conjunctionem esse factam; neminem tam improbum, qui non fateatur. Hoc autem uno interfecto, intelligo hanc reipub. pestem paulisper reprimi, non in perpetuum comprimi posse. Quod si se ejecerit, secumque suos eluxerit, & eodem cæteros undique collectos naufragos aggregaverit; extinguetur atque delebitur non modò hæc tam adulta reip. pestis, verum etiam stirps, ac semen malorum omnium. Etenim jam diu P. C. in his

periculis conjurationis insidiisque versamur: sed nescio quo pacto omnium scelerum, ac veteris turoris, & audaciæ maturitas in nostri Consulatus tempus erupit. Quod si ex tanto latrocinio iste unus tolletur, videbimur fortasse ad breve, quoddam tempus curâ & metu esse relevati: periculum autem residebit & erit inclusum penitus in venis atque in visceribus reipublicæ. Ut sæpe homines ægri morbo gravi cum æstu, febrique jaectantur, si aquam gelidam biberint, primò relevari videntur; deinde multò gravius vehementiusque afficiantur: sic hic morbus, qui est in republica, relevatus istius pœnâ, vehementius, vivis reliquis, ingravescet. Quare, P. C. secedant improbi, secernant se à bonis, unum in locum congregentur; muro denique, id quod sæpe jam dixi, secernantur à nobis: desinant insidiari domi suæ Consuli, circumstare tribunal prætoris urbani, obsidere cum gladiis curiam, malleolos & faces, ad incendendam urbem, comparare: sit denique inscriptum in fronte uniuscujusque civis quid de republ. sentiat. Polliceor vobis hoc, P. C. tantam in nobis COSS. fore diligentiam, tantam in vobis auctoritatem, tantam in equitibus Roman. virtutem, tantam in omnibus bonis consensionem, ut Catilinæ profectio-  
ne omnia patefacta, illustrata, oppressa, vindicata esse videatis. Hisce omnibus, Catilina, cum summa reipubl. salute, & cum tua peste, ac pernicië, cumque eorum exitio, qui se tecum omni icelere parricidiisque junxerunt; proficiscere ad impium bellum, ac nefarium. Tum tu, Jupiter, qui iisdem, quibus hæc urbs, auspiciis à Romulo es constitutus, quem Statorem hujus urbis atque imperii verè non inamus, hunc & hujus socios à tuis aris cæterisque templis, ætatis urbis ac mœnibus,



mœnibus, à vita fortunisque civium omnium arcebis ; & omnes inimicos bonorum, hostes patriæ, latrones Italiæ, scelerum fœdere inter se, ac nefariâ societate conjunctos, æternis suppliciis vivos mortuósque mactabis.

## O R A T I O VI.

*Quæ est secunda in*

## L. CATILINAM.

15 **T**andem aliquando, Quirites, L. Catilinam furentem audaciâ, scelus anhelantem, pestem patriæ nefariè molientem, vobis atque huic urbi ferrum flammamque minitantem, ex urbe vel ejicimus, vel emisimus, vel ipsum egredientem, verbis prosecuti sumus. Abiit, excessit, evasit, erupit. Nulla jam perniciēs à monstro illo atque prodigio mœnibus ipsis intra mœniâ comparabitur. Atque hunc 25 quidem unum hujus belli domestici ducem sine controversia vicimus. Non enim jam inter latera nostra sica illa versabitur : non in campo, non in foro, non in curia, non denique intra domesticos parietes pertimescemus. Loco ille 30 motus est, cum est ex urbe depulsus : palàm jam cum hoste, nullo impediēte, bellum justum geremus. Sine dubio perdidimus hominem, magnificèque vicimus, cum illum ex occultis insidiis in apertum latrocinium conjecimus. Quod verò non cruentum mucronem, ut voluit, extulit, 35 quod vivis nobis egressus est, quod ferrum de  
D 4 manibus

manibus extorsimus, quòd incolumes cives, quòd  
stantem urbem reliquit: quantò tandem illum  
mœrore afflictum esse & profligatum putatis?  
Jacet ille nunc prostratus, Quirites, & se percul-  
sum atque abjectum esse sentit, & retorquet o-  
culos profectò saepe ad hanc urbem, quam ex  
suis faucibus ereptam esse luget: quæ quidem  
lætari mihi videtur, quòd tantam pestem evo-  
muerit, forasque projecèrit. At si quis est talis,  
quales esse omnes oportebat, qui in hoc ipso in 10  
quo exultat & triumphat oratio mea, me ve-  
hementer accuset, quòd tam capitalem hostem  
non comprehenderim potiùs quàm emiserim:  
non est ista mea culpa, Quirites, sed temporum.  
Interemptum esse L. Catilinam, & gravissimo 15  
supplicio affectum jampridem oportebat: idque  
à me, & mos majorum & hujus imperii severitas,  
& respublica postulabat. Sed quàm multos fu-  
isse putatis qui, quæ ego deferrem, non crede-  
rent? quàm multos, qui propter stultitiam non 20  
putarent? quàm multos, qui etiam defende-  
rent? quàm multos, qui propter improbitatem  
faverent? Ac si sublato illo, depelli à vobis om-  
ne periculum judicarem, jampridem ego L. Ca-  
tilinam non modò invidiæ meæ, verùm etiam 25  
vitæ periculo sustulissem. Sed cùm viderem, ne  
vobis quidem omnibus re etiam tum probatâ, si  
illam, ut erat meritis, morte multassem, fore  
ut ejus socios invidiâ oppressus persequi non pos-  
sem: rem huc deduxi, ut tum palam pugnare 30  
possëtis, cùm hostem apertè videretis. Quem  
quidem ego hostem, Quirites, quàm vehemen-  
ter foris esse timendum putem, licet hinc intel-  
ligatis, quòd illud etiam molestè fero, quòd ex  
urbe parum comitatus exierit. Utinam ille om- 35  
nes secum suas copias eduxisset. Tongillum mi-  
hi

hi eduxit, quem amare in prætexta ~~co-~~ce-  
perat: Publicium, & Munatium, quorum æs alie-  
num contractum in popina nullum reipublicæ me-  
tum asferre poterat. Reliquit quos viros? quanto  
5 alieno ære? quàm valentes? quàm nobiles  
~~?~~? Itaque ego illum exercitum, Gallie-  
canis legionibus, & hoc delectu, quem in agro  
Piceno & Gallico Q. Metellus habuit, & his co-  
piis, quæ à nobis quotidie comparantur, mag-  
10 nopere contemno, collectum ex senibus despe-  
ratis, ex agresti luxuria, ex rusticis mendiculis,  
ex decoctoribus, ex iis, qui vadimonia deferere,  
quàm illum exercitum maluerunt. Quibus ego  
non modò si aciem exercitus nostri, verùm eti-  
15 am si edictum prætoris ostendero, concident.  
Hos, quos video volitare in foro, quos stare ad  
curiam, quos etiam in senatum venire, qui nitent  
unguentis, qui fulgent purpurâ, mallem secum  
suos milites eduxisset: qui si hic permanent, me-  
20 mentote, non tam exercitum illum esse nobis,  
quàm hos, qui exercitum deseruerunt, pertime-  
scendos. Atque hoc etiam magis sunt timendi,  
quòd quid cogitent, me scire sentiunt, neque ta-  
men permouentur. Video cui Apulia sit attribu-  
25 ta, qui habeat Etruriam, qui agrum Picenum,  
qui Gallicum, qui sibi has urbanas insidias exdis  
atque incendiorum depoposcerit: omnia superic-  
ris noctis consilia ad me perlata esse sentiunt:  
patefeci in Senatu hesterno die: Catilina ipse per-  
30 timuit, profugit: hi quid expectant? nã illi ve-  
hementer errant, si illam meam pristinam lenita-  
tem perpetuam sperant futuram: quòd exspe-  
ctavi, jam sum assecutus, ut vos omnes factam  
esse apertè conjurationem contra rempub. videre-  
35 tis. Nisi verò si quis est, qui Catilinæ similis  
cum Catilina sentire non putet. Non est jam

lenitudo; severitatem res ipsa flagitat. Unum etiam nunc concedam: exeant, proficiantur, nè patiantur desiderio sui Catilinam miserum tabescere: demonstrabo iter: Aureliam viam profectus est: si accelerare volent, ad vesperam consequentur. O fortunatam rem, si quidem hanc sentinam hujus urbis egerit. Uno mehercule Catilinam exhausto, relevata mihi, & recreata respubl. videtur. Quid enim mali aut sceleris fingi aut excogitari potest, quod non ille conceperit? quis totam Italiam veneficus, quis gladiator, quis latro, quis sicarius, quis parricida, quis testamentorum subjector, quis circumscriptor, quis ganeo, quis nepos, quis adulter? quæ mulier infamis, quis corruptor juventutis, quis corruptus, quis perditus inveniri potest, qui secum Catilina non familiarissime vixisse fateatur: quæ cædes per hosce annos sine illo facta est? quod nefarium Furum non per illum? Jam verò quæ tanta in ullo unquam homine Juventutis illecebra fuit, quanta in illo? qui alios ipse amabat turpissime; aliorum amoris flagitiosissime serviebat: aliis fructum libidinum; aliis mortem parentum non modò impellendo, verum etiam adjuvando pollicebatur. Nunc verò quam subito non solum ex urbe verum etiam ex agris ingentem numerum perditorum hominum collegerat! nemo non modo Romæ, sed nec ullo in angulo totius Italiæ oppressus ære alieno fuit, quem non ad hec incredibile sceleris fœdus aciverit. Atque ut ejus diversa studia in dissimili ratione perspicere possitis; nemo est in ludo gladiatorio paulo ad facinus audacior, qui se non intimum Catilinæ esse fateatur: nemo in cœna levior & nequior, qui se non ejusdem prope sodalem fuisse commemoret. Atque

que idem tamen stuprorum & scelerum exercitatione, assuesfactus frigore, & fame, & siti ac vigiliis perferendis, fortis ab istis suis sociis prædicabatur, cum industriæ subsidia, atque instrumenta virtutis in libidinem audaciamque consumerentur. Hunc verò si sui fuerint comites secuti, si ex urbe exierint desperatorum hominum flagitiosi greges, ô nos beatos! ô rempubl. fortunatam! ô præclaram laudem Consulatus mei! Non enim jam sunt mediocres hominum libidines, non humanæ audaciæ ac tolerandæ: nihil cogitant, nisi cædes, nisi incendia, nisi rapinas. Patrimonia sua profuderunt: fortunas suas abligurierunt: res eos jampridem, fides deficere nuper cœpit: eadem tamen illa, quæ erat in abundantia, libido permanet. Quod si in vino & alea comestationes solum & scorta quærerent, essent illi quidem desperandi, sed tamen essent ferendi: hoc verò quis ferre possit, inertes homines fortissimis viris insidiari, stultissimos prudentissimis, ebriosos sobriis, dormientes vigilantibus? qui mihi accubantes in conviviis, complexi mulieres impudicas, vino lauguidi, confecti cibo, fertis redimiti, unguentis oblit, debilitati stupris, eructant sermonibus suis cædem bonorum, atque urbis incendia. Quibus ego confido impendere fatum aliquod; & pœnas jamdiu improbitati, nequitix, sceleri, libidini debitas, aut instare jam planè aut certè jam appropinquare. Quos si meus Consulatus, quoniam sanare non potest, sustulerit; non brevenescio quod tempus, sed multa secula propegarit reipublicæ. Nulla est enim natio, quam pertimescamus; nullus rex, qui bellum populo Romano inferre possit: omnia sunt externa, unius virtute, terrâ marique pacata: Domestici-

# O R A T I O

cum bellum manet : intus insidiæ sunt : intus in-  
 clusum periculum est : intus est hostis : cum  
 luxuria nobis, cum amentia, cum scelere cer-  
 tandum est. Huic ego me bello ducem profi-  
 teor, Quirites : suscipio inimicitias hominum  
 perditorum. Quæ sanari poterant, quacunque  
 ratione sanabo : quæ resecanda erunt non pati-  
 ar ad perniciem civitatîs manare. Proinde aut  
 exeant, aut quiescant ; aut, si & in urbe & in  
 eadem mente permanent, ea quæ merentur, ex- 10  
 pectent. At etiam sunt, Quirites, qui dicant  
 à me in exilium ejectum esse Catilinam. Quod  
 ego, si verbo assequi possem, istos ipsos ejicerem,  
 qui hæc loquuntur. Homo enim videlicet timi-  
 dus, & permodestus, vocem Consulis ferre non 15  
 potuit : simulatque ire in exilium jussus est, pa-  
 ruit. Quid, quod hesterno die cum domi meæ  
 penè interfectus essem Senatum in ædem Jovis  
 Statoris vocavi ; rem omnem ad patres con-  
 scriptos detuli ? quo cùm Catilina venisset, quis 20  
 eum Senator appellavit ? quis salutavit ; quis de-  
 nique ità aspexit, ut perditum civem ac non po-  
 tius ut importunissimum hostem ? quin etiam  
 principes ejus ordinis partem illam subselliorum  
 ad quam ille accesserat, nudam atque inanem 25  
 reliquerunt. Hic ego vehemens ille Consul, qui  
 verbo cives in exilium ejicio, quæsi à Catilinâ  
 an nocturno conventu apud M. Leccam fuisset,  
 necne : cum ille homo audacissimus, conscientia  
 convictus, primò reticisset ; patefeci cætera : 30  
 quid eâ nocte egisset, ubi fuisset quid in proxi-  
 ma constituisset, quemadmodum esset ei ratio  
 totius belli descripta, edocui. Cum hæsitaret,  
 cùm cunctaretur ; quæsi quid dubitaret profi-  
 cisci eò, quò jampridem parârat : cum arma, 35  
 cum secures, cum fasces, cum tubas, cum signa  
 militaria,



militaria, cum aquilam illam argenteam, cui ille etiam sacrarium scelerum domi suæ fecerat, scirem esse præmissam. In exilium ejiciebam, quem jam ingressum in bellum esse videbam? etenim  
5 credo, Manlius iste centurio, qui in agro Fesulano castra posuit, bellum populo Romano suo nomine indixit; & illa Castra nunc non Catilinam ducem expectant; & ille ejectus in exilium, se Massiliam, ut aiunt, non in hæc castra  
10 conferet. O conditionem miseram non modo administrandæ, verum etiam conservandæ reipublicæ! nunc, si L. Catilina, consiliis, laboribus, periculis meis circumclusus, ac debilitatus, subito pertimuerit, sententiam mutaverit, deseruerit suos, consilium belli faciendi abjecerit, ex  
15 hoc cursu sceleris, & belli, iter ad fugam atque in exilium converterit: non ille à me spoliatus armis audaciæ, non obstupescens, ac perterritus meâ diligentia, non de spe conatûque depulsus,  
20 sed indemnatus, innocens in exilium ejectus à Consule, vi & minis esse dicetur: & erunt, qui illum, si hoc fecerit, non improbum, sed miserum; me non diligentissimum Consulem, sed crudelissimum Tyrannum existimari velint. Est  
25 mihi tanti, Quirites, hujus invidiæ falsæ atque iniquæ tempestatem subire, dummodo à vobis hujus horribilis belli ac nefarii periculum depellatur. Dicatur sanè ejectus esse à me dummodo eat in exilium: sed, mihi credite, non est  
30 iturus. Nunquam ego à diis immortalibus optabo, Quirites, invidiæ meæ levandæ causâ, ut L. Catilinam ducere exercitum hostium, atque in armis volitare audiat: sed triduo tamen audietis, multoque magis illud timeo, nè mihi sit  
35 invidiosum aliquando, quod illum emissem potius, quàm quod ejecerim. Sed cum sint homines,

nes, qui illum, cùm profectus sit, ejectum esse  
 dicant, iidem, si interfectus esset, quid dicerent?  
 Quamquam isti, qui Catilinam Massiliam ire di-  
 citant, non tam hoc queruntur, quàm veren-  
 tur. Nemo est istorum tam misericors, qui il-  
 lum non ad Manlium, quàm ad Massilienses ire  
 malit. Ille autem, si, mehercules, hoc quod  
 agit, nunquam ante cogitasset, tamen latrocinan-  
 tem se interfici mallet, quàm exulem vivere :  
 nunc vero, cùm ei nihil adhuc præter ipsius vo- 10  
 luntatem cogitationemquè acciderit, nisi quod  
 vivis nobis Romam profectus est, optemus poti-  
 us, ut eat in exilium, quàm queramur. Sed cur  
 tamdiu de uno hoste loquimur, & de eo hoste,  
 qui jam fatetur, se esse hostem, & quem, quia, 15  
 quod semper volui, mæus interest, non timeo;  
 de his, qui dissimulant, qui Romæ remanent,  
 qui nobiscum sunt, nihil dicimus: quos quidem  
 ego, si ullo modo fieri posset, non tam ulcisci  
 studeo, quàm sanare, & ipsos placare reipubli- 20  
 cæ: neque, id quare fieri non possit, si me au-  
 dire voluerint, intelligo. Exponam enim vobis,  
 Quirites, ex quibus generibus hominum istæ co-  
 piae comparentur: deinde singulis medicinam  
 consilii atque orationis meæ, si quam potero, 25  
 afferam. Primum genus est eorum, qui magno  
 in ære alieno majores etiam possessiones habent;  
 quarum amore adducti, dissolvi nullo modo pos-  
 sunt. Horum hominum species est honestissima:  
 sunt enim locupletes; voluntas verò, & causa 30  
 impudentissima. Tu agris, tu ædificiis, tu ar-  
 gento, tu familia, tu rebus omnibus ornatus, &  
 copiosus sis; & dubites aliquid de possessione  
 detrahere, ac fidem acquirere? Quid enim ex-  
 spectas? bellum? quid? ergo in vastatione om- 35  
 nium, tuas possessiones sacrosanctas futuras pu-  
 tas?

tas? an tabulas novas? errant, qui istas à Catilina expectant. Meo beneficio tabulæ novæ proferentur; verum auctonariæ. Neque enim isti, qui possessiones habent, alia ratione ullâ salvi esse possunt. Quod si maturius facere voluissent, neque (id quod stultissimum est) certare cum usuris, fructibus prædiorum, locupletioribus his & melioribus civibus uteremur. Sed hosce homines minimè puto pertimescendos, quod aut deduci de sententia possunt; aut si permanebunt, magis mihi videntur vota facturi contra rempubl. quàm arma laturi. Alterum genus est eorum, qui quanquam premuntur ære alieno, dominationem tamen expetunt: rerum potiri volunt: honores, quos quietâ republicâ desperant, perturbatâ consequi se posse arbitrantur. Quibus hoc præcipiendum videtur, unum scilicet & idem quod cæteris omnibus; ut desperent, se id, quod conantur, consequi posse. Primum omnium meipsum vigilare, adesse, providere, reipubl. deinde magnos animos esse in bonis viris, magnam concordiam, maximam multitudinem, magnas præterea copias militum, deos denique immortales huic invictò populo, clarissimo imperio, pulcherrimæ urbi contra tantam vim sceleris præsentis auxilium esse laturos. Quod si jam sint id, quod cum summo furore cupiunt, adepti; num illi in cinere urbis, & sanguine civium, quæ mentem conscelerata ac nefaria concupierunt, se consules, ac dictatores, aut etiam reges sperant futuros? non vident se cupere, id, quod si adepti fuerint, fugitivo alicui aut gladiatori concedi sit necesse? Tertium genus est ætate jam confectum, exercitatione robustum: quo ex genere est ipse Manlius, cui nunc Catilina successit. Hi sunt homines ex his Coloniis, quas

quas Fesulis Sulla constituit : quas ego universas  
 civium esse optimorum & fortissimorum viro-  
 rum sentio : sed tamen hi sunt coloni, qui se in-  
 speratis. repetitisque pecuniis sumptuosius inso-  
 lentiùsque jactârunt. Hi dum ædificant tanquam  
 beati, dum prædiis, lecticis, familiis magnis,  
 conviviis, apparatus delectantur, in tantum æs-  
 alienum inciderunt, ut si salvi esse velint, Sulla  
 ut iis ab inferis excitandus. Qui etiam nonnul-  
 los agrestes homines tenues atque egentes in ean- 10  
 dem illam spem rapinarum veterum impulerunt.  
 Quos ego utrosque, Quirites, in eodem genere  
 prædatorum direptorumque pono. Sed eos hoc  
 moneo, desinant furere, ac proscriptiones & di-  
 ctaturas cogitare. Tantus enim illorum tempo- 15  
 rum dolor inustus est civitati, ut jam ista non  
 modò homines ; sed nè pecudes quidem mihi  
 passuræ esse videantur. Quartum genus est sanè  
 varium, & mistum, & turbulentum, qui jam-  
 pridem premuntur : qui nunquam emergent : 20  
 qui partim inertia, partim malè gerendo nego-  
 tio, partim etiam sumptibus, in vetere ære alie-  
 nò vacillant : qui vadimoniis, judiciis, proscrip-  
 tionibus bonorum defatigati, permulti & ex ur-  
 be, & ex agris se in illa castra conferre dicun- 25  
 tur. Hosce ego non tam milites acres, quàm  
 imitatores lentos esse arbitror, qui homines  
 primùm, si stare non possunt, corruant : sed ità  
 ut non modò civitas, sed nè vicini quidem proxi-  
 imi sentiant. Nam illud non intelligo, quam- 30  
 obrem si vivere honestè non possunt, perire tur-  
 piter velint ; aut cur minore dolore perituros se  
 cum multis, quàm si soli pereant, arbitrentur.  
 Quintum genus est parricidarum, sicariorum,  
 denique omnium facinorosorum : quos ego à Ca- 35  
 tilina non revoco. Nam neque divelli ab eo  
 possunt :

possunt: & pereant sanè in latrocinio, quoni-  
 am sunt ita multi, ut eos capere carcer non pos-  
 sit. Postremum autem genus est, non solum  
 numero, verum etiam genere ipso, atque vitâ,  
 5 quod proprium est Catilinæ, de ejus delectu,  
 immo verò de complexu ejus ac sinu: quos pexo-  
 capillo nitidos, aut imberbes, aut bene barbatos  
 videtis, manicatis & talaribus [REDACTED] tunicis,  
 velis amictos, non togis: quorum omnis indu-  
 10 stria vitæ, & vigilandi labor, in antelucanis coe-  
 nis expromitur. In his gregibus omnes aleato-  
 res, omnes adulteri, omnes impuri impudicique  
 versantur. Hi pueri tam lepidi, ac delicati non  
 solum amare & amari, neque cantare, & salta-  
 15 re, sed etiam sicas vibrare, & spargere venena  
 didicerunt; qui nisi exeunt, nisi pereunt, eti-  
 amsi Catilina perierit, scitote hoc in repub. se-  
 minarium Catilinarium futurum. Veruntamen  
 quid sibi isti miseri volunt? num suas secum  
 20 mulierculas sunt in castra ducturi, quemadmo-  
 dum autem illis carere poterunt, his præsertim  
 jam noctibus? quo autem pacto illi Appenni-  
 num, atque illas pruinas ac nives perferent?  
 nisi idcirco se facilius hyemem toleraturos pu-  
 25 tant, quod in conviviis nudi saltare didicerunt.  
 O bellum magnopere pertimescendum, cum  
 hanc sit habiturus Catilina scortatorum cohor-  
 tem prætoriam. Instruite nunc, Quirites, con-  
 tra has tam præclaras Catilinæ copias vestra præ-  
 30 sidia, vestrosque exercitus; & primum gladiato-  
 ri illi confecto & saucio, Consules, imperatores-  
 que vestros opponite: deinde contra illam nau-  
 fragorum ejectam ac debilitatam manum, flo-  
 rem totius Italiæ ac robur educite. Jam verò  
 35 urbes coloniarum ac municipiorum respondebunt  
 Catilinæ tumulis silvestribus. Neque verò exte-  
 ras

ras copias, ornamenta, præsidia vestra, cum illius latropis inopiâ atque egestate deb. o conferre. Sed omissis his rebus omnibus, quibus nos supeditamur, eget ille Senatu, equitibus Romanis, populo, urbe, ærario, victigalibus, cunctâ Italiâ, provinciis omnibus, exteris nationibus: si, inquam, his rebus omissis, ipsas causas, quæ inter se confligunt, ~~de~~ dere velimus: ex eo ipso, quàm valdè illi jaceant, intelligere possumus. Ex hac enim parte pudor pugnat, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus: hinc constantia, illinc furor: hinc honestas, illinc turpitudine: hinc continentia, illinc libido: denique æquitas, temperantia, fortitudo, prudentia, virtutes omnes, certant cum iniquitate, cum luxuria, cum ignavia, cum temeritate, cum vitiis omnibus: postremò copia cum egestate, bona ratio cum perditâ, mens sana cum amentia, bona denique spes cum omnium rerum desperatione confligit. In hujuscemodi certamine ac prælio, nōne, etiam si hominum studia deficiant, dii ipsi immortales cogent ab his præclarissimis virtutibus tot & tanta vitia superari? Quæ cum ita sint, Quirites, vos, quemadmodum jam antea dixi, vestra tecta custodiis vigiliisque defendite: mihi, ut urbi sine vestro motu, ac sine ullo tumultu satis esset præsidii, consultum ac provisum est. Coloni omnes, municipesque vestri, certiores à me facti de hac nocturna excursionè Catilinæ, facile urbes suas finesque defendent: gladiatores quam sibi ille maximam manum & certissimam fore putavit, quanquam meliore animo sunt, quam pars Patriciorum, potestate tamen in nostra continebuntur. Q. Metellus, quem ego, prospiciens hoc, in agrum Gallicanum Picenumque

nūmque prēmisi, aut opprimeret hominem, aut  
 omnes ejus motus conatusque prohibebit. Reli-  
 quis autem de rebus constituendis, maturandis,  
 agendis, jam ad Senatum referemus, quem vo-  
 5 cari videtis. Nunc illos, qui in urbe remanse-  
 runt, atque adeo qui contra urbis salutem, om-  
 niūque vestrum, in urbe à Catilina relictī sunt,  
 quanquam sunt hostes, tamen quia ~~non~~ sunt ci-  
 ves, monitos etiam atque etiam volo. Mea le-  
 10 nitas adhuc si cui solutior visa est, hoc expecta-  
 vit, ut id, quod latebat, erumperet. Quod re-  
 liquum est, jam non possum oblivisci, meam  
 hanc esse patriam, me horum esse Consulem :  
 mihi aut cum his vivendum, aut pro his esse  
 15 moriendum. Nullus est portæ custos, nullus in-  
 sidiator vix : si qui exire volunt, consulere sibi  
 possunt : qui verò in urbe se commoverit, cujus  
 ego non modò factum, sed inceptum ullum co-  
 natūve contra patriam deprehendero, sentiet,  
 20 in hac urbe, esse consules vigilantes, esse egre-  
 gios magistratus, esse fortem Senatum, esse arma,  
 esse carcerem ; quem vindicem nefariorum, ac  
 manifestorum scelerum majores nostri esse volu-  
 erunt. Atque hæc omnia sic agentur, Quiri-  
 25 tes, ut res maximæ minimo motu, pericula sum-  
 ma nullo tumultu, bellum intestinum, ac dome-  
 sticum, post hominum memoriā crudelissimum,  
 ac maximum, me uno togato duce, & impera-  
 tore, sedetur. Quod ego sic administrabo, Qui-  
 30 rites, ut si ullo modo fieri poterit, ne impro-  
 bus quidem quisquam in hac urbe poenā sui  
 sceleris sufferat. Sed si vis manifestæ audaciæ,  
 si impendens patriæ periculum me necessario  
 de hac animi lenitate deduxerint, illud pro-  
 35 fectò perficiam, quod in tanto & tam insidioso  
 bello vix optandum videtur, ut nè quis bonus  
 intereat,



intereat, paucorumque poenâ vos omnes jam salvi esse possitis. Quæ quidem ego neque meâ prudentiâ, neque humanis consiliis fretus polliceor vobis, Quirites, sed multis & non dubiis deorum immortalium significationibus: quibus ego ducibus in hanc spem sententiâque sum ingressus: qui jam non procul, ut quondam solebant, ab extero hoste, atque longinquo; sed hic præsentibus, suo numine atque auxilio sua templa atque urbis tecta defendunt: quos vos, 10 Quirites, precari, venerari atque implorare debetis: ut quam urbem pulcherrimam, florentissimam, potentissimamque esse voluerunt, hanc omnibus hostium copiis terrâ marique superatis, à perditissimorum civium nefario scelere defen- 15 dant.

## O R A T I O VII

20

*Quæ est tertia in:*

## L. CATILINAM.

25

**R**Empublicam, Quirites, vitâque omnium vestrâ, bona, fortunas, conjuges, liberósque vestros, atque hoc domicilium clarissimi imperii, fortunatissimam pulcher- 30 rimamque Urbem, hodierno die, deorum immortalium summo erga vos amore, laboribus, consiliis, periculisque meis, ex flamma atque ferro, ac penè ex faucibus fati ereptam, & vobis conservatam, ac restitutam videtis. Et si non 35 minùs nobis jucundi atque illustres sunt ii dies, quibus

quibus conservamur, quàm illi quibus nascimur :  
 quodd salutis certa lætitia est, nascendi incerta  
 conditio, & quodd sine sensu nascimur ; cum vo-  
 luptate conservamur : profectò, quoniam illum  
 5 qui hanc urbem condidit, Romulum ad deos  
 immortales benevolentia famaque sustulimus ;  
 esse apud vos posteròsque vestros in honore de-  
 bebit is, qui eandem hanc urbem conditam am-  
 plicatamque servavit. Nam totius urbis tem-  
 10 plis, delubris, tectis ac mœnibus subjectos prope  
 jam ignes circumdatosque restinximus : iidem-  
 que gladios in republ. districtos retudimus,  
 mucronesque eorum à jugulis vestris rejecimus.  
 Quæ quoniam in Senatu illustrata, patefacta,  
 15 compertaque sunt per me ; vobis jam exponam  
 breviter, Quirites : ut & quanta, & quàm ma-  
 nifesta, & quà ratione investigata & compre-  
 hensa sint, vos, qui ignoratis, ex actis scire  
 possitis. Principio, ut Catilina paucis antè die-  
 20 bus erupit ex urbe, cum sceleris sui socios & hu-  
 jusce nefarii belli acerrimos duces Romæ reli-  
 quisset ; semper vigilavi, & providi, Quirites,  
 quemadmodum in tantis & tam absconditis insi-  
 diis, salvi esse possemus. Nam, tum cum ex ur-  
 25 be Catilinam ejiciebam (non enim jam vereor  
 hujus verbi invidiam, cum illa magis sit timen-  
 da, quod vivus egressus est) sed tum, cum il-  
 lum exterminari volebam, aut reliquam conjura-  
 torum manum simul exituram, aut eos, qui re-  
 30 mansissent, infirmos sine illo ac debiles fore pu-  
 tabam. Atque ego, ut vidi, quos maximo fu-  
 rore & scelere esse inflammatos sciebam, eos  
 nobiscum esse, & Romæ remansisse : in eo omnes  
 dies noctesque consumpsi, ut quid agerent, quid  
 35 molirentur, sentirem, ac viderem : ut quoniam  
 auribus vestris, propter incredibilem magnitudi-  
 nem

nem sceleris, minorem fidem faceret oratio mea;  
 rem ita comprehenderem, ut tum demum ani-  
 mis, salutique vestræ provideretis, cum oculis ma-  
 leficio ipsum videretis. Itaque ut comperi,  
 legatos Allobrogum, belli Transalpini, & tumultus  
 Gallici excitandi causâ, à P. Lentulo esse sol-  
 licitados, eosque in Galliam ad suos cives, eo-  
 dem itinere, cum literis mandatisque ad Catili-  
 nam esse missos, comitemque iis adjunctum Vul-  
 turcium, atque huic datas esse ad Catilinam lit- 10  
 teras: facultatem mihi oblatam putavi, ut quod  
 erat difficillimum, quodque ego semper opta-  
 bam à diis immortalibus, tota res non solum à  
 me, sed etiam Senatu, & à vobis manifestè  
 deprehenderetur. Itaque hesterno die L. Flac- 15  
 cum, & C. Pontinium, Prætores fortissimos, at-  
 que amantissimos reipubl. viros, ad me vocavi:  
 rem omnem exposui: quid fieri placeret, o-  
 stendi. Illi autem, qui omnia de republ. præ-  
 clara atque egregia sentirent, sine recusatione, 20  
 ac sine ulla mora negotium susceperunt, & cum  
 advesperasceret occultè ad pontem Milvium  
 pervenerunt, atque ibi in proximis villis ita bi-  
 partiti fuerunt, ut Tiberis inter eos & pons in-  
 teresset; eodem autem & ipsi sine cuiusquam 25  
 suspitione multos fortes viros eduxerunt, & ego  
 de præfectura Reatina complures delectos adole-  
 scentes, quorum operâ utor assiduè in reipubli-  
 cæ præsidio, cum gladiis miseram. Interim  
 tertia ferè vigiliâ exactâ, cum jam pontem cum 30  
 magno comitatu legati Allobrogum ingredi in-  
 ciperent, unaque Vulturcius; sit in eos impetus:  
 educuntur & ab illis gladii, & à nostris: res e-  
 rat prætoribus nota solis: ignorabatur à cæteris.  
 Tum interventu Pontinii, atque Flacci: pugna 35  
 quæ erat commissa, sedatur: literæ quæcunque  
 erant

erant in eo comitatu, integris signis prætoribus tradantur: ipsi comprehensi ad me, cum jam dilucesceret, deducuntur. Atque horum omnium scelerum improbissimum machinatorem  
 5 Cimbrum Gabinium statim ad me nihil dum suspicantem vocavi. Deinde item accersitur P. Statilius, & post eum Cethegus: tardissime autem Lentulus venit; credo, quod in literis dandis præter consuetudinem proximâ nocte vigilarat.  
 10 Cum vero summis ac clarissimis hujus civitatis viris, qui, auditâ re, frequenter ad me manè convenerant, literas à me prius aperiri, quam ad Senatum referri placeret; nè, si nihil esset inventum, temerè à me tantus tumultus injectus  
 15 civitati videretur: negavi me esse facturum, ut de periculo publico, non ad consilium publicum rem integram deferrem. Etenim, Quirites, si ea, quæ erant ad me delata, reperta non essent, tamen ego non arbitrabar in tantis reipub. periculis esse mihi nimiam diligentiam pertimescendam. Senatum frequentem celeriter, ut vidistis, coegi. Atque interea statim admonitu Allobrogum, C. Sulpicium prætorem fortem virum misi, qui ex ædibus Cethegi, si quid telorum esset, efferret; ex quibus ille maximum  
 25 ficarum numerum & gladiatorum extulit. Introduxi Vulturcium sine Gallis: fidem ei publicam iussu Senatus dedi; hortatus sum, ut ea quæ sciret, sine timore indicaret. Tum ille dixit,  
 30 cum vix se ex magno timore recreâsset à P. Lentulo se habere ad Catilinam mandata, & literas, ut servorum præsidio uteretur, & ad urbem quamprimum cum exercitu accederet: id autem eo consilio, ut, cum urbem omnibus ex partibus,  
 35 quemadmodum descriptum distributumque erat, incendissent, eademque infinitam civium fecissent,

sent, præstò, esset ille, qui & fugientes exciperet, & secum his urbanis ducibus conjungeret. Introducti autem Galli iurjurandum sibi, & literas à P. Lentulo, Cethego, Statilio ad suam gentem datas esse dixerunt : atque ita sibi ab his & à L. Cassio esse perscriptum, ut equitatum in Italiam quamprimum mitterent ; pedestres sibi copias non defuturas : Lentulum autem sibi confirmasse ex fatis Sibyllinis, Haruspicumque responsis, se esse tertium illum Cornelium, ad quem regnum urbis hujus atque imperium pervenire esset necesse : Cinnam ante se, & Sullam fuisse ; eundemque dixisse fatalem hunc esse annum ad interitum hujus urbis, atque imperii ; qui esset decimus annus post virginum absolutionem, post Capitolii autem incensionem vicesimus. Hanc autem Cethego cum cæteris controversiam fuisse dixerunt, quòd cum Lentulo, & cæteris, Saturnalibus cædem fieri, atque urbem incendi placeret ; Cethego nimium id longum videretur. Ac nè longum sit, Quirites, tabellas proferri jussimus quæ à quoque dicebantur datæ. Primum ostendimus Cethego : signum cognovit : nos linum incidimus : legimus : erat scriptum ipsius manu, & Allobrogum Senatui, & populo, sese, quæ eorum legatis confirmasset, esse facturum : orare, ut item illi facerent, quæ sibi legati eorum præcepissent. Tum Cethegus, qui paulò ante aliquid de gladiis, ac sicis, quæ apud illum itidem erant deprehensæ, respondisset, dixissetque se semper bonorum seramentorum studiosum fuisse ; recitatis literis debilitatus, atque abjectus, conscientiam convictus, repente conticuit. Introductus Statilius cognovit manum & signum suum ; recitatæ sunt tabellæ in eandem ferè sententiam : confessus est.

Tum •

Tum ostendi tabellas Lentulo ; & quæsi, cog-  
 nosceretne signum ? annuit. Est verò, inquam,  
 signum quidem notum, imago avi tui clarissimi  
 viri, qui amavit unicè patriam, & cives suos,  
 5 quæ quidem te à tanto scelere etiam muta revocare  
 debuit. Leguntur eàdem ratione ad Senatum  
 Allobrogum, populúmque liseræ. Si quid de  
 his rebus dicere vellet, feci potestatem. Atque  
 ille quidem primò negavit : post autem  
 10 aliquantò, toto indicio exposito, atque edito,  
 surrexit : quæsiuit à Gallis, quid sibi esset cum iis,  
 quamobrem domum suam venissent ; itémque à  
 Vulturcio, qui, cùm illi breviter constanterque  
 respondissent, per quem ad eum quotièsque  
 15 venissent ; quæsièntque ab eo, nihilne secum  
 esset de fatis Sibyllinis locutus : tum ille subito,  
 scelere demens : quanta vis conscientiz esset  
 ostendit. Nam cùm id posset inficiari, repentè  
 præter opinionem omnium confessus est : ità  
 20 cum non modò ingenium illud, & dicendi  
 exercitatio, quâ semper valuit ; sed etiam prop-  
 ter vim sceleris manifesti, atque deprehensi,  
 impudentia, quâ superabat omnes, improbitas-  
 que defecit. Vulturcius verò subito proferri li-  
 25 teras, atque aperiri iussit, quas sibi à Lentulo  
 ad Catilinam datas esse dicebat. Atque ibi ve-  
 hementissimè perturbatus Lentulus, tamen & sig-  
 num & manum suam cognovit ; erant autem scrip-  
 tæ sine nomine, sed ita ; *Qui sis, ex eo, quem ad te*  
 30 *mihi, cognosces. Cura ut vir sis, & cogita, quem*  
*in locum sis progressus : & vide, quid jam tibi sit*  
*neesse. Cura ut omnium tibi auxilia adjungas,*  
*etiam infimorum.* Gabinius deinde introductus,  
 cum primo impudenter respondere cœpisset ;  
 35 ad extremum nihil ex iis, quæ Galli insimula-  
 bant, negavit. Ac mihi quidem, Quirites, cum

illa certissima sunt visa argumenta atque indicia  
 sceleris, tabellæ, signa, manus, denique unius-  
 cujusque confessio: tum multò illa certiora, co-  
 lor, oculi, vultus, taciturnitas. Sic enim ob-  
 stupuerant, sic terram intuebantur, sic furtim  
 nonnunquam inter se aspiciebant, ut non jam ab  
 aliis indicari, sed ipsi à se viderentur. Indi-  
 ciis expositis, atque editis, Quirites, Senatum  
 consului de summa republica, quid fieri place-  
 ret. Dicitur sunt à ~~principibus~~ acerrimæ ac for- 10  
 tissimæ sententiæ, quas Senatus sine ulla varie-  
 tate est consecutus. Fit quoniam nondum est  
 perscriptum, S. C. ex memoria vobis, Quirites,  
 quid Senatus censuerit, exponam. Primum mi-  
 hi gratiæ verbis amplissimis aguntur, quòd vir- 15  
 tute, consilio, prudentiâ meâ, respubl. pericu-  
 lis sit maximis liberata: deinde L. Flaccus & C.  
 Pontinus prætores, quòd eorum operâ forti fi-  
 delique usus essem, meritò ac jure laudantur:  
 atque etiam viro forti collegæ meo, C. Anto- 20  
 nio, laus impertitur, quòd eos, qui hujus conju-  
 rationis participes fuissent, à suis & reipublicæ  
 consiliis removisset. Atque ità censuerunt, ut  
 P. Lentulus, cum se prætura abdicasset, tum in  
 custodiam traderetur: itémque uti C. Cethegus, 25  
 L. Statilius, P. Gabinus, qui omnes præsentés  
 erant, in custodiam traderentur. Atque idem  
 hoc decretum est in L. Cassium, qui sibi procu-  
 rationem incendendæ urbis depoposcerat: in M.  
 Cæparium, cui ad sollicitandos pastores Abuli- 30  
 am esse attributam erat indicatum: in P. Furi-  
 um, qui est ex his colonis quos Fesulas, L. Sul-  
 la deduxit: in Q. Magium Chilonem, qui unâ  
 cum hoc Furio semper erat in hac Allobro-  
 gum sollicitatione versatus: In P. Umbrenum li- 35  
 bertinum hominem, à quo primum Gallos ad  
 Gabinium



Gabinium perductos esse constabat. Atque eâ lenitate Senatus est usus, Quirites, ut ex tanta conjuratione, tantaque vi ac multitudine domesticorum hostium, novem hominum perditissimorum poenâ, republ. conservatâ, reliquorum mentes sanari posse arbitraretur. Atque etiam supplicatio diis immortalibus pro singulari eorum merito, meo nomine decreta est, Quirites: quod mihi primum post hanc urbem conditam togato contigit: & his decreta verbis est, *quod urbem incendiis, cade cives, Italiam bello liberâsssem.* Quæ supplicatio, si cum ceteris conferatur, Quirites, hoc intersit, quod cætera, bene gesta, hæc una, conservatâ republ. constituta est. Atque illud quod faciendum, primum fuit factum, atque transactum est. Nam P. Lentulus, quanquam patefactus indiciiis, & confessionibus suis, judicio Senatûs non modò prætoris jus, verum etiam civis amiserat; tamen magistratu se abdicavit: ut quæ religio C. Mario clarissimo virò non fuerat, quo minùs C. Glauciam, de quo nihil nominatim erat decretum, prætorem occideret, eâ nos religione in privato P. Lentulo puniendo liberaremur. Nunc quoniam Quirites, sceleratissimi periculosissimique belli nefarios duces captos jam & comprehensos tenetis; existimare debetis, omnes Catilinæ copias, omnes spes atque opes, his depulsis urbis periculis, concidisse. Quem quidem ego cum ex urbe pellebam, hoc providebam animo, Quirites, remoto Catilinâ, nec mihi esse P. *Lentuli somnum,* nec L. *Cassii adipem,* nec C. *Cethegi furiosam temeritatem* pertimescendam. Ille erat unus timendus ex his omnibus, sed tamdiu dum mœnibus urbis continebatur. Omnia adorât: omnium aditus tenebat: appellare,

tentare, sollicitare poterat, audebat : erat ei  
 consilium ad facinus aptum ; consilio autem ne-  
 que lingua neque manus deerat. Jam ad cæte-  
 ras res conficiendas certos homines delectos ac  
 descriptos habebat : neque verò cum aliquid  
 mandaverat, conjectum putabat : nihil erat,  
 quod non ipse obiret, occureret, vigilaret, la-  
 boraret : frigus, sitim, famem ferre poterat.  
 Hunc ego hominem tam acrem, tam paratum,  
 tam audacem, tam callidum, tam in scelere  
 vigilantem, tam in perditis rebus diligentem,  
 nisi ex domesticis insidiis in castrense latrôci-  
 nium compulsem, (dicam id quod sentio, Qui-  
 rites) non facile hanc tantam molem mali à cer-  
 vicibus vestris depulsem. Non ille vobis Sa-  
 turnalia constituisset, neque tanto ante exitium  
 ac fati diem reipubl. denunciasset, neque com-  
 misisset, ut signum, ut literæ suæ, testes deni-  
 que manifesti scelerisprehenderentur. Quæ  
 nunc, illo absente, sic gesta sunt, ut nullum in  
 privata domo furtum unquam sit tam palam in-  
 ventum, quam hæc tanta in rempubl. conjuratio  
 manifestò inventa atque deprehensa est. Quod  
 si Catilina in urbe ad hanc diem remansisset ;  
 quanquam, quoad fuit, omnibus ejus consiliis oc-  
 curri, atque obstiti : tamen, ut levissimè dicam,  
 dimicandum nobis cum illo fuisset ; neque nos  
 unquam, dum ille in urbe hostis fuisset, tantis  
 periculis, rempubl. tantâ pace, tanto otio, tan-  
 to silentio, liberâsemus. Quanquam hæc om-  
 nia, Quirites, ita sunt à me administrata, ut  
 deorum immortalium nutu atque consilio, & ge-  
 sti & provisâ esse videantur. Idque cum con-  
 jecturâ consequi possumus, quod vix videtur  
 humani consilii tantarum rerum gubernatio esse  
 potuisse ; tum verò ita præsentēs his tempori-  
 bus

bus opem & auxilium nobis tulerunt, ut eos  
 pæno oculis videre possemus. Nam ut illa o-  
 mittam, vilas nocturno tempore ab occidente  
 faces, ardoremque cœli, fulminum jactus, ut  
 5 terræ motus, cæteraque, quæ tam multa, nobis  
 Consulibus, facta sunt, ut hæc quæ nunc fiunt  
 canere dii immortales viderentur; hoc certe,  
 Quirites, quod sum dicturus, neque prætermi-  
 tendum, neque relinquendum est. Nam pro-  
 10 fectò memoriâ tenetis, Cottâ & Torquato COSS.  
 complures in Capitolio turres de cœlo esse per-  
 cussas, cum & simulacra deorum immortalium  
 depulsa sunt, & statux veterum hominum de-  
 strux, & legum æra liquefacta. Tactus est etiam  
 25 ille, qui hanc urbem condidit, Romulus, quem  
 inauratum in Capitolio parvum, atque lacten-  
 tem, uberibus lupinis inhiantem fuisse meministis.  
 Quo quidem tempore, cum haruspices ex tota  
 Etruria convenissent, cædes atque incendia, &  
 20 legum interitum & bellum civile ac domesticum,  
 & totius urbis atque imperii occasum appropin-  
 quare dixerunt, nisi dii immortales omni rati-  
 one placati suo numine prope fata ipsa flexis-  
 sent. Itaque ex illorum responsis tunc & ludi de-  
 25 cem per dies facti sunt, neque res ulla, quæ a  
 placandum deos pertineret, prætermissa est: ii-  
 demque jusserunt simulacrum Jovis facere majus,  
 & in excelsis collocare, & contrâ, atque ante  
 fuerat, ad orientem convertere: ac se sperare  
 30 dixerunt, si illud signum, quod videtis, solis or-  
 tum, & forum curiamque conspiceret, fore, ut  
 ea consilia, quæ clam essent inita contra salu-  
 tem urbis atque imperii, illustrarentur, ut à  
 S. P. Q. R. perspici possent. Atque illud ita col-  
 35 locandum Consules illi statuerunt: sed tanta fuit  
 operis tarditas, ut neque à superioribus Consu-  
 libus,

libus, neque à nobis ante hodiernum diem col-  
 locaretur. Hic quis potest esse, Quirites, tam  
 aversus à vero, tam præceps, tam mente cap-  
 tus, qui neget, hæc omnia quæ videmus, præ-  
 cipueque hanc urbem, deorum immortalium  
 nutu atque potestate administrari? Etenim cum  
 esset ista responsum, cædes, incendia, interitum-  
 que reipublicæ comparari, & ea à perditis civi-  
 bus: quæ tum propter magnitudinem scelerum,  
 nonnullis incredibilia videbantur; ea non modò  
 cogitata à nefariis civibus, verum etiam suscep-  
 ta esse sensistis. Illud verò nonne ita præsens  
 est, ut nutu Jovis optimi maximi factum esse  
 videatur? ut, cum hodierno die manè per fo-  
 rum meo jussu & conjurati & eorum indices in  
 eadem Concordiæ ducerentur; eo ipso tempore  
 signum statueretur; quo collocato, atque ad  
 vos Senatūque converso, omnia & Senatus, &  
 vos, quæ erant contra salutem omnium cogita-  
 ta, illustrata, & patefacta, vidistis? Quo etiam  
 majore sunt isti odio supplicioque digni, qui  
 non solum vestris domiciliis, atque testis; sed  
 etiam deorum templis, atque delubris sunt fu-  
 nestos ac nefarios ignes inferre conati: quibus  
 ego si me restitisse dicam, nimium mihi su-  
 mam, & non sim ferendus: ille, ille Jupiter  
 restitit; ille Capitolium, ille hæc templa, ille  
 hanc urbem, ille vos omnes salvos esse voluit.  
 Diis ego immortalibus ducibus hanc mentem,  
 Quirites, voluntatēque suscepi, atque ad hæc  
 tanta indicia perveni. Jam verò illa Allobro-  
 gum sollicitatio sic à Lentulo exterisque domesti-  
 cis hostibus, tanta res tam dementer credita &  
 ignotis & barbaris, commissæque literæ nunquam  
 essent profectò, nisi à diis immortalibus huic  
 tantæ audaciæ consilium esset creptum. Quid  
 verò?

verò ? ut homines Galli ex civitate malè pacata,  
 quæ gens una restat, quæ populo Rom. bellum  
 facere & posse, & non nolle videatur, spem im-  
 perii, & rerum amplissimarum ultro sibi à pa-  
 triciis hominibus oblatam negligenter, vestram-  
 que salutem suis opibus anteponerent : id nōne  
 divinitus factum esse putatis ? præsertim qui,  
 nos non pugnando, sed tacendo superare po-  
 tuerant. Quamobrem, Quirites, quoniam ad  
 10 omnia pulvinaria supplicatio decreta est, cele-  
 bratote illos dies cum conjugibus ac liberis ve-  
 stris. Nam multi sæpe honores diis immorta-  
 libus iusti habiti sunt, ac debiti, sed profecto  
 iustiores nunquam. Erepti enim ex crudelissi-  
 15 mo ac miserrimo interitu, & erepti sine cæde,  
 sine sanguine, sine exercitu, sine dimicatione,  
 me uno togato duce & imperatore, vicistis.  
 Etenim recordamini, Quirites, omnes civiles dissen-  
 siones; neque solum eas quas audistis, sed & has  
 20 quas vosmetipsi meministis & vidistis: L. Sulla P. Sul-  
 pitium oppressit : ex urbe ejecit C. Marium custo-  
 dem hujus urbis, multoque fortes viros, partim  
 ejecit ex civitate, partim interemit. Cn. Octa-  
 vius COS. armis ex urbe collegam suam expulit:  
 25 omnis hic locus acervis corporum, & civium  
 sanguine redundavit. Superavit postea Cinna  
 cum Mario. Tum verò clarissimis viris inter-  
 fectis, lumina civitatis extincta sunt. Ultus est  
 hujus victoriæ crudelitatem postea Sulla. Nè  
 30 dici quidem opus est, quantâ diminutione civi-  
 um, & quantâ calamitate reipubl. dissensit M.  
 Lepidus à clarissimo & fortissimo viro Q. Catulo.  
 Attulit non tam ipsius interitus reipublicæ  
 luctum, quàm cæterorum. Atque illæ dissen-  
 35 siones erant hujusmodi, Quirites, quæ non ad  
 delendam, sed ad commutandam rempubl. per-  
 tinerent.

tinerent. Non illi nullam esse republ. sed in  
 ea, quæ esset, se esse principes; neque hanc  
 urbem conflagrare, sed se in hac urbe florere  
 voluerunt. Atque illæ tamen omnes dissensi-  
 ones, quarum nulla exitium reipubl. quæsit,  
 ejusmodi fuerunt, ut non reconciliatione con-  
 cordiæ, sed internecione civium dijudicatæ sint.  
 In hoc autem urto post hominum memoriam  
 maximo crudelissimoque bello, quale bellum nul-  
 la unquam barbaria cum sua gente gessit, quo in  
 bello lex hæc fuit à Lentulo, Catilina, C. Cassio,  
 Cethego constituta, ut omnes, qui salvâ urbe  
 salvî esse possent, in hostium numero ducerent-  
 ur; ita me gessi, Quirites, ut omnes salvî con-  
 servaremini: & cum hostes vestri tantum civi-  
 um supersuturum putassent, quantum infinitæ  
 cædi restitisset; tantum autem urbis, quantum  
 flammâ obire non potuisset: & urbem, & cives  
 integros incolumesque servavi. Quibus pro tan-  
 tis rebus, Quirites, nullum ego à vobis præ-  
 mium virtutis, nullum insigne honoris, nullum  
 monumentum laudis postulo, præterquam hujus  
 diei memoriam sempiternam. In animis ego  
 vestris omnes triumphos meos, omnia ornamen-  
 ta honoris, monumenta gloriæ, Laudis insig-  
 nia, condi & collocari volo. Nihil me mutum  
 potest delectare, nihil tacitum, nihil denique  
 hujusmodi, quod etiam minus digni assequi pos-  
 sint. Memoriam vestrâ, Quirites, nostræ res alen-  
 tur, sermonibus crescent, literarum monumentis  
 inveterascent & corroborabuntur: eandemque  
 diem intelligo, quam spero æternam fore, & ad  
 salutem urbis, & ad memoriam Consulatus mei  
 propagatam: unôque tempore in hac republ. du-  
 os cives extitisse, quorum alter fines vestri im-  
 perii, non terræ sed cœli regionibus terminaret;  
 alter



alter ejusdem imperii domicilium sedemque ser-  
 varet. Sed quoniam earum rerum, quas ego  
 gessi, non est eadem fortuna, atque conditio,  
 quæ illorum, qui externa bella gesserunt; quod  
 5 mihi vivendum sit cum illis quos vici ac sube-  
 gi; illi hostes aut interfectos aut oppressos re-  
 liquerunt: vestrum est, Quirites, si cæteris recta  
 sua facta profunt, mihi mea ne quando obsint,  
 providere. Mentis enim hominum audacissi-  
 10 morum sceleratæ ac nefariæ nē vobis nocere  
 possent, ego providi: ne mihi noceant, vo-  
 strum est providere. Quanquam, Quirites, mi-  
 hi quidem ipsi nihil jam ab istis noceri potest.  
 Magnum enim est ~~et~~ vobis præsidium; quod  
 15 mihi in perpetuum comparatum est: magna in  
 republ. dignitas, quæ me semper tacita defendet.  
 magna vis est conscientiæ: quam qui negligent,  
 cum me violare volent, se ipsi indicabunt. Est  
 etiam in nobis is animus, Quirites, ut non modo  
 20 nullius audaciæ cedamus, sed etiam omnes  
 improbos ultro semper laceffamus. Quod si om-  
~~nium~~ impetus domesticorum hostium depulsi à vo-  
 bis se in me unum converterint: vobis erit pro-  
 videndum, Quirites, quâ conditione posthac eos  
 25 esse velitis, qui, se pro salute vestra obtulerint  
 invidiæ periculisque omnibus. Mihi quidem ipsi  
 quid est quod jam ad vitæ fructum possit acqui-  
 ri? præsertim cum neque in honore vestro, ne-  
 que in gloria virtutis quidquam videam valius,  
 30 quo quidem mihi libeat ascendere. Illud per-  
 ficiam profecto, Quirites, ut ea, quæ gessi in Con-  
 sulatu, privatus tuear atque ornem: ut si qua  
 est invidia in conservanda republ. suscepta, læ-  
 dat invidos, mihi valeat ad gloriam. Denique  
 35 ita me in republ. tractabo, ut meminerim sem-  
 per quæ gesserim, curémque ut ea, virtute, non



casu gesta esse videantur. Vos, Quirites, quoniam jam nox est, veneramini illum Jovem, custodem hujus urbis, ac vestrum; atque in vestra tecta discedite, & ea, quanquam jam periculum est depulsum, tamen æquè, ac priori nocte fecistis, custodiis vigiliisque defendite. Id nè vobis diutius faciendum sit, atque ut in perpetua pace esse possitis, providebo.

10

## O R A T I O VIII.

*Quæ est quarta in*

15

## L. CATILINAM.

**V**ideo, P. C. in me omnium vestrum ora 20  
atque oculos esse conversos: video vos  
non solum de vestro, ac reipublicæ, æ-  
rum etiam, si id depulsum sit, de meo pericu-  
lo esse sollicitos. Est mihi jucunda in malis, &  
grata in dolore, vestra erga me voluntas: sed 25  
eam, per deos immortales, quæso, deponite, at-  
que oblici salutis meæ, de vobis ac de liberis  
vestris cogitate. Mihi quidem si hæc conditio  
Consulatus data est, ut omnes acerbitates, omnes  
dolores cruciatûsque perferrem; feram non 30  
solum fortiter, sed etiam libenter; dummodo,  
meis laboribus, vobis populoque Romano, dig-  
nitas salûsque pariat. Ego sum ille Consul,  
P. C. cui non forum, in quo omnis æquitas con-  
tinetur; non campus, Consulatus auspiciis 35  
consecratus, non curia, summum auxilium  
omnium

omnium gentium; non domus, commune per-  
fugium; non lectus, ad quietem datus; non denique  
hæc sedes honoris, sella curulis, unquam  
vacua mortis periculo atque insidiis fuit. Ego  
5 multa tacui, multa pertuli, multa concessi mihi  
meo quodam dolore in vestro timore sanavi.  
Nunc si hunc exitum Consulatus mei si immor-  
tales esse voluerunt, ut vos, P. C. populūque  
Romanum ex cæle misera, conjuges liberi-  
10 vestros, virginēque Vestales ex acerbissima  
vexatione; templa, atque delubra, hanc pul-  
cherrimam patriam omnium nostrum ex fœdissima  
flamma; totam Italiam ex bello & vastitate  
eriperem: quæcumque mihi uni proponetur fortuna,  
15 subeatur. Etenim si P. Lentulus suum nomen  
inductus à vatibus, fatale ad perniciem reipubl.  
fore putavit; cur ego non later, meum consu-  
latum ad salutem reipub. prope fatalem existitū?  
Quare, P. C. consulite vobis, prospicite patriæ;  
20 conservate vos, conjuges liberos, fortunāsque  
vestras; populi Romani nomen, salutemque  
defendite; mihi ~~paratū~~, ac de me cogitare  
desinite. Nam primum debeo sperare, omnes  
deos, qui huic urbi præsident, pro eo mihi,  
25 ac mereor, relaturos gratiam esse: deinde si  
quid obtigerit, æquo animo paratūque moriar;  
neque enim tarpis mors forti viro potest  
accidere; neque immatura Consulari, nec mise-  
ra sapienti. Nec tamen ego sum ille ferreus,  
30 qui fratris carissimi atque amantissimi præsentis  
mœrore non movear, horūque omnium lacry-  
mis, à quibus me circumfessum videtis: neque  
meam mentem non domum sæpe revocat ex-  
animata uxor, abjecta metu filia, & parvulus  
35 filius; quem mihi videtur amplius respublica  
tanquam obsidem Consulatus mei: neque ille qui  
exspe-

exspectans hujus exitum diei astat in conspectu  
 meo gener. Moveor his rebus omnibus, sed  
 in eam partem, ut salvi sint vobiscum omnes,  
 etiam si vis aliqua me oppresserit, potius quam  
 ut, & illi, & nos, unâ cum republ. pereamus. 5  
 Quare, P. C. incumbite ad reipublicæ salutem :  
 circumspicite omnes procellas, quæ impendent,  
 nisi providetis. Non Tiber. Gracchus, qui i-  
 terum tribunus plebis fieri voluit : non C.  
 Gracchus, qui agrarios concitare conatus est : non 10  
 L. Saturninus, qui C. Memmium occidit, in dis-  
 criminen aliquod, atque in vestræ severitatis judi-  
 cium adducitur : sed tenentur ii, qui ad urbis  
 incendium, ad vestrum omnium cædem, ad  
 Catilinam accipiendum, Romæ resisterunt. Te- 15  
 nentur literæ, signa, manus, denique uniuscu-  
 jusque confessio : sollicitantur Allobroges : servi-  
 tia excitantur : Catilina accersitur : id est ini-  
 tum consilium, ut interfecistis omnibus, nemo nè  
 ad deplorandum quidem reipub. nomen, atque 20  
 ad lamentandam tanti imperii calamitatem, re-  
 linquatur. Hæc omnia testes detulerunt, rei  
 confessi sunt, vos multis jam judiciis judicavi-  
 stis : primum, quod mihi gratias egistis singu-  
 laribus verbis, & meâ virtute atque diligentia 25  
 perditorum hominum patefactam esse conjura-  
 tionem decrevistis : deinde, quod P. Lentulum,  
 ut se abdicaret prætura, coegistis : tum, quod  
 eum, & cæteros, de quibus judicavistis, in  
 custodiam dandos censuistis : maximèque, quod 30  
 meo nomine supplicationem decrevistis, qui honos  
 togato habitus ante me est nemini : postremo,  
 hesterno die præmia legatis Allobrogum, Ti-  
 toque Vulturcio dedistis amplissima. Quæ  
 sunt omnia ejusmodi, ut ii, qui in custodiam 35  
 nominatim dati sunt, sine ulla dubitatione à vobis  
 damnati

damnati esse videantur. Sed ego institui referre  
 ad vos, P. C. tanquam integrum, & de facto,  
 quid judicetis; & de poena, quid censeatis.  
 Illa prædicam, quæ sunt Consulibus. Ego mag-  
 num in republica versari furorem, & nova quæ-  
 dam misceri, & concitari mala jampridem vi-  
 debam: sed hanc tantam, tam exitiosam haberi  
 conjurationem à civibus, nunquam putavi.  
 Nunc quicquid est, quocunque vestrae mentes  
 10 inclinant, atque sententia, statuendum vobis ante  
 noctem est. Quantum facinus ad nos delatum  
 sit, videtis. Huic si paucos putatis affines esse,  
 vehementer erratis. Latius opinione diffemi-  
 natum est hoc malum; manavit non solum per  
 15 Italiam, verum etiam transcendit Alpes, &  
 obscurè serpens multas jam provincias occupavit.  
 Id opprimi sustentando ac prolatando nullo  
 pacto potest. Quacunque ratione placet, celeriter  
 vobis vindicandum est. Video duas adhuc esse  
 20 sententias: unam D. Silani, qui censet eos, qui  
 hæc delere conati sunt, morte esse multandos:  
 alteram C. Cæsaris, qui mortis poenam revocet,  
 ceterorum suppliciorum omnes acerbitates  
 amplectitur: uterque & pro sua dignitate,  
 25 & pro rerum magnitudine in summa severitate  
 versatur. Alter eos, qui nos omnes, qui popu-  
 lum Romanum vitam privare conati sunt, qui  
 delere imperium, qui populi Romani nomen  
 extinguere, puncto temporis frui vitam, & hoc  
 30 communi spiritui non putat oportere; atque hoc  
 genus poenæ sæpe in improbos cives in hac  
 republica esse usurpatum recordatur. Alter  
 intelligit, Mortem à diis immortalibus non esse  
 supplicii causam constitutam: sed aut necessitatem  
 35 naturæ, aut laborum ac miseriæ quietem esse.  
 Itaque eam sapientes nunquam inviti, fortes eti-

am sæpe libenter oppetiverunt. Vincula verò,  
 & ea sempiterna, certè ad singularem poenam  
 nefarii sceleris inventa sunt. Itaque municipiis  
 dispersi jubet. Habere videtur ista res iniqui-  
 tatem, si imperare velis: difficultatem, si ro-  
 gare: decernatur tamen si placet. Ego enim  
 suscipiam, &, ut spero, reperiam, qui id quod  
 salutis omnium causâ statueritis, non putat esse  
 suæ dignitatis recusare. Adjungit gravem poe-  
 nam municipibus, si quis eorum vincula rupe-  
 rit: horribiles custodias circumdat; & digna  
 scelere hominum perditorum sancit: nè quis  
 eorum poenam, quos condemnat, aut per Sena-  
 tum, aut per populum levare possit: eripit eti-  
 am spem, *qua sola hominem in miseriis conso-*  
*lari solet:* bona præterea publicari jubet: vi-  
 tam solam relinquit nefariis hominibus: quam  
 si eripuisset, multas uno dolore, animi ac cor-  
 poris, & omnes scelerum poenas ademisset. Ita-  
 que ut aliqua in vita formido improbis esset  
 posita, *apud inferos ejusmodi quædam illi an-*  
*tiqui supplicia impiis constituta esse voluerunt:*  
 quod videlicet intelligebant, his remotis, non  
 esse mortem ipsam pertimescendam. Nunc, P.C.  
 ego meâ video quid intersit: si eritis secuti  
 sententiam Cæsar, quoniam hanc is in repub-  
 lica viam, quæ popularis habetur, secutus est,  
 fortasse minus erunt hoc monitore & auctore  
 hujusce sententiæ mihi populares impetus perti-  
 mescendi: si illam alteram secuti eritis, ne-  
 scio an amplius mihi negotii contrahatur: sed  
 tamen meorum periculorum rationes utilitas rei-  
 pub. vincat. Habemus enim à C. Cæsare, si-  
 cut ipsius dignitas & majorum ejus amplitudo  
 postulabat, sententiam, tanquam obsidem per-  
 petuam in rempublicam voluntatis: intellectum  
 est,

est, quid intersit inter lenitatem concionatorum, & animum verè popularem, salutis populi consulentem. Video, de istis, qui se populares haberi volunt, abesse non neminem, nè de capite videlicet civium Romanorum sententiam ferat. Is & nudius tertius in custodiam cives Romanos Cethegum & P. Lentulum dedit; & supplicationem mihi decrevit; & indices hesterno die maximis præmiis affecit. Jam hæc nemini dubium est, qui reo custodiam, quæstori gratulationem, indici præmium decrevit, quid de tota re & causa judicaret. At vero C. Cæsar intelligit, legem Semproniam esse de civibus Romanis constitutam: qui autem reipublicæ sit hostis, eum civem esse nullo modo posse: denique ipsum latorem legis Sempronie jussu populi pœnas reipublicæ dependisse. Idem etiam ipsum largitorem Lentulum & prodigum non putat, cum de pernicio reipubl. & exitio hujus urbis tam acerbè tamque crudeliter cogitaret, appellare posse popularem. Itaque homo mitissimus atque lenissimus, non dubitat P. Lentulum æternis tenebris vinculisque mandare: & sancit in posterum, nè quis hujus supplicio levando se jactaret, & in perniciem reipubl. posthac popularis esse possit. Adjungit etiam publicationem bonorum, ut omnes animi cruciatus, & corporis, etiam egestas ac mendicitas consequatur. Quamobrem si hoc statueritis, dederitis mihi comitem ad concionem populo Romano charum atque jucundum: si illam Silani sententiam sequi malueritis, facile me atque vos à crudelitatis vituperatione detraheritis: atque obtinendo, eam multò leviolem fuisse. Quanquam, P. C. quæ potest esse in tanti sceleris immanitate puniendæ crudelitas? Ego enim de meo sensu judico.



judico. Nam ita mihi salva republ. vobiscum  
 perfrui liceat, ut ego quod in hac causa vehe-  
 mentior sum, non atrocitate animi moveor (quis  
 enim est me mitior?) sed singulari quadam  
 humanitate & misericordia. Videor enim mihi  
 hanc urbem videre, lucem orbis terrarum atque  
 arcem omnium gentium, subito, uno incendio  
 concidentem: cerno animo sepulta in patria  
 miseros, atque insepultos acervos civium: ver-  
 fatur mihi ante oculos aspectus Cethegi & furor 10  
 in vestra cade bacchantis. Cum vero mihi pro-  
 posui regnantem Lentulum, sicut ipse se ex fati-  
 sperasse confessus est: purpuratum esse hunc Ga-  
 binium, cum exercitu, venisse Catilinam; tum  
 lamentationem matrum-familiâs; tum fugam vir- 15  
 ginum, atque puerorum, ac vexationem virginum  
 Vestalium, perhorresco. Et quia mihi vehe-  
 menter hæc videntur misera, atque miseranda,  
 idcirco in eos qui ea perficere voluerunt,  
 me severum vehementemque præbeo. Etenim 20  
 quero si quis paterfamiliâs, liberis suis à  
 servo interfectis, uxore occisâ, incensâ domo,  
 supplicium de servo non quàm acerbissimum  
 sumpserit, utrùm is clemens, ac misericors, an  
 inhumanus & crudelissimus esse videatur? mihi 25  
 verò importunus, ac ferreus, qui non dolorem  
 suum & cruciatum dolore nocentis & cruciatu  
 lenierit. Sic nos in his hominibus, qui nos,  
 qui conjuges, qui liberos nostros trucidare  
 voluerunt; qui singulas uniuscuiusque nostram 30  
 domos, & hoc universum reipubl. domicilium  
 delere conati sunt: qui id egerunt, ut gentem  
 Allobrogum inuestigiis huius urbis atque in cinere  
 deflagrati imperii collocarent, si vehementissimi  
 fuerimus, misericordes habebimur: si remissiores 35  
 esse voluerimus, summæ nobis crudelitatis  
 in.



in patriæ civiûmque pernicie fama subeunda est.  
 Nisi verò, cuiuspiam L. Cæsar vir fortissimus &  
 amantissimus reipubl. crudelior nudiustertius  
 est visus, cum sororis suæ, fœminæ lectissimæ,  
 5 virum præsentem & audientem, vitâ privandum  
 esse dixit; cum avum jussu Coss. interfectum,  
 filiûmque ejus impuberem legatum à patre  
 missum in carcere necatum esse dixit. Quorum  
 quod simile fuit factum? quod initium delendæ  
 10 reipubl. consilium? Largitionis voluntas  
 tum in reipubl. versata est, & partium quæ-  
 dam contentio. Atque illo tempore hujus avus  
 Lentuli, clarissimus vir, armatus Gracchum est  
 persecutus, & grave tum vulnus accepit, nè quid  
 15 de summa dignitate reipubl. minueretur: hic ad  
 everrenda fundamenta reipubl. Gallos accersivit,  
 servitia concitavit, Catilinam evocavit, attribuit  
 nos trucidandos Cethegò, cæteros cives inter-  
 ficendos Gabinio, urbem inflammandam Cassio,  
 20 totam Italiam vastandam diripiendamque Catil-  
 linæ. Vereamini, censeo, ne in hoc scelere tam  
 immani, ac nefario, nimis aliquid severè statu-  
 isse videamini! cum multò magis sit verendum,  
 nè remissione pœnas crudeles magis in patriam,  
 25 quàm nè severitate animadversiones nimis vehe-  
 mentes in acerbissimos hostes fuisse videamini.  
 Sed quæ exaudio, P. C. dissimulare non possum.  
 jactanter enim voces, quæ perveniunt ad aures  
 meas, eorum, qui vereri videntur, ut habeam  
 30 satis præsidii ad ea, quæ vos statueritis hodierna  
 die, transigenda. Omnia provisâ, parata, &  
 constituta sunt. P. C. cum meâ summâ curâ at-  
 que diligentia; tum multo etiam majore populi  
 Romani, ad summum imperium retinendum, &  
 35 ad communes fortunas conservandas voluntate.  
 Omnes adsunt omnium ordinum homines, om-  
 niu m

nium denique ætatum : plenum est forum, pleni omnes aditus hujus loci ac templi. Causa enim est post urbem conditam hæc inventa, sola in qua omnes sentirent unum atque idem, præter eos, qui cum sibi viderent esse pereundum, cum omnibus potius, quam soli perire voluerunt. Hosce ego homines excipio, & secerno libenter. Neque enim in improborum civium, sed in acerbissimo um hostium numero habendos puto. Ceteri verò, dii immortales, quâ frequentia, quo studio, quâ virtute ad communem dignitatem salutemque consentiunt? Quid ego hic equites Rom. commemorem? qui vobis ita summam ordinis consiliique concedunt, ut vobiscum de amore reipub. certent: quos ex multorum annorum dissensione, ad hujus ordinis societatem concordiamque revocatos, hodiernus dies nobiscum, atque hæc causa conjungit: quam conjunctionem si in Consulatu confirmatam meo, perpetuum in reipubl. tenuerimus; confirmo vobis, nullam posthac malum civile ac domesticum ad ullam reip. partem venturum esse. Pari studio defendere reip. convenisse video tribunos, ærarios fortissimos viros, scribas item universos: quos cum casu hic dies ad ærarium frequentes advocasset, video ab expectatione sortis ad communem salutem esse conversos. Omnis ingenuorum adest multitudo, etiam tenuissimorum. Quis est enim cui non hæc templa, aspectus urbis, possessio libertatis, lux denique hæc ipsa, & hoc commune patriæ solum, cum sit charum, tum verò dulce, atque jucundum? Operæ pretium est, P. C. libertinorum hominum studia cognoscere, qui sua virtute, ac fortunâ hujus civitatis jus consecuti, hanc verè suam patriam esse judicant; quam quidem hinc nati, & summo nati loco,

non

non patriam suam, sed urbem hostium esse ju-  
 dicaverunt. Sed quid ego hujusce ordinis ho-  
 mines commemorem, quos privatæ fortunæ,  
 quos communis respublica, quos denique liber-  
 5 tas ea, quæ dulcissima est, ad salutem patriæ  
 defendendam excitavit? servus est nemo, qui  
 modò tolerabili conditione sit servitutis, qui non  
 audaciam civium perditorum perhorrescat, qui  
 non obistere cupiat, qui non tantum, quantum  
 10 audet, & quantum potest, conferat ad commu-  
 nem salutem voluntatis. Quare si quem vestrum  
 fortè commovet hoc, quod auditum est, leno-  
 nem quendam Lentuli concurrere circum taber-  
 nas, pretio sperantem sollicitari posse animos  
 15 egentium atque imperitorum: est id quidem  
 ceptum atque tentatum; sed nulli sunt inventi  
 tam aut fortunâ miseri, aut voluntate perditæ,  
 qui non ipsum illum fellæ, atque operis, & quæ-  
 stus quotidiani locum, qui non cubile ac lectulum  
 20 suum, qui denique non cursum hunc otiosum  
 vitæ suæ salvum esse velint. Multò verò maxi-  
 ma pars eorum, qui in tabernis sunt, immo ve-  
 rò (id enim potius est dicendum) genus hoc  
 universum amantissimum est otii. Etenim omne  
 25 eorum instrumentum, omnis opera, ac questus,  
 frequentia civium sustinetur, alitur otio: quo-  
 rum si questus, occlusis tabernis, minui solet;  
 quid tandem incensis futurum est? Quæ cum  
 ita sint, P. C. vobis populi Romani præsidia non  
 30 desunt: vos nè populo Romano deesse videamini,  
 providete. Habetis Consulem ex plurimis  
 periculis, & intiliis, atque ex media morte, non  
 ad vitam suam, sed ad salutem vestram reser-  
 vatam: omnes ordines ad conservandam rem-  
 35 publ. mente, voluntate, studio, virtute, voce  
 consentiunt: obsessa facibus & telis impiæ con-  
 jurationis,

iurationis, vobis supplex manus tendit patria  
 communis : vobis se, vobis vitam omnium civium,  
 vobis arcem, & Capitolium, vobis aras penatium,  
 vobis illum ignem Vestæ perpetuum ac sempiternum,  
 vobis omnia templa deorum, atque delubra,  
 vobis muros atque urbis tecta, commendat. ¶  
 Præterea de vestra vita, de conjugum vestrarum  
 ac liberorum anima, de fortunis omnium, de  
 sedibus, de focis vestris, hodierno die vobis  
 iudicandum est. Habetis ducem memorem vestri, 10  
 oblitum sui : quæ non semper facultas datur.  
 Habetis omnes ordines, omnes homines, univer-  
 sum populum Romanum (id quod in civili cau-  
 sa hodierno die primum videmus) unum atque  
 idem sentientem. Cogitate quantis laboribus 15  
 fundatum imperium, quantâ virtute stabilitam  
 libertatem, quantâ deorum benignitate auctas  
 exaggeratasque fortunas una nox pœne dele-  
 rit. Id nè unquam posthac non modo confici, sed nè  
 cogitari quidem possit, vobis hodierno die præ- 20  
 videndum est. Atque hæc, non ut vos, qui  
 mihi studio pœnæ præcurritis, excitarem, locutus  
 sum : sed ut mea vox, quæ debet esse in re-  
 publica princeps, officio functa Consulari vi-  
 deretur. Nunc antequam ad sententiam redeo, 25  
 de me pauca dicam. Ego, quanta manus est  
 conjuratorum, quam videtis esse permagnam,  
 tantam me inimicorum multitudinem suscepisse  
 video : sed eam esse iudico turpem, & infir-  
 mam, contemptam, & abjectam. Quod si ali- 30  
 quando alicujus furore & scelere concitata ma-  
 nus ista plus valuerit, quàm vestra ac reipubli-  
 cæ dignitas, me tamen meorum factorum atque  
 consiliorum nunquam, P. C. pœnitebit. Btenim  
 mors, quam illi mihi fortasse minitantur, om- 35  
 nibus est parata : vitæ tantam laudem, quantâ  
 vos

vos me vestris decretis honestastis, nemo est affectus. Cæteris enim semper bene gesta, mihi uni conservatæ reipublicæ gratulationem decrevistis. Sit Scipio clarus; ille, cujus consilio  
5 atque virtute Hannibal in Africam redire, atque ex Italia decedere coactus est: ornetur alter eximiâ laude Africanus, qui duas urbes huic imperio infestissimas, Carthaginem Numantiâque delevit: habeatur vir egregius L. Paulus  
10 ille, cujus currum rex potentissimus quondam & nobilissimus Perses honestavit: sit in æterna gloria Marius, qui bis Italiam obsidione & metu servitutis liberavit: anteponatur omnibus Pompeius, cujus res gesta atque virtutes iisdem,  
15 quibus solis cursus, regionibus ac terminis continentur. Erit profectò inter horum laudes aliquid loci nostræ gloriæ. Nisi fortè majus est, patefacere nobis provincias quò exire possimus, quàm curare, ut etiam illi qui absunt, habeant  
20 quò victores revertantur. Quanquam est uno loco conditio melior externæ victoriæ, quàm domesticæ: quòd hostes alienigenæ aut oppressi serviunt, aut recepti in amicitiam, beneficio se obligatos putant: qui autem ex numero civi-  
25 um dementia aliquâ depravati hostes patriæ semel esse cœperunt, eos, cum à perniciæ reipubl. repuleris, neque vi coercere, neque beneficio placare possis. Quare mihi cum perditis civibus æternum bellum susceptum esse video:  
30 quod ego vestro bonorûmque omnium auxilio, memoriâque tantorum periculorum, quæ non modò in hoc populo, qui servatus est, sed etiam in omnium gentium sermonibus ac mentibus semper hærebit, à me atque à meis facilè pro-  
35 puliari posse, confido. Neque ulla profectò tanta vis reperietur, quæ conjunctionem vestram equitûmque

æquicūque Romanorum, & tantam conspiratio-  
 nem bonorum omnium, perfringere & labefacta-  
 re possit. Quæ cum ita sint, Patres conscripti,  
 pro imperio, pro exercitu, pro Provincia, quam  
 neglexi; pro triumpho, cæterisque laudis insig- 5  
 nibus, quæ sunt à me propter urbis vestræque  
 salutis custodiam repudiata, pro clientelis, ho-  
 spitiisque provincialibus, quæ tamen urbanis o-  
 pibus non minore labore tueor, quàm compa-  
 ro: pro his igitur omnibus rebus, & pro meis 10  
 in vos singularibus studiis, proque hac, quam  
 conspiciatis, ad conservandam rempubl. diligen-  
 tia, nihil aliud à vobis, nisi hujus temporis totiū-  
 que mei Consulatus memoriam postulo; quæ dum  
 erit vestris mentibus infixæ, firmissimo me muro 15  
 septum esse arbitrabor. Quod si meam spem  
 vis improborum fefellerit, atque superaverit;  
 commendo vobis parvum meum filium: cui pro-  
 fectò satis erit præsidii, non solum ad salutem,  
 verum etiam ad dignitatem, si ejus, qui hæc 20  
 omnia suo solus periculo conservaverit, illum esse  
 filium memineritis. Quapropter de summa salute  
 vestra populique Romani, P. C. de vestris conju-  
 gibus ac liberis, de aris ac focis, de fanis ac tem-  
 plis, de totius urbis testis ac sedibus, de imperio, 25  
 de libertate, de salute Italix, deque universa  
 republica decernite diligenter, ut instituistis,  
 ac fortiter. Habetis enim Consulem, qui &  
 parere vestris decretis non dubitet; & ea quæ  
 statueritis, quoad vivet, defendere, & per seipsum 30  
 præstare possit.

## ORATIO IX.

Quæ est in

10 MARCUM ANTONIUM,  
PHILIPPICA SECUNDA.15 *Barth. Latoni Argumentum.*

Postquam Cicero liberius de republ. & de Antonio  
 dixerat, offensus ille graviter, venit post aliquot  
 dies in Senatum, & meditatâ Oratione conque-  
 20 stus de injuria Ciceronis, multis maledictis in  
 personam ejus invehit. Non respondit illo  
 die Cicero, prohibitus ab amicis, propter arma  
 Antonii, quibus ad manifestam vim spectare vi-  
 debatur. Sed aliquantum post confirmatus opibus  
 25 Octavii, qui hæres Cæsaris erat, & offensus  
 Antonio, gratiâque & autoritate Senatus vete-  
 ranorumque præsidio ad pærem potentiam prove-  
 ctus, respondit hac ornatissimâ oratione, & qui-  
 dem præsentî in Senatu. In qua primò objecta  
 30 diluit: deinde insectatur vitam hominis: &  
 per omnes gradus ætatis vitia colligens, crimi-  
 nosè commemorat, quæ ab illo unquam privatim  
 aut publicè commissa fuerant. Hæc est Secunda  
 illa Philippica, quæ M. Antonium priore Ora-  
 35 tione vehementer commotum, sic in Ciceronem  
 accendit, ut leniri odii atrocitas postea nunquam  
 potuerit.



potuerit. Exitit autem exitii, & mortis Ciceronis causa, dicente etiam Satyrico Poeta :

— *Ridenda poemata malo,  
Quàm te conspicua divina Philippica fama,  
Volveris à prima quæ proxima* —

Juvenal. Sat. 10. v 124.

Quoniam meo fato, P. C. fieri dicam, ut ne- 10  
mo his annis viginti Reipub. hostis fuerit,  
qui non bellum eodem tempore mihi  
quoque indixerit ? nec verò necesse est à me  
quenquam nominari vobis, cum ipsi recordemi-  
ni. Mihi poenarum illi, plus quam optarem, de- 15  
derunt. Te miror, Antoni, quorum facta imi-  
tere, eorum exitus non perhorrescere. Atque  
hoc in aliis minùs mirabar. Nemo illorum ini-  
micus mihi fuit voluntarius : omnes à me repub.  
causa laceffiti. Tu, ne verbo quidem violatus, 20  
ut audacior quàm L. Catilina, furiosior quàm P.  
Clodius viderere ; ultrò maledictis me laceffisti,  
tuàmque à me alienationem, commendationem ad  
cives impios tibi gloriæ fore putavisti. Quid pu-  
tem ? contemptumne me ? non video nec in vita, 25  
nec in gratia nec in rebus gestis, nec in hac mea  
mediocritate ingenii quid despiciere possit Anto-  
nius. An in Senatu facillimè de me detrahi posse  
credidit ? qui ordo clarissimis civibus bene gestæ  
Reipub. testimonium multis, mihi uni conserva- 30  
tæ dedit ? An decertare mecum voluit conten-  
tione dicendi ? hoc quidem beneficium est.  
Quid enim plenius, quid uberius, quàm mihi &  
pro me, & contra Antonium dicere ? Illud pro-  
fecto est : non existimavit sui similibus probari 35  
posse, se esse hostem patriæ, nisi mihi esset ini-  
micus.

micus. Cui primus quàm de cæteris rebus re-  
spondeo, de amicitia, quam à me violatam esse  
criminatus est, quod ego gravissimum crimen  
judico, pauca dicam. Contra rem suam venisse  
me nescio quando, questus est. An ego non ve-  
nirem contra alienum pro familiari, & necessario  
meo? non venirem contra gratiam, non virtutis  
specie, sed ætatis flore collectam? non venirem  
contra injuriam, quam iste intercessoris iniquissi-  
mi beneficio obtinuit, non jure Prætorio? Sed  
hoc idcirco commemoratum à te puto ut te in-  
fimo ordini commendares, cùm te omnes recor-  
darentur libertini generum, & liberos tuos ne-  
potes Qu. Fabii libertini hominis fuisse. At e-  
nim te in disciplinam meam tradideras (nam ita  
dixisti) domum meam ventitâras. Ne tu, si  
id fecisses, melius famæ, melius pudicitie tue  
consultuisses: sed nec fecisti, nec si caperes, tibi  
id per C. Curionem facere licuisset. Augura-  
tus petitionem mihi te concessisse dixisti. O in-  
credibilem audaciam! ô impudentiam prædican-  
dam! Quo enim tempore me Augurem à toto  
collegio expetiturum Cn. Pompeius & Qu. Horten-  
sius nominaverunt (neque enim licebat à pluribus  
nominari) tu nec solvendo eras, nec te ullo mo-  
do, nisi eversa repub. incolumem fore putabas.  
Poteras autem eo tempore Auguratum petere,  
cùm in Italia Curio non esset? aut tum, cùm es  
factus, unam tribum sine Curione ferre potuif-  
ses? cujus etiam familiares de vi condemnati  
sunt, quod tui nimis studiosi fuissent. At bene-  
ficio sum usus tuo. Quo? quanquam illud ip-  
sum, quod commemoras, semper præ me tuli:  
malui me tibi debere confiteri, quàm cuiquam  
minùs prudenti non satis gratus videri. Sed quo  
beneficio, quod me Brundusii non occideris?

F

quem

quem ipse victor, qui tibi, ut tute gloriari solebas, detulerat. ex latronibus suis principatum, saluum esse voluisset, in Italiam ire iussisset, eum tu occideres? Fac potuisse: quod est aliud, P.C. beneficium latronum, nisi ut commemorare possint, iis se vitam dedisse, quibus non ademerint? Quod si esset beneficium, nunquam ii, qui illum interfecerunt, à quo erant servati, quos tu ipse viros clarissimos appellare soles, tantam essent gloriam consecuti. Quale autem beneficium est, quod te abstinueris nefario scelere? quâ in re non tam jucundum videri mihi debuit, non interfectum à te, quam miserum, id te impunè facere potuisse. Sed sit beneficium: quandoquidem majus accipi à latrone nullum potuit. In quo potes me dicere ingratum? an de interitu reipub. queri non debui, nè in te ingratus viderer? Nam in illa querela, misera quidem & luctuosa, sed mihi pro hoc gradu, in quo me Senatus populûsque Roman. collocavit, necessariâ, quid est dictum à me cum contumelia? quid non moderatè? quid non amicè? Et quidem cujus temperantiæ fuit, de M. Antonio querentem, abstinere maledicto? præsertim cum tu reliquias reipub. dissipâsses? cum domitux turpissimo mercatu omnia essent venalia? cum leges eas, quæ nunquam promulgatæ essent, & de te, & à te latas confiterere? cum auspicia Augur, intercessionem Consul sustulisses? cum esses scœdissimè stipatus armatis? cum omnes impuritates pudica in domo quotidie susciperes, vino lustrisque confectus? At ego tanquam mihi cum M. Crasso contentio esset, quocum multæ & magnæ fuerunt, non cum uno gladiatore nequissimo, de reipub. graviter querens, de homine nihil dixi. Itaque hodie perficiam, ut intelligat, quantum

à me tum beneficium acceperit. At etiam literas, quas me sibi misisse diceret, recitavit homo & humanitatis expers, & vitæ communis ignarus. Quis enim unquam, qui paulum modo bonorum consuetudinem nōset, literas ad se ab amico missas, offensione aliquā interpositā in medium protulit, palamque recitavit? Quid hoc est aliud, quàm tollere è vitā vitæ societatem? tollere amicorum colloquia absentium? quàm multa joca solent esse in epistolis, quæ prolata si sint; inepta esse videantur? quàm multa seria, neque tamen ullo modo divulganda? Sit hoc inhumanitatis tux: stultitiam incredibilem videte. Quid habes, quod mihi opponas, homo disertè, ut Mustelæ Tamisio, & Tironi Numisio videris? qui cū hoc ipso tempore stent cum gladiis in conspectu Senatūs, ego quoque te disertum putabo, si ostenderis quomodo sis eos inter sicarios defensurus. Sed quid oppones tandem, si negem me unquam istas literas ad te misisse? quo me teste convincas? an chirographo? in quo habes scientiam quæstuosam. Qui possis? sunt enim librarii manu. Jam invideo magistro tuo, qui te tantā mercede, quantam jam proferam, nihil sapere docuit. Quid enim est minus, non dico oratoris, sed hominis, quàm id objicere adversario, quod ille si verbo negarit, longius progredi non possit, qui objecerit? At ego non nego: tēque in isto ipso convincto non inhumanitatis solum, sed etiam amentitiæ. Quod enim verbum in istis literis est non plenum humanitatis, officii, benevolentie? ampe autem crimen tuum est, quod de te in his literis non male existimem: quod scribam tanquam ad civem, tanquam ad bonum virum, non tanquam ad sceleratum, & latronem. At ego tuas literas, etsi

jure poteram à te laceffitus, tamen non proferam : quibus petis, ut tibi per me liceat quendam de exilio reducere : adjurasque id te invito me non esse facturum : idque à me impetras : quid enim me interponerem audaciæ tuæ ; quam neque auctoritas hujus ordinis, neque existimatio populi Rom. neque leges ullæ possent coercere ? veruntamen quid erat, quod me rogares, si erit is, de quo rogabas, Cæsaris lege reductus ? sed videlicet meam gratiam voluit esse : in quoniam ipsius quidem ulla esse poterat lege latâ. Sed cum mihi, Patres Conscripti, & pro me aliquid, & in M. Ant. multa dicenda sint : alterum peto à vobis, ut me pro me dicentem benignè ; alterum ipse efficiam, ut contra illum cum dicam, attente audiat. Simul illud oro ; si meam cum in omni vita, tum in dicendo moderationem, modestiamque cognoscitis, ne me hodie cum istis, ut provocavit, res, ondebo, oblitum esse putetis mei. Non tractabo ut consulem : nè ille quidem me ut Consularem : etsi ille nullo modo Consul, vel quod ita vivit, vel quod ita rempergit, vel quod ita factus est Consul : ego sine ulla controversia Consularis. Ut igitur intelligeretis, qualem ipse se Consulem profiteretur, objecit mihi consulatum meum. Qui Consulatus verbo meus, P. C. re vester fuit : quid enim constitui, quid gessi, quid egi, nisi ex hujus ordinis consilio, autoritate, sententiâ ? hæc tu homo sapiens, non solum eloquens, apud eos, quorum consilio sapientiæque gesta sunt, ausus es vituperare ? quis autem meum consulatum, præter P. Clodium, qui vituperaret, inventus est ? cujus quidem te fatum, sicuti C. Curionem manet : quoniam id domi tuæ est, quod fuit illorum utriusque fatale. Non placeat M. Antonio Consulatus

latus meus : at placuit P. Servilio, ut eum primum nomen ex illius temporis Consularibus, qui proximè est mortuus : placuit Qu. Læstatio Catulo, cujus semper in hac rep. vivet autoritas : placuit duobus Lucullis, M. Crasso, Qu. Hortensio, C. Curioni, M. Lepido, C. Pisoni, M. Labeoni, L. Volcatio, C. Figulo. D. Syllano, L. Murenz, qui tunc erant Consules designati : placuit idem, quod Consularibus, M. Catoni, qui cum multa, vitâ excedens, providit : tum quod te consulem non vidit. Maximè vero Consulatum meum Cn. Pompeius probavit ; qui ut eum primum decedens ex Syria vidit, complexus, & gratulans, meo beneficio patriam se visurum esse dixit. Sed quid singulos commemorò ? frequentissimo Senatui sic placuit, ut esset nemo, qui mihi non ut parenti grâtiâs ageret : qui non mihi vitam suam, liberos, fortunas, remp. referret acceptam. Sed quoniam illis, quos nominavi, tot & talibus viris resp. orbata est ; veniamus ad vivos, qui duo è consulari numero reliqui sunt ; L. Cotta, vir summo ingenio, summaque prudentiâ, rebus his gestis, quas tu reprehendis, supplicationem decrevit verbis amplissimis : eique illi ipsi quos modo nominavi, Consulares, Senatûque cunctus assensus est. Qui honos post conditam hanc urbem habitus est togato ante me nemini. L. Cæsar avunculus tuus, quâ oratione, quâ constantiâ, quâ gravitate sententiam dixit in sororis suæ virum, vitricum tuum ? hunc tu cum autorem, & præceptorem omnium consiliorum, totiûsque vitæ debuisses habere, vitrici te similem, quàm avunculi esse maluisti. Hujus ego consiliis alienus Consul-usus sum : tu sororis filius, ecquid ad eum unquam de repub. retulisti ? ad quos refert ? dii immortales ?



tales? ad eos scilicet, quorum nobis etiam dies natales audiendi sunt. Hodie non descendit Antonius: cur? dat natalitia in hortis: cui? neminem nominabo: putatote eum Phormioni alicui, tum Gnathoni, tum Ballioni. O foeditatem hominis flagitiosam! ô impudentiam, nequitiam, libidinem non ferendam! tu cum Principem Senatorem, civem singularem, tam propinquum habeas, ad eum de repub. nihil refers: ad eos refers, qui suam rem nullam habent, tuam exhauriunt: Tuus videlicet salutaris Consulatus, perniciosus meus. Adeone pudorem cum pudicitia perdidisti, ut hoc in eo templo dicere ausus sis, in quo ego Senatum illum, qui quondam florens orbi terrarum praesidebat, consulabam: tu homines perditissimos cum gladiis collocavisti. At etiam ausus es (quid autem est quod tu non audeas?) Clivum Capitolinum dicere, me Consule, plenum servorum armatorum fuisse: ut illa credo nefaria senatusconsulta fierent, vim afferebam Senatui. O miserum, si illa tibi nota non sunt (nihil enim boni nosti,) si sunt, qui apud tales viros tam impudenter loquar! Quis enim Eques Romanus, quis praeter te adolescens nobilis? quis ullius ordinis, qui se civem meminisset, cum Senatus in hoc templo esset, in Clivo Capitolino non fuit? quis nomen non dedit? quanquam nec scribae sufficere, nec tabulae nomina illorum capere poterunt. Etenim cum homines nefarii de patriae parricidio confiterentur, conscriptorum indicibus, suâ manu, voce pene literarum coacti, se urbem inflammare, cives trucidare, vastare Italiam, deletere rempub. consensisse: quis esset qui ad salutem communem defendendam non excitaretur? praesertim cum Senatus populusque Rom. haberet



ret ducem, quales si quidem nunc esset, tibi idem,  
 quod illis accidit, contigisset. Ad sepulturam  
 corpus vitrici sui negat à me datum. Hoc vero  
 nè P. quidem Clodius dixit unquam : quem, quia  
 5 jure ei sui inimicus, doleo à te jam omnibus vi-  
 tiis esse superatum. Qui autem tibi venit in  
 mentem, redigere in memoriam nostram, te  
 domi P. Lentuli esse educatum ? an verebare, nè  
 non putaremus naturâ te potuisse tam improbum  
 10 evadere, nisi accessisset etiam disciplina ? Tam  
 autem eras excors, ut tota in oratione tecum ip-  
 se pugnares : ut non modò non coherencia inter  
 se diceres, sed maximè disjuncta atque contra-  
 15 ria ? ut non tanta tecum, quanta tecum tibi es-  
 set contentio ? Vitricum tuum in tanto fuisse  
 scelere fatebare, poenâ affectum querebare. Itâ,  
 quod proprie meum est, laudasti : quod toti-  
 us Senatus est, reprehendisti. Nam cum com-  
 20 prehensio fontium mea, animadversio Senatûs  
 fuerit ; homo disertus non intelligit, eum quem  
 contra dicit, laudari à se ; eos apud quos dicit,  
 vituperari. Jam illud cujus est non dico auda-  
 ciz (cupit enim se audacem dici) sed, quod mi-  
 nimè vult, stultitiz, quâ vincit omnes, Clivî  
 25 Capitolini mentionem facere ? cum inter subse-  
 lia nostra versentur armati ? cum in hac cella Con-  
 cordiz (ô dii immortales !) in qua me Consule,  
 salutare sententiz dictæ sunt, quibus ad hunc  
 diem viximus, cum gladiis homines collocati  
 30 stent ? Accusa Senatum ; accusa equestrem or-  
 dinem, qui tum cum Senatu copulatus fuit :  
 accusa omnes ordines, omnes cives, dum confiteare  
 hunc ordinem, hoc ipso tempore, ab Ithyreis  
 35 circumfederi. Hæc tu non propter audaciam  
 dicis tam impudenter, sed quia tantam rerum  
 repugnantiam non videas, nihil profecto fa-

pis. Quid est enim dementius, quàm cùm ipse  
 contra remp. pernicioſa arma cõperis, obſicere  
 alteri ſalutaria? At etiam quodam loco facetus  
 eſſe voluiſti: quàm id te (dii boni) non decebat:  
 in quo eſt tua culpa nonnulla: aliquid enim ſa- 5  
 lis ab uxore mimã trahere potuiſti. *Cedant ar-  
 ma toga*: quid tum? nõne ceſſerunt? at poſtea  
 tuis armis ceſſit toga. Quæramus igitur utrum  
 melius fuerit, libertati populi Rom. ſcleratorum  
 arma, an libertatem noſtram armis tuis cedere? 10  
 Nec verò tibi de verſibus plura reſpondebo: tan-  
 tùm dicam breviter: neque illos, neque illas te  
 omnino literas nõſſe: me nec reip. nec amicis un-  
 quam deſuiſſe, & tamen omni genere monimen-  
 torum meorum perfeſciſſe operis ſubſecivis, ut 15  
 mex vigilæ, mexque literæ & juventuti utilita-  
 t's, & nomini Rom. laudis aliquid afferrent.  
 Sed hæc non hujus temporis: ad majora venia-  
 mus Pub. Clodium meo conſilio interfectum  
 eſſe dixiſti. Quidnam homines putarent, ſi tum 20  
 occiſus eſſet, cùm tu illum in foro ſpectante po-  
 pulo Rom. gladio ſtriſto inſecutus es; negotium-  
 que tranſegiſſes, niſi ille ſe ſub ſcalas tabernæ li-  
 brariæ conjeciſſet, hiſque oppilatis impetum tu-  
 um compreſſiſſet? Sed quid? ego faſiſſe me 25  
 tibi fateor, ſuaſiſſe me tu quidem dicis: at Mi-  
 loni nè favere quidem potui: priùs enim rem  
 tranſegit, quàm quiſquam tum ſuſpicaretur eum  
 facturum eſſe. At ego ſuaſi: ſcilicet is animus  
 erat Milonis, ut prodeſſe reipub. ſine ſuaſore non 30  
 poſſet: At lætatus ſum: quid ergo? in tanta  
 lætitia cunctæ civitatis me unum triſtem eſſe o-  
 porteſbat? Quanquam de morte P. Clodii fuit  
 quæſtio non ſatis prudenter illa quidem conſti-  
 tuta. quid enim attinebat novâ lege quæri de eo, 35  
 qui hominem occidiſſet, cùm eſſet legibus quæ-  
 ſtio

stio constituta? quæsitum est tamen. Quod ergo cum res agebatur, nemo in me dixit: id tot annis post tu es inventus, qui diceres? Quod verò dicere ausus es, idque multis verbis, operâ meâ Pompeium à Cæsaris amicitia esse disjunctum, ob eamque causam meâ culpâ civile bellum esse natum: in eo non tu quidem totâ re, sed, quod maximum est, temporibus errâsti. Ego M. Bibulo præstantissimo cive Consule, nihil prætermisi, quantum facere, enitique potui, quin Pompeium à Cæsaris conjunctione avocarem: in quo Cæsar fuit felicior: ipse enim Pompeium à meâ familiaritate disjuxit. Postea verò quam se totum Pompeius Cæsari tradidit, quid ego illum ab eo distrahere conarer? stulti erat sperare: suadere impudentis. Duo tamen tempora inciderunt, quibus aliquid contra Cæsarem Pompeio suaserim: ea velim reprehendas si potes: unum, nè quinquennii imperium Cæsari prorogaretur: alterum, nè pateretur fieri ut absentis ejus ratio haberetur: quorum si utrumvis persuasissem, in has miseras nunquam incidissemus. Atque idem ego, cum jam omnes opes & suas & populi Rom. Pompeius ad Cæsarem detulisset, seròque eadem sentire cepisset, quæ e. o. antè multò prævideram: inferrique patriæ bellum nefarium viderem: pacis, concordix, compositionis autor esse non destiti: meaque illa vox est nota multis. Utinam, Cn. Pompei, cum C. Cæsare societatem aut nunquam coisses, aut nunquam dirimisses. Fuit alterum gravitatis, alterum prudentiæ tuæ. Hæc mea, M. Antoni, semper & de Pompeio, & de repub. consilia fuerunt: quæ si valuissent, respublica staret: tu tuis flagitiis, egestate, infamiâ, concidisses. Sed hæc vetera: illud verò recens, Cæsarem meo consilio interfe-

etum. Jam vereor, Patres conscripti, nè quod  
 turpissimum est prævaricatorem mihi opposu-  
 isse videar, qui me non solum meis laudibus or-  
 naret, sed etiam oneraret alienis. Quis enim  
 meum in istius societate gloriosissimi facti nomen  
 audiuit? ejus autem, qui in eo numero fuisset,  
 nomen est occultatum? occultatum dico? ejus  
 non statim divulgatum? citius dixerim jactasse  
 se aliquos, ut fuisset in ista societate viderentur,  
 qui socii non fuissent, quàm ut quisquam celari  
 vellet. Quàm verisimile porro est, in tot ho-  
 minibus partim obscuris, partim adolescentibus,  
 neminem occultantibus, meum nomen latere  
 potuisse? Etenim si autores ad liberandam pa-  
 triam desiderarentur, illis autoribus, Brutos ego  
 impellerem? quorum uterque L. Bruti imagi-  
 nem quotidie videret, alter etiam Halæ? Hi  
 igitur his majoribus orti ab alienis potius consili-  
 um peterent, quàm à suis? & foris potius, quam  
 domo? Quid? C. Cassius in ea familia natus,  
 quæ non modò dominatum, sed nè potentiam qui-  
 dem cujusquam ferre potuit, me autorem, cre-  
 do, desideravit: qui etiam, sine his clarissimis  
 viris, hanc rem in Cilicia ad ostium fluminis  
 Cydni consecisset, si ille ad eam ripam,  
 quam constituerat, non ad contrariam, navim  
 applicuisset. Cn. Domitium non patris interitus,  
 clarissimi viri, non avunculi mors, non spoliatio  
 dignitatis, ad recuperandam libertatem, sed mea  
 autoritas excitavit? An C. Trebonio persuasi,  
 cui nè suadere quidem ausus essem? quod etiam  
 majorem ei respub. gratiam debet, qui liber-  
 tatem populi Rom. unius amicitie præpulsit:  
 depulsoque dominatus, quam particeps esse  
 maluit. An L. Tullius Cimber me est autorem  
 secutus? quem ego magis fecisse illam rem sum  
 admiratus,

admiratus, quàm facturum putavi. Admiratus  
sum autem ob eam causam, quòd immemor  
beneficiorum, mèmor patriæ fuisset. Quòd duos  
Servilios, Cascas dicam, an Halas? & hos  
5 auctoritate meâ censes excitatos potius, quàm  
charitate reipub. Longum est persequi cæteros:  
idque reipub. præclarum, fuisse tam multos ipsis  
gloriosius est. At quem admodum me coarguerit  
homo acutus, recordamini. Cæsare interfecto,  
10 inquit, statim cruentum altè extollens M. Bru-  
tus pugionem, Ciceronem nominatim exclama-  
vit, atque ei recuperatam libertatem est gratu-  
latus. Cur mihi potissimum? quòd sciebam?  
Vide nè illa causa fuerit appellandi me, quòd  
15 cùm rem gessisset consimilem rebus iis, quas ip-  
se gesseram, me potissimum testatus est, se æ-  
mulum mearum laudum extitisse. Tu autem  
omnium stultissime non intelligis, si id, quod  
me arguis, voluisse interfici Cæsarem, crimen  
20 sit: etiam lætatum esse morte Cæsaris, crimen  
esse? quid enim interest inter suasorem facti, &  
probatorem? aut quid refert, utrùm voluerim  
fieri, an gaudeam factum? ecquis est igitur, te  
excepto, qui illum regnare gaudebas, qui illud  
25 aut fieri noluerit, aut factum improbavit? om-  
nes enim in culpa. Etenim omnes boni, quan-  
tum in ipsis fuit, Cæsarem occiderunt: aliis con-  
silijs, alijs animis, alijs occasio defuit: volun-  
tas nemini. Sed stuporem hominis, vel dicam  
30 pecudis, attendite. Sic enim dixit: M. Brutus,  
quem ego honoris causâ nomino, cruentum pu-  
gionem tenens, Ciceronem exclamavit: ex quo  
intelligi debet, eum conscium fuisse. Ergò ego  
sceleratus appellor à te, quem tu suspicatum ali-  
35 quid suspicaris: ille, qui stillantem præ se pug-  
ionem tulit, is à te honoris causâ nominatur?

est:

esto; sit in verbis tuis hic stupor: quantò in re-  
 bus sententiisque major: Constitue hoc Consul,  
 aliquando, Brutorum, C. Cassii, Cn. Domitii, Cn.  
 Trebonii, reliquorum, quam velis esse causam:  
 edormi crapulam, inquam, & exhalare. An faces  
 admovendæ sunt, quæ te excitent tantæ causæ  
 indormientem? nunquàmne intelliges statuen-  
 dum tibi esse, utrùm illi qui istam rem gesse-  
 runt, homicidii rei sint, an vindices libertatis?  
 Attende enim paulisper, cogitationemque sobrii  
 hominis ad punctum temporis suscipe: etenim  
 ego, qui sum illorum, ut ipse fateor, familiaris,  
 ut à te arguor, socius, nego quicquam esse medi-  
 um: confiteor eos, nisi liberatores populi Ro-  
 mani, conservatoresque Reipublicæ sint, plus  
 quàm sicarios, plus quàm homicidas, plus etiam  
 quàm parricidas esse: siquidem est atrocius  
 patriæ parentem, quam juum occidere. Tu ho-  
 mo sapiens, & considerate, quid dicis? si parri-  
 cidæ, cur honoris causa à te sunt, & in hoc ordi-  
 ne, & apud populum Rom. semper appellati?  
 cur M. Brutus, te referente, legibus est solutus,  
 si ab urbe plus quàm decem dies abfuisset? cur  
 ludi Apollinares incredibili M. Bruti honore ce-  
 lebrati? cur provinciæ Cassio, & Bruto datæ?  
 cur Quæstores additi? cur Legatorum numerus  
 auctus? Atque hæc acta per te: non igitur ho-  
 micidæ. Sequitur ut liberatores tuo judicio sint:  
 quandoquidem tertium nihil potest esse. Quid  
 est? num conturbo te? non enim fortasse satis,  
 quæ distinctius dicuntur, intelligis. Sed tamen  
 hæc est summa conclusionis meæ: quoniam sce-  
 lere à te liberati sunt, ab eodem te amplissimis  
 præmiis dignissimi judicati sunt. Itaque jam re-  
 texo orationem meam: scribam ad illos, ut si  
 qui fortè, quod à te mihi objectum est, quærent  
 sitne.

sine verum, nè cui negent : etenim vereor, nè  
aut celatum me ab ipsis, illis non honestum :  
aut invitatum refugisse, mihi sit turpissimum :  
Quæ enim res unquam (proh sancte Jupiter ! )  
5 non modò in hac urbe, sed in omnibus terris  
est gesta major ? quæ gloriosior ? quæ commen-  
dator erit hominum memoriæ sempiternæ ? In  
hujus me consilii societatem, tanquam in equum  
Trojanum includi cum principibus non recuso.  
10 Ago etiam gratias, quoquo animo facis. Tanta  
enim res est, ut invidiam istam, quam tu in me  
vis concitare, cum laude non comparem. Quid  
enim beatius illis, quos tu expulsos à te prædi-  
cas & relegatos ? qui locus est, aut tam desertus,  
15 aut tam inhumanus, qui illos, quò accesserint,  
non affari atque appetere videatur ? qui homi-  
nes tam agrestes, qui se, cum eos aspexerint,  
non maximum cepisse vitæ fructum putent ?  
quæ vero tam immemor posteritas, quæ tam in-  
20 gratæ literæ reperientur, quæ eorum gloriam  
non immortalitatis memoriâ prosequantur ? Tu  
vero ascribe me talem in numerum. Sed unam  
rem vereor nè non probes. Si enim fuisset,  
non solùm Regem, sed regnum etiam de republ.  
25 sustulisset : & si meus stylus ille fuisset (ut di-  
citur) mihi crede, non solùm unum actum, sed  
totam tabulam confecissem. Quamquam si inter-  
fici Cæsarem voluisse crimen est, vide quæso, An-  
toni, quid tibi futurum sit, quem & Narbone  
30 hoc consilium cum C. Trebonio cepisse notissi-  
mum est, & ob ejus consilii societatem, cum  
interficeretur Cæsar, tum te à Trebonio vidi-  
mus levocari. Ego autem (vide quàm tecum  
agam non inimicè) quòd bene cogitasti aliquan-  
35 do, laudo : quòd non indicasti, gratias ago :  
quòd non fecisti, ignosco : virum res illa quæ-  
rebat.



rebat: Quod si te in iudicium quis adducat,  
 usurpétque illud Cassianum, Cui bono fuerit: vi-  
 de quæso nè hæreas. Quanquam quidem illud  
 fuit, ut tu dicebas, omnibus bono, qui uni ser-  
 vire nolebant: tibi tamen præcipue, qui non  
 modò non servis, sed etiam regnas: qui maxi-  
 mo te ære alieno ad ædem Opis liberaſti: qui  
 per easdem tabulas innumerabilem pecuniam diſ-  
 ſipaviſti: ad quem è domo Cæſaris tam multa  
 delata ſunt: cujus domus quaſtuoliſſima eſt fal- 10  
 ſorum commentariorum: & chirographorum of-  
 ficina: agrorum, oppidorum, immunitatum, ve-  
 ſtigalium, flagitioſiſſimæ nundinæ. Etenim quæ  
 res egeſtati & æri alieno tuo præter mortem Cæ-  
 ſaris ſubvenire potuiſſet? Neſcio quid contur- 15  
 batus mihi eſſe videris. Nunquid ſubtimes, nè  
 ad te hoc crimen pertinere videatur? libero te  
 metu; nemo credet unquam; non eſt tuum de  
 repub. bene mereri: habet iſtius pulcherrimi  
 facti clariſſimos viros repub. autores: ego te 20  
 tantum gaudere dico, feciſſe non arguo. Re-  
 ſpondi maximis criminibus: nunc etiam reliquis  
 reſpondendum eſt. Caſtra mihi Pompeii, atque  
 omne illud tempus objeciſti, quo quidem tem-  
 pore, ſi, ut dixi, meum conſilium autoritasque 25  
 valuiſſet, tu hodie egeres, nos liberi eſſemus;  
 repub. non tot duces, & exercitus amiſiſſet.  
 Fateor enim me, cum ea, quæ acciderunt, præ-  
 viderem futura, tantâ in mœſtitia fuiſſe, quan-  
 tâ cæteri optimi cives, ſi idem providiſſent, fu- 30  
 iſſent. Dolebam, dolebam, P. C. repub. ve-  
 ſtris quondam, meiſque conſiliis conſervatam,  
 brevi tempore eſſe perituram: neque verò eram  
 tam indoctus, ignarusque rerum, ut frangerer ani-  
 mo propter vitæ cupiditatem, quæ me manens 35  
 conficeret angoribus; dimiſſa, moleſtiis omnibus  
 liberâret.

liberaret. illos ego præstantissimos viros, lumina reipub. vivere volebam, tot consulares, tot Prætorios, tot honestissimos Senatores, omnem præterea florem nobilitatis ac juventutis, tum  
 5 optimorum civium exercitus: qui si viverent, quamvis iniquâ conditione pacis (mihi enim omnis pax cum civibus bello civili utilior videbatur) rempub. hodie teneremus. Quæ sententia si valuisset, ac non ii maximè mihi, quorum  
 10 ego vitæ consulebam, spe victoriæ elati obstitissent: ut alia omittam, tu certè nunquam in hoc ordine, vel potius nunquam in hac urbe mansisses. At verò Cn. Pompeii voluntatem à me abalienabat oratio mea. An ille quenkum  
 15 plus dilexit? cum ullo aut sermones, aut consilia contulit sapius? quod quidem erat magnum de summa re dissentientes, in eadem consuetudine amicitie permanere. Sed & ego quid ille, & contra ille, quid ego & sentirem, & spectarem, videbat. Ego incolumitati civium primum,  
 20 & postea dignitati: ille præsentì dignitati potius consulebat. Quòd autem habebat uterque quid sequeretur, idcirco tolerabilior erat nostra dissensio. Quid verò ille Consularis vir ac penè  
 25 divinus de me senserit, sciunt qui eum de Pharsalica fuga Paphum persecuti sunt, nunquam ab eo mentis de me, nisi honorifica, nisi plena amicissimi desiderii, cum me vidisse plus fateretur, se sperasse meliora. Et ejus viri nomine me in  
 30 sectari audes, cujus me amicum, te sectorem esse fateare? Sed omittatur bellum illud, in quo tu nimium felix fuisti. Nè joci quidem respondebo, quibus me in castris usum esse dixisti. Erant quidem illa castra plena curæ: veruntamen  
 35 men homines, quamvis in turbidis rebus sint, tamen si modò homines sunt, interdum animis relaxantur.

relaxantur. Quòd autem idem mœstitiam meam  
 reprehendit, idem jocum : magno argumento est,  
 me in utroque fuisse moderatum. Hæreditates  
 mihi negasti venire. Utinam hoc tuum verum  
 crimen esset : plures amici mei, & necessarii  
 viverent : sed qui istuc tibi venit in mentem ?  
 ego enim amplius H. S. ducenties acceptum hæ-  
 reditatibus retuli. Quanquam in hoc genere fa-  
 teor feliciorē esse te : me nemo nisi amicus  
 fecit hæredem, ut cum illo commodo, si quod 10  
 erat, animi quidam dolor jungeretur : te is, quem  
 tu nunquam vidisti, L. Rubrius Cassinas fecit hære-  
 dem : & quidem vide, quā te amārit is, qui  
 albus atēve fueris ignorans, fratris filium præ-  
 teriit. Qu. Furii honestissimi Equitis Romani 15  
 sui que amicissimi, quem palām hæredem semper  
 factitarat, nè nomen quidem perscripsit, te quem  
 nunquam viderat, aut certè nunquam salutaverat,  
 fecit hæredem. Velim mihi dicas, nisi molestum est,  
 L. Turselius quā facie fuerit, quā staturā, quo 20  
 municipio, quā tribu : nihil scio, inquires, nisi  
 quæ prædia habuerit : igitur fratrem exhæredans  
 te faciebat hæredem. In multas præterea pecu-  
 nias alienissimorum hominum, ejectis veris hære-  
 dibus, tanquam hæres esset, invasit. Quanquam 25  
 hoc maxime admiratus sum, mentionem te hæ-  
 reditatum ausum esse facere, cum ipse hæredita-  
 tem patris non adisset. Hæc ut colligeres, homo  
 amentissime, tot dies in aliena yilla declamā-  
 sti ? quanquam tu quidem (ut tui familiarissi- 30  
 mi distant) vini exhalandi, non ingenii acu-  
 endi causā declamitas. Et verò adhibes joci cau-  
 sâ magistrum suffragio tuo, & compotorum tuo-  
 rum Rhetorem : cui concessisti, ut non in te,  
 quæ vellet, diceret, sed in quem vellet, diceret. 35  
 Falsum omnino hominem : sed materia facilis,  
 in

in te & in tuos dicta dicere. Vide autem inter  
te & avum tuum quid intersit, ille sensum dice-  
bat, quod causæ prodesset : tu cursum dicis ali-  
ena. At quanta merces Rhetori data est ? au-  
5 dite, audite, P. C. & cognoscite Reip. vulnera :  
duo millia jugerum campi Leontini Sex. Clodio  
Rhetori assignasti, & quidem immunia, ut pro  
tanta mercede nihil sapere disceres. Num eti-  
am hoc, homo audacissime, ex Cæsaris commen-  
10 tariis ? sed dicam alio loco de Leontino agro,  
& de Campania : quos iste agros ereptos Reip.  
turpissimis possessoribus inquinavit. Jam enim  
quoniam criminibus ejus satis respondi, de ipso  
amendatore & correctore nostro quædam dicen-  
15 da sunt. Nec enim omnia effundam, ut, si sæ-  
pius decertandum sit, ut erit, semper novus ve-  
niam : quam facultatem mihi multitudo istius  
vitiourum, peccatorumque largitur. Visne igitur  
te inspiciamus à puero ? sic opinor, à principio  
20 ordiamur. Tenène memoriâ prætextatum te  
decoxisse ? patris inquires ista culpa est : con-  
cedo ; etenim est pietatis plena defensio. Il-  
lud tamen audaciæ tuæ, quod sedisti in quatu-  
ordecim ordinibus, cum esset lege Rosciâ deco-  
25 toribus certus locus constitutus, quamvis quis  
fortunæ vitio, non suo decoxisset. Sumpisti vi-  
rilem togam, quam statim muliebre stolum red-  
didisti. Primò vulgare scortum : certa flagitii  
merces, nec ea prava : sed cito Curio interve-  
30 nit, qui te à meretricio quæstu abduxit : & tan-  
quam stolum dedisset, in matrimonio stabili &  
certo locavit. Nemo unquam puer emptus li-  
bidinis causâ tam fuit in domini potestate.  
quàm tu in Curionis. Quoties te pater ejus  
35 domo suâ ejecit ? quoties custodes posuit ne li-  
men intrares ? cum tamen tu nocte sociâ, hor-  
tante

tante libidine, cogente mercede, per togulas de-  
 mittere. Quæ flagitia domus illa diutius fer-  
 re non potuit. Scilne me de rebus mihi notis-  
 simis dicere? Recordare tempus illud, cum pa-  
 ter Curio moriens jacebat in lecto; filius se ad  
 pedes meos prosternens, lacrymans te mihi com-  
 mendabat: orabat ut te contra suum patrem, si  
 festertium sexagies peteret, defenderem. Tan-  
 tum enim se pro te intercessisse dicebat. Ipse  
 autem amore ardens confirmabat, quod deside-  
 rium tui dissidii ferre non posset, se in exilium  
 esse iturum. Quo ego tempore tanta mala flo-  
 rentissimæ familiæ sedavi, vel potius sustuli. Pa-  
 tri persuasi ut æs alienum filii dissolveret: redi-  
 meret adolescentem summâ spe & animi & in-  
 genii præditum rei familiaris facultatibus: eum-  
 que à tuâ non modò familiaritate, sed etiam  
 congressione, patrio jure, & potestate prohibe-  
 ret. Hæc tu cum per me acta meminisses: nisi  
 illis quos videmus, gladiis confideres, maledictis  
 me provocare ausus esses? sed jam stupra, &  
 flagitia omittam. Sunt quædam, quæ honestè  
 non possum dicere: tu autem eò liberior, quod  
 ea in te admisisti, quæ à verecundo inimico  
 audire non posses. Sed reliquum vitæ cursum  
 videte: quem quidem celeriter perstringam:  
 ad hæc enim, quæ in civili bello, in maximis  
 Reip. miseriis fecit, & ea quæ quotidie facit,  
 festinat animus. Quæ peto, ut, quanquam multò  
 notiora vobis, quam mihi sunt, tamen, ut facitis,  
 attentè audiat. Debet enim talibus in rebus  
 excitare animos non cognitio solùm rerum, sed  
 etiam recordatio. tametsi incidamus oportet  
 media, nè nimis serò ad extrema veniamus. In-  
 titus erat in Tribunatu Clodio: qui sua erga  
 me beneficia commemorat, ejus omnium incen-  
 diorum

diorum fax; cuius etiam domi quiddam jam  
tum molitus est. Quid dicam, ipse optime in-  
telligit. Indè item Alexandriam contra Sena-  
tus auctoritatem, contra religionem. Sed habe-  
bat ducem Gabinium, quicum quidvis rectissime  
facere posset. Qui tum inde reditus? aut qua-  
lis? prius in ultimam Galliam ex Egypto,  
quam domum. Quæ autem erat domus? suam  
enim quisque domum tum obtinebat, neque erat  
usquam tua. Domum dico? Quid erat in terris,  
ubi in tuo pedem poneret, præter unum Misen-  
num, quod cum sociis tanquam Sisaponem tene-  
bas? venisti è Gallia ad Quæsturam petendam.  
Aude dicere, te prius ad patrem tuum venisse,  
quàm ad me. Acceperam enim jam antè Cæ-  
sar's literas, ut mihi satisfieri paterer à te. Ita-  
que nè loqui quidem sum te passus de gratia, pos-  
tea custoditus sum à te, tu à me observatus  
in petitione Quæsturæ. Quo quidem tempore  
P. Clodium approbante populo Ro. in foro es co-  
natus occidere: cùmque eam rem tuâ sponte  
conarere, non impulsu meo: tamen ita prædica-  
bas, te non existimare, nisi illum interfecisses,  
unquam mihi pro tuis in me injuriis satis esse fa-  
cturum. in quo demiror, cur Milonem impul-  
su meo rem illam egisse dicas, cùm te ultro mi-  
hi idem illud deferentem nunquam sim adhor-  
tatus. Quanquam, si in eo perseverares, ad tu-  
am gloriam rem illam referri malebam, quàm ad  
meam gratiam. Quæstor es factus: Deinde con-  
tinuo sine Senatus-consulto, sine sorte, sine le-  
ge ad Cæsarem cucurristi. Id n. unum in terris  
egestatis, æris alieni, nequitie, perditis vitæ ra-  
tionibus perfugium esse ducebas. Ibi te cùm &  
illius largitionibus, & tuis rapinis explevisse (si  
hoc est explere, quod statim effundas) advolas  
egens

egens ad Tribunatum, ut in eo magistratu, si  
 posses, vitrici tui similis esses. Accipite nunc  
 quæso non ea, quæ ipse in se, atque in dome-  
 sticum dedecus impurè atque intemperanter, sed  
 quæ in nos, fortunæque nostras, id est, non in uni-  
 versam Remp. impiè ac nefariè ecerit. Ab hu-  
 jus enim scelere omnium malorum principum  
 natum reperietis. Nam cum L. Lentulo, C.  
 Marcello Consulibus, Cal. Janua. labentem, & pro-  
 pè cadentem Remp. fulcire cuperetis, ipsique C. 10  
 Casari, si sanà mente esset, consulere velletis :  
 tum iste venditum, atque mancipatum Tribuna-  
 tum, consiliis vestris opus fuit, cervicisque suas  
 ei subjecit securi, quæ multi minoribus in pecca-  
 tis occiderunt. In te autem, M. Antoni, id de- 15  
 crevit. Senatus & quidem incolumis, nondum  
 tot luminibus extinctis, quod in hostem toga-  
 tum decerni est solitum more majorum. Et tu  
 apud Patres Conscriptos contra me dicere ausus  
 es, cum ab hoc ordine ego conservator essem, tu 20  
 hostis Reip. judicatus ? Commemoratio illius tui  
 sceleris intermissa est, non memoria deleta. Dum  
 genus hominum, dum populi Rom. nomen exta-  
 bit (quod quidem erit, si per te licuerit, sem-  
 piternum) tua illa pestifera intercessio nomina- 25  
 bitur. Quid cupidè à Senatu, quid temere fie-  
 bat, cum tu unus adolescens universum ordinem  
 decernere de salute Reipub. prohibuisti : neque  
 id semel, sed sæpius. Neque tu tecum de Se-  
 natûs auctoritate agi passus es ? quid autem age- 30  
 batur, nisi nè deleri & everti Remp. funditus  
 velles ? cum te neque principes civitates rogan-  
 do, neque majores natu monendo, neque fre-  
 quens Senatus agendo, de vendita atque addi-  
 cta sententia movere potuit ? Tum illud, mul- 35  
 tis rebus antè tentatis, necessariò tibi. vulnus in-  
 flictum,



flictum, quod paucis ante, quorum incolumis fu-  
 it nemo : tum contra te dedit arma hic ordo  
 Consulibus, reliquisque imperiis & potestatibus ;  
 quæ non effugisses, nisi te ad arma Cæsaris con-  
 tulisses. Tu, tu, inquam, M. Antoni, princeps C.  
 Cæsari omnia perturbare cupienti, causam belli  
 contra patriam inferendi dedisti. Quid enim  
 aliud ille dicebat ? quam causam dementissimi sui  
 consilii & facti afferebat, nisi quod intercessio  
 neglecta, jus Tribunitium sublatum, circumscrip-  
 tus esset Antonius ? omitto quàm hæc falsa, quam  
 levia : præsertim cum omnino nulla causa justa  
 cuiquam esse possit contra patriam arma capien-  
 di. Sed nihil de Cæsare : tibi certè consiten-  
 dum est, causam perniciosissimi belli in persona  
 tua constitisse. O miserum te, si intelligis : mi-  
 seriore, si non intelligis, hoc literis mandari,  
 hoc memoriæ prodi, hujus rei nè posteritatem  
 quidem omnium seculorum unquam immemorem  
 fore ? consules ex Italia expulsos, cumque his  
 Cn. Pompeium, qui imperii populi Rom. decus,  
 ac lumen fuit : omnes Consulares, qui per vale-  
 tudinem exequi fugam illam, clademque potu-  
 is-  
 sent : Prætores, Prætorios, Tribunos plebis,  
 magnam partem Senatûs, omnem sobolem Juven-  
 tutis, unôque verbo Remp. expulsi atque ex-  
 terminatam suis sedibus. Ut igitur in seminibus  
 est causa arborum & stirpium : sic hujus luctuo-  
 sissimi belli semen tu fuisti. Doletis tres exer-  
 citus populi Rom. interfectos : interfecit Antoni-  
 us. Desideratis clarissimos cives : eos quoque  
 eripuit vobis Antonius. Autoritas hujus ordinis  
 afflicta est : afflixit Antonius. Omnia denique  
 quæ postea vidimus (quid autem mali non vi-  
 dimus !) si recte ratiocinabimur, uni accepta  
 referemus Antonio. Ut Helena Trojanis, sic iste  
 huic

huic Reip. causa belli, causa pestis, atque exiti  
 fuit. Reliquæ partes Tribunatûs principio simi-  
 les, omnia perfecit, quæ Sepatus salva Rep.  
 nè fieri possent, perfecerat: cuius tamen scelus in  
 scelere cognoscite. Restituebat multos calamito- 5  
 sos: in his patri nulla mentio, si severus, cur  
 non in omnes? si misericors, cur non in suos?  
 sed omitto cæteros: Licinium Denticulam de alea  
 condemnatum, collusorem suum, restituit: quasi  
 verò ludere cum condemnato non liceret: sed 10  
 ut quod ille in alea perdiderat, beneficio legis  
 dissolveret. Quam attulisti rationem populo  
 Rom. cur eum restitui oporteret? absentem, cre-  
 do, in reos relatum, rem indictâ causâ judicatam,  
 nullum fuisse de aleâ lege iudicium; vi oppres- 15  
 sum & armis; postremo quod de patruo dice-  
 bantur, pecuniâ iudicium esse corruptum. Nihil  
 horum. At vir bonus, & Rep. dignus. Nihil id  
 quidem ad rem: ego tamen, quoniam condem-  
 natum esse, pro nihilo est, si ita esset, ignosce- 20  
 rem. Hominem verò omnium nequissimum, qui  
 non dubitaret vel in forò aleâ ludere, lege quæ est  
 de aleâ condemnatum, qui in integrum restituit,  
 is non apertissimè studium suum ipse profitetur?  
 In eodem verò Tribunatu, cum Cæsar in Hispa- 25  
 niam proficiscens, huic conculcandam Italiam  
 tradidisset, quæ fuit ejus peragratio itinerum?  
 lustratio municipiorum? Scio me in rebus cele-  
 bratissimis sermone omnium versari, eaque quæ  
 dico dicturusque sum, notiora omnibus esse, qui 30  
 in Italia tum fuere, quam mihi, qui non fui. No-  
 tabo tamen singulas res: esse nullo modo poterit  
 oratio mea satisfacere vestræ scientiæ. Breuius  
 quod unquam in terris tantum flagitium extitisse  
 auditum est? tantam turpitudinem? tantum de- 35  
 decus? Vehabatur in effedo Tribunus pleb. li-  
 ctors

Atores laureati antecedeabant : inter quos, apertâ  
 lecticâ, mimâ portabatur ; quam ex oppidis mu-  
 nicipales homines honesti obviam necessario pro-  
 deuntes, non noto illo & mimico nomine, sed  
 5 Volumniam consalutabant. Sequebatur rheda  
 cum lenonibus, comites nequissimi : rejecta ma-  
 ter amicam impuri filii tanquam nurum seque-  
 batur. O miseræ mulieris fecunditatem cala-  
 mitosam ! Horum flagitiorum iste vestigiis omnia  
 10 municipia, præfecturas, colonias, totam denique  
 Italiam impressit. Reliquorum factorum ejus P.C.  
 difficilis est sane reprehensio, & lubrica. Ver-  
 satus in bello est, saturavit se sanguine dissimil-  
 limorum sui civium : fuit felix, si potest ulla es-  
 15 se in scelere felicitas. Sed quoniam veteranis  
 cautum esse volumus, (quanquam dissimilis est  
 militum causa & tua) illi secuti sunt : tu quæstisti  
 ducem : tamen, nè apud illos me in invidiam  
 voces, nihil de belli genere dicam. Victor è Thes-  
 20 salia Brundisium cum legionibus revertisti : ibi  
 me non occidisti. Magnum beneficium, potu-  
 isse enim fateor. Quanquam nemo erat eorum,  
 qui tunc tecum fuerunt, qui mihi non censeret  
 parci oportere : Tanta enim est charitas patriæ,  
 25 ut vestris etiam legionibus sanctus essem, quod  
 eam à me servatam esse minimissent. Sed fac te  
 dedisse mihi quod non ademisti : meque à te  
 habere vitam, quia à te non sit erepta : liceat  
 nunc mihi per tuas contumelias hoc beneficium  
 30 tueri ut tuebar, præsertim cum te hæc auditu-  
 rum videres. Venisti Brundisium, in sinum quidem,  
 & in complexum tuæ mimulæ. Quid est ? num  
 mentior ? quàm miserum est id negare non pos-  
 se, quod sit turpissimum confiteri ? si te muni-  
 35 cipiorum non pudebat : nè veterani quidem ex-  
 ercitus ? quis enim miles fuit, qui Brundisii  
 illam

illam non viderit? quis, qui nesciret venisse eam  
 tot dierum tibi viam gratulatum? quis, qui non in-  
 doluerit tam serò se, quam nequam hominem secu-  
 tus esset, cognoscere? Italix rursus percurratio  
 eadem comite mimâ: in oppida militum crudelis  
 & misera deductio: in urbe auri & argenti max-  
 imæque vini fœda direptio. Accessit, ut Cæsare ig-  
 naro cum ille esset Alexandriæ, beneficio amico-  
 rum ejus magister equitum constitueretur, tum  
 existimavit se suo jure cum Hippia vivere & equos  
 vectigales Sergio mimo tradere: tum sibi non hanc  
 quam nunc malè tuetur, sed M. Pisonis domum  
 ubi habitaret, legerat. Quid ego istius decreta,  
 quid rapinas, quid hæreditatum possessiones datas,  
 quid ereptas proferam? cogebat egestas: quò se  
 verteret non habebat; nondum ei tanta à L. Ru-  
 brio, non à L. Turselio hæreditas veherat: non-  
 dum in Cn. Pompeii locum, multorumque aliorum,  
 qui aberant, repentinus hæres successerat: erat ei  
 vivendum latronum ritu, ut tantum haberet quan-  
 tum rapere potuisset. Sed hæc, quæ robustioris im-  
 probitatis sunt, omittamus; loquamur potius de  
 iniquissimo genere levitatis. Tu istis faucibus, istis  
 lateribus, istâ gladiatorîâ totius corporis firmitate,  
 tantum vini in Hippix nuptiis exhauseras, ut tibi  
 necesse esset in populi Rom. conspectu vomere po-  
 stridie. O rem non modò visu fœlam, sed etiam  
 auditu! Si inter cœnam, in tuis immanibus illis po-  
 culis, hoc tibi accidisset, quis non turpe duceret? in  
 cœtu verò populi Rom. negotium publicum gerens,  
 Magister equitum, cui ructare turpe esset, is vo-  
 mens fructis esculentis vinum redolentibus gremi-  
 um suum, & totum tribunal implevit. Sed hoc ip-  
 se fatetur esse in suis sordibus: veniamus ad splen-  
 dida. Cæsar Alexandriam se recepit, felix, ut sibi qui-  
 dem videbatur; meâ autem sententiâ, si quis Reip.

fit infelix, felix esse non potest. Hastâ positâ pro  
 æde Jovis Statoris, bona, (miserum me! con-  
 sumptis enim lacrymis, tamen infixus animo hæ-  
 ret dolor) bona, inquam, Cū. Pompeii Magni vo-  
 ci acerbissimæ subjecta præconis. Unâ in illâ re  
 servitutis oblita civitas ingemuit, servientibusque  
 animis, cum omnia metu tenerentur, gemitus tamen  
 populi Rom. liber fuit. Expectantibus omnibus,  
 quisnam esset tam impius, tam demens, tam diis,  
 hominibusque hostis, qui ad illud scelus sectionis  
 auderet accedere, inventus est nemo, præter An-  
 tonium, præsertim cum tot essent circa hastam il-  
 lam, qui alia omnia auderent, unus inventus est,  
 qui id auderet, quod omnium fugisset, & formi-  
 dasset audacia. Tantus igitur te stupor oppressit,  
 vel, ut verius dicam, tantus furor, ut primum,  
 cum sector sis isto loco natus, deinde cum Pom-  
 peii sector, non te execrandum pop. Rom. non  
 detestabilem, non omnes tibi deos, omnes homi-  
 nes, & esse inimicos, & futuros scias? At quàm  
 insolenter statim heluo invasit in ejus viri fortu-  
 nas, cujus virtute terribilior erat populus Rom.  
 exteris gentibus, justitiâ charior? In ejus igitur  
 copias, cum se subito ingurgitavisset, exultabat  
 gaudio persona de mimo, *modo egens, repente*  
*dives*; sed ut est apud poetam nescio quem, *Ma-*  
*lè parat, malè dilabuntur*: incredibile æ simile  
 portenti est, quonam modo illa tam multa,  
 quàm paucis non dico mensibus, sed diebus effu-  
 derit. Maximus auri numerus fuit, permagnum  
 optimi pondus argenti, pretiosa vestis, multa &  
 lauta supellex, & magnifica multis locis, non illa  
 quidem luxuriosi hominis, sed tamen abundan-  
 tis. Horum paucis diebus nihil erat. Quæ Cha-  
 rybdis tam vorax? Charybdin dico? quæ si fuit,  
 animal unum fuit: Oceanus, medius fidius, vix vi-  
 detur

detur tot res, tam dissipatas, tam <sup>5</sup> instantibus in  
 locis positas, tam citò absorbere potuisse. Ni-  
 hil erat clausum, nihil consignatum, nihil scri-  
 ptum: apotheca tota nequissimis hominibus con-  
 donabantur: alia mimi rapiebant, alia mimæ: do-  
 mus erat aleatoribus referta, plena ebriorum:  
 totos dies potabatur, atque id locis pluribus: sug-  
 gerebantur etiam sæpe (non enim semper iste  
 felix) damna aleatoria: conchyliatis Cn. Pom-  
 peii peristromatis servorum in cellis lectos stra- 10  
 tos videres. Quamobrem desinite mirari hæc  
 tam celeriter esse consumpta. Non modò uni-  
 us partrimonium, quamvis amplum, ut illud fuit,  
 sed urbes, & regna celeriter tanta nequitia devo-  
 rare potuisset: At ejusdem ædes etiam & hor- 15  
 tos. O audaciam immanem! ut ingredi illam  
 domum ausus es? tu illud sanctissimum limen  
 intrare? tu illarum ædium diis penatibus deus im-  
 portunissimum ostendere? quam domum ali-  
 quando nemo aspicere poterat, nemo sine la- 20  
 crymis præterire, hæc te in domo tamdiu diver-  
 sari non pudet? in qua, quamvis nihil sapias,  
 tamen nihil tibi potest esse jucundum. An tu,  
 illa vestibula, rostra, spolia cum aspexisti, do-  
 mum tuam te introire putas? fieri non potest. 25  
 Quamvis enim sine mente, sine sensu sis, ut es:  
 tamen & te, & tua, & tuos nosti. Nec vero te  
 unquam neque vigilantem, neque in somnis cre-  
 do mente posse consistere. Neesse est, quam-  
 vis sis, ut es violentus & furens, cum tibi ob- 30  
 jecta sit species singularis viri, perterritum te  
 de somno excitari, furere etiam sæpe vigilan-  
 tem. Me quidem miseret parietum ipsorum,  
 atque tectorum. Quid enim unquam domus  
 illa viderat, nisi pudicum, nisi ex optimo mo- 35  
 re & sanctissimâ disciplinâ? fuit enim ille vir,



P. C. sicut scitis, cum foris clarus, tum domi  
 admirandus: neque rebus externis magis laudan-  
 dus, quàm institutis domesticis. Hujus in æ-  
 dibus pro cubiculis stabula, pro tricliniis popinæ  
 sunt. Etsi jam negat. Nolite, nolite quærere.  
 5 Frugi factus est. Mimam illam suam suas res  
 sibi habere jussit, ex duodecim tabulis claves ad-  
 emit, forasque exegit. Quàm porrò spectatus civis,  
 quàm probatus: cujus ex omni vita nihil est ho-  
 10 nestius, quàm quòd cum mima fecit divortium? At  
 quàm crebrò usurpat, & Consul, & Antonius?  
 hoc est dicere, & Consul, & impudicissimus: &  
 Consul, & homo nequissimus. Quid enim est al-  
 liud Antonius? nam si dignitas significaretur in  
 15 nómine, dixisset aliquando, credo, avus tuus &  
 Consul, & Antonius. nunquam dixit, dixisset eti-  
 am collega meus, patruus tuus; nisi tu solus es An-  
 tonius. Sed omitto ea peccata, quæ non sunt ea-  
 rum partium propria, quibus tu Remp. vexavi-  
 sti: ad ipsas tuas partes redeo, id est, ad civile  
 20 bellum; quod natum, conflatum, susceptum, ope-  
 rà tuâ est. Cur ei bello cum propter timiditatem  
 tuam, tum propter libidines detuisti? Gustâras  
 civilem sanguinem vel potius exsorbueras: fueras  
 25 in acie Pharsalicâ antesignanus: L. Domitium no-  
 bilissimum & clarissimum virum occideras: multos-  
 que præterea, qui de prælio effugerant, quos Cæsar  
 ut nonnullos fortasse servâisset, crudelissimè perse-  
 cutus trucidâras, quibus rebus tantis talibus gestis  
 30 Quid fuit causâ, cur in Africam Cæsarem non se-  
 querere, cum præsertim belli pars tanta restaret?  
 Itaque quem locum apud ipsum Cæsarem post  
 ejus ex Africâ reditum obtinuisti? quo numero  
 fuisti; cujus tu imperatoris Quæstor fueras?  
 35 Dictatoris magister equitum, belli princeps, cru-  
 delitatis auctor, prædæ socius, testamento, ut



ipse dicebas, filius, appellatus es de pecuniâ, quam pro domo, pro hortis, pro sectione debebas. Primò respondisti p' anè ferociter : & (nè omnia videar contra te) propemodùm aqua & iusta dicebas. A me C. Cæsar pecuniam? cur potius 5 quàm ego ab illo; an ille sine me vicit? at nè potuit quidem. Ego ad illum belli civilis causam attuli : ego leges perniciosas rogavi : ego arma contrâ Consules, Imperatorésque Pop. Rom. contra Senatum populumque Romanum, contra 10 Deos Patrios arasque & focos, contra patriam tuli. Num sibi soli vicit? quorum facinus est commune, cur non sit eorum præda communis? jus postulabas : sed quid ad rem? plus ille poterat. Itaque excussis tuis vocibus, & ad te, & ad præ- 15 des tuos milites misit : cùm repentè à te præclara illa tabula prolata, qui risus hominum de te erat? tantam esse tabulam, tam varias, tam multas possessiones, ex quibus præter partem Miseni, nihil erat, quod is, qui auctionaretur, posset su- 20 um dicere. Auctionis verò miserabilis aspectus, Vestis Pompeii non multa, eaque maculosa : ejusdem quædam argentea vasa collisa, sordidata mancipia : ut doleremus quicquam esse ex illis reliquiis, quod videre possemus. Hanc tamen 25 auctionem hæredes L. Rubri decreto Cæsaris prohibuerunt. Hærebat nebulo : quò se verteret, non habebat, quin in his ipsis temporibus domi Cæsaris percussor ab isto missus, deprehensus dicebatur esse cum sicâ. De quo Cæsar in 30 Senatu, apertè in te invehens, questus est. Proficiscitur in Hispaniam Cæsar, paucis tibi ad solvendum propter inopiam tuam, prorogatis diebus. Nè tum quidem sequeris. Tam bonus gladiator rudem tam citò accepisti? hunc igitur 35 quisquam, qui in suis partibus, id est, in suis  
fortu-

5 fortunis tam timidus fuerit, pertimescat? Pro-  
 fectus est tandem aliquando in Hispaniam: sed  
 10 tunc, ut ait, pervenire non potuit. Quonam  
 modo igitur Dolabella pervenit? aut non  
 5 suscipienda fuit ista causa, Antoni? aut cum  
 suscepisses, defendenda usque ad extremum. Ter  
 depugnavit Cæsar cum civibus in Thessaliâ,  
 Africâ, Hispaniâ. Omnibus affuit his pugnis Do-  
 10 labella: in Hispaniensi etiam vulnus accepit. Si  
 de meo iudicio quæris, nollem: sed tamen con-  
 silium à principio reprehendendum, laudanda con-  
 stantia. Tu verò quis es? Cn. Pompeii liberi pri-  
 mum patriam repetebant. Esto: fuerit partium  
 hæc causa communis. Repetebant præterea deos  
 15 penates, patrios, aras, focos, larem suum fami-  
 liarem, in quæ tu invaseras. Hæc cum repe-  
 terent armis ii, quorum erant legibus (etsi in re-  
 bus iniquissimis quid potest esse æqui?) tamen  
 erat æquissimum contra Cn. Pompeii liberos Cn.  
 20 Pompeii pugnare sectorem. An tu Narbone in  
 Mensas hospitum cum vomeres, Dolabella pro  
 te in Hispaniâ dimicaret? qui verò Narbone  
 reditus? & tamen quærebat, cur ego ex ipso  
 cursu tam subito revertissem. Exposui nupes, P.  
 25 C. causam reditus mei. Volui si possem, etiam  
 ante Cal. Jan. prodesse Reip. nam quod quærebas  
 quomodo redissem; primum luce, non tenebris:  
 deinde cum calceis, & togâ, nullis nec caligis,  
 nec lacernâ. At etiam aspicias me, & quidem,  
 30 ut videris, iratus. Nè tu mecum jam in gra-  
 tiam redeas, si scias, quàm me pudeat nequitie  
 tuæ, cuius te ipsum non pudet. Ex omnium  
 omnibus flagitiis nullum turpius vidi, nullum  
 audiui, quàm quod, qui magister equitum fuisse  
 35 tibi viderere, in proximum annum Consulatum  
 peteres, vel potius rogares; is per municipia

Coloniaſque Gallia, à qua, nos tum, cum Conſula-  
 tus petebatur, non rogabatur, petere Conſula-  
 tum ſolebamus cum caligis & lucernâ cucurriſti.  
 At videte levitatem. Cùm hora diei decima  
 ferè ad Saxa rubra veniſſet, deliruit in quadam  
 cauponulâ, atque ibi ſe occultans, perpotavit ad  
 vesp̄erum: inde ciſio celeriter ad urbem adve-  
 ctus, domum venit capite obvoluto. Janitor,  
*Quis tu?* A Marco tabellarius. Confeſtim ad  
 eam, cujus cauſâ venerat, deducitur, eique epi-  
 ſtolam tradit. Quam cùm illa legeret flens (erat  
 enim amatoriè ſcripta: caput autem literarum,  
 ſibi cum illa mimâ poſthac nihil futurum: om-  
 nem ſe amorem abjeſſiſſe illinc, atque in hanc  
 tranſuſiſſe,) Cùm mulier ſleret uberiùs, homo  
 miſericors ferre non potuit; caput aperuit; in  
 collum invaſit. O hominem nequam (quid e-  
 nim aliud dicam? magis propriè nihil poſſum  
 dicere) ergò ut te catamitum, nec opinatò cùm  
 oſtendiſſes præter ſpem mulier aſpiceret, idcir-  
 co urbem errore noſtururo, Italiam multorum  
 dierum metu preturbaſti? Et domi quidem cau-  
 ſam amoris habuiſti; foris etiam turpiorem, nè L.  
 Plancus prædes tuos venderet. Productus au-  
 tem in concionem à Trib. pleb. cùm reſpondiſſes,  
 te rei tuæ cauſâ veniſſe, populum in te dica-  
 cem etiam reddidiſti. Sed nimis multa de nu-  
 gis. Ad majora veniamus. Cæſari ex Hiſpa-  
 niâ redeunti obviâ longiſſimè proceſſiſti: cele-  
 riter iſti, & rediſti, ut cognosceret te, ſi minùs  
 fortem, attamen ſtrenuum, Factus es ei rursus  
 neſciò quomodo familiaris. Habebat hoc om-  
 nino Cæſar; quem planè preditum ære alieno,  
 egentemque, ſi eundem nequam hominem, au-  
 dacemque cognoverat, hunc in familiaritatem  
 libentiſſimè recipiebat. His igitur rebus præcla-  
 re

re commendatus, jussus es renunciari Consul, &  
quidem cum ipso. Nihil queror de Dolabellâ,  
qui tum est impulsus, inductus, illusus. Qua ite  
re quanta fuerit utriusque vestrum perfidia in Do-  
labellam, quis ignorat? ille induxit, ut peteret:  
5 promissum & receptum intervertit, ad seque  
transulit: tu ejus perfidiæ voluntatem tuam  
ascripsisti. Veniunt Cal, Jan. cogimur in Sena-  
tum: investus est copiosius multò in istum, &  
10 paratius Dolabella, quam nunc ego. Hic autem  
iratus, quæ dixit, dii boni! Cùm primum Cæ-  
sar ostendisset, se, prius quam proficisceretur,  
Dolabellam Consulem esse jussurum: quem ne-  
gant Regem, qui & faceret semper ejusmodi  
15 aliquid, & diceret: Sed cùm Cæsar ita dixisset,  
tum hic bonus Augur, eo se sacerdotio prædi-  
tum esse dixit, ut comitia auspiciis vel impedi-  
re, vel vitare posset; idque se facturum esse asse-  
veravit. In quo primum incredibilem stupidi-  
tatem hominis cognoscite: quid enim? istuc, quod  
20 te sacerdotii jure facere posse dixisti, si Augur  
non esses, & Consul esses, minus facere potuif-  
ses? Vide nè etiam facilius, nos enim nunciati-  
onem solum habemus; Consules & reliqui ma-  
25 gistratus etiam inspectionem. Esto hoc impe-  
ritè (nec enim ab homine nunquam sobrio po-  
stulanda prudentia) sed videte impudentiam.  
multis antè mensibus in Senatu dixit, se Dola-  
bellæ comitia aut prohibitorum auspiciis, aut id  
facturum esse, quod fecit. Quisquàmne divi-  
30 nare potest, quid vitii in auspiciis futurum sit,  
nisi qui de cælo servare constituit? quod neque  
licet comitiis per leges, & si quis servavit, non  
habitis comitiis sed prius quam habeantur, de-  
bet nunciare. Verum implicata inscitia impu-  
35 dentia est, si nec scit quod Augurem, nec facit  
quod

quod prudentem decet. Atque ex illo die recordamini ejus usque ad Idus Martias consultum. Quis unquam apparitor tam humilis, tam abjectus; nihil ipse poterat: omnia rogabat: caput in adversam leſticam inferens, beneficia, quæ venderet, à collegâ petebat. Ecce Dolabellæ comitorum dies; sortitio prærogativæ quiescit; renunciatur: tacet, prima classis vocatur; renunciatur: deinde, ut assolet, suffragia: tum secunda classis vocatur: quæ omnia citius sunt facta, quàm dixi. Confesto negotio bonus augur (Lælium dices) alio die, inquit, ô impudentiam singularem! quid videras? quid senseras? quid audieras? nec enim te de cœlo servasse dixisti, neque hodie dicis. id igitur obvénit vitium, quod tu jam Cal. Jan. futurum esse prævideras, & tantò antè prædixeras. Er, ô herculè magnâ, ut spero, tuâ potiùs, quam Reip. calamitate ementitus es auspicia: obstrinxisti P. Rom. religione. Augur Augurì, Consul Consuli obnunciavisti. Nolo plura, nè acta Dolabellæ videar convellere; quæ necesse est aliquando ad nostrum collegium deferantur. Sed arrogantiam hominis, insolentiamque cognoscite. Quamdiu tu voles, vitiosus Consul Dolabella: rursus, cum voles, salvis auspiciis creatus, si nihil est, cum Augur his verbis nunciat, quibus nunciâsti: confitere te cum alio die dixeris, sobrium non fuisse: sin est aliqua vis in istis verbis, ea quæ sit, Augur à Collegâ requiro. Sed nè fortè ex multis rebus gestis, M. Antonii rem unam pulcherrimam transfiliat oratio, ad Lupercalia veniamus. Non dissimulat, P. C. apparet esse commotum: fudar, paller: quidlibet, modò nè nauseet, faciat, quod in porticu Minuciâ fecit. Quæ potest esse turpitudinis tantæ defensio? cupio audire;

ut

ut videam ubi Rhetoris tanti merces, ubi campus Leontinus appareat. Sedebat in rostris collega tuus, amictus rogâ purpureâ, in sellâ aureâ, coronatus: ascendis: accedis ad sellam: ita eras  
 5 Lupercus, ut te esse Consulem meminisse deberes. Diadema ostendis: gemitus toro foro: unde diadema? non enim abjectum sustuleras, sed attuleras domo meditatam, & cogitatum scelus. Tu diadema imponebas cum plangore populi: ille  
 10 cum plausu rejiciebat. Tu ergo unus, scelerate, inventus es, qui cum autor regni esses; eum, quem collegam regni habebas, dominum habere velles: & idem tentares, quid Po. R. ferre & pati posset. At etiam misericordiam captabas: supplex te ad pedes abjiecebas: quid petens? ut servires? tibi uni peteres, qui ita à puero vixeras, ut omnia paterere, ut facile servires: à nobis populoque Rom. mandatum id certe non habebas: ô præclaram illam eloquentiam  
 20 tuam, cum es nudus concionatus! quid hoc turpius? quid foedius? quid suppliciiis omnibus dignius? num exspectas dum te stimulis fodiam? hæc te, si ullam partem habes sensûs, lacerat, hæc cruentat oratio. Vereor nè imminuam virorum summorum gloriam: dicam tamen dolore commotus, quid indignius, quam vivere eum, qui imposuerit diadema, cum omnes fateantur jure interfectum esse, qui abjecerit? At etiam inscribi jussit in fastis, *Ad Lupercalia, - C.*  
 30 *Cæsari, Dictatori perpetuo, M. Ant. Consulem, populi jussu regnum detulisse, Cæsarem uti noluisse.* Jamjam minimè miror, te otium perturbare: non modò urbem odisse, sed etiam lucem: cum perditissimis latronibus non solum de die,  
 35 sed etiam in diem vivere. Ubi enim tu in pace consistes? qui locus tibi in legibus, & judiciis  
 G 5 esse



quod prudentem decet. Atque ex illo die recordamini ejus usque ad Idus Martias consulatum. Quis unquam apparitor tam humilis, tam abjectus; nihil ipse poterat: omnia rogabat: caput in adversam lecticam inferens, beneficia, quæ venderet, à collegâ petebat. Ecce Dolabellæ comitiorum dies; sortitio prærogativæ quiescit; renunciatur: tacet, prima classis vocatur; renunciatur: deinde, ut assolet, suffragia: tum secunda classis vocatur: quæ omnia citius sunt facta, quàm dixi. Confesto negotio bonus augur (Lælium dices) alio die, inquit, ô impudentiam singularem! quid videras? quid senseras? quid audieras? nec enim te de cœlo servasse dixisti, neque hodie dicis. id igitur obvénit vitium, quod tu jam Cal. Jan. futurum esse prævideras, & tantò antè prædixeras. Er, ô herculè magnâ, ut spero, tuâ potiùs, quàm Reip. calamitate ementitus es auspicia: obstrinxisti P. Rom. religione. Augur Auguri, Consul Consuli obnunciavisti. Nolo plura, nè acta Dolabellæ videar convellere; quæ necesse est aliquando ad nostrum collegium deferantur. Sed arrogantiam hominis, insolentiamque cognoscite. Quamdiu tu voles, vitiosus Consul Dolabella: rursus, cum voles, salvis auspiciis creatus, si nihil est, cùm Augur his verbis nunciat, quibus nunciâsti: conficere te cum alio die dixeris, sobrium non fuisse: sin est aliqua vis in istis verbis, ea quæ sit, Augur à Collegâ requiro. Sed nè fortè ex multis rebus gestis, M. Antonii rem unam pulcherriam transfiliat oratio, ad Lupercalia veniamus. Non dissimulat, P. C. apparet esse commotum: fudar, pallet: quidlibet, modò nè nauseet, faciat, quod in porticu Minuciâ fêcit. Quæ potest esse turpitudinis tantæ defensio? cupio audire;

ut



ut videam ubi Rhetoris tanti merces, ubi campus Leontinus appareat. Sedebat in rostris collega tuus, amictus rogâ purpureâ, in sellâ aureâ, coronatus: ascendis: accedis ad sellam: ita eras  
 5 Luperus, ut te esse Consulem meminisse deberes. Diadema ostendis: gemitus toto foro: unde diadema? non enim abjectum sustuleras, sed attuleras domo meditatum, & cogitatum scelus. Tu diadema imponebas cum plangore populi: ille  
 10 cum plausu rejiciebat. Tu ergo unus, scelerate, inventus es, qui cum autor regni esses; eum, quem collegam regni habebas, dominum habere velles: & idem tentares, quid Po. R. ferre & pati posset. At etiam misericordiam captabas: supplex te ad pedes abjiciebas: quid petens? ut servires? tibi uni peteres, qui ita à puero vixeras, ut omnia paterere, ut facile servires: à nobis populoque Rom. mandatum id certe non habebas: o præclaram illam eloquentiam  
 20 tuam, cum es nudus concionatus! quid hoc turpius? quid foedius? quid suppliciiis omnibus dignius? num exspectas dum te stimulis fodiam? hæc te, si ullam partem habes sensus, lacerat, hæc cruentat oratio. Vereor nè immuniuam virorum summorum gloriam: dicam tamen dolore commotus, quid indignius, quam vivere eum, qui imposuerit diadema, cum omnes fateantur jure interfectum esse, qui abjecerit? At etiam inscribi jussit in fastis, *Ad Lupercalia, C. Casari, Dictatori perpetuo, M. Ant. Consulem, populi jussu regnum detulisse, Casarem uti noluisse.* Jamjam minimè miror, te otium perturbare: non modò urbem odisse, sed etiam lucem: cum perditissimis latronibus non solum de die,  
 30 sed etiam in diem vivere. Ubi enim tu in pace consistes? qui locus tibi in legibus, & judiciis  
 G. 5 esse

esse potest, quæ tu, quantum in te fuit, dominatu regio sustulisti? Ideóne Lucius Tarquinius exactus? Spurius Cassus, Spurius Melius, Marcus Manlius necati, ut multis post seculis, à Marco Antonio, quod fas non est, Rex Romæ constitueretur? Sed ad auspicia redeamus, de quibus rebûs Idibus Martiis fuit in Senatu Cæsar acturus. Quæro tum tu quid egisses? audiebam quidem te paratum venisse, quòd me de ementitis auspiciis, quibus tamen parere necesse erat, putares esse dicturum. Sustulit illum diem fortuna Populi Romani: num etiam tuum de auspiciis iudiciûm interitus Cæsaris sustulit? Sed incidi in idem tempus, quod iis de rebus, in quas ingressa erat oratio, prævertendum est: quæ tua fuga? quæ formido præclaro illo die? quæ propter conscientiam scelerum desperatio vitæ? cum ex illa fugâ, beneficio eorum, qui te, si sanus esses, salvum esse voluerunt, clàm te domum recepisti? ô mea semper frustra verissima auguria rerum futurarum: dicebam illis in capitolio liberatoribus nostris, cum me ad te ire vellent, ut ad defendendam Rempub. te adhortarer: quoad merueres, omnia te promissurum; simulac time-re desisses, similem te futurum tui. Itaque cum cæteri Consulares irent, & redirent, in sententiâ mansi: neque te illo die, neque postero vidi: neque ullam societatem optimis civibus cum improbissimo hoste fœdere ullo confirmari posse credidi. Post diem tertium veni in ædem Teliuris, & quidem invitus, cum, omnes aditus armati obsiderent. Qui tibi ille dies, M. Antoni, fuit? quanquam mihi subito inimicus extitisti, tamen me tui miseret, quòd tibi invideris. Qui tu vir, dii immortales, & quantus fuisses si illius diei mentem servare potuisses! pacem habemus,

remus, quæ erat facta per obsidem puerum nobilem, M. Antonii filium, M. Bambalionis nepotem. Quanquam te bonum *timor* faciebat, non *diuturni Magister officii*: improbum fecit ea, quæ  
 5 dum *timor* abest, à te non discedit audacia. etsi tum, cum optimum te putabant, me quidem dissentiente, funeri Tyranni, si illud funus fuit, sceleratissime, præfuisi. Tua illa pulchra laudatio, tua miseratio, tua cohortatio; tu, tu, inquam, illas  
 10 faces incendiisti, & eas, quibus semiuustum latus illius est, & eas quibus incensa L. Bellieni domus deflagavit. Tu illos impetus perditorum hominum, & ex maximâ parte servorum, quos nos vi manûque repulimus, in nostras domus immisisti.  
 15 Idem tamen quasi fuligine abstersâ, reliquis diebus in Capitolio præclara Senatus consulta fecisti: nè qua post Idus Martias immunitatis tabula, nève cuiusquam beneficii figeretur. meministi ipse de exulibus: scis de immunitate quid dixeris.  
 20 Optimum verò quod Dictaturæ nomen in perpetuum de Repub. sustulisti: quod quidem factò tantum te cepisse odium regni videbatur, ut ejus omnem propter proximum Dictatorem tolleres. merum. Constituta Resp. videbatur aliis, mihi  
 25 verò nullo modo, qui omnia te gubernante naufragia metuebam. Num me igitur fefellit? aut num diutius potuit sui esse dissimilis? inspectantibus vobis toto Capitolio tabulæ figebantur: neque solum singulis veniebant immunitates, sed  
 30 etiam populis universis: civitas non jam sigillatim, sed provinciis totis dabatur. Itaque si hæc manent, quæ stante Rep. manere non possunt, provincias universas, P. C. perdidisti: neque vectigalia solum, sed etiam imperium populi  
 35 Rom. hujus domesticis nundinis diminutum est. Ubi est septies millies sesterium, quod in tabulis,

esse potest, quæ tu, quantum in te fuit, domi-  
 natu regio sustulisti? Ideóne Lucius Tarquinius  
 exactus? Spurius Cassius, Spurius Melius, Mar-  
 cus Manlius necati, ut multis post seculis, à  
 Marco Antonio, quod fas non est, Rex Romæ  
 constitueretur? Sed ad auspicia redeamus, de  
 quibus rebús Idibus Martiis fuit in Senatu Cæsar  
 acturus. Quæro tum tu quid egisses? audiebam  
 quidem te paratum venisse, quòd me de ementi-  
 tis auspiciis, quibus tamen parere necesse erat,  
 putares esse dicturum. Sustulit illum diem for-  
 tuna Populi Romani: num etiam tuum de auspi-  
 ciis iudicium interitus Cæsaris sustulit? Sed in-  
 cidi in idem tempus, quod iis de rebus, in quas  
 ingressa erat oratio, prævertendum est: quæ tua  
 fuga? quæ formido præclaro illo die? quæ pro-  
 pter conscientiam scelerum desperatio vitæ? cùm  
 ex illa fugâ, beneficio eorum, qui te, si sanus esses,  
 salvum esse voluerunt, clam te domum recep-  
 isti? ô mea semper frustrâ verissima auguria re-  
 rum futurarum: dicebam illis in capitolio libera-  
 toribus nostris, cùm me ad te ire vellent, ut ad  
 defendendam Rempub. te adhortarer: quoad  
 metueres, omnia te promissurum; simulac time-  
 re desuisses, similem te futurum tui. Itaque  
 cùm cæteri Consulares irent, & redirent, in sen-  
 tentiâ mansi: neque te illo die, neque postero vi-  
 di: neque ullam societatem optimis civibus cum  
 improbissimo hoste foedere ullo confirmari pos-  
 se credidi. Post diem tertium veni in ædem  
 Telluris, & quidem invitus, cùm, omnes aditus  
 armati obsiderent. Qui tibi ille dies, M. Antoni,  
 fuit? quanquam mihi subito inimicus extitisti, ta-  
 men me tui miseret, quòd tibi invideris. Qui  
 tu vir, dii immortales, & quantus fuisses si illi-  
 us diei mentem servare potuisses! pacem habe-  
 remus,

- remus, quæ erat facta per obsidem puerum nobilem, M. Antonii filium, M. Bambalionis nepotem. Quanquam te bonum *timor* faciebat, non *diuturni Magister officii*: improbum fecit ea, quæ dum *timor* abest, à te non discedit audacia. et si tum, cum optimum te putabant, me quidem dissentiente, funeri Tyranni, si illud funus fuit, sceleratissimè, præfuisi. Tua illa pulchra laudatio, tua miseratio, tua cohortatio; tu, tu, inquam, illas
- 10 faces incendiisti, & eas, quibus semivustum latus illius est, & eas quibus incensa L. Belliceni domus deflagavit. Tu illos impetus perditorum hominum, & ex maximâ parte servorum, quos nos vi manûque repulimus, in nostras domus immisisti.
- 15 Idem tamen quasi fuligine abstersâ, reliquis diebus in Capitolio præclara Senatus consulta fecisti: nè qua post Idus Martias immunitatis tabula, nève cuiusquam beneficii figeretur. meministi ipse de exulibus: scis de immunitate quid dixeris.
- 20 Optimum verò quod Dictaturæ nomen in perpetuum de Repub. sustulisti: quod quidem factotantum te cepisse odium regni videbatur, ut ejus omnem propter proximum Dictatorem tolleres. metum. Constituta Resp. videbatur aliis, mihi
- 25 verò nullo modo, qui omnia te gubernante naufragia metuebam. Num me igitur fefellit? aut num diutius potuit sui esse dissimilis? inspectantibus vobis toto Capitolio tabulæ figebantur: neque solum singulis veniebant immunitates, sed
- 30 etiam populis universis: civitas non jam sigillatim, sed provinciis totis dabatur. Itaque si hæc manent, quæ stante Rep. manere non possunt, provincias universas, P. C. perdidisti: neque vestigalia solum, sed etiam imperium populi
- 35 Rom. hujus domesticis nundinis diminutum est. Ubi est septies millies sesteritium, quod in tabulis,

lis, quæ sunt ad Opis, patebat? funestæ illius  
 quidem pecuniæ, sed tamen, si iis, quorum erat,  
 non redderetur, quæ nos à tributis posset vin-  
 dicare. Tu autem H. S. quadringenties, quod  
 Idibus Martiis debuisti, quoniam modo ante Ca- 5  
 lend. Aprilis debere desisti? quid ego de com-  
 mentariis infinitis, quid de innumerabilibus chi-  
 rographis loquar? sunt ea quidem innumerabilia,  
 quæ à diversis emebantur non insciente te: sed  
 unum egregium de Rege Deiotaro Pop. Rom. 10  
 amicissimo decretum in Capitolio fixum: quo  
 proposito nemo erat, qui in ipso dolore risum  
 posset continere. Quis enim cuiquam inimicior,  
 quàm Deiotaro Cæsar? æquè atque huic ordini  
 ut equestri, ut Massiliensibus, ut omnibus qui- 15  
 bus Rempub. Pop. Rom. charam esse sentiebat. Is  
 igitur, à quo vivo, nec præsens nec absens quic-  
 quam æqui bonive impetravit, apud mortuum fa-  
 ctus est gratosus. Compellârat hospitem præ-  
 sens, computârat, pecuniam imperârat, in ejus 20  
 tetrarchiam unum ex Græcis comitibus suis collo-  
 cârat: Armeniam abstulerat à Senatu datam. Hæc  
 vivus eripuit, reddidit mortuus; at quibus verbis?  
 modò æquum sibi videri, modò non iniquum.  
 Mira verborum complexio, at ille nunquam 25  
 (semper enim absenti affui Deiotaro) quicquam  
 sibi, quod nos pro illo postularemus, æquum  
 dixit videri. Syngrapha H. S. centies per lega-  
 tos viros bonos, sed timidos, & imperitos, sine  
 Sexti, sine reliquorum hospitem Regis sententiâ, 30  
 factâ in gynæceo: quo in loco plurimæ res venire,  
 & veneunt. Quâ ex syngraphâ quid sis acturus,  
 meditare censeo. Rex enim ipse suâ sponte nul-  
 lis commentariis Cæsaris, simulatque audivit ejus  
 interitum, suo Marte res suas recuperavit. Sci- 35  
 ebat homò sapiens, jus semper hoc fuisse ut quæ  
 Tyranni

Tyranni eripuissent, ea, Tyrannis interfectis, ii,  
 quibus erepta essent, recuperarent. Nemo igitur  
 Jurisconsultus, nè iste quidem, qui tibi uni  
 est Jurisconsultus, per quem hæc agis, ex istâ  
 5 syngrophâ debere dicet pro iis sedibus, quæ erant  
 ante syngropham recuperatæ. Non enim à te  
 emit: sed priùs quàm tu suum sibi venderes, i-  
 pse possedit: ille vir fuit; nos quidem conte-  
 mnendi, qui autorem odimus, acta defendimus.  
 10 Quid ego de commentariis infinitis, quid de in-  
 numerabilibus chirographis loquar? quorum eti-  
 am imitatores sunt, qui ea tanquam gladiatorum  
 libellos palam venditent. Itaque tanti acervi  
 nummorum apud istum construuntur, ut jam ap-  
 15 pendantur, non numerentur pecuniæ. At quàm  
 cæca avaritia est? nuper fixa tabula est, quâ ci-  
 vitates locupletissimæ Cretenesium vectigalibus  
 liberantur: statuiturque, nè post M. Brutum  
 Proconsulem, sit Creta provincia. Tu mentis es  
 20 compos? tu non constringendus? an Cæsaris de-  
 creto Creta post M. Bruti decessum potuit libera-  
 ri, cùm Creta nihil ad Brutum, Cæsare vivo, per-  
 tineret? At hujus venditione decreti (nè nihil  
 actum putetis) provinciam Cretam perdidistis.  
 25 Omnino nemo ullius rei fuit emptor, cui de-  
 fuerit hic venditor. Et de exulibus legem quam  
 fixisti, Cæsar tulit? nullius infector calamitatem:  
 tantum queror, primùm eorum redditus inquinat-  
 os, quorum causam dissimilem Cæsar judicaverit:  
 30 deinde nescio cur reliquis idem non tribuas. Ne-  
 que enim plus quàm tres, aut quatuor reliqui  
 sunt, qui in simili calamitate fuerint: cur tuâ  
 misericordiâ simili non fruuntur? cur eos habes  
 in loco patrum? de quo ferre, cùm de reliquis  
 35 ferres noluisti: quem etiam ad Censuram peten-  
 dam impulisti, eamque petitionem comparasti,  
 quæ



quæ & risus hominum & querelas moveret. Cur  
 autem ea comitia non habuisti? an quia Tribu-  
 nus plebis sinistrum fulmen nunciabat? tua quid  
 interest? nulla auspicia sunt tuorum, cum sis re-  
 ligiosus; quid? eundem in Septemviratu nonne  
 destituiisti? intervenit enim: quid metuisti? cre-  
 do ne salvo capite negare non posses. omnibus  
 eum contumeliis onerasti, quem patris loco, si  
 ulla pietas in te esset, colere debebas. filiam ejus  
 sororem tuam ejecisti, falsâ conditione quæsitâ, &  
 ante perspectâ; non est satis: porbri insimulasti  
 pudicissimam fœminam: quid est, quod addi  
 possit? contentus eo non fuisti. frequentissimo  
 Senatu Cal. Jan. sedente patruo, hunc tibi esse  
 cum Dolabellâ odii causam ausus es dicere, quod  
 ab eo sorori, & uxori tuæ stuprum oblatum esse  
 comperisses. Quis interpretari potest, impuden-  
 tiôrne, qui in Senatu: an improbiôr, qui in  
 Dolabellam: an impuriôr, qui patre audiente:  
 an crudeliôr, qui in illam miseram tam spurcè,  
 tam impiè dixeris? Sed ad chirographa redea-  
 mus. quæ fuit tua cognitio? acta enim Cæsaris  
 pacis causâ confirmata sunt à Senatu: quæ qui-  
 dem Cæsar egisset, non ea, quæ Cæsarem egisse  
 dixisset Antonius. Unde ista erumpunt? quo  
 autore proferuntur? si sunt falsa, cur probantur?  
 si vera, cur veneunt? At sic placuerat, ut ex  
 Calendis Juniis de Cæsaris actis cum consilio  
 cognosceretis. Quod fuit Consilium? quem un-  
 quam advocasti? quas Calendas Junias expecta-  
 sti? an eas, ad quas te peragratis veteranorum  
 coloniis, stipatum armis retulisti? ô præclaram  
 illam percursionem tuam mense Aprili, atque  
 Maio, tum, cum etiam Capuam coloniam deduce-  
 re conatus es: quemadmodum illam adieris, vel  
 potius penè non adieris, scimus. cui tu urbi mi-  
 nitaris,

nitaris. Utinam conere, ut aliquando illud *penè*  
collatur, atque nobilitata sit tua illa peregrina-  
tio? quid prandiorum apparatus, quid furiosam  
vinolentiam tuam proferam? tua ista detrimenta  
5 sunt, illa nostra. Agrum Campanum, qui cùm  
de vestigalibus eximebatur, ut militibus daretur,  
tamen infligi magnum Reip. vulnus putabamus:  
hunc tu compransoribus tuis, & collusoribus divi-  
debas, mimos dico, & mimas in agro, P. C. Cam-  
10 pano collocatos. Quod jam querar de agro Le-  
ontino? quandoquidem hæ quondam arationes  
Campani, & Leontini in Pop. Rom. patrimonio  
glandiferæ, & fructuosæ ferebantur. Medico-  
tria millia jugerum, quasi te sanum fecisset. Rhe-  
15 tori duo, quasi disertum facere potuisset: Sed  
ad iter, Italiamque redeamus. Deduxisti colo-  
niam Casilinum, quò Cæsar antè deduxerat. Con-  
suluisti me per literas de Capuâ tu quidem, sed  
idem de Casilino respondissem: possesne ubi  
20 colonia esset, eò coloniam novam jure deduce-  
re? negavi in eam coloniam, quæ esset auspicatò  
deducta, dum esset incolumis, coloniam novam  
jure deduci: colonos novos ascribi posse rescrip-  
psi: tu autem insolentiâ elatus, omni auspiciorum  
25 jure turbato, Casilinum coloniam deduxisti, quo,  
erat paucis annis antè deducta, ut vexillum vidè-  
res, & aratrum circumduceres: cujus quidem  
vomere portam Capuæ penè perstrinxisti, ut flo-  
rentis colonix terrorium minueretur. Ab hac  
30 religionum perturbatione advolas in M. Varro-  
nis sanctissimi atque integerrimi viri fundum  
Cassinatensem; quo jure? quo ore? eodem inquires,  
quo in hæredum L. Rubrii, quo in hæredum L.  
Turselli prædia, quo in reliquis innumerabiles  
35 possessiones; & si ab hastâ, valeat hasta, valeant  
tabulæ, modò Cæsaris, non tuæ: quibus debuisti,  
non

non quibus tu te liberavisti. Varronis quidem Cassinatem fundum quis veniisse dicit? quis hastam istius venditionis vidit? quis vocem præconis audivit? misisse te dicis Alexandriam, qui emeret à Cæsare; ipsum enim expectare magnum fuit. quis verò audivit unquam (nullius autem salus curæ pluribus fuit) de fortunis Varronis rem ullam esse detractam? Quod si etiam scripsit ad te Cæsar ut redderes; quid satis potest dici de tantâ impudentiâ? Remove gladios illos parumper, quos videmus: jam intelliges aliam causam esse hastis Cæsaris, aliam confidentiæ & temeritatis tuæ. Non enim te dominus modò illis sedibus, sed quivis amicus, vicinus, hospes, procurator, arcebit. At quàm multos dies in eâ villâ turpissimè es perbacchiatus? ab horâ tertiâ bibebatur, ludebatur, vomebatur. O testa ipsa misera, quàm dispari domino! quanquam quomodo iste dominus? sed tamen quàm à dispari tenebantur. Studiorum enim suorum M. Varro voluit esse illud, non libidinum diversorium. Quæ in illâ villâ antea dicebantur? quæ cogitabantur? quæ literis mandabantur? jura populi Romani, monumenta majorum, omnis sapientiæ, ratio, omnisque doctrina. At verò te inquilino (non enim domino) personabant omnia vocibus ebriorum: natabant pavimenta vino: madebant parietes: ingenui pueri cum meritoriis: scorta inter matres-familiâs versabantur. Casilino salutatum veniebant, Aquino, Interamnâ: admissus est nemo, jure id quidem. In homine enim turpissimo obsolebant dignitatis insignia. Cùm inde Romam proficiscens ad Aquinum accederet, obviam ei processit (ut est frequens municipium) magna sanè multitudo; at iste operâ lecticâ laetatus est per oppidum, ut mortuus. Stultè Aquinates:

nates : sed tamen in viâ habitabant, quid Anagnini? qui cum essent devii, obviam ei descenderunt, ut istum, tanquam si esset Consul, salutarerent. Incredibile dictu : sed tum nimis inter  
 5 omnes constabat, neminem esse resalutatum : præsertim, cum duos secum Anagninos haberet Mustelam, & Lacônem : quorum alter gladiatorum est princeps, alter poculorum. Quid ego illas istius minas, contumeliâsque commemorem,  
 10 quibus investus est in Sidicinos? vexavit Puteolanos, quod C. Cassium, quod Brutos patronos adoptassent : magno quidem iudicio, studio, benevolentia, charitate, non ut te, ut Basilium vi  
 & armis, & alios vestri similes, quos clientes ne  
 15 mo habere velit, non modò esse illorum cliens. Interea dum tu abes, qui dies ille collegæ tui fuit, cum illud, quod tu venerari solebas, bustum in foro evertit ; quâ re tibi nunciata, ut constabat inter eos, qui unâ fuerunt, concidisti. Quid even-  
 20 rit postea, nescio. Metum credo valuisse, & arma. Collegam quidem de coelo detraxisti : effecisti que non tu quidem etiam nunc, ut sit similis tui, sed certè, ut dissimilis esset sui. Qui verò reditus inde Romam? quæ perturbatio totius urbis?  
 25 memineraamus Cinnam nimis potentem; Syllam postea dominantem, modò Cæsarem regnantem videramus : erant fortasse gladii, sed ii absconditi, nec ita multi : isti verò quæ & quanta barbaria est? agmine quadrato cum gladiis sequuntur  
 30 scutati milites : Scutorum lesticas portari videmus. Atque his quidem jam inveteratis, P. C. consuetudine obduruimus : Calend. Juniis cum in Senatum, ut erat constitutum, venire vellemus, metu perterriti repentè diffugimus. At iste, qui Senatu non egeret, neque desideravit quenquam, &  
 35 potius disce tu nostro lætatus est, statim illa mirabilia

rabilia facinora effecit : qui chirographa Cæsaris  
 defendisset lucri sui causâ, is leges Cæsaris, eas-  
 que præclaras, ut Rempub. concutere posset, e-  
 verit. Numerum annorum provinciis proroga-  
 vit : Idemque, cum auctorum Cæsaris defensor  
 esse deberet, & in publicis, & in privatis rebus  
 acta Cæsaris rescidit. In Publicis actis nihil  
 est lege gravius : in privatis firmissimum est testa-  
 mentum. Leges alias sine promulgatione sustu-  
 lit, alias, ut tolleretur promulgatas, promulgavit.  
 Testamentum irritum fecit : quod etiam infimis  
 civibus semper obtentum est. Signa, tabulas,  
 quas populo Cæsar una cum hortis legavit, eas  
 hic partim in hortos Pompeii deportavit, par-  
 tim in villam Scipionis. Et tu in Cæsaris me-  
 moriâ diligens ? tu illum amas mortuum ? quem  
 is majorem honorem consecutus erat, quam ut  
 haberet pulvinar, simulacrum, fastigium, flami-  
 nem ? est ergo flamen, ut Jovi, ut Marti, ut  
 Quirino, sic divo Julio M. Antonius. Quid igitur  
 cessas ? cur non inaugurare ? sume diem : vi-  
 de, qui te inauguret : collegæ sumus : nemo ne-  
 gabit. O detestabilem hominem ; sive quod  
 Tyranni sacerdos es, sive quod mortui. Quaro  
 deinceps, num hodiernus, dies, quis sit, ignores ?  
 nescis heri quartum in Circo diem ludorum Ro-  
 manorum fuisse ? te ipsum autem ad populum tu-  
 lisse, ut quintus præterea dies Cæsari tribueretur ?  
 cur non sumus prætextati ? cur honorem  
 Cæsari tuâ lege datum deferri patimur ? an sup-  
 plicationes addendo diem contaminari passus es ?  
 pulvinaria noluisti ? aut undique religionem tolle,  
 aut usquequaque conserva. Quæres placeâtne mi-  
 hi pulvinar esse, fastigium, flaminem ? mihi ve-  
 rò nihil istorum placet. Sed tu, qui acta Cæsa-  
 ris defendis, quod potes dicere, cur alia defen-  
 das,

das, alia non cures? nisi fortè vis fateri, te omnia quæstu tuo, non illius dignitate metiri. Quid ad hæc tandem? exspecto enim eloquentiam tuam. Disertissimum cognovi avum tuum: at te etiam apertiore in dicendo. Ille nunquam est nudus concionatus: tuum hominis simplicis pectus vidimus. Respondebisne ad hæc? aut omnino hiscere audebis? ecquid reperies ex tam longa oratione meâ, cui te respondere posse confidas? Sed præterea omittamus: hunc unum diem, hunc unum, inquam. hodiernum diem, hoc punctum temporis, quo loquor, defende, si potes. Cur armatorum coronâ Senatus septus, est? cur me tui satellites cum gladiis audiunt? cur valvæ Concordiæ non patent? cur homines omnium gentium, maximè barbaros, Ithyreos, cum sagittis deducis in forum? Præsidii sui causâ se facere dicit. Nónne igitur millies perire est melius, quàm in suâ civitate sine armatorum præsidio non posse vivere? Sed nullum est istuc, mihi crede, præsidium. Charitate, & benevolentia civium septum oportet esse, non armis. Eripier, extorquebit tibi ista Pop. Rom. utinam salvis nobis: sed quoquo modo nobiscum egeris, dum istis consiliis uteris, non potes esse, mihi crede, diuturnus. Etenim ista tua minimè avara conjux, quam ego sine contumeliâ describo, nimium debet diu Pop. Rom. pensionem tertiam. Habet Pop. Rom. ad quos gubernacula Reipub. deferat: qui ubicunque terrarum sunt, ibi est omne Reipub. præsidium, vel potius ipsa Resp. quæ se adhuc tantummodo ultâ est, nondum recuperavit. Habet quidem certè Respub. adolescentes nobilissimos, paratos defensores. Quum volent, illi cedant, otio consulentes: tamen à Rep. revocabuntur. Et nomen pacis dulce

ce est, & ipsa res salutaris. Sed inter pacem &  
 servitutem plurimum interest. *Pax est tranquil-*  
*la libertas*: servitus, malorum omnium postre-  
 mum, non modò bello, sed morte etiam repel-  
 lendum. Quòd si se ipsos illi nostri liberatores  
 è conspectu nostro abstulerunt: at exemplum  
 facti reliquerunt: illi quod nemo fecerat, fece-  
 runt. Tarquinius Brutus bello est persecutus;  
 qui tamen rex fuit cum esse Romæ Regem li-  
 ceret. Spu. Cassius, SURIUS MELIUS, M. Manli-  
 us propter suspicionem regni appetendi sunt ne-  
 cati. Hi primi cum gladiis, non in regnum ap-  
 petentem, sed in regnantem impetum fecerunt.  
 Quod cùm ipsum factum per se præclarum at-  
 que divinum est, tum expositum ad imitandum:  
 præsertim cùm illi eam gloriam consecuti sunt,  
 quæ vix cœlo capi posse videatur. Etsi enim sa-  
 tis in ipsâ conscientia pulcherrimi facti fructus  
 erat, tamen mortali immortalitatem non arbitror  
 contemnendam. Recordare igitur illum, M. An-  
 toni, diem, quo dictaturam fustulisti: pone ante  
 oculos lætitiâ Senatûs populique Romani: con-  
 fer cum nummatione tuâ tuorumque, tum intel-  
 liges, quantum inter laudem & lucrum intersit.  
 Sed nimirum, ut quidam morbo aliquo, & sen-  
 sù stupore suavitatem cibi non sentiunt: sic  
 libidinosi, avari, facinorosi, veræ laudis gustum  
 non habent. Sed si te laus allicere ad rectè  
 faciendum non potest; nè metus quidem à fœdis-  
 simis factis potest avocare. Iudicia non metuis?  
 si propter innocentiam, laudo: si propter vim,  
 non intelligis ei, qui isto modo iudicia non  
 timeat, quid timendum sit? Quòd si non metuis  
 viros fortes, egregiosque cives, quòd à corpore  
 tuo prohibentur armis: tui te, mihi crede,  
 diutius non ferent. Quæ est autem vita, dies &  
 noctes



noctes timeri à suis? nisi verò aut majoribus habes beneficiis obligatos, quàm ille quosdam habuit ex iis, à quibus est interfectus: aut tu es ullà re cum eo comparandus? fuit in illo ingenium, ratio, memoria, literatura, cogitatio, diligentia: res bello gesserat, quamvis Reipub. calamitosas, attamen magnas: multos annos regnare est meditatus: magno labore, magnis periculis, quod cogitaverat, effecerat: muneribus, nonumentis, congiariis epulis, multitudinem imperitam delenierat: suos præmiis, adversarios clementiæ specie devinxerat. Quid multa? attulerat jam liberæ civitati partim metu, partim patientiâ, consuetudinem serviendi. Cum illo ego te dominandi cupiditate conferre possum, cæteris verò rebus nullo modo es comparandus. Sed ex plurimis malis, quæ ab illo Reipub. sunt iniusta, hoc tamen boni est, quòd didicit jam Pop. Rom. quantum cuique crederet, quibus se committeret, à quibus caveret. Hæc igitur non cogitas? nec intelligis satis esse viris sortibus didicisse, quàm sit re pulchrum, beneficio gratum, famâ gloriosum, Tyrannum occidere? an eum illum homines non tulerint, te ferent? certatim post hac, mihi crede, ad hoc opus curretur, nec occasionis tarditas expectabitur. Respice quæso aliquando Rempub. M. Antoni, quibus ortus sis, non quibuscum vivas, considera: mecum ut voles, cum Repub. redi in gratiam. Sed de te tu ipse videris: ego de me ipso profitebor. Descendi Rempub. adolescens, non deferam senex: contempsî Catilinæ gladios, non pertimescam tuos. Quinetiam corpus libenter obtulerim, si representari morte meâ libertas civitatis potest. Utinam aliquando dolor Pop. Rom. pariat, quod jamdiu parturit. Etenim si abhinc annos prope viginti

viginti hoc ipso in templo negavi, posse mortem immaturam esse Consuli: quanto verius nunc negabo seni? Mihi verò, P. C. jam etiam optanda mors est persuascto rebus iis, quas adeptus sum, quasque gessi. Duo modò hæc opto: unum, ut moriens Pop. Rom. liberum relinquam: hoc mihi majus à diis immortalibus dari nihil potest: alterum, ut irà cuique eveniat, ut de Rep. quisque mereatur.

## ORATIO XI.

*Qua est pro*

## LEGE MANILIA.

*Jac. Omphali Argumentum.*

Quum Mithridates, Ponti Rex, atrox & maximum bellum universo nomini Romano inferret, an no urbis condita DCLXII, quo tempore primum diffidium civile in Romani populi viscera gliscebatur: eum Sylla primum magnis cladibus affectum oppressit. Conversum deinde, ac majoribus quam antea copiis, adeoque totius regni sui molo, ceu quadam diluvie, totum penè orientem ac septentrionem invadentem, L. Lucullus incredibili superavit virtute: confecturus bellum universum, nisi militum suorum imperium omne detractantium virtute destitutus, aut à Senatu in urbem fuisset revocatus. Saviente interea Mithridate, ac impune grassante, C. Manilius Tribunus

ORATIO PRO LEGE MANILIA. 163

bunus plebis legem tulit, ut Phrygia, Lycaonia, Galatia, Cappadocia, ac cetera Provincia, quas ante Lucullus obtinuit, cum exercitu & navali bello Cn. Pompeio mandaretur. Hanc lege quoniam Pompeii potentia, quæ multis formidolosa erat, nimium augeri, libertas publica unius hominis arbitrio occupari, & Lucullus suâ quasi victoriâ ac triumphî gloriâ privari videbatur: Hortensius & Q. Catulus, viri consulares, legis promulgationi intercedere conabantur, ceteris metu plebis conticentibus. Contra horum sententias Cicero mirè perorat, Magnum Pompeium non humanis, sed divinis laudibus extollendo, & nomen ejus à quatuor imperatoris necessariis commendando: scientiâ vedelicit rei militaris, virtute, autoritate, felicitate. Quas res summas esse in Pompeio demonstrat. Et arguit etiam pro Gabinio: ut detur Legatus Pompeio, & exquisitis rationibus, divinâ penè ac cælesti elequentiâ contraria argumenta confutat.

Quamquam mihi semper frequens conspectus vester multò jucundissimus, hic autem locus ad agendum amplissimus, ad dicendum ornatissimus est visus, Quirites: tamen hoc aditu laudis, qui semper optimo cuique maximè patuit, non mea me voluntas, sed meæ vitæ rationes ab ineunte ætate susceptæ prohibuerunt. Nam cum antea per ætatem nondum hujus auctoritatem loci contingere audem, statueremque, nihil huc nisi perfectum ingenio, elaboratum industriâ afferri oportere, omne meum tempus amicorum temporibus transmittendum putavi. Ità neque hic locus vacuus unquam fuit ab iis qui vestram causam defenderent;

derent; & meus labor in privatorum periculis  
castè integrèque versatus, ex vestro iudicio fru-  
ctum est amplissimum consecutus. Nam cùm  
propter dilationem comitiorum ter prætor pri-  
mus centuriis cunctis renunciatus sum, facile  
intellexi, Quirites, & quid de me iudicaretis, &  
quid aliis præscriberetis. Nunc cùm & auctori-  
tatis in me tantum sit, quantum vos honori-  
bus mandandum esse voluistis: & ad agendum  
facultatis tantum, quantum homini vigilantì ex  
forensi usu propè quotidiana dicendi exercitatio  
potuit afferre: certè & si quid etiam dicendo  
consequi possum; iis ostendam potissimum, qui  
ei quoque rei fructum suo iudicio tribuendum  
esse censuerunt. Atque illud imprimis mihi læ-  
tandum jure esse video, quod in hac insolitâ mi-  
hi ex hoc loco ratione dicendi, causa talis ob-  
lata est, in quâ oratio nemini deesse potest. Di-  
cendum est enim de Cn. Pompeii singulari ex-  
miâque virtute. Hujus autem orationis diffi-  
lius est exitum, quàm principium invenire. Itâ-  
que non mihi tam copia, quàm modus in dicen-  
do quærendus est. Atque ut indè oratio mea  
proficiscatur, undè hæc omnis causa ducitur:  
Bellum grave & periculosum vestris vectigali-  
bus, atque sociis, à duobus potentissimis regi-  
bus infertur, Mithridate, & Tigraue: quorum  
alter relictus, alter laceffitus, occasionem sibi  
ad occupandam Asiam oblatam esse arbitratur.  
Equitibus Romanis honestissimis viris afferuntur  
ex Asiâ quotidie literæ, quorum magnæ res a-  
guntur, in vestris vectigalibus exercendis occu-  
patæ; qui ad me pro necessitudine, quæ mihi est  
cum illo ordine, causam reipubl. periculâque re-  
rum suarum detulerunt. Bithyniæ, quæ nunc ve-  
stra provincia est, vicos exustos esse complures:  
regnum

# PRO LEGE MANILIA. 165

regnum Ariobarzanis, quod finitimum est vestris  
 vestigalibus, totum esse in hostium potestate :  
 Lucullum magnis rebus gestis ab eo bello disce-  
 dere : huic qui succurrerit, non satis esse para-  
 5 tum ad tantum bellum administrandum : unum  
 ab omnibus sociis & civibus ad id bellum impera-  
 torem deposci atque expeti, eundem hunc u-  
 num ab hostibus metui, præterea neminem.  
 Causa quæ sit videtis : nunc quid agendum sit,  
 10 considerate. Primum mihi videtur de genere  
 belli, deinde de magnitudine, tum de impera-  
 tore deligendo esse dicendum. Genus est enim  
 ejusmodi, quod maximè vestros animos excitare  
 atque inflammare debet : in quo agitur populi  
 15 Romani gloria, quæ vobis à majoribus cum ma-  
 gna in rebus omnibus, tum summa in re militari  
 tradita est : agitur salus sociorum, atque ami-  
 corum, pro quâ multa majores vestri magna &  
 gravia bella gesserunt : aguntur certissima pop.  
 20 Romani vestigalia & maxima : quibus amissis, &  
 pacis ornamenta, & subsidia belli requiretis : a-  
 guntur bona multorum civium, quibus est, & à  
 vobis, & ab imperatoribus reipub. consulendum.  
 Et quoniam semper appetentes gloriæ præter cæ-  
 25 teras gentes atque avidi laudis fuistis, delenda  
 est vobis illa macula Mithridatico bello superio-  
 re suscepta, quæ penitus jam insedit, atque inve-  
 teravit, in populi Romani nomine : quod is, qui  
 uno die, totâ Asiâ tot in civitatibus, uno nûn-  
 30 cio, atque unâ literarum significatione, cives Ro-  
 manos necandos trucidandosque denotavit, non  
 modò adhuc pœnam nullam suo dignum scelere  
 non suscepit ; sed ab illo tempore annum jam  
 tertium & vigesimum regnat ; & ità regnat, ut  
 35 se non Ponto neque Cappadociæ latebris occul-  
 tare velit ; sed emergere è patrio regno, atque

in vestris vestigalibus, hoc est, in Asiæ luce,  
 versari. Etenim adhuc ita vestri cum illo rege  
 contenderunt imperatores, ut ab illo insignia  
 victoriæ, non victoriam reportârint. Triumphavit  
 L Sulla, triumphavit L. Muræna de Mithridate, 5  
 duo fortissimi viri, & summi imperatores;  
 sed ita triumphârunt, ut ille pulsus superatûsque  
 regnaret. Veruntamen illis imperatoribus  
 laus est tribuenda quòd egerunt: venia danda,  
 quòd reliquerunt: propterea quòd ab eo bello 10  
 Sullam in Italiam respública; Murænam Sulla  
 revocavit. Mithridates autem omne reliquum  
 tempus, non ad oblivionem veteris belli, sed  
 ad comparisonem novi contulit. Qui postea  
 quàm maximas ædificâsset, ornâssetque classes, 15  
 exercitusque permagnos, quibuscumque ex  
 gentibus potuisset, comparâsset, & se Bosporanis  
 finicimis suis bellum inferre simulâsset; usque in  
 Hispaniam legatos Ecbatanis misit ad eos duces,  
 quibuscum tum bellum gerebâmus: ut, cum 20  
 duobus in locis disjunctissimis maximèque diversis  
 uno consilio, à binis hostium copiis bellum  
 terrâ marique gereretur, vos ancipiti contentione  
 distracti, de imperio dimicaretis. Sed tamen  
 alterius partis periculum, Sertorianæ atque 25  
 Hispaniensis, quæ multò plus firmamenti ac  
 roboris habebat, Cn. Pompeii divino consilio ac  
 singulari virtute depulsum est: in alterâ parte ità  
 res à Lucullo summo viro est administrata, ut initia  
 illa gestarum rerum magna atque præclara, non 30  
 felicitati ejus, sed virtuti: hæc autem extrema,  
 quæ nuper acciderunt, non culpæ, sed fortunæ  
 tribuenda esse videantur. Sed de Lucullo dicam  
 alio loco, & ità dicam, Quirites, ut neque vera  
 laus ei detracta oratione nostrâ, neque falsa 35  
 afficta esse videatur: Sed pro vestri imperiî digni-  
 tate



PRO LEGE MANILIA. 167

nitare atque gloriâ, quoniam is est exorsus orationis meæ, videte quem vobis animum suscipiendum putetis. Majores vestri sæpe mercatoribus ac navigatoribus injuriosius tractatis, bella gesserunt: vos, tot civium Romanorum millibus uno nuncio atque uno tempore necatis, quo tandem animo esse debetis? legati quod erant appellati suberbiis, Corinthum patres vestri totius Græciæ lumen extinctum esse voluerunt: vos eum regem inultum esse patiemini, qui legatum P. Romani consularem, vinculis ac verberibus atque omni supplicio excruciatum necavit? illi libertatem civium Romanorum imminutam non tulerunt: vos vitam ereptam negligetis? Jus legationis verbo violatum illi persecuti sunt: vos legatum populi Romani omni supplicio interfectum, inultum relinquetis? Videte, nè ut illis pulcherrimum fuit tantam vobis imperii gloriam relinquere, sic vobis turpissimum sit, illud, quod accepistis, tueri & conservare non posse. Quid, quod salus sociorum summum in periculum ac discrimen vocatur? Regno expulsus est Ariobarzanes rex, socius populi Romani atque amicus: imminent duo reges toti Asiæ, non solum vobis inimicissimi, sed etiam vestris sociis atque amicis: civitates autem omnes cuncta Asia, atque Græcia, vestrum auxilium expectare propter periculi magnitudinem coguntur: imperatorem a vobis certum deposcere, cum præsertim vos alium miseritis, neque audent, neque se id facere summo sine periculo posse arbitrantur: vident & sentiunt hoc idem, quod & vos, unum virum esse, in quo summa sunt omnia, & eum prope esse quo etiam carent ægrius: cujus adventu ipso, atque nomine, tametsi ille ad maritimum bellum venerit, tamen impetus hostium repressos



esse intelligunt ac retardatos. Hi vos quoniam liberè loqui non licet, tacitè rogant ut se quoque, sicut cæterarum provinciarum socios, dignos existimetis, quorum salutem tali viro commendetis: atque hoc etiam magis quàm cæteros, quòd ejusmodi in provinciam homines cum imperio misimus, ut etiamsi ab hoste defendant, tamen ipsorum adventus in urbes sociorum non multum ab hostili expugnatione differant. Hunc audiebant antea, nunc præsentem vident, tantà temperantiâ, tantà mansuetudine, tantà humanitate, ut ii beatissimi esse videantur, apud quos ille diutissimè commoratur. Quare si propter socios nullâ ipsi injuriâ lacessiti majores vestri cum Antiocho, cum Philippo, cum Ætolis, cum Pœnis bella gesserunt: quanto vos studio convenit injuriis provocatos, sociorum salutem unâ cum imperii vestri dignitate defendere? præsertim cùm de vestris maximis vestigalibus agatur? Nam cæterarum provinciarum vestigalia, Quirites, tanta sunt, ut iis ad ipsas provincias tutandas vix contenti esse possimus: Asia verò tam opima est, & fertilis, ut & ubertate agrorum, & varietate fructuum, & magnitudine passionis, & multitudine earum rerum, quæ exportantur, faciliè omnibus terris antecellat. Itaque hæc vobis provincia, Quirites, & belli utilitatem & pacis dignitatem sustinere vultis, non modò à calamitate, sed etiam à metu calamitatis est defendenda. Nam cæteris in rebus cùm venit calamitas, tum detrimentum accipitur: at in vestigalibus, non solum adventus mali, sed etiam metus ipse affert calamitatem. Nam cùm hostium copiarum non longè absunt, etiamsi irruptio facta nulla sit; tamen pecora relinquuntur. agricultura deseritur, mercatorum navigatio

vigatio conquiescit. Ità neque ex portu, neque  
 ex decumis, neque ex scripturâ vestigal conser-  
 vari potest. Quare sæpe totius anni fructus uno  
 rumore periculi, atque uno belli terrore, amit-  
 titur. Quo tandem animo esse existimati, aut  
 eos qui Vestigalia vobis pensitant, aut eos qui  
 exercent, atque exigunt; cùm duo reges cùm  
 maximis copiis prope adsint, cùm una excur-  
 sio equitatus perbreui tempore totius anni ve-  
 stigal auferre possit: cùm publicani familias max-  
 imas, quas in salinis habent, quas in agris, quas  
 in portubus atque custodiis, magno periculo se  
 habere arbitrantur? putatisne vos illis rebus frui  
 posse, nisi eos qui vobis fructuosi sunt conserva-  
 veritis, non solum (ut antea dixi) calamitate,  
 sed etiam calamitatis formidine liberatos? Ae-  
 nè illud quidem vobis negligendum est, quod  
 mihi ego extremum proposueram, cùm essem de  
 belli genere dicturus, quod ad multorum bo-  
 na civium Romanorum pertinet: quorum vobis  
 pro vestrà sapientiâ, Quirites, habenda est ratio  
 diligenter. Nam & publicani, homines & hone-  
 stissimi, & ornatissimi, suas rationes, & copias, in  
 illam provinciam contulerunt: quorum ipsorum  
 per se res & fortunæ curæ vobis esse debent.  
 Etenim si vestigalia nervos esse reipublicæ sem-  
 per duximus; eum certè ordinem, qui exercet  
 illa, firmamentum cæterorum ordinum rectè esse  
 dicemus. Deinde cæteris ex ordinibus homines  
 gnavi, & industrii partim in Asiâ negotiantur,  
 quibus vos absentibus consulere debetis: partim  
 suas & suorum in eâ provinciâ pecunias magnas  
 collocatas habent. Erit igitur humanitatis ve-  
 stræ, magnum eorum civium numerum calamita-  
 te prohibere: sapientiæ, videre multorum ci-  
 vium calamitatem à rep. sejunctam esse non pos-

se. Etenim illud primùm parvi refert, vos pu-  
 blicanis amissa vefligalia poſtea victoriâ recupe-  
 rare. Neque enim iſdem redimendi facultas  
 erit propter calamitatem, neque aliis voluntas  
 propter timorem: deinde quod nos eadem Aſia  
 atque idem iſte Mithridates initio belli Aſiati-  
 ci docuit, id certè calamitate docti memoriâ re-  
 tinere debemus. Nam tum, cùm in Aſiâ res  
 magnas permulti amiſerunt, ſcimus, Romæ ſo-  
 lutione impeditâ, fidem concidiſſe. Non enim  
 poſſunt unâ in civitate multi rem atque fortu-  
 nas amittere, ut non plures ſecum in eandem  
 calamitatem trahant. A quo periculo prohibe-  
 re rempub. & mihi credite id quod ipſi videtis.  
 Hæc fides, atque hæc ratio pecuniarum, quæ  
 Romæ, quæ in foro verſatur, implicita eſt cum  
 illis pecuniis Aſiaticis, & cohæret: ruere illa  
 non poſſunt, ut hæc non eodem labefactata mo-  
 tu concidant. Quare videte, num dubitandum  
 vobis ſit omni ſtudio ad id bellum incumbere, in  
 quo gloria nominis veſtri, ſalus ſociorum, ve-  
 ſtigalia maxima, fortunæ plurimorum civium cum  
 republicâ defenduntur. Quoniam de genere bel-  
 li dixi, nunc de magnitudine pauca dicam. Po-  
 teſt enim hoc dici belli genus eſſe ita neceſſari-  
 um, ut ſit gerendum, non eſſe ita magnum, ut  
 ſit pertimeſcendum. In quo maximè laboran-  
 dum eſt nè fortè à vobis, quæ diligentiffimè  
 providenda ſunt, contemnenda eſſe videantur.  
 Atque ut omnes intelligant, me L. Lucullo tan-  
 tum impertiri laudis, quantum forti viro & ſa-  
 pientiffimo homini, & magno Imperatori, de-  
 beat: dico, ejus adventu maximas Mithrida-  
 tis copias, omnibus rebus ornatas atque inſtru-  
 ctas, eſſe deletas, urbemque Aſiæ clariffimam  
 nobiſque amiciffimam Cyzicenorum obſeſſam eſſe  
 ab

ab ipso rege maximā multitudine, & oppugna-  
tam vehementissimè; L. Luculli virtute, assi-  
duitate, consilio, summis obsidionis periculis li-  
beratam: ab eodem imperatore classem magnam,  
5 & ornatam, quæ ducibus Sertorianis ad Italiam  
studio inflammato raperetur, superatam esse, ar-  
que depressam: magnas hostium præterea copi-  
as multis præliis esse deletas: patefactumque no-  
stris legionibus esse Pontum, qui antè populo  
10 Romano ex omni aditu clausus esset: Sinopem  
atque Amisum, quibus in oppidis erant dōmi-  
cilia regis, omnibus rebus ornata atque repleta,  
cæterasque urbes Ponti & Cappadociæ permul-  
tas uno aditu atque adventu esse captas: regem  
15 spoliatum regno patrio, atque avito, ad alios se-  
reges atque alias gentes supplicem contulisse: at-  
que hæc omnia salvis populi Romani sociis atque  
integris vectigalibus sunt gesta. Satis opinor hoc  
esse laudis atque ita reputo, ut hoc vos intelli-  
20 gatis, à nullo istorum, qui huic obrectant legi,  
atque causæ, L. Lucillum similiter ex hoc loco  
esse laudatum. Requiretur fortasse nunc, quem-  
admodum, cum hæc ita fiat, reliquum possit es-  
se magnum bellum, Cognoscite, Quirites, non  
25 enim sine causâ quæri videtur. Primum ex suo  
regno sic Mithridates profugit, ut ex eodem  
Ponto Medea illa quondam profugisse dicitur:  
quam prædicant in fugâ, fratris sui membra in iis  
locis, quâ se parens persequeretur, dissipavisse;  
30 ut eorum collectio dispersa, moerorque patrius,  
celeritatem persequendi retardaret. Sic Mithri-  
dates fugiens maximam vim auri, atque argenti,  
pulcherrimarumque rerum omnium, quas & à  
majoribus acceperat, & ipse bello superiore ex  
35 totâ Asiâ direptas in suum regnum congefserat,  
in Ponto omnem reliquit. Hæc dum nostri  
colligunt

colligunt omnia diligentius, rex ipse è manibus effugit. Ità illum in persequendi studio moror, hos lætitia retardavit. Hunc in illo timore & fugâ Tigranès rex Armenius excepit, diffidentemque rebus suis confirmavit, & afflictum crexit, perditumque recreavit. Cujus in regnâ posteaquam L. Lucullus cum exercitu venit, plures etiam gentes contra imperatorem nostrum concitatae sunt. Erat enim metus injectus iis nationibus, quas nunquam populus Rom. neque laceßendas bello, neque tentandas putavit. Erat etiam alia gravis atque vehemens opinio, quæ per animos gentium barbararum pervaserat, fani locupletissimi & religiosissimi diripiendi causâ, in eas oras nostrum exercitum esse adductum. Ità nationes multæ atque magnæ novo quodâ terrore ac metu concitabantur. Noster autem exercitus, etsi urbem ex Tigranis regno ceperat, & præliis usus erat fecundis, tamen nimîâ longinquitate locorum, ac desiderio suorum commovebatur. Hic jam plura non dicam. Fuit enim illud extremum, ut ex iis locis à militibus nostris reditus magis maturus quàm processus longior quæreretur. Mithridates autem & suam manum jam confirmarat; & eorum, qui se ex ejus regno collegerant, & magnis adventitiis multorum regum & nationum copiis juvabatur. Hoc jam ferè sic fieri solere accepimus, ut regum afflictæ fortunæ faciliè multorum opes alliciant ad misericordiam, maximèque eorum qui aut reges sunt, aut vivunt in regno; quod regale iis nomen magnum & sanctum esse videatur. Itaque tantum victus efficere potuit, quantum incolumis nunquam est ausus optare. Nam cum se in regnum recepisset suum, non fuit eo contentus, quod ei præter

# PRO LEGE MANILIA. 173

præter spem acciderat, ut eam, postea quam pul-  
 sus erat, terram unquam attingerit; sed in ex-  
 ercitu vestrum clarum atque victorem impe-  
 tum fecit. Sinite hoc loco, Quirites (sicut poe-  
 5 tæ solent, qui res Romanas scribunt) præterire  
 me nostram calamitatem; quæ tanta fuit, ut eam  
 ad aures L. Luculli non ex prælio nuncius, sed  
 ex sermone rumor afferret. Hic in ipso illo ma-  
 lo gravissimæque belli offensione L. Lucullus, qui  
 10 tamen aliquâ ex parte iis incommodis mederi  
 fortasse potuisset, vestro jussu coactus, quod im-  
 perii diuturnitati modum statuendum veteri ex-  
 emplo putavistis, partem militum, qui jam sti-  
 pendii confecti erant, dimisit; partem Gla-  
 15 brioni tradidit. Multa prætereo consulto: sed  
 ea vos conjecturâ perspicitis, quantum illud bel-  
 lum futurum putetis; quod conjungant reges po-  
 tentissimi, renovent agitata nationes, suspiciant  
 integræ gentes, novus imperator vester accipiat,  
 20 vetere expulso exercitu. Satis mihi multa ver-  
 ba fecisse videor, quare hoc bellum esset genere  
 ipso necessarium, magnitudine periculosum: re-  
 25 fiat ut de imperatore ad id bellum deligendo,  
 ac tantis rebus præficiendo, dicendum esse videa-  
 30 tur. Utinam, Quirites, virorum fortium, atque  
 innocentium, copiam tantam haberetis, ut hæc  
 vobis deliberatio difficilis esset, quemnam potis-  
 simum tantis rebus ac tanto bello præficiendum  
 putaretis. Nunc verò cum sit unus Cn. Pom-  
 35 peius, qui non modò eorum hominum, qui nunc  
 sunt, gloriam, sed etiam antiquitatis memoriam  
 virtute superârit: quæ res est, quæ cujusquam a-  
 nimam in hac causâ dubium facere posset? ego  
 enim sic existimo, in summo imperatore quatu-  
 35 or has res inesse oportere, scientiam rei militaris,  
 virtutem, auctoritatem, felicitatem. Quis igitur  
 hoc



hoc homine scientior unquam aut fuit, aut esse  
 debuit? qui è ludo, atque pueritiæ disciplinâ,  
 bello maximo, atque acerrimis hostibus, ad patris  
 exercitum, atque in militiæ disciplinam, profe-  
 ctus est, qui extremâ pueritiâ miles fuit summi  
 imperatoris; ineunte adolescentiâ maximi ipse  
 exercitus imperator: qui sapiens cum hoste con-  
 fluxit, quam quisquam cum inimico concertavit;  
 plura bella gessit, quàm cæteri legerunt; plures  
 provincias confecit, quam alii concupiverunt: 10  
 cujus adolescentia ad scientiam rei militaris, non  
 alienis præceptis, sed suis imperiis; non offen-  
 sionibus belli, sed victoriis; non stipendiis, sed  
 triumphis, est traducta. Quod denique genus  
 belli esse potest, in quo illum non exercuerit for- 15  
 tuna reipublicæ? Civile, Africanum, Transalpi-  
 num, Hispaniense, mistum ex civitatibus, atque  
 ex bellicosissimis nationibus, servile, navale bel-  
 lum; varia & diversa genera, & bellorum, &  
 hostium, non solum gesta ab hoc uno, sed etiam 20  
 confecta, nullam rem esse declarant in usu mili-  
 tari positam, quæ hujus viri scientiam fugere pos-  
 sit. Jam verò virtuti Cn. Pompeii quæ potest  
 par oratio inveniri? quid est quod quisquam aut  
 dignum illo, aut vobis novum, aut cuiquam in- 25  
 auditum possit asferre? Non enim illæ sunt solæ  
 virtutes imperatoriæ, quæ vulgò existimantur, la-  
 bor in negotiis, fortitudo in periculis, industria  
 in agendo, celeritas in conficiendo, consilium in  
 providendo; quæ tanta sunt in hoc uno, quanta 30  
 in omnibus reliquis imperatoribus, quos aut vi-  
 dimus, aut audivimus, non fuerunt. Testis est  
 Italia, quam ille ipse victor L. Sulla hujus virtute  
 & consilio confessus est liberatum: testis est  
 Sicilia, quam multis undique cinctum periculis, 35  
 non terrore belli, sed celeritate consilii explica-  
 vit:



vit: testis est Africa, quæ magnis oppressa hostium copiis, eorum ipsorum sanguine redundavit: testis est Gallia, per quam legionibus nostris in Hispaniam iter Gallorum internecione patefactum est: testis est Hispania, quæ sapissimè plurimos hostes ab hoc superatos prostratosque conspexit: testis est iterum & sapius Italia, quæ cum servili bello tertio periculosoque premeretur, ab hoc auxilium absente expetivit: quod bellum  
 10 expectatione Pompeii attenuatum atque imminutum est; adventu sublatum ac sepultum: testes verò jam omnes oræ, atque omnes exterae gentes ac nationes; denique maria omnia tum universa, tum in singulis oris omnes sinus, atque  
 15 portus. Quis enim toto mari locus per hos annos, aut tam firmum habuit præsidium, ut tutus esset? aut tam fuit abditus, ut lateret? quis navigavit, qui non se aut mortis, aut servitutis periculo committeret? cum aut hieme, aut referto  
 20 prædonum mari navigaretur. Hoc tantum bellum, tam turpe, tam verus, tam latè divisum, atque dispersum, quis unquam arbitraretur aut ab omnibus imperatoribus, uno anno, aut omnibus annis ab uno imperatore cõfici posse? Quam  
 25 provinciam tenuistis à prædonibus liberam per hosce annos? quod vestigal vobis tutum fuit? quem socium defendistis? cui præsidio cladibus vestris fuistis? quàm multas existimatis insulas esse desertas? quàm multas aut metu relictas, aut à  
 30 prædonibus captas urbes esse sociorum? Sed quid ego longinqua commemoro? fuit hoc quondam, fuit proprium populi Romani, longè à domo bellare, & propugnaculis imperii sociorum fortunas, non sua tecta defendere. Sociis vestris  
 35 ego mare clausum per hosce annos dicam fuisse: cum exercitus nostri Brundisio nunquam, nisi

fuerit.

summâ hieme, transmiserint? Quid, ad nos cum  
 ab exteris nationibus venirent, captos querar,  
 cum legati populi Romani redempti sint? mer-  
 catoribus tutum mare non fuisse dicam, cum duo-  
 decim seures in prædonum potestatem perve- 5  
 nerint? Quid aut Colophonem, aut Samum, no-  
 bilissimas urbes, innumerabilesque alias, captas  
 esse commemorem; cum vestros portus, atque  
 eos portus, quibus vitam & spiritum ducitis, in  
 prædonum fuisse potestate sciat? An verò i- 10  
 gnoratis, portum Cætar, celeberrimum, atque  
 plenissimum navium, inspectante prætore, à præ-  
 donibus esse direptum? Ex Miseno autem ejus  
 ipsius liberos, qui cum prædonibus antea ibi bel-  
 lum gesserat, à prædonibus esse sublatos? Nam 15  
 quid ego Ostiense incommodum, atque illam la-  
 bem atque ignominiam reipub. querar; cum pro-  
 pe inspectantibus vobis, classis ea, cui consul po-  
 puli Romani præpositus esset, à prædonibus ca-  
 pta atque oppressa est. Proh dii immortales! tan- 20  
 tamne unius hominis incredibilis ac divina virtus  
 tam brevi tempore lucem asferre reipub. potuit,  
 ut vos, qui modò ante ostium Tiberinum clas-  
 sem hostium videbatis, ii nunc nullam intra Oce-  
 ani ostium prædonum navem esse audiat? At- 25  
 que hæc quâ celeritate gesta sint, quanquam vi-  
 detis, tamen à me in dicendo prætereunda non  
 sunt. Quis enim unquam, aut obeundi negotii,  
 aut consequendi quæstus studio, tam brevi tem-  
 pore, tot loca adire, tantos cursus conficere po- 30  
 tuit, quàm celeriter, Cn. Pompeio duce, belli  
 impetus navigavit? qui nondum intempestivo ad  
 navigandum mari, Siciliam adiit, Africam explo-  
 ravit, in Sardiniam cum classe venit: atque hæc  
 tria frumentaria subsidia reipubl. firmissimis præ- 35  
 fidiis classibusque munivit. Inde, cum in Ita-  
 liam

liam recepiſſet, duabus Hiſpaniis, & Galliâ Ciſalpinâ, præſidiis ac navibus confirmatâ, miſſis item in oram Illyrici maris, & in Achaïam, omnemque Græciam, navibus, Italiæ duo maria  
 5 maximis claſſibus firmiſſimiſq; præſidiis adornavit: ipſe autem, ut à Brunduſio profeſtus eſt, unde quinquageſimo die totam ad imperium populi Romani Siciliam adjunxit: omnes qui ubique prædones fuerunt, partim capti interfeſti-  
 10 que ſunt, partim uniùs huius imperio ac poteſtati ſe dediderunt. Idem Cretenſibus, cùm ad eum uſque in Pamphyliam legatos deprecatoresque miſſent, ſpem deditiõis non ademir, obſidẽsque imperavit. Ità tantum bellum, tam  
 15 diuturnum, tam longè latẽque diſperſum, quo bello omnes gentes ac nationes premebantur, Cn. Pompeius extrẽmâ hieme apparavit, ineunte vere ſuſcepit, mediâ æſtate confecit. Eſt hæc divina atque incredibilis virtus imperatoris. Quid  
 20 ceteræ, quas paulò antè commemorare coeperam? quantæ atque quàm multæ ſunt? non enim ſolùm bellandi virtus in ſummo atque perfectio imperatore quærenda eſt: ſed multæ ſunt artes eximie, huius adminiſtræ comitesque virtutis.  
 25 Ac primùm quantâ innocentiâ debent eſſe imperatores! quantâ deinde omnibus in rebus temperantiâ! quantâ fide! quanta felicitate! quanto ingenio! quantâ humanitate! quæ breviter, qualia ſunt in Cn. Pompeio, conſideremus. Sum-  
 30 ma enim omnia ſunt, Quirites; ſed ea magis ex allorum contentione, quàm ipſa per ſeſe, cognoſci atque intelligi poſſunt. Quem enim poſſumus imperatorem aliquo in numero putare, cuius in exercitu veneant centuriatus, atque venie-  
 35 rint? quid hunc hominem magnum aut amplum de republ. cogitare, qui pecuniam ex ærario deprom-

depromptam ad bellum administrandum, aut propter cupiditatem, provinciæ magistratibus diviserit, aut propter avaritiam Romæ in quæstu reliquerit? Vestra admurmuratio facit, Quirites, ut agnoscere videamini, qui hæc fecerint. Ego 5 autem neminem nomino. Quare irasci mihi nemo poterit, nisi qui antè de se voluerit confiteri. Itaque propter hanc avaritiam imperatorum quantas calamitates, quocunque ventum sit, nostri exercitus ferant, quis ignorat? Itinera, quæ 10 per hosce annos in Italiâ, per agros atque oppida civium Romanorum nostri imperatores fecerunt, recordamini: tum facilius statuetis, quid apud exterarum nationes fieri existimatis. Utrum plures arbitramini per hosce annos militum vestro- 15 rum armis hostium urbes, an Hibernis Sociorum civitates esse deletas? Neque enim potest exercitum is continere imperator, qui seipsum non continet: neque severus esse in judicando, qui alios in se severos esse iudices non vult. Hinc 20 miramur hunc hominem tantum excellere cæteris, cujus legiones sic in Asiam pervenerunt, ut non modò, manus tanti exercitus, sed ne vestigium quidem cuiquam pacato nocuisse dicatur? jam verò quemadmodum milites hibernent, quod 25 tidie sermones ac literæ perferuntur: non modò, ut sumptum faciat in militem, nemini vis affertur; sed nè cupienti quidem cuiquam permittitur. Hiemis enim, non avaritiæ, perfugium majores nostri in sociorum atque amicorum 30 rectis esse voluerunt. Age verò, cæteris in rebus quali sit temperantiâ, considerate. Unde illam tardam celeritatem, & tam incredibilem cursum initum putatis? non enim illum eximia vis remigum, aut ars inaudita quædam gubernandi, 35 aut venti aliqui novi tam celeriter in ultimas

teras pertulerunt, sed hæ res, quæ cæteros re-  
 morari solent, non retardârunt: non avaritia ab  
 instituto cursu ad prædam aliquam revocavit, non  
 libido ad voluptatem, non amœnitas ad dele-  
 stationem, non nobilitas urbis ad cognitionem,  
 5 non denique labor ipse ad quietem; postremò,  
 signa & tabulas cæteraque ornamenta Græcorum  
 oppidorum, quæ cæteri tollenda esse arbitran-  
 tur, ea sibi ille nè visenda quidem existimavit.  
 10 Itaque omnes quidem nunc in his locis Cn. Pom-  
 peium, sicut aliquem non ex hac urbe missum,  
 sed de cœlo delapsum intuentur. Nunc deni-  
 que incipiunt credere fuisse homines Romanos  
 hac quondam abstinentiâ: quod jam nationibus  
 15 exteris incredibile ac falsò memoriæ proditum  
 videbatur. Nunc imperii nostri splendor illis  
 gentibus lucet: nunc intelligunt, non sine causâ  
 majores suos tum cùm hac temperantiâ magistra-  
 tus habebamus, servire populo Romano quam  
 20 imperare aliis maluisse. Jam verò ita faciles adi-  
 tus ad eum privatorum, ita liberæ querimoniæ  
 de aliorum injuriis esse dicuntur, ut is, qui di-  
 gnitate principibus excellit, facilitate par infimis  
 esse videatur. Jam quantum consilio, quantum  
 25 dicendi gravitate & copiâ valeat, in quo ipso  
 inest quædam dignitas imperatoria, vos, Quiri-  
 tes, hoc ipso in loco sæpe cognovistis. Fidem  
 verò ejus inter socios quantum existimari puta-  
 tis, quam hostes omnium gentium sanctissimam  
 30 esse judicârint? Humanitate jam tantâ est, ut  
 difficile dictu sit, utrùm hostes magis virtutem  
 ejus pugnantes timuerint, an mansuetudinem vi-  
 cti dilexerint: Et quisquam dubitavit quin huic  
 tantum bellum hoc transmittendum sit, qui ad  
 35 omnia vestræ memoriæ bella conficienda, divino  
 quodam consilio natus esse videatur? Et quoni-  
 am

am auctoritas multum in bellis quoque admini-  
 strandis atque imperio militari valet, certè ne-  
 mini dubium est, quin ea in re idem ille impe-  
 rator plurimum possit. Vehementer autem per-  
 tinere ad bella administranda, quid hostes, quid  
 focii de imperatoribus vestris existiment, quis  
 ignorat? cum sciamus, homines in tantis rebus,  
 ut aut contemnant, aut metuant, aut oderint, aut  
 ament, opinione non minus famæ, quam aliquâ  
 certâ ratione commoveri. Quod igitur nomen 10  
 unquam in orbe terrarum clarius fuit? cujus res  
 gestæ pares? de quo homine vos, id quod maxi-  
 mè facit auctoritatem, tanta & tam præclara judi-  
 cia fecistis? An verò ullam usquam esse oram  
 tam desertam putatis, quo non illius dici fama 15  
 pervaserit; cum universus populos Romanus re-  
 ferto foro, repletisque omnibus templis, ex qui-  
 bus hic locus conspici potest, unum sibi ad com-  
 mune omnium gentium bellum Cn. Pompejum  
 imperatorem depoposcit? Itaque ut plura non 20  
 dicam, neque aliorum exemplis confirmem, quan-  
 tum hujus auctoritas valeat in bello, ab eodem  
 Cn. Pompeio omnium rerum egregiarum exem-  
 pla sumantur: qui quo die à vobis maritimo bel-  
 lo præpositus est imperator, tanta repente vili- 25  
 tas annonæ ex summâ inopiâ & caritate rei fru-  
 mentariæ consecuta est, unius spe & nomine,  
 quantum vix ex summâ ubertate agrorum diu-  
 turna pax efficere potuisset. Jam verò acceptâ  
 in Ponto calamitate ex eo prælio, de quo vos 30  
 paulò antè invitus admonui; cum socii pertimu-  
 issent, hostiam opes animique crevissent, cum  
 satis firmum præsidium provinciâ non haberet,  
 amisissetis Asiam, Quirites, nisi ipsum id tem-  
 poris divinitus Cn. Pompejum ad eas regiones 35  
 fortuna populi Romani attulisset. Hujus adven-  
 tus



## PRO LEGE MANILIA. 181

tus & Mithridatem insolitâ inflammationum victoriâ  
 continuit, & Tigranem magnis copiis minitantem  
 Asiæ retardavit. Et quisquâ dubitavit, quid  
 virtute perfecturus sit, qui tantum auctoritate  
 5 perfecterit? aut quàm facile imperio atque exer-  
 citu socios & vectigalia conservaturus sit, qui ip-  
 so nomine ac rumore defenderit? Age verò il-  
 la res quantam declarat ejusdem hominis apud  
 hostes populi Romani auctoritatem, quòd ex  
 10 locis tam longinquis tamque diversis, tam brevî  
 tempore, omnes unâ huic se dediderunt? quod  
 Cretensum legati, cùm in eorum insulâ nostrâ  
 imperator exercitusque esset, ad Cn. Pompeium  
 in ultimas prope terras venerunt, eique se omnes  
 15 Cretensum civitates dedere velle dixerunt?  
 Quid? idem ipse Mithridates nonne ad eundem  
 Cn. Pompeium legatum usque in Hispaniam mis-  
 sit? cùmque Pompeius legatum semper judica-  
 vit, ii, quibus semper erat molestum, ac eum  
 20 potissimum esse missum, speculatorem quàm le-  
 gatum judicare maluerunt? Potestis igitur jam  
 constituere, Quirites, hanc auctoritatem, multis  
 postea rebus gestis magnisque vestris judiciis am-  
 plicatam, quantum apud illos reges, quantum  
 25 apud exterâs nationes valituram esse existime-  
 tis. Reliquum est, ut de felicitate, quam præ-  
 stare de se ipso nemo potest, meminisse & com-  
 memorare de altero possumus, sicut æquum est  
 homini de potestate deorum timidè & pauca di-  
 30 camus. Ego enim sic existimo, Maximo, Mar-  
 cello, Scipioni, Mario, & cæteris magnis impera-  
 toribus, non solum propter virtutem, sed etiam  
 propter fortunam, sæpius imperia, mandata at-  
 que exercitus esse commissos. Fuit enim profe-  
 35 citò quibusdam summis viris quædam ad ampli-  
 tudinem, & gloriam, & ad res magnas benè ge-  
 rendas.



rendas divinitus adjuncta fortuna. De hujus  
 autem hominis felicitate, de quo nunc agimus,  
 hac utar moderatione dicendi, non ut in illius  
 potestate fortunam positam esse dicam, sed ut  
 præterita meminisse, reliqua sperare videamur: 5  
 nè aut invisâ diis immortalibus oratio nostra, aut  
 ingrata esse videatur. Itaque non sum prædica-  
 turus, Quirites, quantas ille res domi militia-  
 que, terrâ marique, quantaque felicitate gesse-  
 rit: ut ejus semper voluntatibus non modò cives 10  
 assenserint, focii obtemperârint, hostes obedie-  
 rint, sed etiam venti tempestatesque obsecundâ-  
 rint. Hoc brevissimè dicam, neminem unquam  
 tam impudentem fuisse, qui à diis immortalibus  
 tot & tantas res tacitus auderet optare, quot & 15  
 quantas dii immortales ad Cn. Pompeium detu-  
 lerunt. Quod ut illi proprium, ac perpetuum  
 sit, Quirites, cùm communis salutis, atque im-  
 perii, tum ipsius hominis causâ sicuti faciris, vel-  
 le & optare debetis. Quare cum & bellum ita 20  
 necessarium sit, ut negligi non possit: ita ma-  
 gnum sit, ut accuratissimè sit administrandum: &  
 cùm ei imperatorem præficere possitis, in quo sit  
 eximia belli scientia, singularis virtus, clarissima  
 auctoritas, egregia fortuna: dubitabitis, Quiri- 25  
 tes, quin hoc tantum boni, quod à diis immor-  
 talibus oblatum & datum est, in rempublicam  
 conservandam atque amplificandam conferatis?  
 Quod si Romæ Cn. Pompeius privatus esset hoc  
 tempore; tamen ad tantum bellum is erat deli- 30  
 gendus atque mittendus: nunc cùm ad cæteras  
 summas utilitates hæc quoque opportunitas ad-  
 jungatur, ut in iis ipsis locis adsit, ut habeat ex-  
 ercitum, ut ab iis, qui habent, accipere statim  
 possit, quid exspectamus? aut cur non ducibus 35  
 diis immortalibus, eidem, cui cætera summâ cum  
 salute

salute reipublicæ commissa sunt, hoc quoque bellum regium committimus? At enim vir clarissimus, amantissimus reip. vestris beneficiis amplissimis affectus, Q. Catulus; itemque summis ornamentis honoris, fortunæ, virtutis, ingenii præditus, Q. Hortensis, ab hac ratione dissentiunt: quorum ego auctoritatem apud vos multis locis plurimum valuisse & valere oportere confiteor: sed in hac causâ, tametsi cognoscitis auctoritates contrarias  
 10 fortissimorum virorum & clarissimorum; tamen omittis auctoritatibus, ipsâ re & ratione exquirere possumus veritatem; atque hoc facilius, quod ea omnia, quæ adhuc à me dicta sunt, iidem isti vera esse concedunt, & necessarium bellum  
 15 esse, & magnum, & in uno Cn. Pompeio summa esse omnia. Quid igitur ait Hortensius? si uni omnia tribuenda sunt unum dignissimum esse Pompeium: sed ad unum tamen omnia deferri non oportere. Obsolevit jam ista oratio,  
 20 re multò magis, quàm verbis refutata. Nam tu idem, Q. Hortensi, multa, pro tuâ summâ copiâ, ac singulari facultate dicendi, & in senatu contra virum fortem A. Gabinium graviter ornatèque dixisti, cum is de uno imperatore contra prædo-  
 25 nes constituendo legem promulgasset; & ex hoc ipso loco permulta idem contra legem verba fecisti. Quid tum, per deos immortales, si plus apud populum Romanum auctoritas tua, quam ipsius populi Romani salus & vera causa valuisset; hodie hanc gloriam atque hoc orbis terræ imperium  
 30 teneremus? an tibi tum imperium esse hoc videbatur, cum populi Romani, legati, prætores, quæstoresque capiebantur? cum ex omnibus provinciis commeatu, & privato & publico; prohibebamur?  
 35 cum ita clausa erant nobis omnia maria, ut neque privatam rem maritimam, neque publicam

publicam iam obire possemus? Quæ civitas ante-  
 tea unquam fuit, non dico Atheniensium, quæ  
 satis latè quondam mare tenuisse dicitur; non  
 Carthaginiensium, qui permultum classe mariti-  
 misque rebus valuerunt; non Rhodiorum, quo-  
 rum usque ad nostram memoriam disciplina na-  
 valis & gloria remansit: quæ civitas antea un-  
 quam tam tenuis, quæ tam parva insula fuit, quæ  
 non portus suos, & agros, & aliquam partem re-  
 gionis atque oræ maritimæ per se ipsa defende-  
 ret? At, herclè, aliquot annos continuos ante  
 legem Gabiniam ille populus Romanus, cujus us-  
 que ad nostram memoriam nomen invictum in  
 navalibus pugnis permanerat, magnâ ac multò  
 maximâ parte, non modò utilitatis, sed dignita-  
 tis atque imperiî, caruit. Nos quorum majores  
 Antiochum regem classe Persenque superârunt,  
 omnibusque navalibus pugnis Carthaginienses ho-  
 mines in maritimis rebus exercitatissimos para-  
 tissimosque vicerunt: ii nullo in loco jam prædo-  
 nibus pares esse poteramus. Nos quoque, qui  
 antea non modò Italiam tutam habebamus, sed  
 omnos socios in ultimis oris auctoritate nostri  
 imperiî salvos præstare poteramus, tum cum  
 insula Delos, tam procul à nobis in Ægeò ma-  
 ri posita, quò omnes undique cum mercibus at-  
 que oneribus commeabant, referta divitiis, par-  
 va, sine muro nihil timebat: iidem non modò  
 Provinciis, atque oris Italiæ maritimis, at por-  
 tibus nostris, sed etiam Appiâ jam viâ careba-  
 mus; & his temporibus non pudebat magistra-  
 tus populi Romani in hunc ipsum locum ascen-  
 dere; cum enim vobis majores vestri exuviis  
 nauticis & classium spoliis ornatum reliquissent.  
 Bono te animo tum, Q. Hortensi, populus Ro-  
 manus, & cæteros, qui erant in eadem senten-  
 tiâ:

# PRO LEGE MANILIA. 185

tia, dicere existimavit ea, quæ sentiebatis : sed  
 tamen in salute communi idem populus Romanus  
 dolori suo maluit quàm auctoritati vestræ ob-  
 temperare. Itaque una lex, unus vir, unus  
 annus, non modò nos illâ miseriâ ac turpitudine  
 liberavit; sed etiam effecit, ut aliquando verè  
 videremur omnibus gentibus ac nationibus terrâ  
 marique imperare. Quo mihi etiam indignius  
 videtur obrectatum esse adhuc : Gabinio dicam  
 10 anæ Pompeio, an utrique ? ( id quod est verius  
 nè legaretur A. Gabinus Cn. Pompeio expetent  
 ac postulanti ? Utrùm ille, qui postulat legatun  
 ad tantum Bellum, quem velit, idoneus non est  
 qui impetret, cum cæteri ad expilandos socios  
 15 diripendâsque provincias, quos voluerunt, lega-  
 tos eduxerint ; an ipse, cujus lege salus ac di-  
 gnitas populo Romano atque omnibus gentibus  
 constituta est, expers esse debet gloriæ ejus im-  
 peratoris, atque ejus exercitûs, qui consilio i-  
 20 pfius atque periculo est constitutus ? an Cn.  
 Falcidius, Q. Metellus, Q. Cælius Latinien-  
 sis, Cn. Lentulus, quos omnes honoris causâ nomino, cùn  
 tribuni plebis fuissent, anno proximo legati esse  
 potuerunt : in hoc uno Gabinio sunt tam diligen-  
 25 tes, qui in hoc bello : quod lege Gabinia geritur  
 in hoc imperatore, atque exercitu, quem per se  
 ipse constituit, etiam præcipuo jure esse  
 deberet ? de quo legando spero Consules ad Se-  
 natum relatu-ros : qui si dubitabunt, aut gravabun-  
 30 tur, ego me profiteor relaturum : nèque me impe-  
 diet cujusquam, Quirites, inimicum edictum, que  
 minùs, fretus vobis, vestrum jus beneficiumque  
 defendam : nèque præter intercessionem, quid-  
 quam audiam, de quâ ( ut arbitror ) isti ipsi qui  
 35 minantur, etiam atque etiam, qui id liceat, con-  
 siderabunt. Meâ quidem sententiâ, Quirites,  
 unus

unius A. Gabinius, belli maritimi rerumque gesta-  
 rum auctor, comes Cn. Pompeio adscribitur: pro-  
 pterea quod alter uni id bellum suscipiendum  
 vestris suffragiis detulit; alter delatum susceptum-  
 que confecit. Reliquum est, ut de Q. Catuli  
 auctoritate & sententiâ dicendum esse videatur:  
 qui cum ex vobis quæreret, si in uno Cn.  
 Pompeio omnia poneretis, si quid de eo factum  
 esset, in quo spem essetis habituri? cepit magnum  
 suæ virtutis fructum, ac dignitatis, cum omnes 10  
 prope unâ voce in eo ipso vos spem habituros esse  
 dixistis. Etenim talis est vir, ut nulla res tanta  
 sit, ac tam difficilis, quam ille non, & consilio  
 regere, & integritate tueri, & virtute conficere  
 possit. Sed in hoc ipso ab eo vehementissimè 15  
 dissentio, quod quod minus certa est hominum ac  
 minus diuturna vita, hoc magis respublica per  
 deos immortales licet, frui debet summi hominis  
 vitâ atque virtute. Etenim nihil novi fita contra  
 exempla atque instituta majorum. Non dico 20  
 hoc loco majores nostros semper in pace  
 consuetudini, in bello utilitati paruisse: semper  
 ad novos casus temporum novorum, consiliorum  
 rationes accommodasse: non dicam duo bella  
 maxima, Punicum, & Hispaniense, ab uno 25  
 imperatore esse confecta: duas urbes potentissimas,  
 quæ huic imperio maximè minabantur, Cartha-  
 ginem, atque Numantiam, ab eodem Scipione  
 esse deletas: non commemorabo, nuper ita vo-  
 bis patribusque vestris esse visum, ut in uno C. 30  
 Mario spes imperii poneretur, ut idem cum  
 Jugurthâ, idem cum Cimbris, idem cum Theutonis  
 bellum administraret: in ipso Cn. Pompeio, in quo  
 novi constitui nihil vult Q. Catulus, quàm multa  
 sint nova summæque, Catuli voluntate, consti- 35  
 tuta recordamini. Quid enim tam novum, quàm  
 adolescens

adoloscentulum privatum, exercitum difficili  
reipublicæ tempore conficere? confecit: Huic  
præesse? præfuit: Rem optimè ductu suo gerere?  
gessit. Quid tam præter consuetudinem, quàm  
5 homini peradulescenti, cuius à senatorio gradu  
ætas longè abesset, imperium atque exercitum  
dari? Siciliam permitti, atque Africam, bellumque  
in eâ administrandum? Fuit in his Provinciis  
singulari innocentia, gravitate, virtute: bellum  
10 in Africâ maximum confecit, victorem exercitum  
deportavit. Quid verò tam inauditum quàm  
equitem Romanum triumphare? at eam quo-  
que rem populus Romanus non modò vidit;  
sed etiam studio omni visendam putavit. Quid  
15 tam inusitatum, quàm ut cùm duo Consules cla-  
rissimi fortissimique essent, eques Romanus ad  
bellum maximum formidolosissimùmque pro  
Consule mitteretur? missus est. Quo quidem  
tempore, cùm esset non nemo in Senatu, qui  
20 diceret non oportere mitti hominem privatum  
pro Consule; L. Philippus dixisse dicitur, non se  
illum suâ sententiâ pro Consule sed pro Consuli-  
bus mittere. Tanta in eo reipublicæ benè geren-  
dæ spes constituebatur, ut duorum Consulom  
25 munus unius adolescentis virtuti committeretur.  
Quid tam singulare, quàm ut ex Senatûs consulto  
legibus solutus, Consul antè fieret, quàm ullum  
alium magistratum per leges capere licuisset?  
quid tam incredibile, quàm ut iterum eques  
30 Romanus ex S. C. triumpharet? quæ in omnibus  
hominibus nova post hominum memoriam  
constituta sunt, ea tam multa non sunt, quàm hæc,  
quæ in hoc uno homine videmus. Atque hæc  
tot exempla, tanta, ac tam nova, profecta sunt  
35 in eundem hominem à Q. Catulo, atque à cæte-  
rorum ejusdem dignitatis amplissimorum homi-  
num



num auctoritate. Quare videant, ne sit perini-  
 quum, & non ferendum, illorum auctoritatem de  
 Cn. Pompeii dignitate à vobis comprobata sem-  
 per esse, vestrum ab illis de eodem homine judi-  
 cium populique Rom. auctoritatem improbari; 5  
 præsertim cum jam suo jure populus Rom. in hoc  
 homine suam auctoritatem vel contra omnes, qui  
 dissentiant, possit defendere; propterea quod  
 istis reclamantibus vos unum illum ex omnibus  
 delegistis, quem bello prædonum præponeretis. 10  
 Hoc si vos temerè fecistis, & reip. parum consu-  
 lulistis; rectè isti studia vestra suis consiliis rege-  
 re conantur: sin autem vos plus tum in republi-  
 cà vidistis; vos, his repugnantibus, per vosmet  
 ipsos dignitatem huic imperio, salutem orbi ter- 15  
 rarum attulistis: ut aliquando isti principes, &  
 sibi, & cæteris, pop. Rom. universi auctoritati  
 parendum esse, fateantur. Atque in hoc bello  
 Asiatico, & regio, non solum militaris illa virtus,  
 quæ est in Cn. Pompeio singularis, sed aliæ quo- 20  
 que virtutes animi, multæ & magnæ requirun-  
 tur. Difficile est, in Asiâ, Ciliciâ, Lyciâ, Sy-  
 riâ, regnisque exterarum nationum, ita versari  
 vestrum imperatorem, ut nihil aliud, quàm de  
 hoste ac de laude cogitet: deinde epam si qui 25  
 sunt pudore ac temperantiâ moderatiores; ta-  
 men eos esse tales, propter multitudinem cupi-  
 dorum hominum nemo arbitratur. Difficile est  
 dictu, Quirites, quanto in odio simus apud ex-  
 teras nationes, propter eorum, quos ad eas hoc 30  
 anno cum imperio misimus, injurias ac libidines.  
 Quod enim sanum putatis in illis terris, nostris  
 magistratibus religiosum, quam civitatem san-  
 ctam, quam domum satis clausam ac munitam fu-  
 isse? urbes jam locupletes, ac copiosæ, requi- 35  
 runtur, quibus causa belli propter diripiendi cu-  
 pidita-



## PRO LEGE MANILIA. 198

peditatem inferantur. Libenter hæc coram cum  
 Q. Catalo & Q. Hortensio disputarem, summis &  
 clarissimis viris. Noverunt enim sociorum vul-  
 nera: vident eorum calamitates, querimonias  
 & audiunt. Pro sociis vos contra hostes exercitum  
 mittere putatis? an hostium simulatione, contra  
 socios atque amicos? Quæ civitas est in Asia, quæ  
 non modò unius imperatoris, aut legati, sed  
 unius tribuni militum animos ac spiritus capere  
 possit? Quare, etiamsi quem habetis, qui colla-  
 tis signis exercitus regios superare posse videatur;  
 tamen nisi erit idem, qui se à pecuniis sociorum,  
 qui ab eorum conjugibus, ac liberis, qui ab auro,  
 gazaque regiâ, manus, oculos, animum cohibere  
 possit; non erit idoneus, qui ad bellum Asiati-  
 cum regiûmque mittatur. Equam putatis civi-  
 tatem pacatam fuisse, quæ locuples sit? æquam  
 esse locupletem, quæ istis pacata esse videatur?  
 Ora maritima, Quirites, C. Pompeium, non Iol-  
 lûm propter rei militaris gloriam, sed etiam pro-  
 pter animi continentiam requisivit. Videbat enim  
 populum Romanum non locupletari quotannis  
 pecuniâ publicâ, præter paucos, neque nos quid-  
 quam aliud assequi classium nomine, nisi ut detri-  
 mentis accipiendis majore affici turpitudine vi-  
 deremur. Nunc quâ cupiditate homines in pro-  
 vincias, quibus iacturis, quibus conditionibus,  
 proficiscantur? ignorant videlicet isti, qui, ad  
 unum deferenda esse omnia non arbitrantur? Quasi  
 verò Cn. Pompeium non cum suis virtutibus, tum  
 etiam alienis viciis, magnum esse videamus! Qua-  
 re nolite dubitare, quin huic uni credatis omnia,  
 qui inter annos tot unus inventus sit, quem socii  
 in urbes suas cum exercitu venisse gaudeant.  
 Quod si auctoritatibus hanc causam, Quirites, con-  
 firmendam putatis: est vobis auctor vir bellorum

omnium, maximarum rerum pericissimus, P. Ser-  
 villius, ejus tanta res gesta terrâ marique ex-  
 stiterunt, ut cum de bello deliberetis, auctor vo-  
 bis gravior esse nemo debeat: est C. Curio, sum-  
 mis vestris beneficiis, maximisque rebus gestis,  
 summo ingenio & prudentiâ prædinus: est Cn.  
 Lentulus in quo omnes pro amplissimis vestris  
 honoribus, summum consilium, summam gravi-  
 tatem esse cognoscitis: est C. Cassius integri-  
 tate, virtute, constantiâ singulari. Quare vide-  
 te, nam horum auctoritatibus, illorum orationi  
 qui dissentiant, respondere posse videamur. Que-  
 ram ita sint, C. Manili, primum istam tuam &  
 legem, & voluntatem, & sententiam laudo, ve-  
 hementissimeque comprobo: deinde te hortor,  
 ut auctore populo Romano mancas in sententiâ;  
 neve cujusquam vim aut minas pertimescas. Pri-  
 mum in te satis esse alieni constantique arbi-  
 tror; deinde, eum tantam multitudinem, cum  
 tanto studio adesse videamus, quantam non ite-  
 rum in eodem homine præficiendo vidimus: quid  
 est, quod aut de re, aut de perficiendi faculta-  
 te dubitemus? ego autem, quidquid in me est  
 studii, consilii, laboris, ingenii. quidquid hoc  
 beneficio populi Romani, atque hac potestate  
 prætoriâ, quidquid auctoritate, fide, constantiâ  
 possum, id omne ad hanc rem conficiendam  
 tibi, & populo Romano, polliceor & de-  
 fero; restorque omnes deos, & eos maxi-  
 mē, qui huic loco, temploque præsident, qui  
 omnium mentes eorum, qui ad rempublicam  
 agunt, maximē perspiciunt, me hoc neque roga-  
 tu facere cujusquam, neque quod Cn. Pompeii  
 gratiam mihi per hanc causam conciliari putem,  
 neque quod mihi ex cujusquam amplitudine, aut  
 præsidia periculis, aut adjumenta honoribus que-  
 ram:

## PRO T. ANNIO MILONE. 191

ram : propterea quod pericula facile, ut hominem prestare oportet, innocentia recti pelle-  
mus : honores autem, neque ab uno, neque ex  
hoc loco, sed eadem nostra illa labrilissima  
ratione vite, si vestra voluntas feret, consequemur. Quamobrem, quidquid in hac causa mihi  
susceptum est, Quirites, id omne me reipublice  
causa suscepisse confirmo : tantumque abest ut  
aliquam bonam gratiam mihi quasile videar, ut  
multas etiam similes, partim obscuras, partim  
apertas, intelligam, mihi non necessarias, vobis  
non inutiles suscepisse. Sed ego, me hoc honore  
præditum, tantis vestris beneficiis affectum, statui,  
Quirites, vestram voluntatem, & reipublice di-  
gnitatem, & salutem provinciarum atque socio-  
rum, meis omnibus commodis & rationibus præ-  
ferre oportere.

## ORATIO XII

*Quæ est pro*

## T. ANNIO MILONE.

*Argumentum.*

Titus Annius Milo, civis Romanus, sibi infestissi-  
mum, & infelicissimum Romanum civem P. Clo-  
dium habuit : multaque inter hos duos altercavi-  
ones in Republica sæpe fuerunt. Præcipue ve-  
rò, cum Milo Consulatum illius anni peteret,  
cujus anni Praturam P. Clodius adfessabatur, adeo  
in à & odio motus fuit, ut Milonis competitors  
modis

modis omnibus quibus posset iuvaret, ad hoc, ut Milone repulso, eum Consulatum alii consequerentur. Nam, ut dicit Cicero, non potuit abuti Praturâ, ut cupiebat, Consule inimico suo Milone, qui ejus furores, & rabiem compressisset. Itaque summo studio nitebatur, ut Milo eo anno Consul non fieret, quod, videns se ullo modo obtinere non posse, sed Milonem opinione omnium Consulem esse futurum, statuit, si Ciceroni credimus, Milonem ipsum occidere, & ita res gesta fuit. Clodius enim ex Urbe recessit, antequam Milo, & ad quandam suam villam accessit in Albanum, unde vesperi rediens versus Romanam, obviam Milo in viâ: ibat enim Lanubium, sive [ut quidam textus habent] Lavinium. Milo ad prodendum ibi Flaminem, nam erat illius loci dictator. Et ibat Milo penulatus in rhedâ cum uxore, ancillis, & pueris. Veniebat Clodius expeditus in equo, cum electâ manu virorum. Itaque inter eos ante fundum Clodii, in viâ scilicet Appiâ, Congressio facta fuit, ut dicit Cicero, factoque in Milonem impetu à Clodianis, & in illo certamine fuit Clodius interfectus. Ob quam eadem accusatus est Milo, & à fautoribus Clodii expetuntur ab eo pœna debita, quia contra leges hominem interfecerit. Milo non negabat occidisse: Sed jure se occidisse dicebat. Decrevitque Pompeius ut de morte Clodii quæreretur. Quare ab eo ex cunctis ordinibus electi sunt iudices qui in hac causâ judicarent. Pompeiusque ipse armatis cohortibus forum complevit, ne fortè in tanto iudicio ulli populares motus consurgerent. Cicero ergo Milonis amicissimus, inimicissimus Clodii, pro Milone hanc Orationem habuit insignem atque notabilem, & summo artificio singularem.

Etſi

**E**TSI vereor, iudices, nè turpe sit, pro fortissimo viro dicere incipientem, timere; minimèque deceat, cùm T. Annius Milo ipse magis de reipublicæ salute, quàm de suâ perturbetur, me ad ejus causam parem animi magnitudinem afferre non posse: tamen hæc novi judicii nova forma terret oculos; qui, quocunque inciderint, veterem consuetudinem fori, & pristinum morem judiciorum, minimè vident: Non enim coronâ confessus vester cinctus est, ut solebat, non usitatâ frequentiâ stipati sumus. Nam illa præsidia, quæ pro templis omnibus cernitis, etsi contra vim collocata sunt, afferunt tamen oratori horroris aliquid; ut in foro & in judicio. Quanquam præsidii salutaribus & necessariis septi sumus: tamen, ne non timere quidem sine aliquo timore possimus. Quæ si opposita Miloni putarem; cederem tempori, iudices, nec inter tantam vim armorum existimarem oratori locum esse. Sed me recreat & reficit Cn. Pompei, sapientissimi & justissimi viri, consilium: qui profectò nec iustitiæ suæ putaret esse, quem reum sententiis iudicium tradidisset, eundem telis militum dedere; nec sapientiæ, temeritatem concitatæ multitudinis auctoritate publicâ armare. Quamobrem illa arma, centuriones, cohortes, non periculum nobis. sed præsidium denunciant: neque solum, ut quieto, sed etiam, ut magno animo simus, hortantur: neque auxilium modò defensionis meæ, verum etiam silentium pollicentur. Reliqua vero multitudo, quæ quidem est civium, tota nostra est: neque eorum quisquam, quos undique intuentes ex hoc ipso loco cernitis, unde aliqua pars fori aspicitur, & hujus exitum judicii expectantes, non

cum virtuti Milonis favet tum de se, de patria,  
 de fortanis hodierno die decertari putat. Unum  
 genus est adversum infestumque nobis eorum,  
 quos P. Clodii furor rapinis, & incendiis, &  
 omnibus exitiis publicis pavit: qui hesternâ etiam  
 concione incitati sunt, ut vobis voce praeirent,  
 quid judicaretis, quorum clamor, si quis forte  
 fuerit, admonere vos debebit, ut eum civem  
 retineatis, qui semper genus illud hominum, cla-  
 morésque maximos, pro vestra salute neglexit. 10  
 Quamobrem adeste animis, iudices, & timorem,  
 si quem habetis, deponite. Nam, si unquam de  
 bonis & fortibus viris, si unquam de bene meritis  
 civibus potestas vobis iudicandi fuit, si denique  
 unquam locus amplissimorum ordinum dilectis 15  
 viris datus est, ubi sua studia erga fortes & bonos  
 cives, quae vultu & verbis saepe significassent, re  
 & sententiis declararent; hoc profectò tempore  
 eam potestatem omnem vos habetis, ut statua-  
 tis, utrùm nos, qui semper vestrae auctoritati 20  
 dediti fuimus, semper miseri lugeamus, an diu  
 vexati à perditissimis civibus, aliquando per vos  
 ac vestram fidem, virtutem, sapientiamque re-  
 creemur. Quid enim nobis duobus, iudices,  
 laboriosius? quid magis sollicitum, magis exer- 25  
 citum, dici, aut fingi potest? qui spe amplissimo-  
 rum praemiorum ad rempublicam adducti, metu  
 crudelissimorum exitiorum carere non possumus.  
 Et quidem ceteras tempestates & procellas in  
 illis duntaxat fluctibus concionum semper putavi 30  
 Miloni esse subeundas, quod semper pro bonis  
 contra improbos senserat: in iudicio verò, &  
 in eo consilio, in quo ex cunctis ordinibus am-  
 plissimi viri iudicarent, nunquam existimavi spem  
 ullam esse habituros Milonis inimicos, ad ejus 35  
 non salutem modò extinguendam, sed eam  
 gloriam



gloriam per tales viros infringendam. Quanquam  
in hac causâ, iudices, T. Anni Tribunatu, re-  
busque omnibus pro salute reipublicæ gestis, ad  
huius criminis defensionem non abutemur, nisi  
5 oculis videritis insidias Milonis à Clodio factas: nec  
deprecaturi sumus ut crimen hoc nobis multa  
propter præclara in rempublicam merita condone-  
tis: nec postulaturi, ut, si mors P. Clodii salus  
vestra fuerit, idcirco eam virtuti Milonis potius,  
10 quàm populi Romani felicitati assignetis: sed,  
si illius insidiæ clariores hac luce fuerint; tum  
denique obsecrabo obtestaborque vos, iudices, si  
cætera amissimus, hoc saltem nobis ut relinqua-  
tur, ab inimicorum audaciâ telisque vitam ut  
15 impunè liceat defendere. Sed, antequam ad  
eam orationem venio, quæ est propriæ nostræ  
quæstionis, videntur ea esse refutanda, quæ in  
Senatu ab inimicis sæpè jactata sunt, & in con-  
cione ab improbis, etiam paulò antè ab accusa-  
20 toribus: ut omni errore sublato, rem planè, quæ  
venit in iudicium, videre possitis. Negant in-  
tueri lucem fas esse ei qui à se hominem occi-  
sum esse fateatur. In qua tandem urbe hoc ho-  
mines stultissimi disputant, nempe in eâ, quæ  
25 primum iudicium de capite vidit M. Horati for-  
tissimi viri: qui nondum liberâ civitate, tamen  
populi Romani comitiis liberatus est, cùm suâ  
manu sororem interfectam esse fateretur. An  
est quisquam, qui hoc ignoret, cùm de homine  
30 occiso quærat, aut negari solere omninò esse  
factum; aut rectè ac jure factum esse defendi?  
Nisi verò existimetis dementem P. Africanum  
fuisse, qui cùm à C. Carbone tribuno plebis in  
concione seditiosè interrogaretur, quid de Tib.  
35 Gracchi morte sentiret, respondit, jure casum  
videri. Neque enim posset aut Ahala ille Servi-  
lius,



lius: aut P. Nafica, aut L. Opimius, aut C. Ma-  
 rius, aut me Consule, Senatus non nefarius habe-  
 ri, si sceleratos cives interfici nefas esset. Itá-  
 que hoc, iudices, non sine causâ etiam fictis fa-  
 bulis doctissimi homines memoriæ prodiderunt, 5  
 eum qui patris ulciscendi causâ matrem necavisset,  
 variatis hominum sententiis, non solum humanâ  
 sed etiam deæ sapientissimæ sapientiâ liberatum.  
 Quod si duodecim tabulæ nocturnum furem quo-  
 quo modo; diurnum autem, si telo defenderit, 10  
 interfici impunè voluerunt: quis est qui, quo-  
 quo modo quis interfectus sit puniendum putet,  
 cum videat aliquando gladium nobis ad occiden-  
 dum hominem ab ipsis porrigi legibus? Atqui,  
 si tempus est ullum jure hominis necandi, quæ 15  
 multa sunt, certè illud est non modò justum,  
 verum etiam necessarium, cum vis illata defen-  
 ditur. Pudicitiam, cum eriperet militi tribunus  
 militaris in exercitu C. Marii propinquus ejus  
 imperatoris, interfectus ab eo est, cui vim affere- 20  
 bat: facere enim probus adolescens periculosè,  
 quàm perpeti turpiter maluit. Atque hunc ille  
 vir summus scelere solum periculo liberavit.  
 Insidiatori verò, & latroni, quæ potest afferri  
 injusta nex? Quid comitatus nostri, quid gladii 25  
 volunt? quos habere certè non liceret, si uti illis  
 nullo pacto liceret. Est enim hæc, iudices, non  
 scripta, sed nata lex, quam non didiscimus, ac-  
 cepimus, legimus, verum ex naturâ ipsâ arripui-  
 mus, hausimus, expressimus; ad quam non 30  
 docti, sed facti; non instituti, sed imbuti sumus;  
 ut, si vita nostra in aliquas insidias, si in vim,  
 si in tela aut latronum, aut inimicorum incidis-  
 set; omnis honesta ratio esset expediendæ salu-  
 tis. *Silent enim leges inter arma*, nec se exspe- 35  
 ctari jubent, cum ei, qui expectare velit, antè  
 injusta

# PRO T. ANNIO MILONE. 197

injusta poena luenda sit, quàm justa repetenda. Et si persapienter, & quodammodo tacite, dat ipsa lex potestatem defendendi, quæ non modo hominem occidi, sed esse cum telo hominis occidendi causâ vetat: ut, cùm causâ non telum quæreretur, qui sui defendendi causâ, telo esset usus, non hominis occidendi causâ, habuisse telum, judicaretur. Quapropter hoc maneat in causâ, judices. Non enim dubito, quin probaturus sim vobis defensionem meam, si id meminertis, quod oblivisci non potestis, insidiatorem jure interfici posse. Sequitur istud, quod à Milonis inimicis sæpissimè dicitur, eadem, quâ P. Clodius occisus est, Senatum judicasse contra rem publicam esse factam. Illam verò Senatus non sententiis suis solum, sed etiam studiis comprobavit. Quoties enim est illa causâ à nobis acta in Senatu? quibus assensionibus universi ordinis? quàm nec tacitis, nec occultis? Quando enim frequentissimo Senatu quatuor, ad summum quinque, sunt inventi, qui Milonis causam non probarent? declarant hujus ambusti tribuni plebis illæ intermurtæ conciones, quibus quotidie meam potentiam invidiosè criminabatur, cum diceret, Senatum non quod sentiret, sed quod ego vellem, decernere. Quæ quidem si potentia est appellanda potius, quam propter magna in rem publicam merita, mediocris in bonis causis auctoritas, aut propter officiosos labores meos non nulla apud bonos gratia; appelletur ita sanè, dummodo eâ nos utamur pro salute bonorum contra amentiam perditorum. Hanc verò quæstionem, etsi non est iniqua, nunquam tamen Senatus constituendam putavit: erant enim leges, erant quæstiones, vel de eade, vel de vi: nec tantum moerorem ac luctum Senatui mors P. Clo-

dli afferebat, ut nova quæstio constitueretur. Cujus enim Senatui de illo incesto stupro iudicium decernendi potestas esset erepta; de ejus interitu, quis potest credere Senarum iudicium novum constituendum putasse? Cur igitur incendium curiæ, oppugnationem ædium M. Lepidi, eadem hanc ipsam, contra rempublicam Senatus factam esse decrevit? quia nulla vis unquam est in liberâ civitate suscepta inter cives non contra rempublicam. Non enim est ulla defensio contra vim unquam optanda; sed nonnunquam est necessaria. Nisi verò aut ille dies, in quo Tib. Gracchus est cæsus, aut ille quo Cajus, aut quo arma Saturnini oppressa sunt, etiamsi è republicâ, rempublicam tamen non vulnerârunt. Itaque ego ipse decrevi, cùm eadem in Appiâ factam esse constaret, non eum qui se defendisset, contra rempublicam fecisse: sed, cùm inesset in re vis, & insidiæ, crimen iudicio reservavi, rem notavi. Quod si per furiosum illum tribunum Senatui, quod sentiebat, perficere licuisset: novam quæstionem nunc nullam haberemus. Decernebat enim, ut veteribus legibus tantummodo extra ordinem quæreretur. Divisa sententia, est, postulante nescio quo. Nihil enim necesse est omnium flagitia proferre: sic reliqua auctoritas Senatûs, emptâ intercessione, sublata est. At enim Cn. Pompeius rogatione suâ & de re, & de causâ iudicavit. Tulit enim de cæde, quæ in Appiâ viâ facta esset, in quâ P. Clodius occisus fuit. Quid ergo tulit? nempe, ut quæreretur. Quid porrò quærendum est; factumne sit? at constat. A quo? at patet: videt etiam in confessione facti, juris tamen defensionem suscipi posse: quod nisi vidisset, posse absolvi eum qui fateretur, cùm videret nos fateri, neque quæri unquam

unquam jussisset, nec vobis tam salutarem hanc  
 in judicando literam, quam illam tristem, de-  
 disse. Mihi verò Cn. Pomp. non modò nihil  
 gravius contra Milonem judicasse, sed etiam sta-  
 5 tuisse videtur, quid vos in judicando spectare  
 oportet. Nam qui non pœnam confessioni, sed  
 defensionem dedit, is causam interitûs quæren-  
 dam, non interitum putavit. Jam illud dicer  
 ipse professò, quod suâ sponte fecit P. ne Clo-  
 10 dio tribuendum putet, an tempori. Domi suæ  
 nobilissimus vir, Senatûs propugnator, atque  
 illis quidem temporibus penè patronus, avuncu-  
 lus hujus nostri judicis, fortissimi viri, M. Caro-  
 nis, tribunus plebis M. Drusus occisus est. Nihil  
 15 de ejus morte populus consultus, nulla quæstio  
 decreta à Senatu est. Quantum luctum in hac  
 urbe fuisse à nostris patribus accepimus, cum P.  
 Africano domi suæ quiescenti illa nocturna vis  
 esset illata? quis tum non gemit? quis non  
 20 arsit dolore? quem immortalem, si fieri pos-  
 set, omnes esse cuperent, ejus nè necessariam qui-  
 dem exspectatam esse mortem? num igitur illa  
 quæstio de Africani morte lata est? certè nulla.  
 Quid ita? quia non alio facinore clari homines,  
 25 alio obscuro necantur, intersit inter vitæ digni-  
 tatem summorum, atque infimorum: mors qui-  
 dem illata per scelus iisdem pœnis teneatur &  
 legibus, nisi fortè magis erat parricida, si quis  
 Consularem patrem, quam si quis humilem ne-  
 30 verit; aut eò mors atrocior erit P. Clodii, quòd  
 is in monumentis majorum suorum sit interfectus.  
 Hoc enim sæpe ab istis dicitur: perinde quasi  
 Appius ille Cæcus viam munierit, non quâ po-  
 pulus uteretur, sed ubi impunè sui posteri latro-  
 35 cinarentur. Itaque in eadem istâ Appiâ viâ cum  
 ornatissimum equitem Romanum, M. Papirium  
 occidisset,

occidisset, non fuit illud facinus puniendum. Homo enim nobilis in suis monumentis equitem Romanum occiderat. Nunc ejusdem Appiæ nomen quantas tragœdias excitat? quæ cruentata antea cæde honesti atque innocentis viri fitebatur, eadem nunc crebrò usurpatur, posteaquam latronis & parricidæ sanguine imbuta est. Sed quid ego illa commemoro? comprehensus est in templo Castoris servus P. Clodii, quem ille ad Cn. Pompeium interficiendum collocaret. Extorta est confitendi sica de manibus. Caruit foro postea Pompeius, caruit Senatu, caruit publico: januâ se, ac parietibus, non jure legum judiciorumque texit. Num quæ rogatio lata? num quæ nova quæstio decreta est? atqui, si res, si vir, si tempus ullum dignum fuit, certè hæc in illâ causâ summa omnia fuerunt: insidiator erat in foro collocatus, atque in vestibulo ipso Senatûs: ei viro autem mors parabatur, cujus in vitâ mitebatur salus civitatis: eo porrò reipublicæ tempore, quo si unus ille occidisset, non hæc solum civitas, sed gentes omnes concidissent. Nisi fortè, quia perfecta res non est, non fuit punienda. Perinde quasi exitus rerum, non hominum consilia legibus vindicentur. Minus dolendum fuit, re non perfecta; sed puniendum certè nihilominus. Quoties ipse, judices, ex P. Clodii telis, & ex cruentis ejus manibus effugi; ex quibus si me non mea vel reipublicæ fortuna servâisset, qui tandem de interitu meo quæstionem tulisset? Sed stulti sumus, qui Drusum, qui Africanum, Pompeium, nosmetipsos, cum P. Clodio conferre audeamus. Tolerabilia fuerunt illa. P. Clodii mortem æquo animo nemo ferre potest: luget Senatus: moeret equester ordo: tota civitas confecta senio est: squalent municipia: affligantur coloniæ, agri denique

PRO T. ANNIO MILONE. 201

nique ipsi tam beneficum, tam salutarem, tam  
mansuetum civem desiderant. Non fuit ea profe-  
cto causa, iudices, non fuit, cur sibi censeret  
5 Pompeius quæstionem ferendam: sed homo sa-  
piens, & altâ quâdam mente præditus, multa vidit:  
fuisse sibi illum inimicum, familiarem Milonem: in  
communi omnium lætitiâ, si etiam ipse gauderet,  
timuit, nè videretur infirmior fides reconciliatæ  
10 gratiæ. Multa etiam alia vidit. Sed illud maximè,  
quamvis atrociter ipse tulisset, vos tamen forti-  
ter iudicatuuros. Itaque delegit è florentissimis  
ordinibus ipsa lumina: neque verò, quod nonnulli  
didicant, secrevit in iudicibus legendis amicos  
15 meos. Neque enim hoc cogitavit vir fortissimus,  
neque in bonis viris legendis id assequi potuisset,  
etiâsi cupisset. Non enim mea gratia familia-  
ritatibus contineretur, quæ latè patere non pos-  
sunt, propterea, quod consuetudines victûs non pos-  
20 sunt esse cum multis: sed, si quid possumus, ex  
eo possumus, quod respublica nos conjunxit cum  
multis, ex quibus ille cum optimos viros legeret,  
idque maximè ad fidem suam pertinere arbitra-  
retur, non potuit legere non studiosos mei. Quod  
25 verò te, Cn. Domiti, huic quæstioni præesse ma-  
ximè voluit, nihil quæsit aliud, nisi iusticiam,  
gravitatem, humanitatem, fidem. Tulit, ut con-  
sulare necesse esset: credo, quod principum  
manus esse ducebat, resistere & levitati multitu-  
30 dinis, & perditorum temeritati. Ex Consulari-  
bus te creavit potissimum. Dederas enim, quàm  
contemneres populares insanias, jam ab adole-  
scentiâ documenta maxima. Quamobrem, iudi-  
ces, (ut aliquando ad causam crimenque venia-  
mus) si neque omnis confessio facti est inusitata;  
35 neque de causâ quidquam nostrâ aliter ac nos  
vellemus, à Senatu iudicatum est; & lato ipse  
legis,



legis, cum esset controversia nulla facti, juris ta-  
 men disceptationem esse voluit; & electi iudices,  
 & isti prepositus quaestioni, qui hac iuste sapi-  
 enterque disceptet: reliquum est, iudices, ut ni-  
 hil jam aliud quaerere debeatis, nisi uter utri  
 insidias fecerit: quod quò facilius argumentis  
 perspicere possitis, rem gestam vobis dum brevi-  
 ter expono, quaeso diligenter attendite. P. Clo-  
 dius cum statuisset omni scelere in praetura vexare  
 rempubl. videretque ita tracta esse comitia anno  
 superiore, ut non multos menses praeturam gerere  
 posset: qui non honoris gradum spectaret, ut  
 ceteri, sed & L. Paulum collegam effugere vellet,  
 singulari virtute civem, & annum integrum ad  
 dilacerandam remp. quaereret: subito reliquit  
 annum suum, seque in annum proximum transu-  
 lit, non religione aliqua, sed ut haberet, quod  
 ipse dicebat ad praeturam gerendam, hoc est, ad  
 evertendam rempublicam, plenum annum, atque  
 integrum. Occurrebat, maneam, ac debilem  
 praeturam suam futuram, Consule Milone: cum  
 porro summo consensu populi Romani Consulem  
 fieri videbat. Contulit se ad ejus competitores,  
 sed ita totum ut petitionem ipse solus etiam, in-  
 vitis illis gubernaret. Totam ut comitia suis, ut  
 dictitabat, humeris sustineret, convocabat tribus:  
 se interponebat: coloniam novam, delectum per-  
 ditissimorum scribebat civium. Quanto ille plu-  
 ra miscebat, tanto hic magis indies convalescebat.  
 Ubi vidit homo ad omne facinus paratissimus for-  
 tissimum virum, inimicissimum suum, certissimum  
 Consulem, idque intellexit, non solum sermoni-  
 bus, sed etiam suffragiis populi Romani saepe esse  
 declaratum: palam agere coepit, & aperte dice-  
 re occidendum Milonem. Servos agrestes, &  
 barbaros, quibus silvas publicas depopulatus erat,

Erru-



# PRO T. ANNIO MILONE. 203

Etruriamque vexarat, ex Apennino deduxerat, quos videbatis. Res erat minimè obscura. Etenim palam dictitabat, Consulatum Miloni eripi non posse, vitam posse. Significavit hoc saepe in  
 5 Senatu, dixit in concione. Quin etiam Favonio forrissimo viro, quærenti ex eo, quâ spe fureretur Milone vivo: respondit, triduo illum, ad summum quatrduo, periturum. Quam vocem ejus ad hunc M. Catonem statim Favonius detulit. Interim cum sciret Clodius, (neque enim erat difficile scire) iter solemne, legitimum, necessarium,  
 10 ante diem XIII. Cal. Feb. Miloni esse Lanuvium ad flaminem prodendum, quod erat dictator Lanuvii Milo: Româ subito ipse profectus pridie  
 15 est, ut ante suum fundum (quod re intellectum est) Miloni insidias collocaret, atque ita profectus est, ut concionem turbulentam, in quâ ejus furor desideratus est, quæ illo ipso die habita est, relinqueret: quam, nisi obire facinoris locum  
 20 tempusque voluisset, nunquam reliquisset. Milo autem cum in Senatu fuisset eo die, quoad Senatus dimissus est, domum venit: calceos & vestimenta mutavit: paulisper, dum se uxor (ut fit) comparat, commoratus est: deinde profectus est id temporis, cum jam Clodius (siquidem  
 25 eo die Romam venturus erat) redire potuisset. Obviam fit ei Clodius, expeditus in equo, nullâ rhedâ, nullis impedimentis, nullis. Græcis comitibus ut solebat, sine uxore, quod nunquam ferè:  
 30 cum hic infidiator, qui iter illud ad eadem faciendam apparasset, cum uxore veheretur in rhedâ penulatus, vulgi magno impedimento, ac muliebri & delicato ancillarum puerorumque comitatu. Fit obviam Clodio ante fundum ejus horâ  
 35 ferè undecimâ, aut non multo secus. Statim complures cum telis in hunc faciunt de loco superiore

riore impetum: adversi rhedarium occidunt.  
 Cum autem hic de rhedâ, rejectâ penulâ, defi-  
 luisset, seque acri animo defenderet: illi, qui  
 erant cum Clodio, gladiis eductis, partim recur-  
 rere ad rhedam, ut à tergo Milonem adoriren-  
 tur; partim, quod hunc jam interfectum puta-  
 rent, cadere incipiunt ejus servos, qui post  
 erant: ex quibus qui animo fideli in dominum  
 erant & præsentes fuerunt, partim occisi sunt,  
 partim, cum ad rhedam pugnari viderent, & do-  
 mino succurrere prohiberentur, Milonemque oc-  
 cisum etiam ex ipso Clodio audirent, & ita esse  
 putarent; fecerunt id servi Milonis, (dicam enim  
 non derivandi criminis causâ, sed ut factum est)  
 neque imperante, neque sciente, neque præsente,  
 domino, quod suos quisque servos in tali re face-  
 re voluisset. Hæc, sicut exposui, ita gesta sunt;  
 iudices: insidiator superatus, vi victa vis, vel  
 potius oppressa virtute audacia est: Nihil dico;  
 quid respublica consecuta sit; nihil quid vos,  
 nihil quod omnes boni: nihil sanè id profit Mi-  
 lo, qui hoc fato natus est, ut ne se quidem ser-  
 vare potuerit, quin unâ rempublicam vósque ser-  
 varer. Si id jure non posset, nihil habeo, quod  
 defendam. Sin hoc & ratio doctis, & necessi-  
 tas barbaris, & mos gentibus, & feris natura ipsa  
 præscripsit, ut omnem semper vim, quacunque  
 ope possunt, à corpore, à capite, à vitâ suâ  
 propulsarent: non potestis hoc facinus impro-  
 bum judicare, quin simul judicetis, omnibus, qui  
 in latrones inciderint, aut illorum telis, aut ve-  
 stris sententiis esse percundum. Quod si ita pu-  
 tâsset, certè optabilius Miloni fuit, dare jugu-  
 lum P. Clodio, non semel ab illo, neque tum pri-  
 mum petitum, quàm jugulari à vobis, quia se illi  
 non jugulandum tradidisset. Sin hoc nemo ve-  
 strum

strum ita sentit, illud jam in iudicium venit, non, occisusne sit, quod fatemur; sed jure, an injuria: quod multis antea in causis jam quaesitum est. Insidias factas esse constat: & id est, quod  
5 Senatus contra rempublicam factum esse judicavit: ab utro factae sint, incertum est: de hoc igitur latum est, ut quaereretur. Ita & Senatus rem, non hominem notavit, & Pompeius de jure, non de facto quaestionem tulit: Num quid igitur aliud  
10 in iudicium venit, nisi uter utri insidias fecerit? profecto nihil. Si hic illi, ut ne sit impune: si ille huic, tum nos scelere solvamur. Quonam igitur pacto probari potest, insidias Miloni fecisse Clodium? satis est quidem, in illa tam audaci,  
15 tam nefaria bellum docere, magnam ei causam, magnam spem in Milonis morte propositam, magnas utilitates fuisse. Itaque illud Cassianum, *Cui bono fuerit*, in his personis valeat, etsi boni nullo emolumento impelluntur in fraudem, im-  
20 probi saepe parvo. Atqui, Milone interfecto, Clodius hoc assequebatur, non modo ut praetor esset, non eo Consule, quo sceleris nihil facere potest: sed etiam ut, his Consulibus praetor esset, quibus si non adjuvantibus, at conniventibus certe  
25 sperasset se posse rempublicam eludere in illis suis cogitatis furoribus. Cujus illi conatus, ut ille ratiocinabatur, nec, si euperent, reprimere possent, cum tantum beneficium ei se debere arbitrantur, &, si vellent fortasse, vix possent  
30 frangere hominis sceleratissimi corroboratam jam vetustate audaciam. An vero, iudices, vos soli ignoratis? vos hospites in hac urbe versamini? vestrae peregrinantur aures? neque in hoc pervagato civitatis sermone versantur, quas ille le-  
35 ges (si leges nominandae sunt, ac non faces urbis, & pestes reipublicae) fuerit impositurus nobis omnibus

omnibus, atque iniustus? Exhibe quæso, Sexte  
 Clodi, exhibe librarium illud legum vestrarum,  
 qui te ajunt eripuisse è domo, & ex mediis ar-  
 mis turbæque nocturnâ, tanquam Palladium su-  
 stulisse, ut preclarum inde munus, atque instru- 5  
 mentum tribunatûs ad aliquem, si nactus esses, qui  
 tuo arbitrio tribunatum gereret, deferre posses.  
 Et aspexit me quidem illis oculis, quibus tum  
 solebat, cùm omnia omnibus minabatur, movet  
 me quippe lumen curiæ. Quid? tu me iratum, 10  
 Sexte, putas tibi, cujus tu inimicissimum multò  
 crudeliùs etiam punitus es, quam erat humani-  
 tatis meæ postulare? Tu P. Clodii cruentum ca-  
 daver ejecisti domo: tu in publicum ejecisti: tu  
 spoliatum imaginibus, exequiis, pompâ, lauda- 15  
 tione, infelicissimis lignis semiustulatum nocturnis  
 catibus dilaniandum reliquisti. Quam rem etsi  
 necessariò fecisti; tamen quoniam in meo inimi-  
 co crudelitatem exprompsisti tuam, laudare non  
 possum, irasci certè non debeo: P. Clodii prætu- 20  
 ram non sine maximo rerum novarum metu pro-  
 poni & solutam esse videbatis: nisi esset is Con-  
 sul, qui eam auderet possetque confringere. Eum  
 Milonem esse cum sentiret universus populus Ro-  
 manus, quis dubitaret suffragio suo, se metu, peri- 25  
 culo rempublicam liberare? At \* non P. Clodio  
 remoto, usitatis jam rebus obnitendum est Miloni,  
 ut tueatur dignitatem suam. Singularis illa huic  
 una concessa gloria, quæ quotidie augebatur, fran-  
 gendis furoribus Clodianis, jam morte Clodii 30  
 cecidit: vos adepti estis, nè quem civem metue-  
 retis: hic exercitationem virtutis, suffragatio-  
 nem Consulatus, fontem perennem gloriæ suæ  
 perdidit. Itaque Milonis Consulatus, qui, vivo  
 Clodio, labefactari non poterat, mortuò denique 35  
 tentari cœptus est. Non modò igitur nihil pro-  
 dest,

PRO T. ANNIO MILONE. 207

dest, sed obest etiam P. Clodii mors Miloni. At  
 valuit odium: fecit iratus, fecit inimicus, fecit  
 ultor injuriæ, punitor doloris sui. Quid, si hæc,  
 non dico majora fuerunt in Clodio, quam in Mi-  
 5 lone; sed in illo maxima, nulla in hoc? quid  
 vultis amplius? quid enim odisset Clodium Milo,  
 segetem ac materiem suæ gloriæ, præter hoc civi-  
 le odium, quo omnes improbos odimus? ille erat  
 ut odisset primum defensorem salutis meæ, de-  
 10 inde vexatorem furoris, domitorem armorum suo-  
 rum: postremò etiam accusatorem suum: reus  
 enim Milonis lege Plurius fuit Clodius, quoad vixit.  
 Quo tandem animo hoc tyrannum tulisse credi-  
 tis? quantum odium ipsius, & in homine injusto,  
 15 quàm etiam justum esse? Reliquum est, ut jam  
 illum natura ipsius consuetudòq; defendant: hunc  
 autem hæc eadem coarguant. Nihil per vim un-  
 quam Clodius, omnia per vim Milo. Quid ergò?  
 judices? cum moerentibus vobis urbe cessi, judi-  
 20 ciumne, non servos, non arma, non vim timui?  
 Quæ fuisset igitur causa restituendi mei, nisi fuisset  
 injusta ejiciendi? Diem mihi, credo, dixerat;  
 multam irrogarat? actionem perduellionis intende-  
 rat: & mihi, judices, in causâ aut vestrâ malâ, aut  
 25 meâ nec præclarissimâ, etiam judicium timendum  
 fuit? servorum, & egentium civium, facineroso-  
 rum armis, meos cives, meis consiliis periculisque  
 servatos pro me objici nolui: Vidi enim, vidi  
 hunc ipsum Q. Hortensium, lumen & ornamentum  
 30 reipublicæ, penè interfici servorum manu, cum  
 mihi adesset: quâ in turbâ C. Vibienus Senator,  
 vir optimus, cum hoc cum esset unâ, ita est mul-  
 tatus, ut vitam amiserit. Itaque, quando illius  
 postea fida illa, quam à Catilinâ acceperat, con-  
 35 quievit? hæc intentata nobis est: huic ego vos  
 objici pro me non sum passus; hæc insidiata Pom-  
 peio

peio est: hæc istam Appiam viam monumentum  
 sui nominis nece Papirii cruentavit: hæc eadem  
 longo intervallo conversa rursus est in me: nuper  
 quidem, ut scitis, me ad regiam panè consecit.  
 Quid simile Milonis? cujus vis omnis hæc semper  
 fuit, nè P. Clodius, cùm in iudicium detrahi non  
 posset, vi oppressam civitatem teneret. Quem si  
 interficere voluisset, quantæ, quoties occasiones,  
 quàm præclaræ fuerunt? potuítne, cùm domum,  
 ac deos penates suos, illo oppugnante, defende-  
 ret, jure se ulcisci? potuítne, cive egregio & viro  
 fortissimo P. Sextio collegâ suo vulnerato? potu-  
 ítne Q. Fabricio viro optimo, cùm de reditu meo  
 legem ferret, pulso crudelissimâ in foro cade  
 factâ? potuítne L. Cæcilii justissimi fortissimique  
 prætoris oppugnatâ domo? potuítne illo die,  
 cùm est lata lex de me; cùm totius Italiæ con-  
 cursus, quem mea salus concitârat, facti illius  
 gloriam libens agnovisset, ut, etiam si id Milo  
 fecisset, cuncta civitas eam laudem pro suâ vendi-  
 caret? Atqui erat id temporis clarissimus & for-  
 tissimus Consul inimicus Clodio, P. Lentulus ultor  
 sceleris illius, propugnator Senatus, defensor ve-  
 stræ voluntatis, patronus illius publici consensûs,  
 restitutor salutis meæ; septem prætores, octo  
 tribuni plebis, illius adversarii, defensores mei:  
 Cn. Pompeius auctor & dux mei teditûs, illius  
 hostis cujus sententiam Senatus omnis de salute  
 meâ gravissimam & ornatissimam secutus est:  
 qui populum Romanum cohortatus est: qui cùm  
 de me decretum Capuæ fecisset, ipse cunctæ  
 Italiæ cupienti, & ejus fidem imploranti, signum  
 dedit, ut ad me restituendum Romam concurre-  
 rent: omnia tum denique in illum odia civium  
 ardebant desiderio mei: quem qui tum intere-  
 misser, non de impanitate ejus, sed de præmiis  
 cogi-



PRO T. ANNIO MILONE. 209

cogitaretur. Tamen se Milo continuit, & P. Clodium ad iudicium bis, ad vim nunquam vocavit. Quid, Privato Milone, & reo ad populum, accusante P. Clodio, cum in Cn. Pompeium pro Milone dicentem impetus factus est, quæ tum non modò occasio, sed etiam causa illius opprimendi fuit? Nuper verò, cum M. Antonius summam spem salutis bonis omnibus attulisset, gravissimamque adolescens nobilissimus reipublicæ partem fortissimè suscipisset, atque illam belluam iudicii laqueos declinantem jam irretitam teneret: qui locus, quod tempus illud, dii immortales, fuit? cum se ille fugiens in scalarum tenebris abdideret? magnum Miloni fuit conficere illam pestem nullâ suâ invidiâ, Antonii verò maximâ gloriâ? Quid? comitiis in campo quoties potestas fuit? cum ille vi in septa irruisset, gladios distringendos, lapides jaciendos curasset, deinde subito, vultu Milonis perterritus, fugeret ad Tiberim, vos & omnes boni vota faceretis ut Miloni uti virtute suâ liceret? Quem igitur cum omnium gratiâ noluit, hunc voluit cum aliquorum querelâ? quem jure, quem loco, quem tempore, quem impunè non est ausus: hunc injuriâ, iniquo loco, alieno tempore, periculo capitis non dubitavit occidere? præsertim, iudices, cum honoris amplissimi contentio & dies comitiorum subesset: quo quidem tempore (scio enim quam timida sit ambitio, quantaque & quam sollicita cupiditas Consulatus) omnia non modò, quæ reprehendi palàm, sed etiam quæ obscurè cogitari possunt, timemus: rumorem, fabulam fictam, falsam perhorrescimus: ora omnium atque oculos intuemur. Nihil enim est tam molle, tam tenerum, tam aut fragile, aut flexibile, quam voluntas erga nos sensusque civium; qui non modò improbitati irascuntur candidatorum,



datorum, sed etiam in rectè factis sæpe fastidiunt. Hunc diem igitur campi speratum atque exoptatum sibi proponens Milo, cruentis manibus scelus & facinus præ se ferens, & confitens ad illa augusta centuriarum auspicia veniebat? quam hoc non erodibile in hoc? quam idem in Clodio non dubitandum, quin ille se, interfecto Milone, regnaturum putaret? Quid? quod caput audaciæ est, iudices: quis ignorat, *Maximam illecebram esse peccandi impunitatis spem?* in utro igitur hæc fuit? in Milone, qui etiam nunc reus est facti aut præclari, aut certè necessarii? an in Clodio, qui ita iudicia poenamque contempserat, ut um nihil delectaret, quod aut per naturam fas esset, aut per leges liceret? Sed quid ego argumentor? quid plura disputo? te, Q. Petilli, appello optimum, & fortissimum civem: te, M. Cato, testor: quos mihi divina quædam fors dedit iudices: vos ex M. Favonio audistis, Clodium sibi dixisse, & audistis, vivo Clodio, periturum Milonem triduo: post diem tertium gesta res est, quam dixerat. Cùm ille non dubitaret aperire quid cogitaret; vos potestis dubitare quid fecerit? Quemadmodum igitur eum dies non fefellit? dixi equidem modò. Dictatoris Lanuvini statuta sacrificia nòsse, negotii nihil erat: vidit necesse esse Miloni proficisci Lanuvium illo ipso, quo profectus est, die. Itaque antevercit: at quo die? quo ut antè dixi, infanissima concio ab ipsius mercenario tribuno plebis est concitata: quem diem ille, quam concionem, quos clamores, nisi ad cogitatum facinus appropinquaret, nunquam reliquisset. Ergò illi ne causa quidem itineris, etiam causa manendi: Miloni nulla facultas manendi, exeundi non causa solum, sed etiam necessitas fuit. Quid, si, ut ille scivit, Milonem fore eò die in viâ, sic Clodium Milo nè suspicari quidem potuit. Primum

PRO T. ANNIO MILONE. 211

mum quæro, qui scire potuerit? quod vos idem in Clodio quærere non potuistis. Ut enim neminem alium, nisi T. Patinam familiarissimum suum rogasset? scire potuit illo ipso die Lanuvii à dictatore Milone prodi flaminem necesse esse: sed erant permulti alii, ex quibus id facillimè scire posset: omnes scilicet Lanuvini. Milo de Clodii reditu unde quæsit? quæsierit sane. Videte quid vobis largiar. Servum etiam, ut Arrius meus amicus dixit, corruerit. Legite testimonia testium vestrorum dixit. C. Cassinius, cognomento Scola, Interamnis, familiaris meus & idem comes P. Clodii; cuius jam pridem testimonio Clodius eadem horâ Interamnæ fuerat & Romæ, P. Clodium illo die in Albano mansurum fuisse: sed subito ei esse nunciatum, Cyrum architectum esse mortuum. Itaque Romam repente constituisse proficisci. Dixit hoc comes item P. Clodii, C. Clodius. Videte, iudices, quantæ res his testimoniis sint confectæ. Primum certè liberatur Milo: non eo consilio profectus est, ut insidiaretur in viâ Clodio, quippe qui ei obuius futurus omninò non erat. Deinde (non enim video, cur non meum quoque agam negotium) scitis, iudices, fuisse qui in hac rogatione suadendâ dicerent, Milonis manu eadem esse factam consilio verò majoris alicujus. Videlicet me latronem ac sicarium abjecti hominis & perditum describebant. Jacent suis testibus ii, qui Clodium negant eo die Romam, nisi de Cyro auditum esset, reditum fuisse. Respiravi: liberatus sum: non vereor, nè, quod nè suspicari quidem potuerim, videor id cogitasse. Nunc persequar cætera. Nam occurrerit illud: nè Clodius quidem de insidiis cogitavit, quoniam fuit in Albano mansurus, siquidem exiturus ad eadem è villâ non fuisset. Video enim

enim illum, qui dicitur de Cyri morte nunciâsse,  
 non id nunciâsse, sed Milonem appropinquare.  
 Nam quid de Cyro nunciâret, quem Clodius Ro-  
 mâ proficiscens reliquerat morientem? Unâ fui,  
 testamentum simul obsignavi cum Clodio, testa-  
 mentum autem palâm fecerat, & illum hæredem  
 & me scripserat. Quem pridie horâ tertiâ ani-  
 mam efflantem reliquisset, cum mortuum postri-  
 die horâ decimâ denique ei nunciabatur? Age sit  
 itâ factum: quæ causa, cur Romam properaret?  
 cur in noctem se conjiceret? quid afferebat festi-  
 nationem? quod hæres erat? primum erat nihil  
 cur properato opus esset: deinde si quid esset,  
 quid tandem erat, quod eâ nocte consequi pos-  
 set, amitteret autem si postridie manè Romam  
 venisset? atque ut illi nocturnus ad urbem ad-  
 ventus vitandus potius, quàm expetendus fuit:  
 sic Miloni, cùm insidiator esset, si illum ad urbem  
 noctu accessurum sciëbat, subsistendum, atque  
 expectandum fuit noctu, invidioso & pleno la-  
 tronum in loco occidisset: nemo ei neganti non  
 credidisset: quem esse omnes saluum etiam con-  
 fitentem volunt. Sustinisset hoc crimen pri-  
 mum ipse ille latronum occultator & receptator  
 locus, dum neque muta solitudo indicâisset, ne-  
 que cæca nox ostendisset Milonem: deinde ubi  
 multi ab illo violati, spoliati, bonis expulsi, multi  
 etiam hæc timentes in suspicionem caderent:  
 tota denique rea citaretur Etruria. Atque illo die  
 certè Ariciâ rediens divertit Clodius ad Alba-  
 num. Quod nisi sciret illum Milo Ariciæ fuise,  
 suspicari tamen debuit, eum etiamsi Romam  
 illo die reverti vellet, ad villam suam, quæ viam  
 tangeret, diversurum. Cur neque antè occurrit  
 nè in villâ resideret; nec eo in loco subsedit,  
 quo ille noctu venturus esset; video adhuc  
 constare

PRO T. ANNIO MILONE. 213

constare omnia, judices: Miloni etiam utile fuisse Clodium vivere; illi ad ea quæ concupierat, optatissimum interitum Milonis fuisse: odium fuisse illius in hunc acerbissimum; in illum hujus  
5 nullum: consuetudinem illius perpetuam in vi inferendâ; hujus tantum in repellendâ: mortem ab illo denunciatam palam Miloni, & prædicatam; nihil unquam auditum ex Milone: profectio-  
10 nis hujus diem illi notum; reditum illius huic ignotum fuisse: hujus iter necessarium; illius etiam potius alienum: hunc præ se tulisse illo die Româ exiturum; illum eo die se dissimulasse rediturum: hunc nullius rei mutasse consilium; illum causam mutandi consilii finxisse; huic si  
15 insidiaretur, nocte propè urbem exspectandum; illi, etiam si hunc non timeret, tamen accessum ad urbem nocturnum fuisse metuendum. Videamus nunc id, quod caput est: locus ad insidias ille ipse, ubi congressi sunt, utri tandem fuerit  
20 aprior. Id verò, judices, etiam dubitandum, & diutius cogitandum est? ante fundum Clodii: quo in fundo propter insanas illas substructiones, facile mille hominum versabatur valentium. Atqui excelso loco superiorem se fore putabat  
25 Milo, & ob eam causam eum locum ad pugnam potissimum delegerat. At in eo loco est potius exspectatus ab eo, qui ipsius loci spe facere impetum cogitârat? Res loquitur, judices, ipsa; quæ semper valet plurimum. Si hæc non gesta audiretis, sed picta videretis; tamen appareret, uter esset  
30 insidiator, uter nihil cogitaret mali, cum alter veheretur in rhedâ penulatus, unâ sederet uxor. Quid horum non impedivissimum? vestitus, an vehiculum, an comes? quid minus promptum ad  
35 pugnam? cum penulâ irretitus, rhedâ impeditus, uxore penè constrictus esset. Videte nunc  
K illum

illum primum egredientem è villâ subito. Cur  
vesperi? quid necesse est tardè? qui convenit  
præsertim id temporis? Divertit in villam Pom-  
peii. Pompeium ut videret? sciebat in Alsiensi  
esse procul inde. Villam ut perspiceret? millies 5  
in eâ fuerat. Quid ergo erat moræ & tergiversa-  
tionis? dum hic veniret, locum relinquere noluit.  
Age: nunc iter expediti latronis cum Milonis  
impedimentis comparate. Semper ille antea cum  
uxore, tum sine eâ; nunquam non in rhedâ, 10  
tum in equo: comites Græculi, quocunque ibat,  
etiam cum in castra Etrusca properabat: tum  
nugarum in comitatu nihil. Milo, qui nunquam,  
tum casu pueros symphoniacos uxoris ducebat,  
& ancillarum greges. Ille; qui semper secum 15  
scorta, semper exoletos, semper lupas ducebat,  
tum neminem, nisi ut virum à viro lectum esse  
diceres. Cur igitur victus est? quia non semper  
viator à latrone, nonnunquam etiam latro à via-  
tore occiditur; quia quanquam paratus in impa- 20  
ratos, Clodius tamen mulier inciderat in viros.  
Nec verò sic erat unquam non paratus Milo con-  
tra illum; ut non satis ferè esset paratus. Sem-  
per ille, & quantum interesset P. Clodii se peri-  
re, & quanto illi odio esset, & quantum ille aude- 25  
ret, cogitabat. Quamobrem vitam suam, quàm  
maximis præmiis propositam, & pænè addictam  
sciebat, nunquam in periculum sine præsidio &  
sine custodiâ projiciebat. Adde casus, adde in-  
certos exitus pugnarum, Martemque communem: 30  
qui sæpe spoliantem jam & exultantem evertit &  
perculit ab abjecto. Adde inscitiam pransi, po-  
ti, oscitantis ducis: qui cum à tergo hostem in-  
terclusum reliquisset, nihil de ejus extremis co-  
mitibus cogitavit: in quos incensos irâ, vitamque 35  
domini desperantes, cum incidisset, hæsit in his  
pœnis

PRO T. ANNIO MILONE. 215

poenis, quas ab eo servi fideles pro domini vitâ  
 experiverunt. Car igitur eos manumisit? metu-  
 ebat scilicet, nè indicaretur, nè dolorem perferre  
 non possent; nè tormentis cogerentur, occisum  
 esse à servis Milonis in Appiâ viâ P. Clodium,  
 5 confiteri. Quid opus est tortore? quid quæris?  
 occideritne? occidit. Jure, an injuriâ? nihil ad  
 tortorem. Facti enim in eculeo quæstio est, ju-  
 ris in judicio. Quid igitur in causâ quærendum  
 10 est, id agamus: hoc quod tormentis invenire vis,  
 id fatemur. Manu verò cur miserit, si id po-  
 tiùs quæris, quàm cur parùm amplis afficeret præ-  
 miis: nescis inimici factum reprehendere. Dixit  
 enim hic idem, qui omnia semper constanter &  
 15 fortiter, M. Cato; dixitque in turbulenâ concio-  
 ne, quæ tamen hujus auctoritate placata est non  
 libertate solùm, sed etiam omnibus præmiis di-  
 gnissimos fuisse, qui domini caput defendissent.  
 Quod enim præmium satis magnum est tam bene-  
 20 volis, tam bonis, tam fidelibus servis, propter  
 quos vivit? etsi id quidem non tanti est, quàm  
 quod propter eosdem, non sanguine & vulneri-  
 bus suis crudelissimi inimici mentem oculosque  
 25 satiavit. Quos nisi manumisisset, tormentis etiam  
 dedendi fuissent conservatores domini, ultores  
 sceleris, defensores necis? Hic verò nihil habet  
 in his malis quod minùs molestè ferat, quàm,  
 etiamsi quid ipsi accidat, esse tamen illis meritum  
 præmium persolutum. Sed quæstiones urgent  
 30 Milonem? quæ sunt habitæ nunc in atrio Liberta-  
 tis? quibusnam de servis? rogas? de P. Clodii.  
 Quis eos postulavit? Appius. Quis produxit?  
 Appius. Unde? ab Appio. Dii boni, quid  
 potest agi severiùs? de servis nulla quæstio est in  
 35 dominum nisi de incestu, ut fuit in Clodium.  
 Proximè \* deos accessit Clodius, propiùs quàm

tum, cùm ad ipsos penetrarât, cujus de morte  
 tanquam de ceremoniis violatis quæritur. Sed  
 tamen majores nostri in dominum de servo quæri  
 noluerunt, non quia non posset verum inveniri,  
 sed quia videbatur indignum esse, & domini mor- 5  
 te ipsâ tristius. In reum de servis accusatoris  
 cùm quæritur, verum inveniri potest? Age verò,  
 quæ erat aut qualis quæstio? Heus, \* ubi Ruscio,  
 ubi Casca? Clodius insidias fecit Miloni? Fecit:  
 certa crux: Nullas fecit: sperata libertas. Quid 10  
 hac quæstione certius? subito arrepti in quæstio-  
 nem, tamèn separantur à cæteris, & in arcas con-  
 jiciuntur, ne quis cum iis colloqui possit. Hi cen-  
 tum dies penès accusatorem cùm fuissent, ab eo  
 ipso accusatore producti sunt. Quid hac quæ- 15  
 stione dici potest integrùs? quid incorruptùs?  
 Quod si nondum satis cernitis, cùm res ipsa tot  
 tam claris argumentis signisque luceat, purâ  
 mente atque integrâ Milonem, nullo scelere im-  
 butum, nullo metu perterritum, nullâ conscien- 20  
 tiâ exanimatum, Romam revertisse: recordamini,  
 per deos immortales, quæ fuerit celeritas reditùs  
 ejus! qui ingressus in forum, ardente curiâ? quæ  
 magnitudo animi? qui vultus? quæ oratio? Ne-  
 que verò se populo solum, sed etiam Senatui tra- 25  
 didit: neque Senatui modò, sed etiam publicis  
 præfidiis & armis: neque his tantum, verum eti-  
 am ejus potestati, cui Senatus totam rempublicam,  
 omnem Italiæ pubem, cuncta populi Romani ar-  
 ma commiserat. Cui se nunquam profectò tra- 30  
 didisset, nisi causæ suæ confideret; præsertim  
 omnia audienti, magna metuenti, multa suspican-  
 ti, nonnulla tredenti. Magna vis est consci-  
 entię, judices, & magna in utramque partem: ut  
 neque timeant, qui nihil commiserint; & pœ- 35  
 nam semper ante oculos versari putent, qui pec-  
 cârint.



PRO T. ANNIO MILONE. 217

cârint. Neque verò sine ratione certâ, causa  
 Milonis semper à Senatu probata est. Videbant  
 enim sapientissimi homines facti rationem, præ-  
 sentiam animi, defensionis constantiam. An ve-  
 5 rô obliti estis, judices, recenti illo nuncio necis  
 Clodianæ, non modò inimicorum Milonis sermo-  
 nes, & opiniones, sed nonnullorum etiam impe-  
 ritorum, qui negabant eum Romam esse reditu-  
 rum? Sive enim illud animo irato ac percito fe-  
 10 cisset, ut incensûs odio trucidaret inimicum, ar-  
 bitrabantur eum tanti mortem P. Clodii putâsse,  
 ut æquo animo patriâ careret, cum sanguine ini-  
 mici explêssset odium suum: sive etiam illius mor-  
 te patriam liberare voluisset; non dubitaturum  
 15 fortem virum, quin, cùm suo periculo salutem  
 reipublicæ attulisset, cederet æquo animo legi-  
 bus, secum auferret gloriam sempiternam, nobis  
 hæc fruenda relinqueret, quæ ipse servâssset. Mul-  
 ti etiam Catilinam atque illa portenta loqueban-  
 20 tur; *Erumperet*, occupabit aliquem locum, bel-  
 lum patriæ faciet. Miseros interdum cives opti-  
 mè de republicâ meritos, in quibus homines non  
 modò res præclarissimas obliviscuntur, sed etiam  
 nefarias suspiciantur! Ergò illa falsò fuerunt, quæ  
 25 certè vera exstiterent, si Milo admisisset ali-  
 quid, quod non posset honestè verèque defende-  
 re. Quid? quæ postea sunt in eum congesta?  
 quæ quamvis etiam mediocrium delictorum con-  
 scientiam perculisset, ut sustinuit, dii immorta-  
 30 les! sustinuit? immò verò ut contempsit; ac pro  
 nihilo putavit, quæ neque maximo animo nocens,  
 neque innocens, nisi fortissimus vir, negligere  
 potuisset: scutorum, gladiatorum, francorum, spa-  
 rorum, pilorumque etiam multitudo deprehendi  
 35 posse judicabatur: nullum in urbe vicum, nullum  
 angiportum esse dicebant, in quo Miloni non esset.

conducta domus : arma in villam Otriculanam de-  
 vecta Tiberi : domus in clivo Capitolino scutis  
 referta : plena omnia malleolorum ad urbis in-  
 cendia comparatorum. Hæc non delata solùm,  
 sed penè credita : nec ante repudiata sunt, quàm 5  
 quæsita. Laudabam equidem incredibilem dili-  
 gentiam Cn. Pompeii ; sed dicam, ut sentio, ju-  
 dices. Nimis multa audire coguntur, neque ali-  
 ter facere possunt ii, quibus tota commissa est res-  
 publica. Quinetiam audiendus sit Poppa Lici- 10  
 nius nescio quis de Circo maximo ; servos Milonis  
 apud se ebrios factos, sibi confessos esse, de in-  
 terficiendo Cn. Pompeio conjurasse ; deinde post-  
 ea se gladio percussum esse ab uno de illis, nè  
 indicaret. Pompeio in hortis nunciavit. Arcef- 15  
 for in primis. De amicorum sententiâ rem de-  
 fert ad Senatum. Non poteram in illius, mei, pa-  
 trizque custodis tantâ suspicione non metu ex-  
 animari : sed mirabar tamen credi Poppæ, ebrio-  
 sam confessionem fervorum audiri ; vulnus in 20  
 latere, quod acu punctum videretur, pro ictu gla-  
 diatoris putari. Verùm tamen, ut intelligo,  
 cavebat magis Pompeius, quàm timebat, non ea  
 solùm, quæ timenda erant, sed omnia, nè ali-  
 quid vos timeretis. Oppugnata domus C. Cæsa- 25  
 ris, clarissimi & fortissimi viri, per multas no-  
 ctis horas nunciabatur : nemo audierat tam cele-  
 bri loco, nemo senserat : tamen audiebatur. Non  
 poteram Cn. Pompeium præstantissimâ virtute  
 civem timidum suspicari : diligentiam totâ re- 30  
 publicâ susceptâ, nimiam nullam putabam. Frequen-  
 tissimo Senatu nuper in Capitolio Senator inven-  
 tus est, qui Milonem cum telo esse diceret. Nuda-  
 vit se in sanctissimo templo, quoniam vita talis &  
 civis, & viri, fidem non faciebat, nisi eo tacente, 35  
 res ipsa loqueretur. Omnia falsa, atque insidiosè  
 ficta

PRO T. ANNIO MILONE. 219

fista comperta sunt. Quod si tamen metuitur etiam nunc Milo, non hoc jam Clodianum crimen timemus, sed tuas, Cn. Pompei (te enim jam appello eâ voce, ut me audire possis) tuas, tuas, 5 inquam suspensiones perhorrescimus. Si Milonem times, si hunc de tuâ vitâ nefariè aut nunc cogitare, aut molitum aliquando aliquid putas; si Italiæ delectus, ut nonnulli conquisitores tui distitant, si hæc arma, si Capitolinæ cohortes, si 10 excubitz, si vigiliæ, si delecta Juventus. quæ tuum corpus domumque custodit, contra Milonis impetunt armata est, atque illa omnia in hunc unum instituta, parata, intenta sunt: magna in hoc certè vis, & incredibilis animus, & non unius viri 15 vires atque opes indicantur, si quidem in hunc unum & præstantissimus dux electus, & tota reipublica armata est. Sed quis non intelligit, omnes tibi reipublicæ parteis agras, & labantes, ut eas his armis sanares & confirmares, esse commissas. Quod si Miloni locus datus esset, probasset profectò tibi ipsi, neminem unquam hominem homini cariorem fuisse, quàm te tibi: nullum se unquam periculum pro tuâ dignitate fugisse: cum illâ ipsâ teterrimâ peste sæpissimè pro 25 tuâ gloriâ contendisse: tribunatum suum ad salutem meam, quæ tibi carissima fuisset, consiliis tuis gubernatum: sed à te postea defensum in periculo capitis, adjutum in petitione præturæ: duos se habere semper amicissimos sperâsse, te tuo 30 beneficio, me suo. Quæ si non probaret, si tibi irâ penitus infedisset ista suspicio, nullo ut evelli modo posset: si denique Italia à delectu, urbs ab armis, sine Milonis clade nunquam esset conquietura: nã iste haud dubitans cecisset patriâ; is, qui irâ natus est, & irâ consuevit, te, 35 Magne, tamen attestaretur; quod nunc etiam fa-

cit. Vide, quàm sit varia vitæ commutabilisque  
 ratio, quàm vaga volubilisque fortuna, quantæ  
 infidelitates in amicis, quàm ad tempus aptæ si-  
 mulationes, quantæ in periculis proximorum,  
 quantæ timiditates! Erit, erit illud profectò 5  
 tempus, & illucescet aliquando ille dies, cum tu  
 salutaribus ut spero, rebus tuis, sed fortasse mo-  
 tu aliquo communium temporum immutatus,  
 (qui quàm crebrò accidat, experti debemus  
 scire) & amicissimi benevolentiam, & gravissimi 10  
 hominis fidem, & unius post homines natos for-  
 tissimi viri magnitudinem animi desideres. Quan-  
 quam quis hoc credat, Cn. Pompeium juris pu-  
 blici, moris majorum, rei denique publicæ peri-  
 tissimum cum Senatus ei commiserit, ut videret, 15  
*ne quid respublica detrimenti caperet*, (quo uno  
 versiculo satis armati semper Consules fuerunt,  
 etiam nullis armis datis) hunc exercitu, hunc de-  
 lectu dato, iudicium expectaturum fuisse in ejus  
 consiliis vindicandis, qui vel iudicia ipsa tolleret? 20  
 factis iudicatum est à Pompeio, falsò ista conferri  
 in Milonem, qui legem tulit, quâ, ut ego sen-  
 tio, Milonem absolvi à vobis oporteret, ut omnes  
 consentirent, liceret. Quod verò in illo loco atque  
 in illis publicorum præsidiarum copiis circumfu- 25  
 sus sedet; satis declarat, se non terrorem inferre  
 vobis (quid enim illo minùs dignum quàm cogere,  
 ut vos eum condemnnetis, in quem animadver-  
 tere ipse, & more majorum, & suo jure posset)  
 sed præsidio esse: ut intelligatis, contra hester- 30  
 nam concionem illam licere vobis quòd sentiat, is,  
 liberè iudicare. Nec verò me, iudices, Clodia-  
 num crimen movet: nec tam sum demens, tam-  
 que vestri sensus ignarus, atque expers, ut ne-  
 sciam quid de mortè Clodii sentiat. De quâ 35  
 si jam nollem ita diluere crimen, ut dilui, tamen  
 impunè

PRO T. ANNIO MILONE. 221

impunè Miloni palàm clamare atque mentiri gloriosè liceret : Occidi, occidi, non Sp. Melium, qui, annonà levandà, iusturisque rei familiaris, quia nimis amplecti plebem putabatur, in suspitionem incidit regni appetendi : non Tiberium Gracchum, qui collegæ magistratum per seditionem abrogavit : quorum interfectores impleverunt orbem terrarum nominis sui glorià : sed eum (auderet enim dicere, cùm patriam periculo suo liberasset) cujus nefarium adulterium in pulvinaribus sanctissimis nobilissimæ fœminæ comprehenderunt : eum, cujus supplicio Senatus solennes religiones expiandas sæpe censuit : eum, quem cùm sorore germanâ nefarium stuprum fecisse L. Lucullus juratus, se, quæstionibus habitis, dixit comperisse : eum, qui civem quem Senatus, quem populus, quem omnes gentes, urbis ac vitæ civium conservatorem judicabant, servorum armis exterminavit : eum qui regna dedit, ademit ; orbem terrarum, quibuscum voluit, partitus est : eum, qui, pluribus sedibus in foro factis, singulari virtute & gloriâ civem, domum vi & armis compulit : eum, cui nihil unquam nefas fuit nec in facinore, nec in libidine : eum, qui ædem Nympharum incendit, ut memoriam publicæ refectionis tabulis publicis impressam extingueret : eum, denique, cui jam nulla lex erat, nullum civile jus, nulli possessionum termini, qui non calumniâ litium, non injustis vindictis ac sacramentis alienos fundos, sed castris, exercitu, signis inferendis, pœtebat : qui non solùm Etrascos (eos enim penitens contempserat) sed hunc Cn. Pompeium, virum fortissimum, atque optimum civem iudicem nostrum pellere possessionibus, armis castrisque conatus est : qui cum architectis & decempedis villas multorum hortosque peragra-

bar: qui janiculo & Alpibus spem possessionum  
 terminabat suarum: qui cū ab equite Romano,  
 splendidissimo & forti viro, T. Paciano, non im-  
 petrasset, ut insulam in lacu pretio venderet,  
 repente lintribus in eam insulam materiam, cal- 5  
 cem; camenta atque \* arenam convexit; Domi-  
 nōque trans ripam inspectante, non dubitavit  
 ædificium extruere in alieno: qui huic T. Furfanio,  
 (cui viro, dii immortales! quid enim de mulier-  
 culā Sanctiā, quid de adolescente Apronio, di- 10  
 cam? quorum utrique mortem est minitatus, nisi  
 sibi horrorum possessione cessisset) sed ausus est  
 Furfanio dicere, si sibi pecuniam, quantam po-  
 poscerat, non dedisset, mortuum se in domum  
 ejus illaturum; quā invidiā huic esset tali viro 15  
 conflagrandum: qui Appium fratrem, hominem  
 mihi conjunctum fidelissimā gratiā, absentem de  
 possessione fundi dejecit; qui parietem sic per  
 vestibulum sororis instituit ducere, sic agere fun-  
 damenta, ut sororem non modò vestibulo priva- 20  
 ret, sed omni aditu & \*limine. Quanquam hæc  
 quidem jam tolerabilia videbantur: et si æquabi-  
 liter in rempublicam, in privatos, in longinquos,  
 in propinquos, in alienos, in suos irruebat; sed  
 nescio quomodo jam usu obduruerat, & percal- 25  
 luerat, civitatis incredibilis patientia. Quæ verò  
 aderant jam, & impendebant, quonam modo  
 ea aut depellere potuissetis, aut ferre imperium,  
 si id ille nactus esset? Omitto socios, exteras  
 nationes, reges, tetrarchas. Vota enim fecera- 30  
 tis, ut in eos se potiùs \* mitteret quàm in ve-  
 stras possessiones, vestra tecta, vestras pecunias:  
 \* pecunias dico? à liberis medius fidius, ac con-  
 jugibus vestris, nunquam ille effrænatas suas libi-  
 dines cohibuisset. Fingi hæc putatis, quæ patent, quæ 35  
 nota sunt omnibus, quæ tenentur? fervorum ex-  
 ercitus

PRO T. ANNIO MILONE. 223

erchitus illum in urbe conscripturum fuisse, per quos totam rempublicam resque privatas omnium possideret? Quamobrem, si cruentum gladium tenens clamaret T. Annius, Adeste, quæso, atque  
5 audite cives, P. Clodium interfeci: ejus furores, quos nullis jam legibus, nullis judiciis frænare poteramus, hoc ferro & hac dextrâ à cervicibus vestris repuli: & per me unum \* effectum est, ut  
10 jus, æquitas, leges, libertas, pudor, pudicitia in civitate manerent: \* Enimverò timendum quonam modo id \* factum ferret civitas. Nunc enim quis est, qui non probet? qui non laudet? qui non unum post hominum memoriam T. Annium plurimum reipublicæ profuisse, maximâ lætitiâ  
15 populum Romanum, cunctam Italiam, nationes omnes affecisse & dicat, & sentiat? \* Nequeo vetera illa populi Romani, quanta fuerint gaudia, indicare: multas tamen jam summorum imperatorum clarissimas victorias ætas nostra vidit, quarum nulla neque tam diuturnam attulit lætitiâ,  
20 nec tantam. Mandate hoc memoriæ, judices: spero, multa vos liberosque vestros, in republicâ bonâ esse visuros. In his singulis ita semper existimabitis, vivo P. Clodio, nihil horum vos visuros fuisse. In spem maximam, & quemadmodum confido, verissimam, adlucti sumus, hunc ipsum annum, hoc summo viro Consule, compressâ  
25 hominum licentiâ, cupiditatibus fractis, legibus & judiciis constitutis, salutarem civitati fore. Num quis igitur est tam demens, qui, hoc P. Clodio vivo, contingere potuisse arbitretur? Quid? ea, quæ tenetis, privata, atque vestra, dominante homine furioso, quod jus perpetuæ possessionis habere potuissent? Non timeo, judices, nè odio  
35 inimicitiarum mearum inflammatum, libentiùs hæc in illum evomere videar, quam veriùs. Etenim  
etfi



et si præcipuum esse debebat, tamen ita commu-  
 nis erat omnium ille hostis, ut in communi odio  
 pænè æqualiter versaretur odium meum. Non po-  
 test dici satis, ne cogitari quidem, quantum in illo  
 sceleris, quantum exitii fuerit. Quin sic attendite, 5  
 iudices, nempe hæc est quæstio de interitu P. Clo-  
 dii. Fingite animis: liberæ enim sunt cogitatio-  
 nes nostræ, & quæ volunt, sic intuentur, ut ea  
 cernimus, quæ videmus. Fingite igitur cogitatione  
 imaginem hujus conditionis meæ; si possem effi- 10  
 cere, ut Milonem absolvatis: sed ita si P. Clodius  
 revixerit. Quid vultu extimuiſtis? quonam mo-  
 do ille vos vivus afficeret, qui mortuus inani co-  
 gitatione percussit? Quid? si ipse Cn. Pompeius,  
 qui eâ virtute ac sapientia est, ut ea potuerit 15  
 semper, quæ nemo præter illum; si is, inquam,  
 potuisset, ut, quæstionem de morte P. Clodii  
 ferre, sic ipsum ab inferis excitare: utrum puta-  
 tis facturum fuisse? etiam si propter amicitiam  
 vellet illum ab inferis revocare, propter rempu- 20  
 blicam non fecisset. Ejus igitur mortis sedetis  
 ultores, cujus vitam, si putetis per vos restitui  
 posse, nolitis: & de ejus nece lata quæstio est, qui  
 si eâdem lege reviviscere posset, lata lex nunquam  
 esset. Hujus ergo interfector non esset etiam con- 25  
 fitendo ab iis impetraturus, nè pœnam timeret,  
 quos liberavisset? Græci homines deorum hono-  
 res tribuunt iis viris, qui tyrannos necaverunt.  
 Quæ ego vidi Athenis? quæ aliis in urbibus Græ-  
 ciæ? quas res divinas talibus institutas viris? 30  
 quos cantus? quæ carmina? propè ad immortalitatem,  
 & religionem, & memoriam consecrantur.  
 Vos tanti conservatorem populi; tanti sceleris  
 ultorem non modò honoribus nullis afficietis, sed  
 ad supplicium rapi etiam patiemini? Confite- 35  
 reur, confiteretur, inquam, si fecisset, & magno  
 animo,

PRO T. ANNIO MILONE. 225

animo, & libenter, se fecisse libertatis omnium  
causâ: quod ei certè non confitendum modò  
fuiſſet, verùm etiam prædicandum. Etenim si id  
non negat, ex quo nihil petit, nisi ut ignoscatur;  
5 dubitaret id fateri, ex quo etiam præmia laudis  
essent petenda? nisi verò gratius putat esse vobis,  
sui se capitis, quàm vestri ordinis defensorem  
fuisse: cùm præsertim in eâ confessione, si grati  
esse velletis, honores assequeretur amplissimos:  
10 sin factum vobis non probaretur? (quanquam qui  
poterat salus sua cuique non probari?) Sed tamen  
si minùs fortissimi viri virtus civibus grata cecidisset,  
magno animo constantique cederet ex ingrata  
civitate. Nam quid esset ingratus, quàm lætari  
15 cæteros, lugere eum solum, propter quem cæteri  
lætarentur? Quanquam hoc animo semper omnes  
fuimus in patriæ proditoribus opprimendis, ut,  
quoniam nostra futura esset gloria, periculum quo-  
que, & invidiam nostram putaremus: nam quæ mi-  
20 hi contribuenda laus esset ipsi, cùm tantum in  
Consulatu meo pro vobis ac liberis vestris ausus  
essem, si id, quòd conabar, sine maximis dimica-  
tionibus meis me esse ausurum arbitrarer? quæ mu-  
lier sceleratum ac perniciosum civem occidere non  
25 auderet, si periculum non timeret? Propositâ in-  
vidiâ, morte, poenâ, qui nihilo segniùs rempu-  
blicam defendit, is vir verè putandus est. Populi  
grati est, præmiis afficere bene-meritos de repu-  
blicâ cives: viri fortis nè suppliciis quidem move-  
30 ri, ut fortiter fecisse poeniteat. Quamobrem ute-  
retur eâdem confessione T. Annius, quâ Ahala, quâ  
Nassica, quâ Opimius, quâ Marius, quâ nosmetipsi:  
& si grata respublica esset, lætaretur: si ingrata,  
tamen in gravi fortunâ, conscientiam suam niteretur.  
35 Sed huius beneficii gratiam, iudices, fortuna po-  
puli Romani, & vestra felicitas, & dii immortales  
sibi

sibi deberi putant. Nec verò quisquam aliter arbitri potest, nisi qui nullam vim cœlestem existimat numenve divinum : quem neque imperii vestri magnitudo, neque sol ille, nec cœli & signorum motus, nec vicissitudines rerum atque ordines movent; neque id, quod maximum est, majorum nostrorum sapientia; qui sacra, qui ceremonias, qui auspicia & ipsi sanctissimè coluerunt, & nobis suis posteris prodiderunt. Est, est profectò illa vis : neque in his corporibus atque in hac imbecillitate nostrâ inest quiddam, quod vigeat, & sentiat, & non inest in hoc tanto naturæ tam præclara motu nisi fortè idcirco esse non putant, quia non apparet, nec cernitur; perinde quasi nostram ipsam mentem, quâ sapimus, quâ providemus, quâ hæc ipsa agimus, ac dicimus, videre aut planè qualis, aut ubi sit, sentire possimus. Ea vis, ea est igitur, quæ sæpe incredibiles huic urbi felicitates atque opes attulit? quæ illam perniciem extinxit ac sustulit: cui primùm mentem injecit, ut vi irritare, ferro- que laceßere fortissimum virum auderet, vincereturque ab eo, quem si vicisset, habiturus esset impunitatem & licentiam sempiternam. Non est humano cōcilio, ne mediocri quidem, iudices, deorum immortalium curâ, res illa perfecta: religio- nes meherculè ipsæ, aræque cùm illam belluam cadere viderunt, commovisse se videntur, & jus in illo suum retinuisse. Vos enim Albani tumuli, atque luci, vos, inquam, imploro, atque obtestor, vósque Albanorum obrutæ aræ, sacrorum populi Romani sociæ, & æquales, quas ille præceps amentia, cæsis, prostratisque sanctissimis lucis, substructionum insanis molibus oppresserat, vestra tum aræ, vestrae religiones vigerunt, vestra vis valuit, quam ille omni scelere polluerat: tūque, ex tuo edito monte, Latialis, sancte Jupiter, cujus ille lucus, nemora, finesque

finēsq; sæpe omni nefario stupro & scelere macularēt, aliquando, ad eum puniendum oculos aperuisti : vobis illæ, vobis vestro in conspectu seræ, sed justæ tamen, & debitæ pœnæ solutæ sunt. Nisi fortè  
5 hoc etiam casu factum esse dicimus, ut ante ipsum sacrarium Bonæ deæ, quod est in fundo T. Sexti Galli, in primis honesti & ornati adolescentis, ante ipsam, inquam Bonam deam, cum prælium commisisset, primam illud vulnus acceperit,  
10 quo teterrimam mortem obiret : ut non absolutus iudicio illo nefario videretur, sed ad hanc insignem pœnam reservatus. Nec verò non eadem ira deorum hanc ejus satellitibus injecit amentiam, ut sine imaginibus, sine cantu, sine ludis, sine  
15 exequiis, sine lamentis, sine laudationibus, sine funere, oblitus cruore & luto, spoliatus illius supremi diei celebritate, quam concedere etiam inimici solent, ambureretur, etiam abjectus. Non fuisse credo fas clarissimorum virorum formas illi  
20 teterrimo parricidæ aliquid decoris afferre ; neque ullo in loco potius mortem ejus lacerari, quam in quo vita esset damnata. Dura mihi medius fidijs jam fortuna populi Romani & crudelis videbatur, quæ tot annos illum in hanc rempublicam  
25 insultare videret & pateretur : polluerat stupro sanctissimas religiones : Senatûs gravissima decreta perfregerat : pecuniâ se palam à iudicibus redemerat : vexarat in tribunatu Senatum : omnium ordinum consensu pro salute reipublicæ gesta resciderat : me patriâ expulerat ; bona diripuerat,  
30 domum incenderat, liberos, conjugem meam vexaverat : Cneo Pompeio nefarium bellum indixerat : magistratuum privatorumque cædes effecerat : domum mei fratris incenderat : vastarat Etruriam : multos sedibus ac fortunis ejecerat : instabat, urgebat : capere ejus amentiam civitas, Italia,

lia, provinciæ, regna non poterant. Incidebantur jam domi leges, quæ nos nostris servis addicerent: nihil erat cuiusquam, quod quidem ille adamasset, quod non hoc anno suum fore putaret. Obstabat ejus cogitationibus nemo, præter Milonem illum ipsum, qui poterat obstare: Cn. Pompeium novo reditu in gratiam quasi devinctum arbitrabatur: Cæsaris potentiam, suam potentiam esse dicebat: bonorum animos etiam in meo casu contempserat: Milo unus urgebat. Hic, dii immortales, ut supra dixi, mentem dederunt illi perditio, ac furioso, ut huic faceret insidias: aliter perire pestis illa non potuit. Nunquam illum respublica suo jure esset ultra. Senatus, credo, prætorem eum circumscripsisset. Nec cum solebat quidem id facere in privato eodem hoc, aliquid profecerat. An Consules in prætore coercendo fortes fuissent? primum, Milone occiso, habuisset suos Consules: Deinde, quis in eo prætore Consul fortis esset, per quem tribunum, virum Consularem, crudeilissime necatum esse meminisset? omnia possideret, teneret lege novâ, quæ est inventa apud eum cum reliquis legibus Clodianis: servos nostros libertos suos fecisset. Postremò, nisi eum dii immortales in eam mentem impulissent, ut homo effœminatus fortissimum virum conaretur occidere, hodie rempublicam nullam haberetis. An ille Prætor, ille verò Consul, si modò hæc templa atque ipsi mœnia stare, eo vivo, tamdiu, & Consulatum ejus expectare potuissent, ille denique vivus, mali nihil fecisset, qui mortuus, uno ex suis satellitibus Sext. Clodio duce, curiam incenderit? quo quid miserius, quid acerbius, quid luctuosius vidimus? templum sanctitatis, amplitudinis, mentis, consilii publici, caput urbis, aram sociorum, portum omnium gentium, sedem

PRO T. ANNIO MILONE. 229

ab universo populo Romano concessam uni ordini inflammari, excindi, funestari? neque id fieri à multitudine imperitâ, (quanquam esset miserum id ipsum) sed ab uno, qui, cum tantum ausus sit ultor pro mortuo, quid signifer pro vivo non esset ausus? In curiam potissimum abiecit, ut eam mortuus incenderet, quam vivus everterat: & sunt qui de viâ Appiâ quærantur, taceant de curiâ: Ecquandô ab eo spirante forum potuisset defendi, cujus non restiterit cadaveri curia? Excitate, excitate eum, si potestis, ab inferis: frangetis impetum vivi, cujus vix sustinetis furias insepulti? nisi verò sustinuistis ecs, qui cum falcibus ad Castoris, cum gladiis toto foro volitârunt. Cædi vidistis populum Romanum, concionem gladiis disturbari, cum audiretur silentio M. Coelius tribunus plebis, vir fortissimus, & in susceptâ causâ firmissimus, & bonorum voluntati & auctoritati Senatûs deditus, & in hac Milonis sive invidiâ, sive fortunâ singulari, divinâ, & incredibili fide. Sed jam satis multa de causâ, extra causam etiam nimis fortasse multa. Quid restat? nisi ut orem, obtestêrque vos, iudices, ut eam misericordiam tribuatis fortissimo viro, quam ipse non implorat: ego autem, repugnantē hoc, & imploro, & exposco. Nolite, si in nostro omnium fletu nullam lacrymam aspexistis Milonis, si vultum semper eundem, si vocem, si orationem stabilem ac non mutatam videris, hoc minùs ei parcere: atqui haud scio, an multò etiam sit adjuvandus magis. Etenim, si in gladiatoris pugnis, & infimi generis hominum conditione atque fortunâ, timidos, & supplices, & ut vivere liceat, obsecrantes, etiam odisse solemus; fortes, & animosos, & se acriter ipsi morti offerentes, servare cupimus, eorûmque nos magis miseret, qui nostram misericordiam non requirunt, quàm qui illam efflagitant: quanto

quanto hoc magis in fortissimis civibus facere debemus? Me quidem, Iudices, exanimant & interimunt hæ voces Milonis, quas audio assidue, & quibus intersum quotidie: valeant, inquit, valeant cives mei: sint incolumes, sint florentes, sint beati: stet hæc urbs præclara, mihi que patria carissima, quoquo modo merita de me erit. Tranquillâ republicâ cives mei (quoniam mihi cum illis non licet) sine me ipsi, sed per me tamen, perfruantur. Ego cedam, atque abibo, si mihi republicâ bonâ frui non licuerit; at carebo malâ: & quamprimum tetigero benè moratam & liberam civitatem, in eâ conquiescam. O frustra, inquit, suscepti mei labores! O spes fallaces! O cogitationes inanes meæ! ego cum tribunus plebis, republicâ oppressâ, me Senatui dedissem, quem extinctum acceperam; equitibus Romanis, quorum vires erant debiles; bonis viris, qui omnem auctoritatem Clodianis armis abiecerant: mihi unquam bonorum præsidium defuturum putarem? ego cum te (mecum enim sapissimè loquitur) patriæ redidissem mihi non futurum in patriâ putarem locum? Ubi nunc Senatus est, quem secuti sumus? ubi equites Romani illi, illi, inquit tui? ubi studia municipiorum? ubi Italiæ voces? ubi denique tua, M. Tullii, quæ plurimis fuit auxilio vox, & defensio? mihi que ea soli, qui pro te toties morti me obtuli, nihil potest opitulari? Nec verò hæc Iudices, ut ego nunc, flens, sed hoc eodem loquitur vultu, quo videtis. Negat enim se, negat ingratis civibus fecisse, quæ fecit: timidus, & omnia circumspicientibus pericula, non negat. Plebem, & infimam multitudinem, quæ, P. Clodio duce, fortunæ vestris imminebat, eam quò tutior esset vita vestra, suam se fecisse commemorat, ut non modò virtute flecteret, sed etiam tribus suis patrimoniis delinret:



PRO T. ANNIO MILONE. 231

ret: nec timet, nè, cum plebem muneribus placā-  
rit, vos non conciliārit meritis in rempublicam  
singularibus. Senatūs erga se benevolentiam tem-  
poribus his ipsis sæpe esse perspectam: vestras raro,  
5 & vestrorum ordinum occursationes, studia, ser-  
mones, quemcumque cursum fortuna dederit se-  
cum se ablaturum esse dicit. Meminit etiam sibi  
vocem præconis modò defuisse, quam minimè  
desiderārit: populi verò cunctis suffragiis, quod  
10 unum cupierit, se Consulem declaratum: nunc  
denique, si hæc arma contra se sint futura, sibi faci-  
noris suspicionem, non facti crimen ob stare. Addit  
hæc, quæ certè vera sunt, fortes & sapientes viros  
non tam præmia sequi solere rectè factorum, quàm  
15 ipsa rectè facta: se nihil in vitâ, nisi præclarissimè,  
fecisse; siquidem nihil sit præstabilius viro, quàm  
periculis patriam liberare: beatos esse, quibus ea  
res honori fuerit à suis civibus: nec tamen eos  
miseros, qui beneficio cives suos vicerint. Sed  
20 tamen ex omnibus præmiis virtutis, si esset habenda  
ratio præmiorum, amplissimum esse præmium,  
gloriam: esse hanc unam quæ brevitatem vitæ  
posteritatis memoriâ consolaretur: quæ efficeret,  
ut absentes adessemus, mortui viveremus: hanc  
25 denique esse, cujus gradibus etiam homines in  
cælum videantur ascendere. De me, inquit, semper  
populus Romanus, semper omnes gentes loquen-  
tur, nulla unquam obmutescet vetustas. Quin hæc  
tempore ipso, cùm omnes à meis inimicis faces in-  
30 vidia meæ subjiciantur: tamen omni in hominum  
coetu gratiis agendis, & gratulationibus habendis,  
& omni sermone celebratur. Omitto Etruriæ  
festos, & actos, & institutos dies: centesima lux est  
hæc ab interitu P. Clodii, & ut opinor, ultra quàm  
35 fines imperii populi Romani sunt, non solùm fama  
jam de illo, sed etiam lætitia peragravit. Quamob-  
rem

rem ubi corpus hoc sit, non, inquit, laboro, quoniam omnibus in terris & jam versatur, & semper habitabit nominis mei gloria. Hæc tu mecum sæpe his absentibus: sed iisdem audientibus, hæc ego tecum, Milo. Te quidem, quod isto animo es, satis laudare non possum: sed quo est ista magis divina virtus, eò maiore à te dolore divellor. Nec verò, si mihi eriperis, reliqua est illa tamen ad consolandum querela, ut his irasci possim, quibus tantum vulnus accipero. Non enim inimici mei te mihi eripient, sed amicissimi: non malè aliquando de me meriti, sed semper optimè. Nullum unquam, iudices, mihi tantum dolorem inuretis; (etsi, quis potest esse tantus?) Sed ne hunc quidem ipsum ut obliviscar quanti me semper feceritis; quæ si vos cepit oblivio, aut in me aliquid offenderitis, cur non id meo capite potius luitur, quàm Milonis? Præclare enim vixero, si quid mihi acciderit prius, quàm hoc tantum mali videro. Nunc me una consolatio sustentat, quodd tibi, O T. Anni, nullum à me amoris, nullum studii, nullum pietatis officium defuit. Ego inimicitias potentium pro te appetivi: ego meum sæpe corpus & vitam objeci armis inimicorum tuorum: ego me plurimis pro te supplicem abjeci: bona, fortunas meas ac liberorum meorum in communionem tuorum temporum contuli: hoc denique ipso die, si qua vis est parata, si qua dimicatio capitis futura, deponco. Quid jam restat? quid habeo, quod dicam, quod faciam pro tuis in me meritis, nisi ut eam fortunam, quæcunque erit tua, ducam meam? Non recuso, non abnuo; vosque obsecro iudices, ut vestra beneficia quæ in me contulistis, aut in hujus salute augeatis, aut in ejusdem exitio occasura esse jubeatur. His lacrymis non movetur Milo; est quoddam incredibili robore animi septus. Exilium ibi esse

PRO T. ANNIO MILONE. 233

esse putat, ubi virtuti non sit locus: mortem naturæ finem esse, non poenam. Sed hic eâ mente quâ natus est: quid vos, iudices? quo tandem animo eritis? memoriam Milonis retinebitis, ipsum ejicietis? & erit dignior locus in terris ullus, qui hanc virtutem excipiat, quàm hic, qui procreavit? Vos, vos appello, fortissimi viri, qui multum pro republicâ sanguinem effudistis: vos in viri, & in civis invicti appello periculo, centuriones, vosque milites: 10 vobis non modò inspectantibus, sed etiam armatis, & huic iudicio præsidentibus, hæc tanta virtus ex hac urbe expelletur? exterminabitur? ejicietur? O me miserum! O me infelicem! revocare tu me in patriam, Milo, potuisti per hos; ego te in patriâ 15 per eosdem retinere non potero? Quid respondebo liberis meis, qui te parentem alterum putant? quid tibi, Q. Frater, qui nunc abes, consorti mecum temporum illorum? me non potuisse Milonis salutem tueri per eosdem, per quos nostram 20 ille servâset? at in quâ causâ non potuisse? quæ est grata gentibus: à quibus non potuisse? ab iis, qui maximè P. Clodii mortē acquieverunt. Quo deprecante? me. Quòdnam concepi tantum scelus? aut quod in me tantum facinus admisi, iudices, cum illa 25 indicia communis exitii indagavi, patefeci, protuli, exstingi? omnes in me meosque redundant ex illo fonte dolores. Quid me reducem esse voluistis? an ut, inspectante me, expellerentur ii, per quos essem restitutus? Nolite, obsecro, vos pati mihi 30 acerbiorē reditum esse, quàm fuerit ille ipse discessus. Nam quî possum putare me restitutum esse, si distrahor ab iis, per quos restitutus sum? Utinam dii immortales fecissent (pace tuâ, patria, dixerim: metuo enim, nè sceleratè dicam in te quod 35 pro Milone dicam piè) ut P. Clodius non modò viveret, sed etiam prætor, Consul, Dictator esset, antequam

tequam hoc spectaculum viderem. O dii immortales! fortem, & à vobis, iudices, conservandum virum. Minimè, minimè, inquit; immò verò poenas ille debitas luerit: nos subeamus, si ità necesse est, non debitas. Hiccine vir patriæ natus, usquam nisi in patriâ morietur? aut, si fortè pro patriâ, hujus vos animi monumenta retinebitis, corporis in Italiâ nullum sepulchrum esse patiemini? hunc suâ quisquam sententiâ ex hac urbe expellet, quem omnes urbes expulsam à vobis ad se vocabunt? O terram illam beatam, quæ hunc virum exceperit: hanc ingratam, si ejecerit: miseram, si amiserit. Sed finis sit. Neque enim præ lacrymis jam loqui possum; & hic se lacrymis defendi vetat. Vos oro, obtestorque, iudices, ut in sententiis ferendis, quod sentietis, id audeatis. Vestram virtutem, justitiam, fidem (mihi credite) is maximè probabit, qui in iudiciis legendis optimum & sapientissimum quemque legit.

20

M. Fabii Quintiliani  
De C I C E R O N E Iudicium.

Lib. 10. Institut. Orat. Cap. 1.

25

10 — **O**Ratores verò vel præcipuè Latinam Eloquentiam parem facere Græcæ possunt. Nam Ciceronem cuicumque eorum fortiter opposuerim: Nec ignoro quantam mihi concitem pugnam, eum præsertim id non sit propositi ut eum Demostheni comparem hoc tempore: neque enim attinet; cùm Demosthenem imprimis legendum, vel ediscendum potius putem. Quorum ego virtutes plerasque arbitror similes, consilium, ordinem dividendi, præparandi, probandi rationem, omnia denique

35


denique, quæ sunt inventionis. In eloquendo est aliqua diversitas; densior ille, hic copiosior: ille concludit adstrictius, hic latius pugnat: ille acumine semper, hic frequenter, & pondere: illi nihil detrahi potest, huic nihil adjici: curæ plus in illo, in hoc naturæ. Salibus certè, & commiseratione (qui duo plurimum affectus valent) vincimus. Et fortasse epilogos illi mos civitatis abstulerit: sed & nobis illa quæ Attici mirantur, diversa Latini sermonis ratio minùs permiserit. In epistolis quidem, quanquam sint utriusque, nulla contentio est. Cedendum verò in hoc quidem, quòd ille & prior fuit, & ex magnâ parte Cicero- nem, quantus est, fecit: nam mihi videtur M. Tullius cum se totum ad imitationem Græcorum contulisset, effinxisse vim Demosthenis, copiam Platonis, jucunditatem Isocratis. Nec verò quod in quoque optimum fuit, studio consecutus est tantum; sed plurimas, vel potius omnes ex se ipso virtutes extulit immortalis ingenii beatissimâ ubertate. Non enim pluvias (ut ait Pindarus) aquas colligit, sed vivo gurgite exundat: dono quodam providentiæ genitus, in quo totas vires suas eloquentia experiretur. Nam quis docere diligentius, movere vehementius potest? cui tanta unquam jucunditas affluit, ut ipsa illa quæ extorquet, impetrare eum credas, & eum transversum vi suâ judicem ferat, tamen ille non rapi videatur, sed sequi. Jam in omnibus quæ dicit, tanta autoritas inest, ut dissentire pudeat; nec advocati studium, sed testis aut judicis afferat fidem. Tum interim hæc omnia, quæ vix singula quisquam intentissimâ curâ consequi posset, fluunt illaborata: & illa, quâ nihil pulchrius auditu est, oratio, præ se fert tamen felicissimam facilitatem. Quare non immeritò ab hominibus ætatis suæ regnare in judiciis dictus.

dictus est: apud posteros verò id consecutus, ut Cicero jam non hominis, sed eloquentiæ nomen habeatur. Hunc igitur spectemus: hoc propositum nobis sit exemplum. Ille se profecisse sciat, cui Cicero valdè placebit.

---

*Orationum Selectarum Index.*

- I. **P**RO ARCHIA POETA, *qua habita est*  
Cic. anno U.C. 629. *Æt. an. 46.* M. Pupio  
Pisone, & M. Æmilio Valerio, Massala,  
COSS. Pag. 1
- II. Pro M. MARCELLO, *habita an. U. C. 707.*  
*Æt. an. 61.* C. Julio Cæsare, & M. Æmilio  
Lepido, COSS. 15
- III. Pro Q. LIGARIO, *habita anno U.C. 707. Æt.*  
*an. 61.* C. Julio Cæsare & M. Æmilio Lepido,  
COSS. 27
- IV. Pro REGE DEIOTARO, *an. U.C. 708.* Caius  
Julio Cæsare III. Dictatore, & IV. COSS. *sine*  
*Collega, Æt. an. 62.* 42
- V. VI. VII. VIII. 1, 2, 3, 4 in CATILINAM,  
*an. U. C. 690.* M. Tullio Cicerone, & M. An-  
tonio COSS. *Æt. an. 44.* 59, 75, 88, 102
- IX. Philippica II. in MARC. ANTONIUM,  
*an. U. C. 709.* Caius Julio Cæsare V. & M.  
Antonio, COSS. *Æt. an. 63.* 115
- XI. Pro LEGE MANILIA, *an. U. C. 687.* M.  
Æmilio Lepido, & L. Volcatio Tullo, COSS.  
*Æt. an. 41.* 162
- XII. Pro T. ANNIO MILONE, *an. U. C. 701.*  
Cn. POMPEIO Magno III. COSS. *sine Collega,*  
*Æt. an. 61.* 191



Beed le olim fuit.  
veteris possessor huius libri  
sed nunc E. Stubbs est.

---